



# ঢেউয়ের পর ঢেউ



কাত্যায়নী বুক ষ্টল  
২০৩ কর্নোয়ালিস ষ্ট্রীট  
কলিকাতা

প্রকাশক-শ্রীমদীন্দ্র চন্দ্র সেন  
 বাতামনি বুক ষ্টল  
 ১৩৩ কলিকাতা-১১ শ্রীচিৎরামবাজার

প্রিন্টার-শ্রীগোবর্দ্ধন মণ্ডল  
 আমেরিকান প্রিন্টিং ওয়ার্কস  
 • ২৭, কলকাতা-১১, কলিকাতা •

প্রথম সংস্কর্

জ্যৈষ্ঠ, ১৩৪১



গ্রন্থকারের অনেক বইয়ের মধ্যে কয়েকখানি :

উপভাস :

তুমি আর আমি

তৃতীয় নয়ন

প্রচ্ছদ-পট

আসমুদ্র

গল্প :

অকাল বসন্ত

কদ্রের আবির্ভাব

সঙ্কেতময়ী

নায়ক-নায়িকা

ঢেউয়ের পর ঢেউ



## এক

অবশেষে অভিভাবকেবা ঠিক করলেন, মহীপতির বিয়ে দিতে হ'বে।

বিয়েই হচ্ছে অকাটা মহৌষধ—শিবনেত্র শুধু প্রকৃতিস্থ হ'বে না, তাতে নেশার ঘোব লাগবে। আর মৃত্যুর পর পুনরারম্ভের রহস্যের চেয়ে মরদেহের রহস্য-সন্ধিসাই হ'বে প্রবলতম। নিজ্জীব এঁর টুকরো পাথরের চেয়ে একটি জীবন্ত, প্রাণপূর্ণ মানুষের দাবি হয়তো অনেক বেশি।

আর, সভ্যতার লক্ষণই হচ্ছে নিষিদ্ধবাদ স্বার্থপরতা। অতএব বিয়ে করলেই মহীপতি পুরোদস্তুর সভ্য বনে' যাবে। দারিদ্র্যবোধের তীব্রতায় সে হ'য়ে উঠবে স্বর্গার, সরল—এক কথা, স্বাভাবিক হওয়াটাই জীবনের প্রকৃষ্ট ক্রান্তিমত। সেই অর্থে বিয়ে-ব্যাপারটা জীবনের একটা কৃত্রিম অঙ্গরাগ। এই সব ও এর অনুসারী আনুমানিক যুক্তিতে ভর করে' অভিভাবকেবা মহীপতির জন্তে পাত্রী ঠিক করে' এলেন।

ছেলেবেলা থেকেই মহীপতি বাউঙুলে, সগেসি-ঘেঁষা। যে-বয়সে ছেলেরা স্কাউট হ'য়ে দৌড়-ঝাঁপ করে, সেই বয়স থেকেই ও বেদান্ত মিশনের চাই। বিকেলবেলা সবাই গেছে দল বেঁধে গোল্লা-ছুট খেলতে, ও একা চলে' এসেছে শ্মশানঘাটে, সিঁড়ির শেষ ধাপে বসে' নদীর

## চেউয়ের পর চেউ

জলে পা ডুবিয়ে পশ্চিম-আকাশে সূর্যের চিতারোহণ দেখছে। ছেলে-বেলা থেকেই ওর মুখে একটি বৈরাগ্যের লাবণ্য, ব্যবহারে নীরব নির্লিপ্ততা। কোথায় কোন সন্দেশি এলো, মহীপতি চললো তার ডেরায় : তাকে মস্ত দাও, আসন শেখাও, অমনি নিরাবলম্ব, নিয়ন্ত্রণ করে' তোলো। দুই চোখে মহীপতির যেন কোন দুর্গম, দুর্ধিগম্য জগতের প্রতি জলন্ত জিজ্ঞাসা !

স্বভাবে অত্যন্ত চাপা, সবাইর থেকে আলাদা, কোনোকিছুতে মহীপতির কণামাত্র স্পৃহা নেই। মাছ-মাংস তো খায়ই না, শরীর-রক্ষার জন্ত শস্ত্রেরো প্রাণহানি করা সম্ভব হ'বে কি না সে-সম্বন্ধেও তার মনে প্রশ্ন উঠেছে। একমাত্র বায়ুভুক্ত হ'য়ে বাঁচবার সাধনায় সে এখনো অনেক দূর পিছিয়ে আছে—তবে শরীর যদি না-ই অটুট থাকতো, তাকে আত্মায় অতিক্রম করবার কোনোই মানে হয় না বলে, তবু দু'বেলা দু'টি সে ভাত খায়। লোকে নইলে নেহাৎ পাগল বলবে বলে' গায়ে সে কোনো রকমে একটা কাপড় রাখে। এক কথায় সহপাঠীদের কাছে সে সচ্চরিত্রতার মূর্তিমান উদাহরণ—বিলাস-বর্জনের উৎকট প্রতিজ্ঞা। গলায় মোটা একগাছি সাদা পৈতে, পায়ে খড়ম, গায়ে এক টুকরো এলো উত্তরী—মহীপতি যেন নির্ধূম বহিরেখা। চুলের নিভাঁজ কদম-ফুলি ছাঁট, বেশের স্বল্পতা ও ব্যবহারের কঠোর আবেগহীনতা তাকে সকলের চোখে সর্বিশেষ করে' তুলেছিলো। মরে' গেলেও সে মিথ্যা বলবে না, যখন যা করবে বলবে তখন তা সে করবেই—এই সব উদ্ধৃত দুষ্কর্মাচারের জন্তে সবাই তাকে সমিহ করে' চলতো। তার চরিত্রের দীপ্তি যেন বহিরঙ্গের উপরেও বিচ্ছুরিত হ'য়ে পড়ছে।

## টেউয়ের পর টেউ

কিন্তু উৎপাত জুটলো তার অতিথিগ্রহণতার হুঃসহ প্রাৰল্যে ।  
পুটাকে চারিত্রিক দীপ্তি বলে' কেউ আর বিশেষ মানতে চাইলো না,  
জ্বাৰলে একটা ব্যাধি । তার নিরাকরণের উপায় বা'র করতে সবাই  
ইপিয়ে উঠলো । আজকাল সে কালেজি লেখা-পড়া ছেড়ে কীৰ্ত্তনের  
দলে ভিড়েছে, খোলে টাটি মেরে গৌরচন্দ্রিকা তাঁজবার বেলায়ই সে দশায়  
পড়ে । নিজের একলা থাকবার ঘরের দেয়াল-মেঝে সে ছবিতে-মূৰ্ত্তিতে  
প্রায় একটা পটুয়ার দোকান করে' তুলেছে : পূজার কোনো উপসর্গ-  
উপকরণই সেখানে বাদ পড়ে নি । জ্বালায় ধুনো, পড়ে স্তোত্র, ঝিনুকের  
উপর ফোঁটা ফেলে রঙচঙে মোমবাতি বসিয়ে দেব-দেবীর আৰতি  
করতে পর্য্যন্ত ছাড়ে না । ঘরে একবার ঢুকলে তাকে বা'র করে'  
আনা পরিবারের পক্ষে ভীষণ এক সমস্যা হ'য়ে ওঠে—কোথো সময়ে  
ফাঁক পেয়ে একলা একটু থাকলেই সে মূৰ্ত্তির সামনে ব্যায়ামে' বসে'  
গেছে । তুমি কুন্তকর্ণের ঘুম ভাঙাতে পারো, কিন্তু যে-লোক জেগে  
চোখ বুজে বসে' থাকে, তাকে সাধ্যি কি তুমি টলাও ! কখনই বা স্নান  
করতে যায়, কে-ই বা তার জন্তে ভাত বেড়ে বসে' থাকে । পরিবারের  
কারুর সুখ-সুবিধের দিকে তাকাতে তার বয়ে' গেছে । বরং তাঁর দিকেই  
সবাই তাকাক্ । সবাইকে সে যেন সল্লেসি করে' ছাড়বে ।

বেশি কিছু বলবারো জো নেই । বললেই বা কে শোনে ? শত ঘায়েও  
তার মেরুদণ্ড বেঁকবার নয়, স্নায়ুতে-শিরায় তার প্রতিজ্ঞার প্রার্থ্যা । না  
পোষায়, মহীপতি সটান বাড়ি ছেড়ে বেরিয়ে যাবে । এই কীৰ্ত্তিটা তার  
নতুন নয়—হু'-হুবার সে এক-কাপড়ে, খালি-পায়ে, খোলা-মাথায় বেরিয়ে  
পড়েছিলো, কোথায় কোন দিকে কেউ বলতে পারে না—কতো  
জান্না-কাটি, কতো খোঁজা-খুঁজি করে' তবে তাকে ফিরিয়ে আনা সম্ভব

## চেডয়ের পর চেড

হ'লো। এক পা তার সংসারে চোকাঠে, আর এক পা তার বাইরের পৃথিবীর দিকে : তার সমস্ত বন্ধন-বেদনার উর্দ্ধে আকাশেব অব্যবহিত শূন্যতা! মহীপতির জীবনের এই এক দিকে নির্লিপ্ত ও অশ্রু দিকে বিদ্রোহী ভঙ্গিটা সকলের গা-সওয়া। বেশি কিছু বলতে গেলে আবার সে পিঠ দেখাবে, ফেরবার তার কী আকর্ষণ !

অতএব এই একটি আকর্ষণের বস্তুর সন্ধান করতে হ'বে—যাতে একবার বাড়ি ছেড়ে চলে' গেলেও ধর্মেরই টানে আবার তাকে নি থেকে স্তূড়-স্তূড় করে' ফিরে আসতে হয়। আত্মার চেয়ে সংসারে চোখে, সমাজের চোখে, দেহ যে কতো বড়ো ও কত দামি, এই সোজা কথাটাই মহীপতিকে এখন চোখে আঙুল দিয়ে শেখানো দরকার। তার সঙ্গে আব কেউ এঁটে উঠছে না।

হাড়া, সম্প্রতি আরেক উৎপাত জুটেছে। বয়োবৃদ্ধির সঙ্গে-সঙ্গে মহীপতির ব্যবহারে গাঙ্গীর্ষ্য না-এসে এসে যাচ্ছে এক উগ্র অসহিষ্ণুতা। ব্যক্তি'র স্বাতন্ত্র্য-চেতনাই হচ্ছে সংসারের সংজ্ঞায় বড়ো সভ্যতা, এবং পরের স্বাতন্ত্র্যে হস্তক্ষেপ করবাব ঔদ্ধত্যই হচ্ছে বর্ধরতার নামান্তর। এতোদিন কেবল নিজের সংস্কার করেছে, হঠাৎ সে প্রচারক হ'য়ে অবতীর্ণ হ'লো। আর সে প্রচার শুধু কথায় নয়, তার পরাক্রান্ত শরীর দিয়ে। চলন্ত বাস্-এর গায়ে পরমহংস নাম দেখে নিজে সে ভক্তিতে রাস্তার ধুলোর ওপর লুটিয়ে পড়ে' বাস্কে প্রণাম করত, ক্ষতি নেই ; বেশভূষায় নিজে সে প্রকৃতির প্রতিবেশী হোক', কেউ তাকে কিছু বলতে আসছে না ; কিন্তু ক্রমে-ক্রমে সে পরিবারের ও পাড়ার ছেলে ছোকরাদের চরিত্র-সংশোধনে মন দিলে। চুলের দীর্ঘতা কতোদূর পর্য্য সচ্চরিত্রতার নির্দেশক, কোথায় একচুল অতিক্রম করলেই তা ব্যভিচারে

## ঢেউয়ের পর ঢেউ

কোঠায় গিয়ে পড়বে—এ-সম্বন্ধে সে আজকাল চুল-চেরা নিভুল মত প্রকাশ করছে। পাড়ার লাইব্রেরিটায় উপগ্রাস-নাটকের সংখ্যাধিকা থেকেই দেশের ছনীতি ও অধোগতির পরিচয় পাওয়া যাচ্ছে, অতএব সেই সব জঞ্জাল পুড়িয়ে ফেলে তাদের জায়গায় জাতিগঠনের বই সাজাতে হ'বে—সে যতাই ভুল বাঙলায় লেখা হোক না কেন। ঐশ্বরিক ভাবোদ্দীপনা ছিলো না বলে' ইজিপ্টের আলেকজান্দ্রিয়ান লাইব্রেরিও একদিন পুড়িয়ে ফেলা হয়েছিলো। লাইব্রেরিতে কী বাখতে হ'বে বা না হ'বে সেই বিষয়ে মহীপতি প্লেটোর চেয়েও নিশ্চয়। তাসের আড্ডা ভেঙে মহীপতি প্রকাণ্ড এক কুস্তির আখড়া বসালো। আর নারী মাত্রেই যে পূজারী, মাতুরূপা, এই বিধান দিতে গিয়ে সে মেয়েছেলেদের বয়সের কথাটাও বিবেচনা করে' দেখলো না। সবাই মনে করতে লাগলো এ-সব মহীর ভয়ানক বাড়াবাড়ি হচ্ছে।

এতো কবে'ও কাউকেই যখন সে মানুষ করতে পারলে না, তখন তাকেই মানুষ করা যায় কি না দেখবাব জন্তে তার ঘরে ললিতার পড়লো ডাক। প্রথমটা মহীপতি ঘোরতরো আপত্তি করলে, কিন্তু যার রক্তে তার এতো তেজ, সেই পিতৃদেবই বা সহজে হাল ছাড়বেন কেন? জগদীশবাবু ঘোর বিষয়ী লোক, যাকে বলে হুঁদে জমিদার : দাঙ্গা দমাতে তাঁর নিজেরই হাতে জম্কালা লাঠি ঘোরে। বয়েসে ভাটা পড়লেও শরীরে তাঁর এখনো একটু রেখা পঁড়ে নি, চোখে বিছাৎ, গলায় দেন এখনো বাজ গরজাচ্ছে। তাঁর শাসনে সমস্ত বিদ্রোহী প্রজামহল মুষড়ে পড়েছে—এ তো তাঁর নিজের অপত্য। তিনি হাঁক দিয়ে বললেন : কামিনীর প্রতি এতো যে তোমার অবজ্ঞা, তোমার কোন দেবতাটা তাকে সম্মান করে নি শুনি? সংসারধর্ম করে' বংশরক্ষা



## চেউয়ের পর চেউ

তো করেইছে, স্ত্রী-বিয়োগ ঘটলে পরে মৃতদেহ কাঁধে করে' সপ্তভুবন তোলপাড় করে' ছেড়েছে। অতো যে কালীপূজো করো, তার পেছনে মহাদেবের প্রকাণ্ড প্রেম দেখতে পাও? আর যার নামের অতো কীর্তন করো শুনতে পাই, তার কীর্তিই বা ভুললে চলবে কেন? বুঝলে, দেবতারা দেবতাই—তোমার মতন মানুষগুলোই নিতান্ত উজবুক।

মহীপতি স্নান গলায় বললে,—কিন্তু বিয়ে করতে আমি এখনো প্রস্তুত হইনি।

জগদীশবাবু কুঁয়ানো আগুনের মতো জ্বলে' উঠলেন : এ যে তোমার কালেজি ছোকরাদের নতুন আমদানি-করা ফ্যাসানের মতো কথা হচ্ছে! তুমি অপ্রস্তুতটা কাথায় শুনি? ধর্ম করছ, গৌরব করতে পারি, উপযুক্ত শ্রদ্ধা করতে পারি—তোমার আটকাচ্ছে কোথায়? এই স্ত্রীর জন্তে রাসচন্দ্র ধর্ভঙ্গ করে নি? সত্যবান বেঁচে ওঠে নি? বশিষ্ঠ তপঃসিদ্ধ হয় নি? এই স্ত্রীর মধ্য দিয়েই কি নাবীর সত্যীত্বের পরিপূর্ণতম বিকাশ হয় না? তুমি তাকে অস্বীকার করবে?

মহীপতি আবো মিইয়ে গেলো; বললে,—কিন্তু স্ত্রী আমার সাধনার বিঘ্ন হ'বে।

—হাতি হ'বে। জগদীশবাবু বসা থেকে উঠে দাঁড়ালেন : তোমার কোন ঋষি-মুনিটা নিষ্কলঙ্ক ছিলেন শুনি? তোমার মনু কোথায় এর উন্টো বিধান দিয়ে গেছেন দেখাতে পাবো? সাধনা! স্ত্রী-ছাড়া সংসারের কোন সাধনাটা পূর্ণ হয় জিগ্গেস করি? প্রকৃতি আর পুরুষ না হ'লে বিধাতার এতো বড়ো একটা সৃষ্টি-সাধনাই নষ্ট হ'য়ে যেতো—তার খেয়াল রাখো?

## টেউয়ের পর টেউ

মহীপতির গলা আরো নরম হ'য়ে এলো : কিন্তু আমি সন্নেসি।

—তাই কাছা নামিয়ে তোমাকে এখন বনে গিয়ে ঘাস চিবোতে হ'বে? জগদীশবাবু মুখ খিঁচিয়ে উঠলেন : তা হ'লে বনের একটা পশুও তো তোমার চেয়ে বড়ো সন্নেসি, সে তোমার মতো লেথাপড়া না শিখে জন্ম থেকেই বনে আছে। সন্নেসি! সন্নেসি বলতে চাও তো জনক রাজা। বিপুল বসুন্ধরাকে পঞ্চেন্দ্রিয় দিয়ে ভোগ করে'ও যে ব্রহ্মলীন। তোমাকে ভগবান এই দেহ-মন, এই ঘর-বাড়ি, এই আত্মীয়-বন্ধু দিয়েছে কি এক ফুঁয়ে উড়িয়ে দিতে? তবে নরদেহ ধারণ না করে' সোজাসুজি একেবারে বনে গিয়ে বসবাস করলেই পারতে সন্নেসি? সন্নেসি না আস্ত, গোল একটি গাধা!

অগত্যা মহীপতি চুপ করে' গেলো। প্রকাশে এমন সে গম্ভীর হ'য়ে গেলো যে, হঠাৎ কী একটা কঠিন কাজ সে করে' বসে তারই ভয়ে কারুর মনে কোনো স্বস্তি রইলো না।

কিন্তু আশ্চর্য্য, ললিতাকে বিয়ে করা ছাড়া আর কোনো কঠিন কাজই সে করলে না যা-হোক্।

ললিতার বাবা ধরণীবাবুর অবস্থা কিছু ভালো নয়, হাইকোর্টে পেপার-বুক বিভাগে সামান্য কেরানির কাজ করেন। কলকাতা একখানা পৈতৃক বাড়ি আছে, তা ভাড়া খাটে। তার থেকে টাকা বাঁচিয়ে মাইনেটাকে একটু যা-হোক তিনি ভদ্র চেহারা দিয়েছেন ললিতা তাঁর এই এক মেয়ে, ছোট ভাইটিকে নিয়ে মাতৃহীন, সবে এই ষোলোয় পা দিয়েছে। তখনো সমাজের হাওয়াটা এতো জোরে উল্টে দিকে বইতে সুরু করে নি : উপজ্ঞাসের নায়িকাদের বয়েস তখন বড়ো জোর তেরো। পায়ে মল বাঁধবার রেওয়াজ তখন সবে কমে

## চেউয়ের পর চেউ

এসেছে এবং মেয়েরা ইস্কুলে গেলেও পাশ করবার ও নিজের পায়ে দাঁড়াবার দ্রুত মত্ততা তখনো পেয়ে বসে নি। ললিতাব বয়েস আন্দাজে স্বাস্থ্যবৃদ্ধিটা আশামুরূপ স্থগিত থাকে নি; তা ছাড়া ধরণীবাবু সেকলে লোক, পরস্যাও কিছু তাঁর বেশি নয়— তাই সুপাত্র একটি হাতে এসে পড়তেই তিনি আর দ্বিগতি করলেন না।

সুপাত্র নয় তো কী! চলতি অর্থে লেখাপড়ায় দিগ্গজ না হ'লে কী এসে যায়—মেন্ন্য তো তার সঙ্গে বসে' ক্রস্-ওবার্ড-পাজল্ খেলবে না। সঙ্গতি-সম্পন্ন পরিবার, জোয়ান বয়েস, বলীয়ান স্বাস্থ্য—তা ছাড়া সব চেয়ে মহীপতির বড়ো পরিচয় হচ্ছে তার গভীর ধর্মপ্রাণতা। খাঁটি, মজবুত মানুষ। এই তার চরিত্রবস্তার তীর জ্যোতিতে ধরণীবাবুর দুই চক্ষু ধাঁধিয়ে গেলো। 'দীর্ঘি খেয়ে-পরে' থাকতে পাবে, শরীরে কোথাও এতোটুকু রোগের মালিগা নেই, দৃষ্ট উজ্জ্বলিত স্বাস্থ্য—তা ছাড়া এমন ছায়ামুগত, ঈশ্বরভীরু, ধর্মপরায়ণ ছেলে—ললিতাব জন্মে এর চেয়ে যোগ্যতরো 'বর কী আর নির্বাচন করা যেতো? আধুনিক সভ্যতাব ঘূর্ণিপাকে পড়ে' চারদিকেব মহান আদর্শ যখন খণ্ড-বিখণ্ড হ'য়ে পড়ছে, তখন এমনি স্থিরলক্ষ্য ও সত্যসন্ধ জামাইর সন্ধান পাওয়া অলৌকিক সৌভাগ্যসূচনা বলে'ই মানতে হ'বে। তা ছাড়া এ-বিষয়ে তঁারা পণ নিচ্ছেন না। সেটা কম কথা নয়। ললিতা মিছিমিছি এতোদিন শিবপূজা করে ঐ।

আর কিছু দেখবার দরকার ছিলো না। দেখবার কী-ই বা আর দরকার থাকতে পারে? কপালে কী আছে দেখতে গিয়ে কপালের তিলকটাই সবার আগে চোখে পড়লো। মলাটটা জাঁকালো হ'লেই

## ঢেউয়ের পর ঢেউ

যথেষ্ট—তারপর তা'তে আবার সোনার অক্ষরে মহীপতির ধর্ম্মানুষ্ঠান  
কথাটা সাড়স্বরে শোভা পাচ্ছে !

বিয়ে যেখানে আগাগোড়া একটা ধর্ম্মানুষ্ঠান, পূর্বাপরলৌকিক  
একটা অচ্ছেদ্য আত্মিক সম্বন্ধ, সেখানে এর চেয়ে বেশি কিছু আর চোখ  
পড়ে না। তাই ললিতাও ছই চোখের উপর ছোট একটি ঘোম্,  
টেনে আধো-রাজ্যায় আধো-ভয়ে কাঁপতে-কাঁপতে মহীপতির পশ্চাদ্ধ  
হ'লো।

## দুই

হলবায়ুর দৌরাণ্ডো ললিতাকে একটু বড়ো দেখালেও আসলে তার মন একান্তই কচি, ঘাসের ডগাটির মতো সবুজ। যেমন হাসি-খুসি, তেমনি মিশুক। সমস্ত গান্ধে লক্ষ্মীর ছিরি-ছাঁদ, পায়ের পাতা পড়ে না তো ক্ষীরোদসাগরে ঢেউ জাগে। তাকে পেয়ে স্বপ্নের-বাড়ির চারদিক থেকে অটেল আদর উথলে উঠেছে। জা-রা তাকে সাজায়, ননদরা তাকে নিয়ে রঙ্গ-তামাসা করে। শান্তি ডি বারে-বারে এসে মুখে খাবার ভেঙে দেন। জগদীশবাবু তো তাকে চোখে হারান, যেই দেখে সেই তাকে অনর্গল প্রসংশা করে' যায়—রূপে-গুণে এমন বউ কবে কা'র চোখে পড়েছে!

কিন্তু মহীপতি অবিচল। বিয়ে সে একটা করেছে মাত্র। তার দৃঢ়, ঝুঁকু মেরুদণ্ডে এতোটুকু শৈথিল্য নেই।

বাবার কাছে বাইরে সে বশুতা স্বীকার করেছে, কিন্তু জাই বলে' সে তার প্রতিজ্ঞাকে অবনমিত করবে না। তিনি ভেবেছেন, বিয়ে করলেই মহীপতি চূড়ান্ত তামসিক হ'য়ে উঠবে। জীবনের পরমার্থ বুঝি এই হীন আত্মাদরে। কিন্তু মহীপতি এই চরাচর, এই স্বাবর-জঙ্গলের উর্কে—এই আবিল পৃথিবীর দূর পরপৃষ্ঠায় একটি বিরাট ও

## চেউয়ের পর চেউ

মহীপতি মুড়িবেন

মহান আকাশ-অবকাশের খবর পেয়েছে। স্থল ও গ্রাহ ইন্দ্রিয়ে কারাগারেই সমস্ত সৃষ্টি বন্দী নয়, তারো অতীত কোনো চেতনা গভীর নিঃশব্দ ঝঞ্ঝারে মহীপতিকে মুহূর্ন্ত নাড়া দিতে থাকে। সে-চেতনা শুধু প্রাণধারাবাহী এই মর্ত্য দেহের চেতনা নয়—মৃত্যুকে যে জয় করেছে, দেহকে যে অতিক্রম করেছে, সেই অমৃতের চেতনা।

মহীপতি তার প্রতিজ্ঞাকে কঠোরতরো করে' তুললো। তাকে সবাই যেন এতো ভঙ্গুর, এতো দুর্বল মনে না করে।

সমস্ত সংসারে এই উদ্বেল আদর, অজস্র করুণা, কিন্তু একজায়গায়,—সারা পথ প্রবাহিত হ'য়ে ঝর্ণা যেন মরুপ্রান্তরে এসে শুকিয়ে মরে। দিনের বেলায় স্বামীর সঙ্গে ললিতার অসম্পূর্ণ একটি দৃষ্টি-বিনিময় পর্য্যন্ত হয় না, কিন্তু রাত্রির প্রশ্রয়েও এই কঠিন ঔদাসীন্ম। স্বামীর এই উপেক্ষাময় ব্যবহারটা ললিতার কাছে অস্বাভাবিক মনে হয়।

চারদিকে ফাঁকা মাঠ, বাঁশের বনে হাওয়া সাঁ-সাঁ করছে, খোলা জানলার ওপারে জমাট অন্ধকার—একলা বিছানার এক পাশে শুয়ে ললিতার ভয় করতে থাকে। ঘরে মাটির একটা বাতি জলে, তার বিবর্ণ, ক্ষীণ শিখার মতো জলে তার প্রতীক্ষা। তারপর মহীপতি যখন ঘরে ফেরে, তখন তার জীবনে স্বামীর প্রথম অস্পষ্ট সন্দেহ স্পর্শটির জ্বলে হয়তো মনে-মনে প্রার্থনার সুর বেজে ওঠে। কিন্তু মহীপতির কোথাও এক কণা চাঞ্চল্য নেই : ঘরে যে আর কারুর উপস্থিতি প্রথর হ'য়ে আছে সেদিকে সে অন্ধ। আলোয় সে তার গীতা খুলে বসে। নির্লিপ্ত, নিবিষ্ট মুখভাব। জীবনে কোথাও যে তার কিছুমাত্র পরিবর্তন হয়েছে তাতে তার এতোটুকু আভাস নেই, তার চিরাচরিত অভ্যাসে কোথাও এতোটুকু ছন্দোহানি হ'বে না।

## চেউয়ের পর চেউ

তারপর এক সময়ে ললিতা ঘুমে কাদা হ'য়ে নিঝুম হ'য়ে যায়।  
পতি দরজা খুলে বাইরের নিঃশব্দস্পন্দিত, নীরব অন্ধকারে চলে' আসে।  
ঘানে রাত্রির সেই সমাহিত, নিশ্চল তপস্তার একজন অপকৃপাত দর্শক  
য়ে বসে' থাকতে তার ভারি ভালো লাগে। সেখানে তার জন্তে যেন  
পূর্ণ তৃপ্তি, বিস্তৃত আশ্রয়, নিগূঢ় সত্য রয়েছে। তারি সন্ধানে ও  
দ্ধারে কতো রাত্রে মহীপতির চোখে ঘুম আসে না।

একদিন মুখ গম্ভীরতরো করে' মহীপতি ললিতাকে বললে,—স্বী অর্থ  
কী, জানো ?

মহীপতির এই প্রথম সম্ভাষণ। তরল স্পর্শে নয়, গদগদ আদরে নয়,  
নিবিড়া দৃষ্টিতে নয়। নিতান্তই ইচ্ছল-পণ্ডিতের মতো কাঠখোঁটা মুখ  
করে' কঠিন প্রশ্ন করে' বসা।

প্রথমটা ললিতা ভয়ে একেবারে ভেবড়ে গেলো। মুখে তার কোনো  
কথা এলো না। কিন্তু মহীপতি তার ভঙ্গিটা এমন কঠোর করে'  
রেখেছে যে উত্তর একটা তাকে পেতেই হ'বে।

—স্বী বলতে তুমি কী বোঝ ?

ভয়ে বিবর্ণ হ'য়ে ললিতা বললে,—কী জানি !

—কোনো অর্থই তোমার জানা নেই ? মহীপতি ফের জিগ্গেস  
করলে।

কথাটার প্রতিশব্দের জন্তে ললিতা মনে-মনে অভিযান ঘাটতে  
সুরু করলো। মুখ থেকে টুপ করে' তাড়াতাড়ি বেরিয়ে এলো :  
পত্নী।

—তা তো হ'লো। মহীপতি তা'র দৃষ্টি তীক্ষ্ণতরো করলে :  
আর কিছু ?

## ঢেউয়ের পর ঢেউ

কথার উত্তাপে ললিতার মুখে সামান্য দীপ্তি দেখা দিলো। বললে, আবার কী ! ভাৰ্য্যা।

—সে তো জীকে ভরণপোষণ করতে হয় বলে'। আর কোনো ভালো অর্থ বলতে পারো না ?

ললিতা হাঁপিয়ে উঠলো। বললে,—আর কী থাকতে পারে ? ই্যা, লজ্জায় একটু হেসে ললিতা কুণ্ঠিত গলায় বললে,—অর্দ্ধাঙ্গিনী।

মহীপতির মুখ-চোখ বিরক্তির রেখায় কুটিল হ'য়ে এলো। গলায় ঝাঁজ এনে বললে,—নভেলি অর্থ খুব শিখেছ দেখছি। এর চেয়ে আর কোনো ভালো কথা জানা নেই ? খুব বিজ্ঞানী হ'য়ে উঠেছ যে।

ললিতার মুখের দীপ্তি এক ফুঁয়ে গেলো নিবে।

—স্ত্রী মানে হচ্ছে সহধর্মিণী। মহীপতি জোর গলায় বললে,—অ বা ধর্ম, তোমারো তাই। অর্থাৎ আমি যা করবো, তোমারো তা করতে হ'বে। বুঝলে ?

ভয়ে-ভয় ম্লান মুখে ললিতা ঘাড় নেড়ে সায় দিলো।

—সব। যবে স্বামীর অনুগমন করাই হচ্ছে স্ত্রীর ধর্ম। রাম যখন বনবাসে গেলেন, তখন সীতা রাজপুরীর সমৃদ্ধির মাঝে বসে' থাকতে পারলে না। জানো তো সে-কথা ?

লক্ষণের বেলায় উর্মিলার কী হয়েছিলো সে-কথা ললিতার ঘৃণাকরেণু মনে এলো না। চোখ নামিয়ে অপরাধীর মতো সে বললে,—জানি।

—তেমনি, মহীপতি বলতে লাগলো : প্রতিপদে তোমাকে আমার অনুসরণ করতে হ'বে। বিয়ে আমাদের সমাজের জন্তে নয়, ধর্মের জন্তে। আমাদের জীবনে তার ব্যাখ্যাকে আরো বিস্তারিত করতে হ'বে। কী বলো ?



## ঢেউয়ের পর ঢেউ

এক বর্ণও তার না বুঝে ভীক, অক্ষুট গলায় ললিতা বললে,—  
হ্যাঁ।

অতএব মহীপতি প্রস্তাব করলে, ললিতাকেও মাছ-মাংস ছাড়তে হ'বে; গভীর রাতে শোবার আগে ও অতি-প্রত্যাষে ঘুম ভেঙে মহীপতির সঙ্গে স্তোত্র পড়তে হ'বে; অর্থগ্রহণ ও মুখস্ত করতে হ'বে সেই সব স্তোত্র। মেয়েরা সাধারণতো এই বয়সে পোষাকে-গয়নায়, তরল লঘু-চিক্ততায় যে সব তুচ্ছ, পার্থিব বিলাসিতা করে, তাতে লোভ না দেখিয়ে তাকে হ'তে হ'বে নিতান্ত শুদ্ধস্বত্ব, অকামময়ী ব্রহ্মচারিণী। তার গুরুর মত হ'লে শিগ্গির তাকে মন্ত্রও নিতে হ'তে পারে। সন্তীক ধর্মসাধনাই সিদ্ধির ক্ষেত্রে প্রশস্ত—সেই অর্থেই মহীপতির সহধর্মিণীর প্রয়োজন হয়েছে। অন্তত গুরুর তাই বিধান। কেমন, রাজি ?

ভয়ে-ভয়ে ললিতা আবার ঘাড় হেলালো।

—আমাদের বিয়ে হ'বে আদর্শ বিয়ে, আমরা একে একটা সাধারণ সামাজিক ঘটনা মনে করবো না, একে আমরা খুব বড়ো একটা অর্থ দেব। এর মধ্য দিয়ে আমাদের আত্মার গভীর উপলব্ধি হ'বে।

স্বামীর এই মিষ্টি কথাগুলি যেন ঘুমের স্পর্শের মতো ললিতার চোখে কোমল লাগে।

কিন্তু প্রতিবাদ এলো অল্প তরফ থেকে। মহীপতি<sup>১</sup> মা ললিতাকে মাছের বাটিটা এক পাশে সরিয়ে রাখতে দেখে ব্যাপারটা জেনে ফেললেন। সধবা বউ, মাছ খাবে না—এমন একটা জলজ্যান্ত কদাচার তাঁর কাছে অসম্ভব ঠেকলো।

—রেখে দাও, যেমন সব বিদ্যুটে কথা। ও-পাগলের কথা ভুমি

## চেউয়ের প্বর চেউ

কানে তুলো না, বউ-মা। বলে' তিনি নিজে হাতে পেটির মাছখানা তুলে ললিতাকে খাওয়াতে গেলেন !

ললিতা মুখ ফিরিয়ে নিয়ে বল্লে,—থাক্ মা, না-ই বা খেলায়।

—না-ই বা খেলায় কী ! সধবা বউ মাছ খায় না, ভু-ভারতে এমন কথা কেউ শুনেছে নাকি কখনো ?

—মাছ আমি ভালোবাসি না।

—তুমি ভালোবাসো না, মাছ তোমাকে ভালোবাসবে। নাও, হাঁ করো শিগুগির।

ললিতা ফের কুস্তিত হ'য়ে বল্লে,—উনি যখন চান্ না, তখন না-খেলে কী এমন এসে যাবে, মা ? এই খেয়েই তো আমার পেট ভরে' গেছে।

স্বামীর প্রতি প্রকাশে কোনো মমতা বা অমুরাগ দেখাতে ললিতার নিদারুণ লজ্জা করে। শুধু তার প্রকাশেই লজ্জা নয়, প্রতিফলেও লজ্জা।

শাশুড়ি প্রায় তর্জন করে' উঠলেন : ওই তোমার একমাত্র গুরুজন—আমরা তোমার গুরুর গুরু নই ? তুমি কেবল ওকেই চিনবে, আমাদের মানবে না ? মাছ তুমি খেয়ে ফ্যালো বলছি।

অগত্যা মাছ ললিতাকে খেতে হ'লো।

এই কথাটা আনাচে-কানাচে কোথাও আর চাপা রইলো না। এই নিয়ে মহীপতির প্রতি শাণিত বিক্রপের ছদ্মবেশে অভিভাবকদের হুঃসহ শাসন চল্লে।

সেই থেকে মহীপতি একেবারে নিঃশব্দ, চোখে-মুখে ভরাট গাঙ্গীর্ঘ্য, ঘোলাটে মেঘলা ভাব।

স্বামী সেই একদিন একটু অলক্ষিতে কাছে এসেছিলেন—ব্যবধান আবার বিস্তৃত হ'য়ে পড়্লে। তার অপরাধের অপরিচ্ছন্ন গ্লানি নিয়ে

## চেউয়ের পর চেউ

ললিতা মহীপতির মুখের দিকে পর্যন্ত তাকাতে পারে না। স্বামী ভোর রাত্রে কখন যে জাগে ললিতা তার টেরও পায় না—স্নান করে' বীজমন্ত্র 'আওড়াতে-আওড়াতে সে বেরিয়ে পড়ে। চেয়ে-চিন্তে ফুল আর বেল-পাতা কুড়িয়ে আনে। তারপর সেই যে পূজার ঘরে গিয়ে ঢোকে, বেরুবার কথা আর মনেই থাকে না।

শান্তিড়ি বলেন : ওর জন্তে তুমি আর কতোক্ষণ না খেয়ে বসে' থাকবে, বউ-মা ? ছেলেমানুষ, মুখখানা শুকিয়ে একেবারে এতোটুকু হ'য়ে গেছে। তুমি খেয়ে নাও। ওর যতোক্ষণ খুঁসি কোশাকুশি নেড়ে তপ-জপ করুক। এতো বয়েস হ'লো, এখনো ওর পুতুল খেলা ঘুচলো না।

এ-কথায় ললিতা বিশেষ গা করে না, লাজুক গলায় বলে, 'হ্যাঁ, আমার তেমন খিদে পায় নি। আমি আরো খানিকক্ষণ থাকতে পারবো।

—খিদে পায় নি মানে ? বেলা কতো হ'লো তোমার খেয়াল আছে ? শান্তিড়ি তার গায়ে ঠেলা দিয়ে বলেন : নাও, ওঠো, পিঁত্তি পড়ে' অসুখ করবে যে।

তবু ললিতার খেতে যেতে ইচ্ছে করে না। অত্যন্ত সঙ্কুচিত হ'য়ে বলে : না মা, অসুখ করবে না। আমি আরো একটু বসি।

—তোমাদের ছ'জনের জন্তে চাকর-ঠাকুর হাঁ করে' ঠায় বসে' থাক আর-কী ! শান্তিড়ি মুখ-স্বাম্টা দিয়ে ওঠেন : একজনের দেখাদেখি তুমিও আব্বার ফাসান্ করতে গেলেই হয়েছে ! আমাকেও সঙ্গে-সঙ্গে পাগল করে' ছাড়বে দেখছি।

এক রকম জোর করে'ই ললিতাকে ভাতের থালা নিয়ে বসতে হয়।

## চেউয়ের পর চেউ

একজন এতো বেলায়ো উপোস করে' আছে ভাবতে গলা দিয়ে তার ভাতের গরস নাযতে চায় না। কিন্তু তার আর উপায় কী বলো !

তা ছাড়া আজকাল মহীপতির আবার এক নতুন উপসর্গ দেখা দিলো। এতো কাল আমিষ স্পর্শ করতো না, এবার ঠিক করলে আমিষের আঁকশালেও সে খাবে না। অতএব পূজোর ঘর থেকে বেরিয়ে নিজের হাতেই তাকে ডালে-চালে ফুটিয়ে নিতে হয়। খেতে-খেতে সেই সন্ধে। সন্ধের সেই ছুটি খেয়ে রাত্রে আর তার খিদে থাকে না, শুধু ছ' টুকরো ফল চিবিয়েই সে খাওয়ার পাট সমাধা করে।

নেপথ্যে দাঁড়িয়ে ললিতা ছ'চার দিন এই কাণ্ডটা দেখলে: তার স্বামীর প্রতি সংসারের এই অশোভন উপেক্ষা। তাকে তিনি উপেক্ষা করেন, তবু এটা তার সহ্য হয়; কিন্তু স্বামী যে কোনোরকমে উপেক্ষিত হ'বেন, এটাই মনে হয় মর্মান্তিক। নিজেকে আর সে আড়ালে অবগুষ্ঠিত রাখতে পারলো না, উদাসীন সংসারের উপর কর্তৃত্ব দেখালো। কোমরে আঁচল জড়িয়ে নিজেই গেলো সে উন্নয়ন ধরাতে।

স্নান করে' মহীপতি বাড়ি ফিরে এসে দেখে তার জন্তে রান্না তৈরি। দেখে তো অবাক।

বললে,—তুমি আবার কষ্ট করে' রাঁধতে এলে কেন? এ কী উৎপাত !

খুসিতে ছ' চোখ উজ্জ্বল করে' ললিতা বললে,—কষ্ট কী! আমি জায়গা করে' দিচ্ছি, তুমি খেতে বোসো।

—পাগল! মহীপতি গম্ভীর মুখে বললে,—তোমার হাতের ছোঁয়া আমি খেতে বাবো?

## ঢেউয়ের পর ঢেউ

ললিতার মাথার উপর যেন টুকরো-টুকরো হ'য়ে আকাশ ভেঙে পড়লো। শ্রমমলিন তপ্ত মুখে বিবর্ণ ব্যর্থতা!

সে-রান্না তো মহীপতি ছুঁলোই না, এমন-কি উলুনটা পর্য্যন্ত নতুন করে' পাততে হ'বে। প্রাণিহত্যার পাতক বাকে লেগেছে, তার শারীরিক স্পর্শে সমস্ত রান্নাই হয়েছে অপবিত্র। মহীপতি আজ উপোস করবে।

কারণটা সাড়স্বরে ব্যাখ্যা করতেই ললিতা তার হু' পায়ে আর যেন কোনো বশ পেলো না। মাটির উপর বসে' পড়ে' হাঁটুর মধ্যে মুখ গুঁজে কান্নায় ফুঁপিয়ে উঠলো। তার এতোক্ষণের সযত্নরচিত উপচার! •

—তোমার এতে কান্নার কী হ'লো? মহীপতি নির্লিপ্ত গলায় বললে: তোমাকে তো আমি কিছু কঠিন কথা বুলি নি। একদিন না খেলে হয় কী!

কিন্তু কান্না ছাড়া ললিতার কোনো উত্তর নেই। আর, কান্নায় মহীপতি একেবারে কাদা হ'য়ে যাবে, তেমন সে সস্তা বা সৌখিন নয়।

ব্যাপারটা প্রায় একটা খণ্ডদৃশ্য হ'বার জোগাড়। এদিকে সংসার এফুনি রুঢ় দৃষ্টিক্ষেপ করে' বসবে। অতএব আর বাক্যব্যয় না করে' মহীপতি আস্তে-আস্তে সরে' পড়লো।

এখন গেলো সে তাদের হরিনামবিতরণী-সভায়। রাত দশটা পর্য্যন্ত খোল-করতাল পিটিয়ে সেখানে পুরোদমে কৌর্ভন চলবে। বাড়ি ফিরতে-ফিরতে এগারোটা। ততোক্ষণ ললিতা সাদা চোখে বসে' থাকতে পারে না, ঢুল আসে। তবু সে প্রাণপণে চোখ হুঁটোকে অনিদ্রায় প্রথর করে'

## চেউয়ের পর চেউ

রাখবার চেষ্টা করে। কিন্তু শত চেষ্টা করেও কখন যে সে আবার ঘুমে বিভোর হ'য়ে পড়ে, কিছু খেয়াল রাখে না।

এক ঘুম পরে যখন সে দেয়ালের দিক থেকে মুখ ঘুরিয়ে পাশ ফেরে, দেখতে পায়, মেঝের উপর ঝড়ের বিছানা বিছিয়ে মহীপতি প্রদীপের আলোয় বসে' বই পড়ছে। ঋজু মেরুদণ্ড, বসবার ভঙ্গিটা তেজে উদ্দীপ্ত, পরুষ ও প্রশস্ত। বাতির স্তিমিত আলো তার কপালে এসে পড়েছে। তরুণ মুখখানি মনোনিবেশের গভীরতায় অতিমাত্রায় শান্ত ও সমাহিত, খোলা পিঠের এক পাশ দিয়ে মোটা পৈতে দেখা যাচ্ছে। তার স্বামীর এই তপোদীপ্ত কঠোর সৌন্দর্য ললিতার কাছে একটা প্রবল বিস্ময় বলে' মনে হয়। ভক্তিতে ও বশ্যতায় তার সমস্ত চিন্তা উন্মুখ হ'য়ে ওঠে।

কিন্তু এই বিচ্ছেদের নদী কি কোনোদিন উত্তীর্ণ হওয়া যাবে না ?

তার বিধবা বড়ো-জা সেদিন তাকে বলেছিলো : ছাই শাস্ত্র পড়ছে ! তুই একটা মূর্তিমান মোহমুদগর হ'য়ে ওর মাথার ওপর ভেঙে পড়তে পারিস্ না ?

দিদির বলবার ভঙ্গিতে ললিতা মুহু-মুহু হাসতে লাগলো।

—তা ছাড়া আর কী ! যত শাস্ত্রই গিলুক না কেন, কিছুই ওর শিক্ষা হয় নি। স্ত্রী ছেড়ে পুঁথির কতোগুলি গুকনো পাতাই ওর কাছে বড়ো হ'লো ? বাদর, আস্ত একটা গাছ-বাদর ! পূর্বপুরুষের ল্যাজটা টিকি হ'য়ে ওর মাথায় ঝুলছে।

ললিতা তার অনামিকায় আঁচলের খুঁটটা জড়াতে লাগলো।

—হ্যাঁ, জোর করে' তোর দাবি জাহির করতে হ'বে। স্ত্রীর

## চেউয়ের পর চেউ

অধিকার তুই ছাড়বি কেন? পুঁথি-পত্র ছিঁড়ে-ছিটিয়ে তুই ছত্রখান করে' দিবি। তপস্শা? আর তুই যে তার সিদ্ধি!

ললিতার মুখে কথা নেই।

—সে যে কতো অসহায়, তা তুই বুঝতে পারিস্ না? বহুদিনের অভ্যেসে সে এমনি কৃত্রিম, এক্ষেপে হ'য়ে পড়েছে। একটা নিয়ম মেনে চলতে-চলতে সে-ই এখন একটা ব্যাকরণের সূত্রের মতো কঠিন হ'য়ে গেছে—তার আর নড়-চড় নেই। তুই তার জীবনের প্রথম কাব্যোদয়, ব্যাকরণের নিয়ম-কানুন তুই ভেঙে দিবি, তারি আশায় সে বসে' আছে। তুই তাকে মুক্তি না দিলে সে যায় কোথায়?

ললিতাকে কাছে টেনে এনে বড়ো-জা বললে: আমরা বড়ো বেশি স্বার্থপর, প্রথম থেকেই কেবল হাত ভরে' পেতে চাই—সহজে কিছু বিসর্জন করতে পারি না। ভালোবাসার জন্তে অপেক্ষা করবার আমাদের সময় কই? ভালোবাসার চাইতেও স্বামী আমাদের অনেক বড়ো। বলতে-বলতে চোখ তার জলে আবছা হ'য়ে এলো।

কিন্তু অসম্ভব, সমস্ত দেহ চক্ষুস্থান করে' স্বামীর প্রতীক্ষায় একাকিনী জেগে থাকা ছাড়া কিছুই ললিতার করবার নেই। মনে-প্রাণে অপরিচয়ের জড়িমা ক্রমশ ঘুনিয়ে উঠতে থাকে। যে-দেবতার সন্ধানে স্বামী দিবারাত্রি ব্যাকুল, সে-দেবতা কি কেবল তাঁরই? তার পক্ষে বি কোনো বরদাতা দেবতার আহুকূল্য থাকবে না? তার এই অবিচল ও আপ্রাণ প্রতীক্ষারই কি কোনো ফল নেই?

## তিন

অথচ এতোতেও তার স্বামীর প্রতি বিরাগ আসে না। এমন সবল ব্যক্তিত্ব ও তেজোময় অসামান্য অলঙ্কো তাকে মহীপতির প্রতি আকৃষ্টই করতে থাকে। নিজেকে একান্ত অকিঞ্চিৎকর ভেবে, কুণ্ঠিত সঙ্কুচিত করে' স্বামীকে সে অব্যাহত স্থান ছেড়ে দেয়—তঁার কোনো অহুষ্ঠানেই তাব এতোটুকু বাধা পড়ে না। উপেক্ষা তো দূরের কথা, ললিতা গোপনে মনে-মনে তার এই স্বামীকেই ধ্যান করছে।

ধ্যান করছে তাঁর প্রথম পদম্বলনের মুহূর্তটিকে। যেদিন দেবতার আশীর্বাদেই সমস্ত শাস্ত্রের অসারতা তার হুই বিন্ময়বিস্তৃত কালো চোখেব অপার আলোয় তাঁর কাছে প্রথম ধরা পড়বে। যেদিন তিনি বুঝবেন, মাহুয়ের মন্দিরেই দেবতার প্রসন্ন অধিষ্ঠান, প্রেমের অভিষেকেই যাব প্রতিষ্ঠা।

সকালবেলা স্নান করে' তসরের কাপড় পরে' মহীপতি যখন পূজাব ঘরে গিয়ে হুঁ চোখ বুজে অন্ধকারে দেবতার সন্ধান করে, তখন জানলার ছোট্ট একটি ফাঁকে হুই আয়ত চক্ষু মেলে ললিতা তার স্বামীর সেই ধ্যানগম্ভীর, স্নন্দর মুখের দিকে অনিমেঘে চেয়ে থাকে। পূজায় সমাগীন সেই নিশ্চল নিঃশব্দ মূর্তিটাই তার একেক সময়ে দেবতার দেহুময়



## চেউয়ের পর চেউ

আবির্ভাব বলে' মনে হয়। কিন্তু ঘুলুঘুলি দিয়ে লুকিয়ে-লুকিয়ে দেখতে তার ভারি লজ্জা করে, অলক্ষ্যে সে স্বামীর সহানুভূতি কামনা করে বলে'ই তার এই দীনতা তাকে আঘাত করতে থাকে। এমন স্বামী পেয়েও যদি সে কুচ্ছ্রসাধিকা তপচারিণী না হ'তে পারে তো সে হিন্দুর ঘরে জন্ম নিয়েছিলো কেন? জন্মে-জন্মে স্বামীর অনুগমন করবে বলে'ই তো।

হ্যাঁ, এই সহানুভূতি তো তিনি তারো কাছ থেকে আশা করতে পারেন, তারো বা কেন এই দুর্বল রূপণতা! সে-ই বা কেন নিজে থেকে স্বামীর এই আধ্যাত্মিক সঙ্গলাভের জন্তে অন্তরে-বাহিরে প্রস্তুত হ'বে না? মহীপতি তার সেই ধ্যানময় প্রদীপ্ত ভঙ্গি দিয়ে ললিতাকে যেন কেবল তাই জিগ্গেস করছে।

ললিতার মধ্যে মহীপতির বৈরাগ্য ধীরে-ধীরে সংক্রামিত হ'তে লাগলো। নিজেকে সে ধীরে-ধীরে নিশ্চল করে' আনলে। আজকাল চুল বাঁধবার বেলায় তার বড়ো-জাকে সে এড়িয়ে যায়; কিছু সে প্রতিবাদ করতে এলে বলে : সন্ন্যাসির স্ত্রী, মাথায় জটা রাখবো, দিদি।

দিদি হসে বলে : সন্ন্যাসির স্ত্রী তো শুধু, সন্ন্যাসিনি তো নয়!

—ওতে আবার তফাৎ কী!

—তুই আসলে স্ত্রী, ললিতা, সন্ন্যাসিনিটা তোর ভেত্রে।

ললিতা মুখ গম্ভীর করে' বলে : আমরা যে প্রতিমা পূজো করি, আসলে তো ওটা দেবতা নয়, দেবতাকে ভাববার একটুকু সহায়মাত্র। এই প্রতিমার মাঝেই কেউ-কেউ একদিন স্বয়ং দেবতাকে দেখতে পান।

দিদি তার মুখের দিকে অবাক হ'রে তাকিয়ে থাকে। বলে : তাতে কী হ'লো?

## ঢেউয়ের পর ঢেউ

—তেমনি শুকনো একটা অস্থান করতে-করতে অন্তরে পবিত্রতা পেয়ে যাবো হয়তো। কথা কয়টি বলে’ লজ্জায় ও খুসিতে ললিতার মুখ ভরে’ ওঠে।

দিদি বলে : এতো কথা তুই শিখলি কোথেকে—ঠাকুরপো বুঝি তোকে শাস্ত্র পড়াতে শুরু করেছে ?

ললিতা চোখ তুলে বলে : পড়তে আর কী পারলাম, আমার এ-কথা এমনি কেমন-যেন মনে হচ্ছে, দিদি।

তার হাত ধরে’ এক হেঁচকা টান মেরে দিদি বলে : তোর আব এতো ঢং করতে হ’বে না, ছারকপালি। সোনার খালায় আর এমনি তোব ক্ষুদের জাউ গেতে হ’বে না। নে, ওঠ, চুলগুলি আঠা হ’য়ে গেছে।

ললিতা বলে : তোমার আব এমনি সাজ-সরঞ্জাম করে’ চুল বেঁধে দিতে হ’বে না। আমি নিজেই পারবো।

সাড়িটা দিনে-দিনে ধুলো জমে’-জমে’ গেরুয়া রঙ ধবতে থাকে, ননদরা আসে টিপ্পনি কাটতে।

ললিতা বলে : ওটা হচ্ছে সহধর্মিতাব পাকা রঙ, ময়লা নয় যে জলে ধুয়ে যাবে।

—সে কী কথা, বৌদি ? ননদরা সমস্বরে প্রতিবাদ করে’ ওঠে : নতুন বউ, তোমার এ কী ছিরি ! লোকে বলবে কী ? -

শুকনো মুখে হাসির ক্ষীণ একটি রেখা এঁকে ললিতা বলে : লোকে যদি দেখতে পায়, দেখবে এ একরকম নতুন দীক্ষা। সব-কিছু নতুনসেই লোকের চোখ টাটায়—সে লোকেব চোখের দোষ।

ছোট ননদ লক্ষ্মীর বড়ো সাজবার সখ। সামান্য বেণীর একট রিবর্ন

## চেউয়ের পর চেউ

নিয়েই তার কতো ক্ষুধা! তার সামনে ললিতা তার বাক্সটা খুলে ধরলো—তার সাবান-স্নো, পমেন্টম-পাউডার পাট করে' সাজানো। থাকে-থাকে তার সাড়ি-ব্লাউজ! লক্ষ্মীকে বললে,—নেবে?

বাক্সের ওপর ঝুঁকে পড়ে' চোখ বড়ো করে' লক্ষ্মী বললে,—কোনটা বোদি?

—যেটা তোমার ইচ্ছে।

—সব? বাক্সের ওপর লক্ষ্মী একেবারে ছমড়ি খেয়ে পড়লো।

—হ্যাঁ, সব।

সাড়ি-ব্লাউজগুলি যে তার মাপে খুব জুংসই হ'বে ততোটা লক্ষ্মী আশা করে' না। তাই ছ'হাতে অত্যাশ্র উপাদেয় জিনিসগুলি বেছে-কুড়িয়ে সে চোঁচা চম্পট দিলে।

এমনি করে' দিনে-দিনে ললিতা নিজেকে নিবিয়ে আনতে লাগলো। তার উপস্থিতিটা স্তিমিত করে' আনলেই যেন সে স্বামীর সঙ্গে সমান একটা জায়গা খুঁজে পাবে। তার এই ভোগবিবিরিতির মাঝেই যেন স্বামীর স্নেহস্পর্শরস পুঞ্জিত হ'য়ে আছে।

কিন্তু ব্যাপারটা এতো অস্বাভাবিক বলে'ই এতো স্পষ্ট যে, সংসারের চোখ উঠলো জ্বালা করে'। ললিতার এই সজ্জা-বৈরাগ্যের কী যে নিকটতম কারণ তা-ও সবাই অনায়াসে ধরে' ফেললে।

মহীপতির উপুর আবার চললো কচুভাষ শাসন, ভীক্স বিক্রপ ও তিক্ত গজনা। এবং এই সমস্তের মূলেও যে ললিতারই অস্তিত্বের স্থূল সঙ্কেত আছে তাতেও মহীপতির বিন্দুমাত্র সন্দেহ রইলো না।

তার মা তাকে নিভুতে ডেকে নিয়ে বললেন,—তোর হুক-মস্তুর নিয়ে তুই থাক, কে তোকে কী বলতে আসছে? কিন্তু বউর দিকেও তো

## চেউয়ের পর চেউ

মুখ তুলে চাইতে হয় ? এ কী অজ্ঞায় কথা ! বেচারি দিন-দিন কী-রকম শুকিয়ে যাচ্ছে দেখেছিস ?

মহীপতি সেখান থেকে চলে' যেতে-যেতে বললে,—কে মুটোচ্ছে না শুকোচ্ছে তা দেখবার আমার সময় নেই ।

মা তার পথ আটকিয়ে বললেন,—তাই বলে' তুই তাকে হেনস্তা করবি নাকি ?

মহীপতি নিশ্চয় মুখভঙ্গি করে' বললে,—তাকে নিয়ে খেই-খেই করে' নাচতে হ'বে এমনো কোনো কথা ছিলো না । জোর করে' তোমরা ওকে আমার কাঁধে চাপিয়েছ, ভেবেছিলে কাঠগড়ায় মাথা পেতে আগিও নির্বিবাদে বলি হ'য়ে যাবো । তা হ'বার নয়, মা ।

মহীপতির পিছনে মা-ও পাশের ঘরে চলে' এলেন । চাপা গলায় বললেন,—সে কী কথা ? মন্ত্র পড়ে' নারায়ণ সাক্ষী করে' তুই ওকে বিয়ে করিস নি ? •

কোন জায়গায় আঘাত করে' মা তাকে নরম করতে চাচ্ছেন, বুঝতে পেরে মহীপতি একটু হাসলে । বললে,—করেছিলাম, কিন্তু স্ত্রীর প্রতি স্বামীর কি কর্তব্য তার সম্বন্ধে বাধা-ধরা কোনো মন্ত্র নেই । লোক-বিশেষে তা একটু স্বতন্ত্র হ'তে বাধ্য । তোমরা তো স্ত্রীকে সহধর্মিণী দেখতে চাও না, দেখতে চাও—তোমাকে কী বলবো বলো ?

মা বললেন,—তাই বলে' ঐটুকু কচি মেয়ে তোর সঙ্গে উপোস করে' শুকিয়ে মরবে নাকি ?

বলিষ্ঠ, বিশাল বাহু তুলে মহীপতি বললে,—এই যেমন আগি শুকিয়ে মরছি । তোমরা চেয়েছিলে বউ ঘরে এনে আমাকে একটি হুটপুট ভেড়া

## চেউয়ের পর চেউ

বানিয়ে তুলবে, তোমাদের সেই মিথ্যে আশাকে আরো মিথ্যে করবার জন্তেই বিয়েতে রাজি হয়েছিলাম। পুরাকালে অম্পরীদের উৎপাতে মুনিদের ধ্যান ভেঙেছে শোনা যায়, কিন্তু সেটা নিতান্তই অসভ্য পুরাকাল বলে’। স্ত্রীজাতি যে কোনো ধর্মাচরণেই বিশ্ব নয়, এমন একটা দৃষ্টান্ত দেখাবার দরকার পড়েছে। বলে’ সমস্ত শরীরে কঠোর একটা ভঙ্গি করে’ মহীপতি তার পূজোর আসনে গিয়ে বসে’ পড়লো।

হোঁয়া বাঁচিয়ে তার পাশে বসে’ মা বললেন,—এমন একটা দৃষ্টান্ত দেখাতে শেষকালে তুই একটা নিরীত মেয়ের সর্বনাশ করবি ?

মহীপতি অসহিষ্ণু গলায় বললে,—এখন আমার পূজোর সময়, মিছিমিছি বিরক্ত করতে এসো না। সর্বনাশ তুমি কা’কে বলছ ? জীবনে যা চিরন্তন সত্য, সেই পথেরই দিকে আমি ওকে সঙ্কেত কবছি। যাকে তোমরা আমার নিষ্ঠুরতা বলছ, তাতে ওর মনে একদিন অনুভূতির আলো জ্বলে’ উঠবে।

—কিন্তু ঐটুকু মেয়ে, ধর্মের কী বুঝবে বল ?

—যদি বিয়ে বুঝে থাকে, ধর্মও বুঝবে। এবং না-ই বা যদি বোঝে, ওর জন্তে আমি নিজেকে ব্রষ্ট কবতে পারি না। কতিন সাধনায় এইটুকু যদি না ত্যাগ করতে পারিলাম—মহীপতি ঠোট কঁচকে সামান্য একটু হাসলো।

মা রেগে বললেন,—আর বিয়ে করে’ স্ত্রীকে তাচ্ছিল্য করা-ই তোর বড়ো ধর্ম ?

—তাচ্ছিল্য ? মহীপতি বাঁজালো গলায় বললে,—কেন আমি ওকে তাচ্ছিল্য করতে হাবো ? তাই ও তোমাদের বলছে নাকি ?

—কেন, ও কেন তা বলতে যাবে ? ময়লা কাপড়-চোপড় পরে’

## চেউয়ের পর চেউ

কেমন উদাসের মতো বসে' থাকে। মুখখানি যেন ছুটে পড়ছে।  
আমরা বুঝতে পারি না ?

—তা আমি কী করবো বলো ? মহীপতি নির্লিপ্ত গলায় বললে,—  
সংসারে তার অগাধ স্রবধে—কোনোখানেই কোনো-কিছু ত্রুটি আছে  
বলে' তো মনে হয় না। খাবার-পরবার তার ভাবনা কী ! যাও, এখন  
যাও, আমি এবার পূজো করবো।

যা বার্থমনোরথ হ'য়ে ফিরে গেলেন। ছেলের স্মৃতির জগ্রে যষ্টী-  
তলায় সিঁদুর মানৎ করা ছাড়া অগত্যা আর কোনো পথ তিনি  
দেখলেন না।

বডো-জা ললিতাকে কাছে টেনে নিয়ে কৃত্রিম শাসনের সুরে মুখ-  
ঝামুটা দিয়ে বললে,—তুই-ই বা কেন ছেড়ে কথা কইবি ? তোর ভাগে  
কেন তুই দাঁত বসাবি নে ?

ললিতা লজ্জায় হর্ষল একটু হাসলো।

তার কাঁধে একটা ঝাঁকুনি দিয়ে দিদি বললে,—অমন লক্ষ্মী হ'য়ে বসে'  
থাকলে চলবে না আর। দেখিস না, তোর সল্লেসি-ঠাকুর কোন দেবীর  
পূজো করে ? হাতে তার খড়্গা, লক্লক্ করছে জিভ, গলায় নরমুণ্ডের  
মালা,—একেবারে উলঙ্গ, রান্ধুসী-মুর্ত্তি ! হাসছিস কী ?

দিদির হাতটা চেপে ধরে' ললিতা হেসে বললে,—জ্ঞানার ভয় করছে,  
দিদি।

—তোর ভয় কিসের ? ভয় করবে তো ও—একবার দাঁড়া দেখি  
অমনি মোহমুদগর নিয়ে, পায়ের তলায় শিবঠাকুরের মতো অমনি দেখিস  
চিংপাছু হ'য়ে লুটিয়ে পড়বে। সঙ্কোচের ঘোমটা সরিয়ে বিদ্রোহে অমনি  
উজ্জল হ'য়ে দেখা দে, দেখবি ভক্তের নেশা আপনি কখন ছুটে গেছে।

## চেউয়ের পর চেউ

গাঢ় গলায় ললিতা বললে,—নিজে ভক্ত হওয়া ছাড়া আমিই বা আর কী করতে পারি, বলো ?

—তুই ভক্ত হ'বি ? কা'র ? দিদি শক্ত করে' ললিতার একখানি হাত মুঠোর মধ্যে চেপে ধরলো : অত্যাচারীকে ভক্তি করতে যাবি ? তুই ?

—হ্যাঁ। ওকে তুমি অত্যাচার বলো নাকি ?

—একশো বার। তবু এ বীরের অত্যাচার নয়, কাপুরুষের। আমি হ'লে এ অপমান কক্ষনো সহিতাম না।

ললিতা বললে,—কী করতে ?

দিদির হাতের একটা ভঙ্গি করে' বললে,—তার পূজো-পত্ৰ ছত্রখান করে' দিতাম, পাখর-পুতুল গুঁড়ো-গুঁড়ো করে' ভেঙে ফেলতাম, এমন নিশ্চিন্তে তাকে বাবুগিরি করতে দিতাম না।

দিদির মুখের দিকে তাকিয়ে ললিতা স্তব্ধ হ'য়ে বসে' রইলো।

তাকে কোলের কাছে টেনে এনে দিদি বললে,—তুইও তাই কর, এমন নিশ্চিন্ত আরামে তাকে এমনি পুতুল নিয়ে খেলতে দিস নে। সব ভেঙে-চুরে নষ্ট করে' দে, তাকে ছুয়ে-ছেনে অশুচি করে' তোলা, তার পূজোর নেশা ছুটিয়ে দে। প্রশ্রয় পেতে-পেতে বড্ড ও বেড়ে গেছে।

ললিতা চমকে উঠলো : তাই বলে' মূর্তি ভাঙবো, কী বলছ দিদি ? দেবতা না ?

—ওরা কি তোরা থেকেও বড়ো দেবতা নাকি ? ওরা তো কতোগুলি প্রাণহীন পুতুল, খালি পূজো নেয়, পূজো ফিরিয়ে দেয় না। তুই আমার কীধা শোন, ললিতা। ওর পূজোকে তুই অপবিত্র করে' দে। ওকে অপবিত্র করতে পারলেই দেখবি, তুই ওর কাছে দেবী হ'য়ে গেছিস।

## চেউয়ের পর চেউ

অনর্থক। স্বামীর বিরুদ্ধে বিদ্রোহ করতে ললিতা তাঁর একটি আঙুলো কখনো তুলতে পারে না। বরং তাঁর সমবেদনা পাবে ভেবে আচার-ব্যবহারে অলক্ষ্যে সে তাঁর সমান হ'য়ে উঠতে চায়।

মহীপতি যখন বিকেলের দিকে বাড়ি থাকে না, ললিতা এক ফাঁকে তাঁর পূজোর ঘরটিতে ঢুকে পড়ে। নিরালা ছোট একটি ঘর, স্বেত-পাথরের মেঝেটি ভারি ঠাণ্ডা, ঘরটির বন্ধ আবহাওয়াটা যেন কা'র দেহাতীত উপস্থিতিতে পরিপূর্ণ হ'য়ে আছে। প্রতিটি বায়ুকণায় যেন কা'র নিশ্বাসের তাপ পাওয়া যায়। এই ঘরে ঢুকেই সে যেন তার স্বামীর বলিষ্ঠ আশ্রয়ের মধ্যে চলে আসে। এই ঘরটিতে এসে নিজেকে আর ললিতার একা মনে হয় না, নিমেষে তার সমস্ত শূন্যতার ক্রান্তি যেন মুছে গেলো!

106 1.12.46

সংসার এখানে নীরব, কোলাহলের পর নিবিড় ক্রান্তি, উৎসবের শেষে গাঢ় অপূর্ণতা। আবিল কুয়াসার অন্তরালে এক টুকরো নিখিল, প্রসন্ন আকাশ। সমস্ত দিনের তুচ্ছতার পর এখানে যেন একটি বিশালতার স্বাদ। ললিতা থানিকক্ষণ ঠাণ্ডা মেঝের উপর অভিভূতের মতো বসে থাকে। নিজের সঙ্কীর্ণ আশা-আকাঙ্ক্ষার সঙ্কীর্ণ আর্তনাদগুলি যেন এখানে কা'র পরম আহ্বানের গভীর নিঃশব্দতায় নিশ্চিহ্ন হ'য়ে ডুবে যায়। নিজের কথা আর তার কিছু মনেই থাকে না।

তারপর সে প্ররিচ্ছন্ন হাতে ঘরের মার্জনা করতে বসে। কোথায় ধুলো পড়ে আছে, তাই সে খুঁটিয়ে-খুঁটিয়ে দেখে। বাতিতে তেল নেই, তেল নিয়ে আসে, সলতে পাকায়, ধুনা, ধূপের কাঠি, দিয়াশলাইর বাক্সটি পর্যন্ত হাতের কাছে রেখে দেয়। ঈষিটা বেখানে কাৎ হ'য়ে পড়েছে, সেটা ঠিক করে রাখে, আঁচল দিয়ে কাচের উপর জমা



## চেউয়ের পর চেউ

খুলোর পর্দাটা মুছে ফেলে। আর যে সে কী করতে পারে, কিছু সে ভেবে কুলিয়ে উঠতে পারে না। ঘর ছেড়ে বিদায় হ'বার আগে কি মনে করে' হঠাৎ সে সেই মূর্তিমালার সামনে হেঁট হয়ে প্রণাম করে। কী যে অব্যক্ত প্রার্থনা তার সেই অবনমিত ভঙ্গিমায়ে উচ্চারিত হ'য়ে ওঠে, স্পষ্ট করে' নিজেই সে তার অর্থ বোঝে না। স্বামীকেই সে এই সংসারের স্থূল পরিবেশের মধ্যে ফিরিয়ে আনতে চায়, না, নিজেকেই স্বামীর সমানুভূতি করবার যোগ্যতা কামনা করে, তা দেবতারাই বলতে পারেন।

তখন আসে সংসারের ডাক : জ্বরদন্ত তার দাবি। ললিতাকে আবার অত্ন সুরে মন বাঁধতে হয়। কিন্তু শত খাটা-খাটনি, শত কলরব-কোলাহলের ওপারে একটি বিরহধূসর নীরব আকাশ তার চোখের দিকে সারাক্ষণ চেয়ে থাকে। বাইরের হাসিখুসির পিছনে থাকে একটি করুণতরো ক্লাস্তি।

• তবু যা হোক দিনের বেলা এটা-ওটা কাজ করে' এর-ওর সঙ্গে কথা বলে' খানিকটা হাল্কা হাওয়া যায়, কিন্তু রাত করে' যখন সে তার ঘরে ফিরে মহীপতির বাড়ি-ফেরার পদধ্বনির জ্বতীক্ষা করে, তখন কতোক্ষণ যেন সারা আকাশ গুমোট, ঘোলাটে হ'য়ে থাকে। ললিতা চুপ করে' জান্নায়ে এসে বসে। পাড়াজোঁয়ে সহর অনেক আগেই নিশুত্তি হ'য়ে পড়েছে—ওখানে ডাকছে ঝি ঝি, এখানে জ্বলছে জোনাকি। পুকুরের ধারে দূরে ডাকছে ক'টা শেয়াল। নেবু-ফুলের মিঠে একটি গন্ধ আসছে। সারা আকাশ অন্ধকার, সেই অন্ধকারে বড়ো-বড়ো ডাল-পালা মেলে বিরাট একটা বট নিঝুম হ'য়ে দাঁড়িয়ে, পাতার আঁড়াল থেকে মাঝে-মাঝে শোনা যাচ্ছে মৃদু-মৃদু পাখার ঝাপট। কতো জ্বলছে তারা, কতো দূর, কতো না জানি তারা দূরে।

## চেউয়ের পর চেউ

একা-একা চুপ করে' বসে' ললিতা কী যে ভাবে নিজেই সে তা বুঝতে পারে না, তার মনে এই অন্ধকারের জোয়ারের মতো ভাবনা আসে। তার মনে হয় এই অন্ধকারের পিছনে যেন কী আছে! দিনের আলোতেও তাকে স্পষ্ট ধরা যায় না। আকাশকে মনে হয় একটা প্রকাণ্ড সমুদ্র—এই পারে পৃথিবী, অতীত পারে বা আরেকটা কোন তারা! যেন এই সমুদ্রের তরঙ্গমালার শেষ নেই—ভাসমান দ্বীপগুলির তট ছুঁয়ে-ছুঁয়ে স্রোতে-আবর্তে ফেনিল হ'য়ে উঠেছে! ঐ যে গাছটা—ও-ও যেন একেবারে চুপ করে' নেই। তারো যেন কি একটা ভাষা আছে। কাছাকাছি ঐ যে কা'দের বাড়িতে শিশুকণ্ঠে একটা কান্না ফুটে উঠলো, তা-ও যেন কী দূর দিনের একটি ক্ষীণ ইশারা! চারদিকে চেয়ে-চেয়ে ললিতা যেন নিজের মাঝে নিজেরই কোনো থই পায় না। কোথায় যেন কী আছে! কোথায় যেন কী আছে! সেই থাকার নিবিড় সত্যটা যেন সে নিজেরই হৃৎস্পন্দনে অস্পষ্ট অনুভব করতে পারে। আশ্চর্য্য!

তারপর দরজা ঠেলে মহীপতি যখন ঘরে ঢোকে, তখন ললিতার চিন্তার নির্জনতা ভেঙে যায় হঠাৎ। আন্তে-আন্তে, বিছানায় গিয়ে শুয়ে পড়ে। নিজের উপস্থিতিটা যতোদূর সম্ভব খর্ব্ব, সঙ্কুচিত করতে পারলেই তার তৃপ্তি বোধ হয়। সে যেন তার স্বামীর বিরাট উপলব্ধির সাধনায় এতোটুকু না বাধা হয় কোনোখানে! নিজেকে নিশ্চিহ্ন করে' দেবার জন্তে অগত্যা সে ঘুমিয়ে পড়ে—ঘুমিয়ে পড়ে সে শব্দস্পর্শহীনতার গভীর সমুদ্রে।

মহীপতির এই অদম্য কঠোরতা তারো মনের মধ্যে যেন জ্বিয়া করতে লাগলো। সমস্ত স্বপ্নরঞ্জিত প্রতীক্ষা যেন কোন এক বৃহত্তরো

## চেউয়ের পল ফেউ

প্রাপ্তির আশায় উন্মুখ হ'য়ে আছে। আর এই ঋতোর সংঘমের  
জঞ্জলেই তো মহীপতিকে তার এতো ভালো লাগে। তার বিদ্রোহ  
স্বামীর প্রতি না এসে, গোপনে আসে এই আপাতশোভন, স্থূল  
সংসার-সন্নিবেশের প্রতি। যে-সংসার আকাশকে রেখেছে আড়াল  
করে, যে-সংসারে তুচ্ছ দেখারূপের অতিরিক্ত কোনো মহত্তরো  
সার্থকতা নেই।

## চার

মেয়ের স্বপ্নরবাড়িতে কিছু একটা নিয়ে অশান্তি হচ্ছে, এমনি একটা উড়ে খবর অতি-পল্লবিত হ'য়ে ধরণীবাবুর কানে উঠলো।

একথানা চিঠিতে মেয়েকে তিনি অত্যন্ত কাছে ডেকে এনে, যেন খুব চুপিচুপি, সমান বন্ধুর মতো জিগ্গেস করলেন : কেমন আছিস, ললিতা ?

উত্তরে ললিতা এক দীর্ঘ চিঠি পাঠালো :

বেশ ভালোই আছি, বাবা ! এই পাড়ারগেয়ে সহর আমার খুব ভালো লাগে। সহরের সমস্ত রকম সুবিধে তো পাওয়া যায়ই, আবার গ্রাম দেখা যায়। কল্কাতায় থাকতে কখনো এতো বড়ো আকাশ দেখিনি, জ্যোৎস্না কা'কে বলে যদি দেখতে চাও, তবে আমাদের বাড়ির মাঠে এসে দাঁড়াও। কল্কাতার চাঁদগুলি কী রোগা, ফ্যাক্সেসে—ওখানকার আকাশ কেমন• ঘুপ্সি, ধোঁয়াটে, সব সময়ে মুখ ভার ! সত্যিকার আকাশের কী যে রঙ, কী তার চাউনি, এখানে এসে এই প্রথম বুঝলাম। আর এখানকার অন্ধকারো বা কী চমৎকাব ! কল্কাতায় অন্ধকার কী, তুমি তা কল্পনা করতে পারো ? এখানে সন্ধে হ'তে-না-হ'তেই মাঝরাত্, —অন্ধকার যেন বাঁধভাঙা নদীর জলের মতো শব্দ করে' নেমে আসে।

## চেউয়ের পর চেউ

আর কী শান্তি, কী স্তব্ধতা এখানে ! স্তব্ধতা গুনতে-গুনতে ঘুমুই, স্তব্ধতা গুনতে-গুনতে জাগি ।

আর কতো রাজ্যের পাখি যে এখানে ডাকে ! পুকুরে কতো যে মাছ, বাগানে কতো যে ফুল ! বকফুল, আকন্দফুল, নন্দহুলাল ফুল—কোনোদিন এ-সব আমার তা হ'লে আর দেখাই হ'তো না ।

আমার জন্তে মিছিমিছি তুমি ভাবছ, বাবা । সত্যি আমি বেশ ভালো আছি । এখানে এসে মাকে আবার ফিরে পেলাম ; শ্বশুর-ঠাকুর আমাকে অফুরন্ত স্নেহ করেন । জা-রা, নন্দরা আমাকে ভালো-বাসে । বখন যা চাই, কিছুই আমার আটকায় না কখনো । টাকা-কড়ি ? এমন কোনো আমার অভাব নেই যার জন্তে হাত-খরচের টাকা লাগবে । জামা-কাপড় ? আমার বাক্স খুলে দেখে যাও—থাকে-থাকে কতো এখনো মজুত আছে । দরকারের অনেক—অনেক বেশি, ছ'হাতে বিলিয়ে দিতে পর্য্যাপ্ত বাধবে না ।

আমার এতোটুকু কোনো কষ্ট নেই । এখানে শুনেছি ম্যালেরিয়া, কিন্তু একদিনো আমি জরে পড়িনি । আমার জন্তে তুমি ভেবো না ।

তুমি আছো কেমন ? এতো দেরি করে' চিঠি লেখ কেন ? নটু কেমন আছে ? ওকে চিঠি লিখতে বোলো । আমার অনেক প্রণাম নাও । হীতি ।

চিঠি পেয়ে ধরণীবাবু স্বভাবতোই চিন্তিত হ'লেন—স্বভাবতোই, কেননা ললিতা কখনো এত বেশি কথা কয় না । সে যে কষ্টে নেই—স্মুরিয়ে-ফিরিয়ে এই কথাটা বারে-বারে জানানোর জন্তেই কেমন যেন সন্দেহ হয় । চিঠির সুরে কোথায় যেন অব্যক্ত একটি ব্যথা আছে । ললিতাকে দেখবার জন্তে তাঁর মন কেঁদে উঠলো ।

## চেউয়ের পর চেউ

আবার তিনি চিঠি লিখলেন : আমার কাছে একবারটি এখন আসবি, মা ?

কথা শুনে ললিতা একেবারে বাপের কোলে ঝাঁপিয়ে পড়লো আর-কি : ঋগুর-ঠাকুরকে শিগ্গির চিঠি দাও বাবা, আমার আর এখানে একটুও ভালো লাগছে না। তোমার আসবার তো এখন সুবিধে হ'বে না, কিন্তু ঋগুর-মশায়ের মত পেলে লোকের জন্তে আটকাবে না—আমি যে-করে' হোক তা'র ব্যবস্থা করবো। সত্যি বাবা, তোমার কাছে যাবার জন্তে ভারি ইচ্ছে করছে। কতোদিন যে তোমাদের দেখি নি।

কাজে-কাজেই জগদীশবাবুর নামে চিঠি এলো।

গম্ভীর হ'য়ে বসে' খানিকক্ষণ তিনি কী চিন্তা করলেন, তারপর চিঠি লিখে দিতে তাঁর দেহি হ'লো না।

অন্তঃপুরে এলে মহীপতির মা তাঁকে জিগ্গেস করলেন : বেয়াইর চিঠির কী জবাব দিলে ? আমি বলি কি, বউমাকে কয়েক দিনের জন্তে কলকাতায় পাঠিয়ে দেয়া যাক্।

জগদীশবাবু চমকে উঠলেন : কেন ?

—দেখছো না ওর চেহারা ! শুকিয়ে দড়ি পাকিয়ে যাচ্ছে।

—কেন, ওকে তোমরা খেতে দাও না নাকি ?

—দিলে কী হ'বে, নিজেই ও কিছু মুখে তুলতে চায় না। মাছ খাবে না, মাংস খাবে না—সেধে কিছু খাওয়াতে গেলেই, ওর খিদে নেই। মুখে ঐ এক বুলি। মহীপতির মা চিন্তিত স্বরে আরো বলতে লাগলেন : আগে কেমন মেয়েটার ফুর্টি ছিলো, এখন দিন-দিন কেমন বুড়োটে হ'য়ে পড়ছে। কারু সঙ্গে আর মেশে না, একা-একা চুপ

## চেউয়ের পর চেউ

করে' বসে' থাকে। সংসারের কাজকর্ম করে—কোথাও এতোটুকু প্রাণ নেই।

জগদীশবাবু গম্ভীর মুখে শুধু একটা আওয়াজ করলেন : হঁ !

—বেয়াইকে চিঠি লিখে দাও, যেয়ে তারা এসে নিয়ে যাক। বাপের কাছে গিয়ে ক'দিন এখন থাকতে পারলে ওর ভালো হ'তো।

—আমি এইমাত্র চিঠি লিখে দিলাম।

—কী লিখলে ?

—লিখলাম, এখন বউমার যাওয়া হ'তে পারে না।

—সে কী কথা ? মহীপতির মা প্রতিবাদ করে' উঠলেন : ও-কথা লিখতে গেলে কেন ? ওখানে এমনি মন-মবা হ'য়ে থাকতে-থাকতে শেষে একদিন ও ভারি হাতে অস্থখে পড়বে দেখে। না, না, ওকে পাঠিয়ে দাও, ক'দিন ঘুরে আসুক।

—তুমি কী বোঝ বলো তো ? জগদীশবাবুর স্বর রুক্ষ : এতো অধৈর্য্য হ'লে কী চলে ? এখুনি ওকে সরিয়ে নিয়ে গেলে সমস্ত সুর যাবে কেটে। তবু এখনো মহীর চারিদিকে যা-হোক একটা দেয়াল আছে, সে দেয়াল তুলে নিলে তখুনি আবার ফাঁকা আকাশ। অমনি সব মাটি।

—ছাই ! মহীপতির মা বেজার মুখে বললেন,—সে-গুড়ে বালি। বউকে এখন একবার দূরে সরিয়ে দিলে যদি মনের হাওয়া বদলায়।

জগদীশবাবু তাক্ষিল্যের সুরে বললেন,—জীবুদ্ধি তো, "দূরদর্শিতা" আসবে কোথেকে। সবুর করো, দিনে-দিনে কতো স্বপ্ন পরিবর্তন ঘটতে-ঘটতে তবে একটা যুগের পরিবর্তন হয়। ছোট ছেলে যে দেখতে-দেখতে কেমন বড়ো হ'য়ে ওঠে, তুমি চোখ দিয়ে তার ধাপের পর ধাপ

## টেউয়ের পর টেউ

লক্ষ্য করতে পারো? সময়ের হাতে ছেড়ে দিতে হয়, সময়ই সব ~~কাজ~~ ~~করবে~~। বউমাকে এখন বাপের বাড়ি যদি পাঠাও, ~~তবে~~ ~~পাঠাও~~ তার উন্মাদ-রোগের উপসর্গগুলি আরো উৎকট হ'তে থাকবে না?

মহীপতির মা বিষম মুখে বললেন,—তুমি মহীকে চেনো না।  
তাকে তার এই সন্ন্যাসধর্ম থেকে ছাড়িয়ে আনবো বলে'ই আমরা  
তার বিয়ে দিয়েছি—এমনি একটা ধারণা থেকে তার গৌঁ আরো বেড়ে  
গেছে। এক চুলও সে এদিক-ওদিক হ'বে না—এই হয়েছে তার  
প্রতিজ্ঞা। বিয়ে করে'ও যে সে তার আগের পূজো-অাচ্চা ছাড়েনি,  
এই তার অহঙ্কার।

—এ বে দেখছি, রত্নাকরের পাপের জন্তে তার বাপ-মাকে দায়ী করা। আমরা তার বিয়ে দিয়েছি? বেটা খেড়ে জোয়ান, আইনের চোখে কবে থেকে সাবালক হয়েছে—আমরা দিয়েছি ওর বিয়ে? জগদীশবাবু ক্ষেপে উঠলেন : বিয়ে ও করেনি? দাঁড়াও, তুমি ভেবো না। পাষাণকে আমি টিট না করেছি তো কী! বলে' জগদীশবাবু মৃদু-মৃদু হাসতে লাগলেন : সামান্য মাটির বাসনের হোঁয়ায় কঠিন পাথরই একদিন ক্ষয় পায়, আর এ তো—তুমি ভেবো না কিছু। সময়ের হাতে ছেড়ে দিয়ে চুপ করে' বসে' থাকো। সময়ের চাঁকা অবিরাম ঘুরে চলেছে।

তার আখড়া থেকে রাত করে' ফিরে এসে মহীপতি দ্বন্দ্বিতে পেলো।  
ললিতা বালিসে মুখ ডুবিয়ে হুঁপিয়ে-হুঁপিয়ে কাঁদছে। দুঃখের প্রাবল্যে  
তার সমস্ত শরীর কেঁপে-কেঁপে উঠছে। ক্লক, আবাঁধা চুলগুলি পিঠময়  
এলোমেলো ; সাড়িটা এখানে-ওখানে রশ্মিভূত।

কান্নার বিহ্বলতায় মহীপতি হঠাৎ থমকে দাঁড়ালো। অসহায়তার



## ঢেউয়ের পর ঢেউ

থেকে এর আন্তরিকতা এমন প্রচুর যে মহীপতি খাটের দিকে না এগিয়ে পারলো না। জিগ্গেস করলে : কী হ'লো ? কাঁদছো কেন ?

ললিত মানা মানলো না। কান্না ছাড়া মুখে তার আর কোনো কথা নেই।

মহীপতি আবার জিগ্গেস করলে : কেন কাঁদছো, শুন্তে পাই না ?

বালিসে তেমনি মুখ গুঁজে ললিতা বললে,—আমাকে আমার বাবার কাছে পাঠিয়ে দাও।

কথা শুনে মহীপতি কতকটা আশ্বস্ত হ'লো যা-হোক। নির্লিপ্ত গলায় বললে,—বেশ, গেলেই পারো একদিন। কে ধরে' রাখছে ?

—কিন্তু কা'র সঙ্গে যাবো ?

—তা আমি কী জানি ! মহীপতি মেঝের উপর তার আসনে গিয়ে বসলো : মাকে বললেই পারো। লোকজনের ব্যবস্থা সব তাঁদ'ই করতে পারবেন। দায়িত্ব তো তাঁদের। আমাকে বলে নাভ কী !

—তাঁরা এখন আমাকে পাঠাতে চান না। ললিতা আন্তে-আন্তে মুখখানি কাৎ করলো।

ঘাড় না ফিরিয়ে মহীপতি জিগ্গেস করলে : কেন ?

কী যে উত্তর দেবে, ললিতা ব্যাকুলভাবে মনের অন্ধকার হাতড়াতে লাগলো। বললে,—জানি না।

—জানো না তো, আমি কী করবো ! মহীপতি তার পুঁথি-পত্র ঘাঁটতে বসেছে।

ললিতা বললে,—আমি চলে' গেলে সংসারের নাকি অন্ত্রবিধে হ'বে।

মহীপতির উত্তর সজ্জিগত : তুমি না থাকতেও তো সংসার আমাদের 'সমানে চলে' এসেছে।

## চেউয়ের পর চেউ

মিনিটটাক্ চুপ করে' থেকে চোক গিলে ললিতা বললে,—তোমার  
অসুবিধে—

—আমার? মহীপতি ঘাড় ফেরাতে বাধ্য হ'লো : আমার  
অসুবিধের জন্তে তোমাকে যেতে দেওয়া হচ্ছে না? আমার আবার  
অসুবিধে কী! আমার কোনো কাজেই তো তোমাকে হাত দিতে  
দিই না। সত্যি, এই কারণ?

ললিতা বোজা গলায় বললে,—জানি না।

—জানো না তো, চুপ করে' থাকো।

কিন্তু চুপ করে' ললিতা আজ থাকবে না। আবার এলো কান্নার  
চেউ।

মহীপতি সহসা ধম্কে উঠলো : আমার কাছে কাঁছনি গেয়ে কী  
ফল হবে? যারা তোমাকে এখানে ধরে' এনে আটক করে' রেখেছে,  
তাদের বলো গৈ—

কান্নার চেউয়ে ললিতার মুখ দিয়ে কথা বেরিয়ে এলো : তোমাকে  
ছাড়া আর কা'র কাছে বলবো? কে তবে আমার আছে?

মুহূর্ত্তে ঘরের সমস্ত হাওয়া যেন জমে' পাথর হ'য়ে গেলো—এমন  
ভয়াবহ স্তব্ধতা। স্পষ্টই মহীপতির নিশ্বাস শোনা যাচ্ছে ; চেয়ে দেখলো  
—তার দেহের দৃঢ় পেশীতে ফুটে উঠেছে সতেজ সংযম, যেন খানিকটা  
আঘাত প্রতিরোধ করার দুর্নমনীয় ভঙ্গী। তার মনের ঘুমন্ত অন্ধকার  
যেন ললিতার এই বাক্যচ্ছটায় সহসা বিদ্যুদ্বীপ্ত হ'য়ে উঠেছে : চোখে  
তার সেই অসহ বিষয়! ললিতার ভীষণ লজ্জা করতে লাগলো।  
বেদনার প্রাবল্যে কী করে' যে সে হঠাৎ আত্মদাবাটন করে' বসলো,  
তারই অমিতোচ্ছ্বাসে সে এখন কুণ্ঠিত হ'য়ে পড়েছে। কিন্তু প্রত্যেক

## ঢেউয়ের পর ঢেউ

সত্যের অনাবরণেই বুঝি এমন একটা প্রার্থনা আছে, যা চোখ মেলে অনুধাবন করতে গেলে সহসা জ্বালা করে' ওঠে ।

সেই ক্ষীণতম মুহূর্তটির অপার, অক্ষুণ্ণ স্তব্ধতা যেন ললিতার কাছে তার স্বামীর স্নানবিড় সান্নিধ্যের স্বাদ নিয়ে এলো । উত্তরে কী তিনি বলেন তার শোনবার প্রতীক্ষায় তার দেহেব অণু-পরমাণু পর্য্যন্ত সঙ্গীত-স্পন্দিত হচ্ছে ।

মহীপতি স্নিগ্ধস্বরে বললে,—বেশ, এখন চুপ করো, আমি যা-হোক তার একটা বন্দোবস্ত করবো ।

—ঠিক, করবে ? আমাকে বাবার কাছে পাঠিয়ে দেবে তা'লে ?

—হ্যাঁ, এখন ঘুমোও । আমাকে এখন আমার কাজ করতে দাও । বলতে-বলতেই ধর্মপ্রাণনার একাগ্রতায় তাব ভঙ্গিটা তীক্ষ্ণ, কঠোর হ'য়ে এলো ।

তবু একটি স্নেহ, সমব্যথিত কথায় স্বামী তাকে আশ্বাস দিয়েছে, ললিতার তাই যেন অনেক । যেন তার অন্ধকার রাত্রির একটি গধুব অনিদ্রা । ললিতা স্বামীর কথায় সম্পূর্ণ সমর্পণ করেছে এমনি একটা স্খলবেশের ভঙ্গিতে নিজেকে সে শিথিল করে' আনলো । স্বামীর ধ্যানের নিঃশব্দতার সমুদ্রে সে নিজের আর এতোটুকু চিহ্ন রাখলো না ।

পরদিন রাত করে' মহীপতি আবার বাড়ি ফিরলে ললিতা হাসিমুখে জিগ্গেস করলে : আমার যাওয়ার কী ব্যবস্থা হ'লো ?

মহীপতির মুখ গান্ধীর্ঘ্যে ধম্ধম্ করছে । বললে,—হ্যাঁ, বাবার কাছে তো একবার সুপারিশ করতে যেতে হ'বে । ঘোটেই সময় করতে পারা'ই না ।

## চেউয়ের পর চেউ

—বাবাকে তবে কবে বলবে?

—দেখি।

মহীপতি ঘরময় পাইচারি করতে লাগলো। আজ ঠিক প্রশান্ত অভিনিবেশের সঙ্গে সে তার পুঁথি-পত্র নিয়ে বসতে পারছে না।

মোটকথা, জগদীশবাবুর কাছে এগোতে তার সঙ্কোচের আর শেষ ছিলো না। নিজে সে নিয়মের অঙ্ক আনুগত্য করে'-করে' বাপকে ক্ষমতার এমন দূর শিখরে এনে বসিয়েছিলো যে তাঁর দিকে তাকানো পর্য্যন্ত তার অসম্ভব। ছ'-ছ'বার দরজার চৌকাঠ থেকে সে ফিরে এসেছে। কথাটা যে কী করে' পাড়বে, তার অনুকূল ভাষাই সে খুঁজে পাচ্ছে না। কিন্তু ললিতাকে যখন একবার কথা দিয়েছে, সে-কথার সে অন্তত মর্যাদা রাখবে। ফলাফলের উপর তার হাত নেই, কিন্তু-তার যেটুকু সাধ্য, যেটুকু আয়ত্ত—তার অবমাননা করা তাকে মানাবে না : মনে থাকে যেন, সে তাকে কথা দিয়েছে।

আর এ কী অজ্ঞান চরিত্রদৌর্বল্য ! মহীপতি সটান একদিন জগদীশ-বাবুর বৈঠকখানার মধ্যে ঢুকে পড়লো।



## পাঁচ

জমিদারির খত-খতিয়ান নিয়ে জগদীশবাবু তখন ভারি ব্যস্ত ; মহীপতি আস্তে-আস্তে কাছে এসে দাঁড়ালো। ঘরে লোকজন কেউ নেই—এমন সময়ের জন্তেই মহীপতি এতোকণ আড়ালে থেকে অপেক্ষা করছিলো। কিন্তু কথাটা যে কী করে' শুরু করা যায় তারই সে ভাষা খুঁজে পাচ্ছে না।

দরজার কাছে ছায়া পড়তে দেখেও জগদীশবাবু চোখ তুললেন না, অভিনিবেশে এমনি তিনি অটল। গান্ধীর্ষ্য যেন চারদিকে তাঁর দুর্ভেদ্য একটা বর্ষের মতো কঠিন ; বিরক্তিতে মুখের রেখাগুলি রুক্ষ, ধারালো।

কথা প্রথমটা শুরু করা শক্ত হ'লেও, কোথায় গিয়ে তা শেষ হ'তে পারে মহীপতির তা জানা আছে : তার জন্তে সে প্রস্তুত, তার ভঙ্গিটাও তাই সে নরম করে' আনলো না।

তবু, গলাটা পরিষ্কার করে' মহীপতি বললে,—আপনার সঙ্গে আমার একটা কথা ছিলো—

কাগজপত্র থেকে চোখ না তুলেই জগদীশবাবু বললেন,—ভালো কথা, বলো।

## চেউয়ের পর চেউ

মহীপতি আম্তা-আম্তা করে' বললে,—বউকে বাপের বাড়িতে দিন কয়েকের জন্তে বেখে দিলে হয়।

জগদীশবাবু তাকিয়া ফেলে এক ঝটকায় উঠে বসলেন, চশমার কাচের ভিতর দিয়ে তেরছা করে' চেয়ে বললেন,—তার ওপর তোমার এতো মায়া পড়লো হঠাৎ ?

মহীপতি বিনীত হ'য়েই বললে,—মায়া নয়। আমাকে রোজ সে এই বলে' বিরক্ত কবছে।

ঠাট্টায় ঠোট তটো একটু বঁকিয়ে জগদীশবাবু বললেন,—রোজ, প্রতি মুহূর্তে তোমাকে এমনি বিরক্ত কববার জন্তেই তো বউমাকে নিবে এসেছি। যাতে তোমার বৈরাগ্যের ওপর রাগ আসে ; যাতে তার সংস্পর্শে তোমার খানিকটা চেতনা হয়। শুনে খুব খুসি হ'লাম।

—কিন্তু এতে আমার মানসিক শান্তি নষ্ট হচ্ছে।

—হচ্ছে তো ? জগদীশবাবু উৎফুল্ল হয়ে উঠলেন : তাই তো আমরা চেয়েছিলাম। এবার একটু মাসুখিক শান্তির চেষ্টা দেখ। বলে' তিনি চশমার নাকিটা আঁট করে' বসিয়ে তমসূকেব দলিলটা নাড়াচাড়া করতে লাগলেন।

মহীপতি কঠিন হ'য়ে বললে,—কিন্তু সহজেই একদিন আপনাদের ভুল ভেঙে যাবে।

—একটা বীরের মতো কথা বলেছ বটে, কিন্তু কা'র কখন ভুল ভাঙে, বড়াই করে' তা বলতে যেয়ো না, মহী।

—বেশ, মহীপতি দরজার দিকে মুখ করে' বেরিয়ে যাবার উদ্যোগ করে' বললে,—ওকে না সরান, আমাকেই তবে সরে' পড়তে হ'বে।

জগদীশবাবু চেঁচিয়ে উঠলেন : শোনো, শোনো, কোথায় ভূমি

## ঢেউয়ের পর ঢেউ

বাবে শুনি? ধর্মসাক্ষী করে' বিয়ে করো নি তুমি? জীব প্রতি তোমার কর্তব্য নেই?

মহীপতি ফিরে দাঁড়ালো। নির্ভুর কণ্ঠে বললে,—তার চেয়ে সত্যের প্রতি আমার বড়ো কর্তব্য আছে।

কথা শুনে জগদীশবাবু প্রবল হাসিতে আলোড়িত হ'য়ে উঠলেন : ও-সব গাঁজাখুরি কথা আর ক'টা তুমি মুখস্ত করে' রেখেছ? সত্য? সত্য তোমার মাথার ঐ টিকিতেই কেবল শোভা পাচ্ছে, তোমার জীব শাখা-সিঁদুরে কোনো সত্য নেই?

মহীপতি গম্ভীর মুখে বললে,—সে-সব কথা নিয়ে আপনার সঙ্গে অবশ্য তর্ক করতে চাই না।

আকস্মিক উদ্বেজনা জগদীশবাবু তত্ত্বপোষ থেকে নিচে নেমে এলেন; ঝাঁজালো গলায় বললেন,—বিয়ে করে' তুমি তোমার জীবকে ভরণপোষণ করবে না? কাপুরুষ, ছোটলোক কোথাকার! এ তুমি অরাজক দেশ পেয়েছ? আইন নেই?

মহীপতি বললে,—আইন তো আমার পক্ষে। স্বামীর কাছে জীব বড়ো জোর একটা খোরপোষ দাবি করতে পারে, তার জন্তে আমার প্রাণ্য সমস্ত সম্পত্তি ওকে না-হয় দিয়ে যাবো। ও-সবে আমার বিন্দুমাত্র লোভ নেই।

—ও তোমার সম্পত্তি? হুঃসহ, নিদারুণ রাগে জগদীশবাবুর শরীর ক্ষীততরো হ'য়ে উঠলো : মাথার ঘাম পায়ে ফেলে ও তুমি রোজগার করেছ?

—কিন্তু আইন, মহীপতি শুকনো একটা টোক গিলে বললে,—ঐ আইনের জোরেই ও স্বচ্ছন্দে আমার হাতে এসে যেতো।

## চেউয়ের পর চেউ

—বটে ? জগদীশবাবু মহীপতির দিকে হ' পা এগিয়ে এলেন :  
তোমাকে আমি ত্যাজ্যপুত্র করতে পারি না, ভেবেছ ?

মহীপতি হেসে বললে,—আইনে আপনার সে-ক্ষমতা আছে হয়তো ।  
সে-ক্ষেত্রেও, আমি জানি, আপনি আপনার পুত্রবধুর ওপর দয়া করবেন ।  
সংসারে আমার মতো নির্দম আর কয়জন হ'তে পারে, বলুন ?

অপমানের তীব্রতায় জগদীশবাবুর দুই চোখ থেকে কণা-কণা আশ্রু  
ঝরতে লাগলো । কিন্তু কিছু একটা করে' বসবার আগেই মহীপতি ঘর  
থেকে কখন অদৃশ্য হ'য়ে গেছে ।

সেই রাত্রে—রাত যখন অন্ধকারে গভীর, অকস্মাৎ শরীরময় স্পর্শের  
বহ্যায় ললিতা ঘুমের ঘোরে বিভোর হ'য়ে উঠলো । রাত করে' যখন  
সে শুতে আসে, মহীপতি তখন ঘরে ছিলো না, সে কোনো সন্দেশির  
আখড়ায় নিয়ে থাকবে হয়তো । বারান্দা পেরিয়ে ঘরে ঢোকবার  
যে দরজা, তাতে ললিতা খিল চাপায় নি, কিন্তু সেই ভেজ্যানো  
দরজা ঠেলে চুপি-চুপি অপরিচিত কেউ এসে তার প্রতি আবেগে  
এতোটা অমিতব্যয়ী হ'য়ে উঠবে সেটা ললিতার ভয়াবহ দুঃস্বপ্নের  
অতীত ছিলো । পরাক্রান্ত, পরব-পেশল স্পর্শের ব্যুহ থেকে মুক্ত হ'বার  
জন্তে সে ধড়মড় করে' বিছানায় উপর উঠে বসলো—আরেকটু হ'লে  
সে চেষ্টেই উঠতো হয়তো—কিন্তু ভয়ে ও বিন্ময়ে চোখ বড়ো করে'  
সে চেয়ে দেখলে, আর কেউ নয়, অন্ধকারে স্বয়ং দাঁড়িয়ে মহীপতি !

ছি, ছি, ছি—এলোমেলো আঁচল ও অসম্বৃত চুলের রাশ নিয়ে  
ললিতা উঠলো হাঁপিয়ে : ছি, ছি, ছি, এমন পুলকাঞ্চ সে নিজেকে  
সর্বস্ব ভরে' বেশিক্ষণ সম্ভোগ করতে দিলো না ! কোঁথাকার স্ত্রী  
সাতঙ্ক কল্পনা তার এই স্পর্শের উজ্জ্বলিত জোৎস্নায় নিয়ে এলো মেঘের



## চেউয়ের পর চেউ

ঘন স্নানিমা ! আত্মরক্ষা করতে সে উঠে দাঁড়ালো তারই বিরুদ্ধে যার স্পর্শের উত্তপ্ত গভীরতার জগ্রে তার শরীরে ছিলো অব্যবহিত অভ্যর্থনা ! তারই বিরুদ্ধে সে গেলো মুক্তি খুঁজতে, যার বন্ধনে অবনমিত, উন্মথিত হ'বার জগ্রে তার দেহময় ছিলো নীরব, সম্মিত সম্মতি । স্বর্ঘ্য ঠাণ্ডার আগে দিগন্তরেখায় যেমন অস্পষ্ট, পাণ্ডুর একটি আভার আভাস ফুটে ওঠে, তেমনি তার ঘুম ভাঙবার আগে রক্তে আধো-প্রচ্ছন্ন, আধো-অপূর্ণ একটি অমুভবের চেউ জাগলো না কেন ?

হয়তো এই অন্ধকারে ললিতার ঘুমন্ত দেহ মহীপতির কাছে রাত্রির তারকা-আকীর্ণ আকাশের চেয়েও অনেক বেশি রহস্যময় মনে হয়েছিলো । বিছানায় সম্পূর্ণ-সমর্পিত, ঘনপর্ণকায়্য বিসপিণী লতার মতো তার বিহ্বল দেহে সে এক নিমেষের জগ্ৰ হয়তো খুঁজে পেয়েছিলো অনেক বড়ো জীবন্ত সত্য—তার আকুল-এলায়িত চুলে-অরণ্যে, ক্লিষ্ট প্রতীক্ষা-পরিপাণ্ডু কোমল মুখশ্রীতে, তার শোবার নিঃসঙ্গ, দুর্বল, বিষন্ন ভঙ্গিমায় । নিজের জাগরণের রূঢ় আঘাতে কেন সে স্বামীর চোখের স্বপ্নময় মুহূর্ত-মত্ততা এতো তাড়াতাড়ি নষ্ট করে' দিলো ! এতো রাজ্যের ঘুম তার আজ গেলো কোথায় ?

স্পর্শহীনতার সেই গভীর নিস্তব্ধতা অন্ধকারে স্তূপীকৃত হয়ে উঠছে ।

মহীপতি আলো জ্বাললে, তার ক্ষীণ অনতিস্পষ্টতায় তার মুখের তেজস্বিতা উদ্ভাসিত হ'য়ে উঠলো । সে-মুখে যেন মেহালস একটিও ভঙ্গুর রেখা নেই : নিরাভ, নিশ্চল । গভীর নিখাদের একটা সুর যেন মাংসল প্রতিচ্ছবিতে প্রকাশ পেয়েছে মাত্র ।

মহীপতি এক পা কাছে এগিয়ে এলো ; গভীর গলায় সরাসরি বললে,—চলো, আমার সঙ্গে একুনি তোমাকে বেতে হ'বে ।

## চেউয়ের পর চেউ

বিশ্বয়াবিষ্ট, ব্যথিত চোখে ললিতা স্বামীর মুখের দিকে ক্যান্‌ফ্যালাক'রে চেয়ে রইলো।

মহীপতি চঞ্চল হ'য়ে বললে,—বেশি দেরি করবার আমাদের সময় নেই। রাত থাকতেই বেরনো চাই, ঘাটে নৌকো আমি ঠিক করে' এসেছি। চলো। একুনি।

ধরা গলায় ললিতা জিগ্‌গেস করলে : কোথায় ?

—যেখানেই হোক। আমার সঙ্গে যাচ্ছ, তোমার ভয় কী !

ললিতা পা ঝুলিয়ে খাটের ধারে এসে বসলো। ঘুমে চোখ তার তখনো ঝাপসা, রাতের নিস্তরঙ্গ নদীর জলের মতো একটি অমুচ্চারিত বেদনা তাতে টলটল করছে। ঝাপসা, কুণ্ঠিত গলায় সে বললে,—কিন্তু কোথায় আমাকে নিয়ে যাবে ?

অন্ধকারে অন্তরঙ্গতার গভীর একটি স্রব বেজে উঠেছিলো হয়তো। কিন্তু মহীপতি কোঁমলতার ধার দিয়ে ঘেঁসলো না, খাটের বাজুটা ধরে' দাঁড়াবার ভঙ্গিটা দৃষ্ট, উদ্দীপ্ত করে' সে বললে,—সে অনেক দূরের, অনেক দুর্গম পথ। এই তুচ্ছ আরাম ছেড়ে কঠিন তপস্যার পথে তোমাকে আমি নিয়ে যেতে এসেছি। চলো।

চমৎকার হয়েছিলো আবহাওয়া, রাত নিশ্চুতি অন্ধকার, ঘাটে নৌকা বাঁধা আছে। কিন্তু ললিতা কা'র সঙ্গে যাবে ? মহীপতি ভগবদগীতার একটা নিষ্ঠুর শ্লোক আওড়ে সমস্ত আবহাওয়া দিলো উড়িয়ে। নইলে স্পর্শের সুখাবেশে ললিতার শরীরে এসেছিলো নতুন লাগ্ন, মনের মেঘলা রাত কেটে জেগেছিলো নতুন ভোরের আলো। প্রথম ভেবেছিলো, আজ বুঝি তার কোমারকোরক থেকে নারীশ্র নবহন উন্মীলন-উৎসব ; স্বামীর স্পর্শে আজ সেই অনুকূল দক্ষিণ বাতাসের

## চেউয়ের পর চেউ

স্মৃচনা। তারপর ঘাটে নৌকো যখন তৈরি, তখন স্বামীর সঙ্গে নিশ্চয়ই সে বাপের বাড়ি চলেছে—ভোরের বেলায় ষ্টিমার ধরতে। ভাবতে তার শরীরে জেগেছিলো নদীর জলের মুহূল চঞ্চলতা। ভোর রাতে, একা নৌকোতে ছইয়ের বাইরে সে আর তার স্বামী, জলের উপর তারার আলো চিক্‌চিক্‌ করছে। তারা-ভরা আকাশের নিচে রাশি-রাশি জলের উপর তার আর স্বামীর মাঝে মধুর নিঃশব্দতা। কতো যে তার ভালো লাগতো কোনো কথা না বলে খালি জলের উপর বৈঠার ছপ্‌ছপ্‌ আওয়াজ শুনতে, স্বামীর হাঁটুর একপাশে ম্লান একফালি জ্যোৎস্নার মতো ঘুমে এলিয়ে পড়তে। মহীপতির এক কথায় সমস্ত স্বপ্ন গেলো ধূলিসাৎ হ'য়ে। তপস্তা! এমন ঘুম-ভাঙা, ঠাণ্ডা, মিষ্টি রাতে আবার ধীরে-ধীরে ঘুমিয়ে পড়া ছাড়া আর কী বড়ো তপস্তা থাকতে পারে ললিতার? কোথায় অনেক দূর, কোথায় কী দুর্ভাগিনী, মহীপতি একেবারে তার হাতের কাছে, হাত একবার বাড়িয়ে দিতে পারলেই সে তার। তার জন্তে, এই পরিচ্ছন্ন গৃহকোণ, এই আরাম-রমণীয় উপাধান ছেড়ে পৃথিবীতে যাবার আর জায়গা কোথায়!

ভয়ে-ভয়ে মুখ কাঁচুমাচু করে' ললিতা বললে,—কিন্তু তোমার সঙ্গে অতো দূর আমি যেতে পারবো কেন?

কথাটা মহীপতির কানে মধুবর্ষণ করলে না। রুদ্ধকণ্ঠে বললে,—কেনই বা পারবে না? তুমি তো আমার স্ত্রী—অনুগামিনী। আমার যা ধর্ম, তোমারো তাই।

কথার ছটায় ললিতার দুই চোখ ধাঁধিয়ে গেলো। কী যে সে বুদ্ধিব গুঁহিয়ে চট করে' কিছু ভেবে নিতে পারলো না; ক্লান্ত, কাতর পলা দিয়ে শুধু বেরিয়ে এলো : কিন্তু এই রাত করে' যাবার কী হয়েছে?

## চেউয়ের পর চেউ

—না, দিনের আলোয়, সমস্ত লোকের স্মৃখ দিয়েও তোমাকে আমি নিয়ে যেতে পারি। মহীপতি কথাটাকে প্রাঞ্জল করবার চেষ্টায় ছ' পা হাঁটতে লাগলো : আইন ! আমাকে আইনের চোখ-রাঙানি ! তোমাকে নিয়ে যাবো, কে আমার পথ আটকায় ! কিন্তু মিছিমিছি হাস্যামা করে' লাভ নেই। এখন—এই রাত করে'ই তোমাকে নিয়ে আমি পালাবো, ওঠো, দেরি কোরো না।

তবু যেন স্বামীর প্রতি ললিতার পরিপূর্ণ বিশ্বাস নেই : মহীপতি যেন কোনো অপরিচিত পরপুরুষ, তাকে চুরি করে' পালাতে চায়। সন্দ্বিগ্ন, সঙ্কুচিত গলায় সে বললে,—কিন্তু কোথায় নিয়ে যাবে সে-কথা তো কিছুই বললে না।

—সে-কথা জেনে তোমার বিশেষ লাভও নেই। আমি স্বামী, আমার সঙ্গে যাবে—তাই যথেষ্ট। মহীপতি ঘুরে আবার ললিতার কাছে এসে দাঁড়ালো : তোমাকে এই বাড়িতে আমি আর একদণ্ডও রাখতে চাই না। বাবার কাছ থেকে আজ আমাকে কঠিন অপমান নিতে হয়েছে। না, তুমি চলো। আমার পথই তোমার পথ। তোমাকে আমি সেই ধর্মের পথেই নিয়ে যেতে এসেছি।

ললিতা আবার গেলো মিইয়ে ; নিস্ত্রাণ গলায় বললে,—তার চেয়ে আমাকে বরং বাপের বাড়ি রেখে এসো।

—তা পরে দেখা যাবে। তুমি আগে চলো তো। হ্যাঁ, এই এক কাপড়েই ৯ ধর্মের পথ রিক্ততার পথ। তাতে কোনো উপকরণের দরকার নেই। এসো।

মহীপতি দরজার দিকে এগিয়ে গেলো।

কিন্তু পিছনে, আঁচলে-চুলে ললিতার একবিন্দু চাঞ্চল্য নেই।

## চেউয়ের পর চেউ

দেয়ালে খোদাই-করা নিরেট মূর্তির মতো স্তব্ধ হ'য়ে সে বসে' আছে। ছুই চোখে তার ঘুমের ঘনিমা, তার ভিতর থেকে স্পষ্ট ফুটে উঠছে তার দ্বিধা, তার সন্দেহ। এমন একটা আবিষ্ট দৃষ্টি, মহীপতিকে যেন সে চেনে না, সে তার কে যে তাকে সে দূর-দূরগম পথে নিয়ে বাবার স্পর্শ দেখায়! কী বিশ্বাস তাকে, সে দেবে আশ্রয়, উত্তাপ, সান্নিধ্য-স্বপ্ন? কী সে পটভূমি রচনা করেছে, যার উপরে তার সে এমন একটা কোমল আলোখ্য আঁকতে পারে?

সেই সন্ধিতন্ত্র অথচ নিশ্চাপ চোখের কাছে মহীপতির নিজেকে কেমন অসহায় লাগতে লাগলো। দরজার কাছ থেকে সে ঘুরে এলো; কি বলছে ঠিক বুঝতে না পেরে সে বললে,—আমাকে যদি তুমি ভালোবাসো, স্বামী বলে' আমার ওপর যদি তোমার কোনো ভক্তি-শ্রদ্ধা থাকে তো আমার সঙ্গে চলে' এসো একুনি। তোমার কিছু ভয় নেই। আমি সব দিক থেকে তোমার ভালোই চাই শুধু।

এতোটা মহীপতি বাড়াবাড়ি না করলেও পারতো—ললিতার ঠোঁটের বন্ধিমায় ফুটে উঠলো তেমনি একটি হাসির শাবিত রেখা। ছ'হাতের পিঠ দিয়ে চোখ কচলে সে বললে,—কিন্তু আমার যে বেজায় ঘুম পাচ্ছে!

কথাটা বলে' ফেলেই ললিতার মন যেন আরো কত-কি বলবায় জন্তে শতমুখে উন্মুখ হ'য়ে উঠলো। অগোছাল বিছানাটা ক্ষিপ্ত হাতে পাট করতে-করতে ললিতা বললে,—রাত আর বেশি নেই, আমরা এটুকু সময় ঘুমিয়ে কাটিয়ে দিই এসো। কাল জোরেই না-হয় বাওয়া বাবে—সবাইর; সমুখ দিয়ে পাশাপাশি আমাদের ঘুমিয়ে যেতে তো কোনো লজ্জা নেই। চুপি-চুপি ঘুমিয়ে যেতে হ'বে কেন? এসো,

## ঢেউয়ের পর ঢেউ

ঘুমে চোখ আমার ভেঙে পড়ছে একেবারে। কাল—কী বলো, কালই  
ষাওয়া যাবে'খন।

মহীপতির শরীরে যেন স্পন্দন নেই।

প্রশস্ত খাটেব একটি ধার ঘেসে ললিতা শুয়ে পড়লো : স্বামীর  
জন্তে ছেড়ে দিয়েছে সে অনেকটা জায়গা, অনেক বিরহ। দেখি  
আব কেমন তার ঘুম আসে, আব কেমন বা সে জাগরণে প্রথর  
হ'য়ে ওঠে ! আধো-ঘুম আধো-জাগরণের প্রচ্ছন্ন প্রদোষচ্ছায়ায় সে  
নিজেকে বাথবে আচ্ছন্ন করে' : বাতের বাকি সময়টুকু সে ঘুমবেও  
না, চোখও মেলবে না।

ঘরময় আবার স্তূপীকৃত হ'য়ে উঠছে স্থিতিমান নিস্তকতা।

ললিতা সেই স্তকতায় যেন খানিকটা সাহসিকা হ'য়ে উঠেছে :  
আলোটা নিভিয়ে দাও, শুতে এসো।

মহীপতি নির্লিপ্তের মতো বল্লে,—ভূমি ঘুমোও, আমি বাইরে  
বাবান্দায় গিয়ে একটু বসি।



## ছয়

ঘুম যখন ভাঙলো, দেয়ালের ল্যাম্প তখনো মিটমিট করে' জ্বলছে। বারান্দার দরজাটা হাট করে' খোলা। ঘবে মহীপতি নেই। আকাশের কবোক্ষ-কোমল আলো অজস্র উৎসারে তার চোখে-মুখে ছিটিয়ে পড়েছে—তার বিছানার উপর, তার সাড়ির কুঞ্চিত রেখায়, তার কালো চুলের মর্শ্বরিত অরণ্যে। এতো আলো যেন মহীপতির সেই অতর্কিত, উচ্ছ্বসিত স্পর্শের মতো তার গায়ের উপর উথলে পড়ছে।

সারা দিনের মধ্যে মহীপতির আর দেখা নেই। প্রথমটা ললিতা চোখে ঝাপসা দেখলে, এবং দিন পেরিয়ে রাতের অন্ধকার যখন অকূল হ'য়ে উঠলো, তখন একা ঘরে তার হৃৎকের আর শেষ রইলো না। তার জীবনে এসেছে যেন আকাশহীন অন্ধকার দিন, মৃত্তিকার আশ্রয়হীন নিরবচ্ছিন্ন রাত। পরিবারের আর-সবাই বেশ নিশ্চিন্ত হ'য়ে আছে, তাদের কাছে মহীপতির এমনিতরো অসাময়িক অন্তর্দ্বানে কোনো আকস্মিকতা নেই। কিন্তু ললিতা জেগে-জেগে হঃসহ হঃস্বপ্ন দেখছে, ফেবলি মনে হচ্ছে—আর তিনি ফিরছেন না। ফিরে এলেই বা তার কী, যে-তিমিরে সে সেই তিমিরে—সেই কঠিন প্রস্তরীভূত স্পর্শহীনতা, নিরাবরণ নিদারুণ উপেক্ষা—তবু, আজকের তার এই

## চেউয়ের পর চেউ

অসহ্য নিৰ্জ্ঞানতায় মাত্র তার কায়িক উপস্থিতির চেয়ে বড়ো নিৰ্ভর সে কল্পনা করতে পারছে না। একা সে নিশ্চয়ই, কিন্তু কতোখানি একা, আজ তা মনে-মনে পরিমাপ করতে গিয়ে ললিতা হাঁপিয়ে উঠলো।

কিন্তু এতোই যদি তাব একা লাগবার কথা, তবে সে স্বামীর পায়ের চিহ্ন অনুসরণ করে' বেরিয়ে পড়লো না কেন? সত্যি, সংস্কার-শিক্ষায় স্বামীর কথায় ওঠ-বোস করবার জন্তেই তো সে তৈরি হ'য়ে এসেছে—তার রক্তের আনুক্রমিক ধারায় তো ছিলো সেই বশ্বতা। কেন সে গেলো পেছিয়ে, কেন সে নিতে পারলো না এই সাহচর্য্য? কিন্তু কেনই বা সে যেতো—কা'র সঙ্গে? স্বামী হ'বার আগে মহীপতি কেন হ'লো না পুরুষ? 'আমাকে যদি ভালোবাসো, তবে এসো আমার সঙ্গে চলে।' তাকে ভালোবাসবার স্বেচ্ছা সে তাকে দিলো কোথায়? আধিপত্যের কথাই সে বড়ো করে' দেখালো, অধিকারের নয়। নইলে যদি মহীপতি তার শরীৰ-মনে সঞ্চারিত করে' দিতে পারতো প্রেমের প্রফুল্লতা, আনতে পারতো তার বাহর কাছে বলিষ্ঠ বুক, তাকে ঘিরে সৃষ্টি কবতে পারতো স্বপ্নের উর্গা—ললিতা কখনো এক পা পিছিয়ে থাকতো না : যেতো তার স্বামীর সঙ্গে, হোক যতো দূরেব পথ. যেতো দৈন্ত-দুর্গতির। 'যদি আমাকে ভালোবাসো—' তবু ললিতার মুখে ফুটলো না তৃপ্তি, দেহে জাগলো না তরঙ্গ। আর স্বামী তাকে ভালোবাসে বলে'ই দিয়ে গেলো তাকে এই অমিত অন্ধকার, এই আধ্যাত্মিক অনিদ্রা!

ললিতার কাছে বিচ্ছেদের ভার যেন দিনে-দিনে হ্রস্বতরো হ'য়ে উঠছে। স্বামীর সঙ্গে যদি-বা সে যেতে পারলো না, তাকে আটকে



## চেউয়ের পর চেউ

রেখে দিতে পারলো না কেন ? কেন গেলো না নিজের জোর খাটাতে, প্রয়োগ করতে তার আক্রমণের অস্ত্র ? বস্ত্র, হিংস্র জন্তুর যেমন শৃঙ্গ আর নখর, তেমনি তার ছিলো রূপ আর লাষণ্য। সেই বা কেন পাথরের মূর্তিতে সঞ্চারিত করতে পারলো না প্রাণ, ইন্দ্রিয়ের অপরূপ ইন্দ্রজাল ! তারই তো স্বামী, সে জোর করে' তাকে প্রেমে প্রগল্ভ, লোভে আবিল, কামনায় উদ্বেল করে' তুলতে পারলো না কেন ? যেমন করে' হোক, তাকেই তো ধরে' রাখা উচিত ছিলো : এতোদিন এই নিরর্থক প্রতীক্ষার পর, তার ফিরে আসার মুহূর্ত্ত শুনে' ললিতাকে আরো, আবার প্রতীক্ষা করতে হ'বে নাকি ? আর মহীপতি কেনই বা ফিরে আসবে—কা'র কাছে ? ললিতা যদি তার আকাশে বিহ্বল, পরিপূর্ণ চন্দ্রোদয় হ'তো তো নিশ্চয়ই জোয়ার জাগতো তার জীবনে ; কিন্তু ললিতা তার জীবনের জানলায় মাটির বাতির কুণ্ঠিত শিখাটির মতোও ফেলতে পারলো না এক ফোঁটা দৃষ্টি, রইলো সে নিঃজীব, নিশ্চিহ্ন অন্ধকারে। দিতে পারলো না সে নিজেকে উচ্চারণ, আনতে পারলো না তার যৌবনের সুষমার উপর নারীত্বের আভা। কেনই বা সে ফিরে আসবে—ললিতার মাঝে তার কিসের আকর্ষণ ! সে নির্বাককুণ্ঠা বধূটি হ'য়ে রইলো, হ'তে পারলো না সে বিজয়িনী রমণী। তাকে দিয়ে মহীপতির কী হ'বে, কিসের তার মূল্য ! মহীপতি তার দেহে চাইলো পূজামন্দিরের নিখিল, শীতল পরিচ্ছন্নতা, সেখানে প্রচ্ছন্ন রইলো কিনা মন্দিরার ফেনপ্রাচুর্য্য, অথচ সেই তপ্ত স্বাদ সে পরিবেষণ করতে পারলো না স্বামীর অধরে ! আর আজ কিনা তার তিরোধানের পর ললিতা বিষাদ-স্তিমিত, নিরাভ, ম্লান দেহে তার পরিত্যক্ত, বিদায়বাখ্য-গুঞ্জিত নিৰ্জন পূজার ঘরটিতে এসে বসেছে !

কেন যে মহীপতি তাকে নিয়ে যেতে চেয়েছিলো, কথাটা ললিতার

## চেউয়ের পর চেউ

মহীপতি

কানে উঠতে দেরি হ'লো না। তারি, শুধু তারি জন্তে : তারি জন্তেই তো নিতে ইয়েছে তাকে দূর-দূর্গম পথ, সে-পথেও তার কথা মহীপতি ভোলে নি, দিতে চেয়েছিলো তবুও তাকে সে তারি পাশে স্থান, তারি পাশে প্রতিষ্ঠা। শুধু ললিতাই ছিলো না প্রস্তুত, তাই বলে' মহীপতি তার উপর এমন প্রতিশোধ নিলে? সে তো জানতো ললিতা তারই প্রতীক্ষায় অস্তিত্ববোধে অচেতন হ'য়ে আছে ; তাকে যদি সে নিতেই এলো, তবে প্রবল দম্ভ্যর মতো তাকে সবলে ছিনিয়ে নিয়ে গেলো না কেন? ললিতার কাছে তার ভিক্ষা করবার কী আছে, সে তো পরাক্রান্ত প্রভু—কিসের তবে তার সঙ্কোচ !

ললিতা পূজার ঘরটিতে চূপ করে' বসে' থাকে—তার শরীরে নেমেছে বিষাদের ধূসর গোধূলি। সেও স্বামীর উপর চমৎকার প্রতিশোধ নিয়েছে বা হোক—তার এতোদিনের এই বিরাট ঔদাসীত্ত্বের। আর সেই প্রতিশোধের প্রতিফল এই নির্জ্ঞনতার বোঝা। ললিতা বসে'-বসে' স্বামীর এই অনুপস্থিতির মাঝে তার নিবিড় ঘনিষ্ঠতার ধ্যান করে ; ভাবে, ব্যবধানের ভ্রমতাই তো আর অন্তরঙ্গতার আদর্শ নিদর্শন নয়। শারীরিক সান্নিধ্যের বদলে এই আধ্যাত্মিক দূরত্বে মহীপতিকে আরো সে একান্ত আপনায়, একান্ত একলার করে' পেতে চাইলো।

আশা ছিলো—মহীপতি শিগুগিরই একদিন ফিরে আসবে, তার এই স্বামিধ্যান ব্যর্থ হ'বে না। কিন্তু দিনের পর দিন যায়, কৃষ্ণপঙ্কের পাণ্ডুর, ক্ষীরমাণ চাঁদের মতো ললিতা বিবর্ণতরো হ'তে থাকে, মহীপতির দেখা নেই। প্রত্যাবর্তনহীন, অপরিবর্তনীয় পথে সে এগিয়ে চলেছে। বসে'-বসে' সেই পথের পার খোঁজে, খোঁজে তার প্রতীক্ষার ক্ষুধা। সময়মতো নায় না, সময়মতো খায় না, সংসারের কাজে-কর্মে তার

## চেউয়ের পর চেউ

উৎসাহ নেই; শুধু মহীপতির পূজার এই নির্জন ঘরটিতেই তার বিশ্রাম। সমস্ত সংসার যেন তার কাছে অপরাধী, কেউ কিছু তাকে শাসন বা অনুযোগ করতে ভয় পায়, স্নেহ বা সহানুভূতি দেখাতে লজ্জিত হয়। সংসারের আকাশে ঘুলিয়ে উঠেছে ঘন নিঃশব্দতার মেঘ, অসহায় বেদনার ক্লাস্তি।

তবু, দিনের পর দিন যায়, বেদনার চেয়ে ললিতাব অপমানই যেন বেশি লাগতে থাকে। ক্রমে-ক্রমে তার প্রতীক্ষার আয়ুষ্কাল এলো ফুরিয়ে, এই ক্লাস্তিকর নির্বাসনের গ্লানি তাকে পীড়িত করে' তুললো। তার কুণ্ডলীকৃত, জড়ীভূত জীবন হঠাৎ ফণা বিস্তার করে' উঠলো : অপমান নয় তো কী? স্বামীর সংসারে এসেছিলো সে লাল চেলি পরে', তাতে ছিলো রক্তিমার বহা, অনুরাগেব বক্তিম—এই ঔদাস্তধূসব গেরুয়ার তাতে ছাপ ছিলো না। এসেছিলো সে প্রেমে পরিপ্লুত হ'তে, বাসনায় সোনা হ'য়ে উঠতে। চেয়েছিলো সে আকাশ-আকীর্ণ তারকা-মালায় মতো প্রতি রক্তবিন্দুতে রোমাঞ্চিত হ'তে, ধরিত্রীর মতো শস্তশালিনী হ'তে, তার দেবতা ছিলো স্বামী, মন্দির ছিলো এই দেহ, অর্ঘ্য ছিলো তার শ্রোবন। সারা জীবন বসে'-বসে' সে এই নিষ্ফল প্রতীক্ষা করবে নাকি? পৃথিবীতে আর তার কোনো কাজ নেই, বক্ষা মরুভূমিতেই কি তার আয়রণ পদচারণা করতে হ'বে? প্রতীক্ষা করবার ঐ এক বস্তুর প্রতিই কি তার জন্ম-তারকা অহর্নিশ সঙ্কেত করে' আছে? তার স্বামীরই আছে পথ, আর তার এই পিঞ্জরের দেয়ালে অনবরত মাথা ঠুকে মরা!

দারো 'কিছুদিন দেরি করে' ধরনীবাবু ললিতাকে নিতে চলে' এলেন।

## ঢেউয়ের পর ঢেউ

কেউ আর কিছু আপত্তি করবার ভাষা খুঁজে পেলো না। দীর্ঘ দিন রোগে ভুগে কারুর মৃত্যু যেমন কাম্য হ'য়ে ওঠে, তার তিরোধানে যেমন সবাইর মুখের উপর নামে শোকাকুল নীরব স্বস্তির ভাব, তেমনি ললিতার যাবার মুহূর্তে স্বপ্ন-শান্তি, জা-ননদ, সবাইর মুখে এসেছে বেদনায় করুণ একটি স্তব্ধ মম্বরতা। এদের ছেড়ে যেতে ললিতার শবীরটা ছিঁড়ে পড়ছে, কিন্তু একজনের সঙ্গে-সঙ্গে তাকেও বোধকরি এদের সবাইকে ছেড়ে যেতে হ'লো।

এতোদিন যা ছিলো মাত্র আত্মাব অকূল নির্জনতা, বাবার সঙ্গে নোকোয় চড়ে' ললিতার মনে হ'লো এ যেন তাব অব্যাহত অজস্র মুক্তি। নদীর জলের সঙ্গে-সঙ্গে তার জীবনও যেন উত্তাল হ'য়ে উঠেছে। পথ কেবল একলা মহীপতির সামনেই পড়ে' নেই—তারো সামনে আছে অনাবিষ্কৃত আকাশ, অপস্রিয়মাণ অনন্ত দিগন্তরেখা।

তারপর ষ্টিমার ছেড়ে ললিতা ট্রেনে চাপলো। ঘূর্ণ্যমান চাকায় বেজে চলেছে গতির উদ্দামতা; চলেছে সে কল্‌কাতাব—জনাকীর্ণ বিপুল রাজধানীতে। হঠাৎ ললিতা নিজের মাঝে খুঁজে পেলো যেন অনেক বিস্তার, অনেক ভবিষ্যৎ। তার সঙ্কীর্ণ, স্তিমিত আকাশ আজ যেন কতো বৃহৎ, কতো বিকুল হ'য়ে উঠেছে। ললিতা তাতে খুঁজে পাচ্ছে যেন আপন ছন্দ, আপন অল্পপাত। নির্মোক খসিরে জেগে উঠেছে যেন সে জীবনের উলঙ্গ তীব্রতার মধ্যে, কয়েদিব বেড়ির থেকে ছাড়া পেয়ে পায়ে পেয়েছে যেন সে চলবার পথ, পথেব স্বাধীনতা। কিসের তার চুংখ, কিসের তার প্রতীক্ষা!

শেয়ালদা-স্টেশনে গাড়ি বখন দাঁড়ালো, তখন ভোর হ'য়ে গেছে।

—ঐ যে, ঐ যে দিদি!

## চেউয়ের পর চেউ

ছুটতে-ছুটতে কামরার কাছে নটু এসে হাজির।

—তুই এতো ভোরে কি করে' এলি, নটু? দরজা খুলে নামতে-নামতে ললিতা জিগ্গেস করলে।

—বা, একলা আসতে যাবো কেন? মাষ্টারমশাইও এসেছেন সঙ্গে। গাড়ি করবে না একটা?

ললিতা তার আনন্দ-উজ্জ্বল মুখখানি কোলের কাছে চেপে ধরলো; বললে,—তোর আবার মাষ্টারমশাই হয়েছে—এতো বড়ো দিগ্গজ হ'য়ে উঠেছিস, এ-কথা কই আমাকে আগে লিখিস নি তো?

একটি প্রিয়দর্শন যুবক কাছে এসে মুখে কুণ্ঠিত একটি পরিচয়ের আভাস এনে নমস্কার কবলো।

নমস্কারটা যে কা'র উদ্দেশে তাই নির্ণয় করতে ললিতা ধরণীবাবুর মুখের দিকে তাকিয়েছে, ধরণীবাবু বললেন,—ও আমাদের সৌরাংশু, নটুর গার্ডিয়ান-টিউটার। একটা এবার গাড়ি জোগাড় করো দিকিন।

এক পা ছ' পা করে' সৌরাংশু সরে' যেতেই ধরণীবাবু বললেন,—চমৎকার ছেলে! 'লেখা পড়ায় যেমন ভালো, তেমনি অমায়িক, খাসা ছেলে। ওর বাবা আর আমি বন্ধু, এক যেস্‌এর রুম্‌মেট ছিলাম।

সৌরাংশুর গাড়ি ডাকতে যাওয়া বৃথা, নটুই এক কোচোয়ান ধরে' এনেছে।

—বাত্তড়বাগান—এক টাকায় ঠিক করে' আনলাম, বাবা। না, না, এর ওপর আবার বকশিস্ কী! দিদি, এই মোটে তোমার জিনিস? নটু বাহাদুর করে' কুলির মাথায় মাল তুলতে গেলো : আমার জন্তে

## ঢেউয়ের পর ঢেউ

কী এনেছ বলো দিকিন্? অন্তত এক হাঁডি স্কীব? তা-ও নয়?  
তোমার স্বপ্নরবাড়িটা বুঝি তেমন স্মৃতিধেব নয়, না? বলে' সে অনর্গল  
হেসে উঠলো।

গাড়িতে উঠে ধরণীবাবু বললেন,—তুমি কোচবাক্সে উঠতে যাচ্ছ কী,  
সৌবাংশু, ভেতবে এসো।

সৌবাংশু কুণ্ঠিত হ'য়ে গাড়ির উল্টো দিকটাব সিটে নটুব পাশে  
এসে বসলো।

## সাত

কল্কাতায় এসে ললিতা দেখলে তার মন প্রজাপতির পাখার মতো হাল্কা হ'য়ে গেছে : তার শরীরে এসেছে শ্রোতের চঞ্চলতা। নোঙর ছেড়ে নৌকো যেন উদ্দাম হাওয়ায় তুলে দিয়েছে পাল। আর সে মানতে চাইলো না কোনো বন্ধন, নিজের অতিরিক্ত কোনো তার বৃহত্তরো পরিচয়। জানলা দিয়ে যদি বা সে কখনো বাইরের দিকে উদাসীন চোখে তাকায়, তা কারো কোনো প্রতীকার আশায় নয়, বাইরের গতি-উদ্বেল বিপুল জনসঙ্ঘের থেকে সমস্ত রক্তধারায় সংক্রামিত করে' নিতে যাত্রার অনুপ্রাণনা।

ধরণীবাবু বললেন,—কী বলো সৌরাংশু, ম্যাট্রিকটা ললিতা বাড়িতেই তৈরি করে' দিতে পারবে, ইস্কুলে ভর্তি করে' দিতে গেলে মিছিমিছি কতোগুলি বছর মাটি।

মাষ্টার বলতে সাধারণতো মনে যেই শ্রেণীবোধ জাগে, সৌরাংশু তার থেকে বিচ্ছিন্ন, তাকে নিচের তলায় কোণের একটা ঘরে-ফ্লটিনের শিকলে বেঁধে কয়েদ করে' রাখা হয় নি। সৌরাংশুর বাবা সুরপতির সঙ্গে ধরণীবাবুর বন্ধুতাটা সেই পর্যায়ে উঠে এসেছিলো যার ধারাটা এক সমতল দুরেই কতোদূর প্রবাহিত হ'য়ে শুকিয়ে যায় না, তাতে ছিলো

## ঢেউয়ের পর ঢেউ

বহুদূরপ্রসারী হৃদয়তা। তাই সুরপতির অকালে হঠাৎ মৃত্যু ঘটলেই ধরণীবাবু স্মৃতির স্মৃতিতে তক্ষুনি আলগা দেন নি, খোঁজ করেছিলেন সৌরাংশুর, বাপের আকস্মিক মৃত্যুতে যে এখন পড়েছে এসে অনাস্থীয় আবহাওয়ায়। তাকে স্থান দিলেন তাঁর বাড়িতে, এবং পাছে তাতে কোনো করুণাব গন্ধ থাকে, তাকে বসালেন এনে নটুর মাষ্টারিতে। বাজার-দরের সঙ্গে মিলিয়ে তার একটা মাইনে ধার্য্য করে' দিলেন, এবং যাতে সংখ্যাটা একটু ভদ্রতায় স্ফীত হ'তে পারে, তাকে করে' দিলেন নটুর অভিভাবক। তাই বলে', সামান্য মাষ্টারের বেলায় যেমন, তিনি সৌরাংশুব চারপাশে সঙ্কোচ বা অপরিচয়ের দেয়াল উঠতে দিলেন না। যেমন তাকে দিলেন স্থান, তেমনি পরিসর, যেমন তাকে করলেন নিভৃত, তেমনি আবার অব্যাহত। কোনোদিন যদি সে বাজারেও যায় সংসারেব সপ্তদা করতে, নটুব মাষ্টার-হিসেবে সে যায় না, সে তাঁর সুরপতির ছেলে। কোথাও তার পায়ের তলায় এতোটুকু তিনি একটা প্রচ্ছন্ন কাঁটা রাখেন নি, আর সৌরাংশুও এমন উদাসীন, এতো বন্ধনেও এমন নিলিপ্ত যে, তার নির্বাধ পায়ের তলায় সমস্ত সংসার সে স্বকোমল করে' রেখেছে। ললিতার আবির্ভাবেও দরজায়-দরজায় পব্ধা পড়ে নি, তার চারপাশের দেয়াল আসে নি ছোট হ'য়ে, উপরে ওঠবার সিঁড়িটা স্বর্গে উঠে যায় নি একলাফে। তার চরিত্রে এমন একটি নির্মল দীপ্তি ও হৃর্ভেদ্য গান্ধীর্ঘ্য ছিলো যে রৌদ্রোদয়ের মতো শত চোখ বুজেও তুমি তা অস্বীকার করতে পারো' না। রৌদ্রের সেই রূঢ় অবশস্তাবিতার মতো সমস্ত সংসারে তার বলিষ্ঠ উপস্থিতি রয়েছে ছড়িয়ে।

তার কাছে পরামর্শ চাওয়া হচ্ছে বলে' সৌরাংশু একটু অজিত হ'লো ; গলা এলো নেমে : ই্যা, চেষ্টা করলে হ' বছরেই উনি অনায়াসে



## চেউয়ের পর চেউ

পাশ করে' যেতে পারবেন—হয়তো ছ' বছরও লাগবে না। আমি সেদিন দেখছিলাম গুঁর ইংরিজি লেখা—

—কী মনে করো, ধরনীবাবু তাকে তাঁর নিভৃত অন্তরঙ্গতায় আহ্বান করলেন : ওর পড়াশুনোর কী রকম ব্যবস্থা করলে ভালো হয় ?

—তার তো খুব সহজ ব্যবস্থাই আছে। ললিতা এককোণে দাঁড়িয়ে ধরনীবাবুর টেবিলটা গুছিয়ে দিচ্ছিলো, চোখ তুলে বললে,—সোজাসুজি এক মাষ্টার রেখে দিলেই হয়। তাই বলে', এইবার ললিতা সোরাংগুর লজ্জমান মুখের উপর এক ঝলক হাসি ছুঁড়ে মারলো : তাই বলে' নটুর মাষ্টার-মশাইকে নয়, বাবা, নটু তা হ'লে আমাকে আর আস্ত রাখবে না।

ধরনীবাবু স্মিতমুখে বললেন,—না, নটুর ভাগে হাত দিতে যাওয়া ঠিক হ'বে না। তারপর সোরাংগুর দিকে চেয়ে : তুমি ললিতার জন্তে কোনো মেয়ে-মাষ্টার ঠিক করে' দিতে পারো ?

—পারি।

—কোথেকে ? তোমার জানাশোনা কেউ ?

—হ্যাঁ, সোরাংগু বেন কথা বলতে গিয়ে জীবৎ অম্লরগিত হ'য়ে উঠলো : আমাদেরই গ্রামের একটি চেনা মেয়ে আছে। গত বছর বি-এ পাশ করেছে ডিস্টিকশানে,—যদি বলেন তো তাকে বলতে পারি। তাদের অবস্থা খুব খারাপ, বাপ-মায়ের এ-ই বড়ো মেয়ে, নাম সুননা, —সে-ই রোজগার করে' সংসার চালাচ্ছে। লীলাবতী হাই-স্কুলে টিচারি করে, এমনি-ধারা একটা টিউশানি পেলে তার ভালোই হয়।

—ধরনীবাবু টোক গিলে বললেন—কিন্তু আমরা কি তাঁকে বেশি মর্যাদা দিতে পারবো ?

## চেউয়ের পর চেউ

—টাকার কথা বলছেন তো? সাধারণ যা রেট, তাই দেবেন, পাঁচশ টাকাই যথেষ্ট। সোরাংশু কথা বলতে গিয়ে নিজের ব্যক্তিত্বের উপর অনাবশ্যক জোব দিয়ে বসলো : তা, আমি যদি বলি, আরো কিছু 'সে' ছাড়তে পারে।

—সর্বনাশ! ললিতা নিষ্ক হাসিতে ঝঙ্কার দিয়ে উঠলো : টাকা ছাড়তে গিয়ে শেষকালে তিনি একেবারে হাল ছেড়ে দিয়ে বসে' থাকুন। বিনা-ভিজিটে ডাক্তার ডাকতে গিয়ে রুগীই অক্লি পাক্ আর-কি!

—না, ধবলীবাবু চেয়ার ছেড়ে উঠে দাঁড়ালেন : টেনে-বুনে পাঁচশ টাকা আমি দিতে পাববো, তুমি তাঁকে খবর দাও।

সোরাংশুও ঘর থেকে বেরিয়ে যাবার উত্তোগ কবছিলো, ললিতাব কণ্ঠস্বর তাকে বাধা দিলো : শুনুন। আপনার 'নমিনি' বলে' তো গোড়ায় তাঁকে কাজ দিচ্ছি, শেষকালে বিশেষ সুবিধেব না বুঝলে কিছু তাঁকে তল্লি-তল্লা গুটিয়ে বিদেয় হ'তে হ'বে।

সোরাংশু হেসে জিগ্গেস কবলে : সুবিধের কি অসুবিধের এটা কে বিচার করবে?

—বা, আপনি তবে আছেন কী করতে শুনি? সে তো মোটে বি-এ পাশ, আর আপনি একটা জলজ্যান্ত এম-এ, আপনি দেখবেন না সে ঠিকমতো আমাকে পড়াচ্ছে কি না?

তরল, অকুণ্ঠ গলায় সোরাংশু বললে,—আমার তবে সেই একস্ট্রা খাটুনির জন্তে কে মাইনে দেবে?

—বা, আপনার সেই মাষ্টারি তো আর আমার ওপর নয়, আপনার 'নমিনি'-র ওপর। ললিতা হেসে উঠলো : মাইনে যদি কিছু দিতে হয়,

## চেউয়ের পর চেউ

সে দেবে। দায় তো তার, আমি তো তাকে সব সময়ে বিদায় দেবার জন্তেই প্রস্তুত থাকবো।

বাইরে থেকে ললিতা তার বিবাহিত জীবনের সমস্ত গ্লানিকর পরিচিতি নিঃশেষে মুছে ফেলবার চেষ্টা করেছে, মুছে ফেলেছে সে তার সিঁথির সিঁহর, তার পরাজয়ের পঙ্কতিলক, গা থেকে ঝেড়ে ফেলে দিয়েছে তার স্বামি-সহধর্মের বৈরাগ্যের শুষ্কতা, আত্মদহনের অঙ্গার-কালিমা—এখানে এসে এ পর্য্যন্ত শব্দরবাড়িতে লেখে নি সে একখানাও চিঠি। যেন একটা শ্বাসরোধী হৃৎস্পন্দনের বিভীষিকা থেকে ছাড়া পেয়ে সে তার নিশ্চিত ও নিশ্চিত আশ্রয়ের মধ্যে ফিরে এসেছে : কই, কোথাও কিছু তার পরিবর্তন হয় নি। তেমনি সে তার বাড়িতে, যেখানে সমস্ত সংসার জুড়ে আগের মতোই মা'র তিরোধানের ছায়া, বাবার বিরহব্যথান্বিত চিন্তের মধুরতা, নটুর চঞ্চল, অনর্গল তুছুমি। সমুদ্রে ডুবে গেছে স্বপ্ন দেখে ললিতা ছটফটিয়ে জেগে উঠলো—না, সে তো তেমনি তার বিছানায় শুয়েই ঘুমুচ্ছে। তেমনি তার শরীরের মন্থণ রক্তে আত্মার অনাদ্রাত ফুল রয়েছে ফুটে। সে বিধবা নয় যে শরীরে আনবে কুচ্ছসার্থনার মলিন রুক্ষতা, বিচ্ছেদের বিষম গাভীর্ঘ্য : সাজসজ্জায় প্রসাধনে-অঙ্গরাগে ললিতা একেবারে নিশীথ-নগরীর মতো বল্মল করেছে। নেই তার আর এতোটুকু কার্পণ্য, কিঞ্চিংকর কুণ্ঠা। চুলের জটিল দীর্ঘতায় সে এখন এনেছে নিবিড় কৃষ্ণিমা, সাড়িতে এনেছে দৈহিক প্রার্থ্যা, তার সমগ্র দৃশ্যমানতায় বর্ণরাগের একটা রূঢ় প্রগল্ভতা। সে আর নয় বিবাহিতা যে পদে-পদে থাকবে অহুচ্চারিত, সংসারের ঘান্টিয়ে ঘুরে বেড়াবে অস্ত্রের ইচ্ছার ভারবাহী হ'য়ে। ললিতা তার মাথার ধোঁমটা ফেলেছে খসিয়ে, আঁচলটা বন্ধনের হৃৎতায় ঘুচিয়ে এখন

## ঢেউয়ের পর ঢেউ

মুক্তিতে হয়েছে বিস্ফারিত : কপালে আর আঁকে না সে সিঁহর, ললাটে এখন তার ব্যক্তিত্বের বিচ্ছুরণ। সে এখন আবার সেই ললিতা, সেই কুমারী ললিতা, শরীরে এখন যার দুর্ব্বহ মন্থরতার বদলে উছলে পড়ছে লাস্ত্র, হরিণচাঞ্চল্য। এখন সে আবার খিলখিল করে হাসে ; গলা ছেড়ে গান গেয়ে ওঠে ; দীপ্ত, দ্রুত পায়ে বাড়িময় বইয়ে দেয় সে গতির নির্ঝরিনী। তার পটভূমিতে এ-পর্য্যন্ত বতোগুলি রঙের আঁচড় পড়েছিলো, ধীরে-ধীরে সব মিলিয়ে গিয়ে এখন একরঙা হ'য়ে উঠেছে—তার এই অনাবৃত, অব্যবহৃত শুভ্রতা। এখন সে একেবারে একা, নিঃশেষে সে স্বাধীন, জীবনে এখন কেবল তার এই সাদা, শাণিত ঔজ্জল্য। মাঝের ক'টা দিন সে একটা অন্ধকূপে বন্দী হ'য়ে ছিলো মাত্র।

বাইরে থেকে সমস্ত অতীতকে এমনি করে' উড়িয়ে দিতে চাইলেও তার মনে—যে-মন চেতনার নিচের তলায় অন্ধকারে অনাবিষ্কৃত থাকে চিরকাল—সেই তার অবজ্ঞাত, প্রচ্ছন্ন মনে মহীপতির সংস্পর্শের তাপ ছিলো যেন স্নেহপুষ্প। সেটা ধরা পড়তো তার সৌরাংশুর সঙ্গে স্বাভাবিক ব্যবহারে, তার সঙ্গে অমায়িক কথা-বার্তায়। বাইরে থেকে অস্বীকার করলেও, মহীপতি তার স্মরণের অন্তরালে বসে' ললিতার চরিত্রে এনে দিতো একটা দুর্জয় দৃঢ়তা, তার মেরুদণ্ডে আনতো একটা দুর্নমনীয় ভঙ্গি। তার নারীত্বের চেতনায় সঞ্চারিত করে' দিতো অলহনীয় একটা দৃপ্ত মর্যাদাবোধ, তার নিজের অধিকারের একটা অসাধারণ মূল্য। ধারে-কাছে, ঘরে-বারান্দায়, সৌরাংশুর ছায়া পড়তেই ললিতার চেতনায় মহীপতির স্মৃতি উঠতো সজাগ হ'য়ে, তার স্বাতন্ত্র্যবোধে নিয়ে আসতো একটা দুঃস্বপ্নের ভাব। মহীপতিকে ভুলতে চাইলেও ভোলা প্রায় অসম্ভব। পরাভবে যে সে নতি স্বীকার করবে না, তার ব্যক্তিত্বে

## চেউয়ের পর চেউ

আনবে যে সে একটা তেজের প্রখরতা—এই প্রতিজ্ঞার পেছনে যেন মহীপতিরই প্রেরণা রয়েছে প্রচ্ছন্ন। তাই সহজ সাংসারিক কথা-বার্তায় সৌরাংশুর সে সন্নিহিত হ'য়ে এলেও মহীপতি তাকে যেন প্রবলতম আকর্ষণে বহু দূরে সরিয়ে রেখেছে। মহীপতিকে উড়িয়ে দেবে তার সাধ্য কী !

তারপর, একদিন ললিতার মাষ্টারনি এসে হাজির।

দীর্ঘাঙ্গী, শীর্ণ একটি মেয়ে—এই স্মৃনা, বয়েস কুড়ি-একুশের বেশি নয় নিশ্চয়, ছ'দিনেই ললিতার সঙ্গে তার গলায়-গলায় ভাব। বয়সের ষা-বা কিছু একটা ব্যবধান ছিলো, সম্পর্কের ষা-বা একটা গাভীরা—ছ'টি দিনের দ্বিগুণ অন্তরঙ্গতায় তা গেলো নিশ্চিহ্ন হ'য়ে। থেকে-থেকে তাদের সহাস্ত কলকণ্ঠে ঘরের দেয়ালগুলো আজকাল উচ্চকিত হ'য়ে উঠছে।

‘স্মৃনা সেই জাতের মেয়ে নয়, যারা তাদের অস্তিত্বের সত্যটা যাত্রা একটা উপস্থিতির তথ্যে পর্যাবসিত করে’ এনেছে। নয় সেই জাতের মেয়ে, যারা তাদের শরীরের চারপাশেই গেছে ফুরিয়ে। গাছের যেমন শোভা তার মন্দর-মুখর পত্র সমারোহে নয়, তার বলীয়ান উজ্জ্বল স্তম্ভতায়, তেমনি স্মৃনা উচ্চারিত হ'য়ে উঠেছে তার শরীর-সম্ভারে নয়, আত্মার উদাত্ত উপলব্ধিতে। তরলায়িত ঝর্ণা নয়, মধ্যসমুদ্রের বিশাল নিস্তরঙ্গতা। শোভা ছিলো তার শক্তি, স্বকের চাকচিক্য নয়, রক্তের ঔজ্জ্বল্য ; সেই উজ্জ্বলতা ছিলো তার সমস্ত চরিত্রে ; তার সমস্ত শরীরে ছিলো দৃপ্ত, নিষ্ঠুর কাঠিন্য। অন্তরের উপলব্ধিতে বাইরে সে সব সময়েই উদাস, সব সময়েই অশরীরী। পৃথিবীর দিকে তাকাতে গিয়ে নিজের দিকে তাকাবার তার সময় হয় নি, আর এ তার ঘরের দেয়ালে ফোকর ফুটিয়ে ঝিকিঝিকি

## ঢেউয়ের পর ঢেউ

আকাশ দেখা নয়, সে মুখ দেখছে তার আকাশের আরও আরও আকাশের। তার হুই চোখে জ্বলছে যেন সেই আকাশের নিষ্ঠুর উলঙ্গতা।

সুমনা আধঘণ্টাটাক বই-খাতা নেড়ে-চেড়ে তৃপ্তমুখে বলে' উঠলো : এমনি একটি ছাত্রী পাওয়া বহু জন্মের সৌভাগ্য, ললিতা। মিছিমিছি তুমি আমাকে মাষ্টার রেখেছ, এই আসছে বছরেই তুমি ম্যাট্রিক দিতে পারবে, নিজের থেকেই তুমি তৈরি হয়েছ যথেষ্ট। সারা দিন-রাত যে বই নিয়ে পড়ে' থাকে তার উন্নতি হ'বে না তো হ'বে কা'র? শুধু-শুধু আমি খাটছি।

অসহিষ্ণু হ'য়ে ললিতা জিগ্গেস করলো : তাই বলে' আপনি এ-কাজ ছেড়ে দেবেন নাকি ?

—পাগল ! সুমনার মুখে বেদনার্ত্ত একটা ভঙ্গির মতো অশ্রুট একটা হাসি ভেসে উঠলো : মাস-মাস পঁচিশটে করে' টাকা, মায়া ছাড়ি কী কবে' বলো ? আমার এখানে না-হয় দরকার নেই, কিন্তু তাই বলে' আমার টাকার দরকার তো আর কিছু কম হয় নি !

—ও আপনি বাড়িয়ে বলছেন সুমনা-দি। ললিতা লজ্জায় লাল হ'য়ে উঠলো : আমি পড়ার এখনো কিছু কুল-কিনারা করতে পারছি না, তবে ধাত এবার কতকটা বুঝে গেছি, মনে হচ্ছে।

—সেই তো আসল সিক্রেট। তেমনি ক'টা মেয়েই বা বোঝে ? সুমনা তার নাকে-মুখে বিরক্তির একটা তীক্ষ্ণতা এনে বললে,—একেকটা মেয়ে যা আছে, একেবারে আকাট মূর্খ। হস্তীমূর্খ বললেও তাদের সম্মান করা হয়, বলা উচিত গণ্ডার-মূর্খ। কামান মেরে তবু গণ্ডারের চামড়া ভেদ করা যায় শুনেছি, কিন্তু শত-লক্ষ বোমা মেরেও এদের মাথায় তুমি

## চেউয়ের পর চেউ

একটা ফুটো করতে পারবে না। বলতে-বলতে নিজেই সে হেসে উঠলো : সেই সব ছাত্রীর ভিড়ে তোমার মতো একটি মেয়ে পাওয়া একটা আশীর্বাদ। তোমার কাছে আসি, যেন সারা দিনের রৌদ্রের পর ছায়ায় বিশ্রাম করতে আসি। এতো ঠাণ্ডা, এতো গিটি লাগে !

কথার সুরে হঠাৎ এমন একটা বিষম আবহাওয়া তৈরি হ'লো যে কথার মোড় গেলো ঘুরে। সারা দিনের পরিশ্রমের পর স্নানার ক্লাস্তিক্রিয় রক্ষতা ললিতার কাছে ভারি করুণ মনে হ'লো : 'সামান্য একটু দ্বিধা করে' ললিতা জিগ্গেস করলে : আপনাকে একটা কথা বলবো, কিছু মনে করবেন না ?

—বা রে, কী আবার মনে করবো ?

—আপনার এই কাজ করতে ভালো লাগে ?

—ভীষণ ভালো লাগে। স্নান উৎসাহে যেন সহসা উদ্দীপ্ত হ'য়ে উঠলো : নিজে খেটে নিজের রুটি সংগ্রহ করতে পারছি, এর চেয়ে বড়ো সুখ আর তুমি কী কল্পনা করতে পারো ? এর চেয়ে বেশি দাম আর কা'র কী থাকতে পারে ?

ললিতা বল্লে,—কিন্তু মেয়েদের পক্ষে রুটি জোগাড় করাটা তো খুব একটা কঠিন কৃতিত্বের কথা নয়।

—তুমি মেয়েদের বিয়ের কথাই বলছ বোধহয়।

—হ্যাঁ, আপনি বিয়ে করবেন না ? চিরকাল রুটির জন্তে এমনি মাষ্টারি করে' বেড়াবেন ?

স্নান যেন গাঙ্গীর্থ্যে ডুবে গেলো ; গাঢ় গলায় বল্লে,—চিরকালের সম্বন্ধে আমরা একটা কিছু স্পষ্ট ধারণা করতে পারি না, তাই তার কথা থাক্ ! তার সম্বন্ধে সরাসরি কিছু বলতে গেলে নিতান্ত অবাস্তব

## চেউয়ের পর চেউ

শোনাবে। তবে যতোটুকু এখন দেখতে পাচ্ছি, বেশ পরিষ্কার বলতে পারি, বিয়ে নামক বাবুয়ানা আমার পোষাবে না, ললিতা।

—বাবুয়ানা ! ললিতা চমকে উঠলো।

—কা'র কাছে ওটা ধর্ম বা সন্তম-স্বর্গ, তা নিয়ে কিছু প্রশ্ন করতে চাই না, অন্তত আমার কাছে ওটা এখন একটা নিছক বিলাসিতার মতো শোনাচ্ছে। সুমনার কথার অন্তঃপ্রবাহে করুণ একটি দীর্ঘশ্বাস যেন স্পন্দিত হ'তে লাগলো : আমার একটি ভাই তোমার সঙ্গেই আসছে বার ম্যাট্রিক দেবে, বোন ইস্কুলে পড়ছে এই ফিফ্থ ক্লাস, বাবার চাকরি নেই বহুদিন—এদের সমস্ত ভার এড়িয়ে শারীরিক একটা বিলাস নিয়ে তো আর মত্ত হ'তে পারি না। মেয়ে হওয়া মানেই তো আর অকশুণ হওয়া নয়, স্বার্থপর হওয়া নয়। জীবনে একমাত্র বিয়ে করাই কি আমাদের কাজ ?

ললিতা কিছুক্ষণ স্তব্ধ হ'য়ে বসে' রইলো। পরে স্তিমিত গলায় জিগ্গেস করলে : তবে যতোদিন না আপনার ছোট ভাই মানুষ হ'চ্ছে, ততোদিন আপনাকে কায়ক্লেশে এই জীবিকা জোগাড় করে' বেড়াতে হ'বে ?

—কায়ক্লেশটা যে অত্যন্ত আরামের, ললিতা। গর্বে সুমনার সমস্ত মুখ উল্লসিত হ'য়ে উঠলো : আর সংসারে প্রেমের চেয়ে জীবিকাই আজকাল বেশি দুঃসাপ্য। ছোট ভাই মানুষ হ'লে পর কী করবো, জানি না ; কিন্তু বিয়ে করা ছাড়াও আমাদের করবার আরো অনেক কাজ আছে। একমাত্র স্বামীর মধ্য দিয়েই আমরা অমর হ'তে আসি নি। সুমনা হঠাৎ উঠে পড়বার চেষ্টা করলো : কিন্তু এ-সব তোমার কাছে কী বাজে বকছি ! তুমি যেন কিছু মনে কোরো না, ললিতা !



## ঢেউয়ের পর ঢেউ

ললিতা তার দিকে বিস্ময়-বিগাঢ় চোখ মেলে চেয়ে রইলো : কিন্তু  
‘বিয়ে না কবে’ আপনি এতো কাল কী নিয়ে থাকবেন ?

সুমনা তরল কণ্ঠে অজস্র হেসে উঠলো : কেন, নিজেকে নিয়ে  
থাকবো ! আমার কাছে আমিই তো সম্পূর্ণ, যথেষ্টেরো অতিরিক্ত ।  
থাকবো আমার স্বপ্ন, আমার কাজ, আমার আদর্শ নিয়ে—আমার মাঝে  
আমার নিজেরই কোনো অন্ত আছে নাকি ?

—কিন্তু এই ভাবে কতো দিন থাকতে আপনার ভালো লাগবে ?

—এমনিতে, বেঁচে থাকতেই বা মানুষের কতো দিন ভালো লাগে ?  
সুমনা টেবিলের উপর থেকে তার ব্যাগটা তুলে নিলো : ‘বিয়ে করে’ই বা  
কতো আমাদের সার্থকতা, জানতে কিছু বাকি নেই, ললিতা । ভাগ্য  
সবাইব জন্তে সমান পথ তৈরি কবে’ দেয় না—আমাকে টেনে এনেছে  
না-হয় সে এই রিক্ততার পথে, এই সংগ্রামের আবর্তে । তুমি ভাবছো  
না-জানি এ কতো বড়ো নিঃসঙ্গতা, আমার চোখ দিয়ে একে দেখে,  
দেখবে এই স্বাধীনতায় তৃপ্তি আর পার খুঁজে পাওয়া যায় না ।  
আকাশ আমাদের শূন্য মনে হয়, আকাশে আকাশ আছে পরিপূর্ণ হ’য়ে,  
—পরের বিচারে আমাদের কী এসে যায় !

—কিন্তু এমনি যদি হয়—কথাটা ললিতা শেষ করতে পারলো না ।

—কী হয় ?

—যে, আপনার জীবনে কোনো অসতর্ক মুহূর্তে হঠাৎ একদিন  
প্রেম দেখা দিলো !

—দেবে ! সুমনা আবার গলা কাঁপিয়ে হেসে উঠলো : কিন্তু  
তাকে আমি আবেগের সৈক দিয়ে লালন করতে পারবো না, আমার  
সময় কেঁচায় ? আমার উদ্ধাম কর্মের স্রোতে পড়ে’ সেই বৃদ্ধ কবে

যাবে মিলিয়ে। সুমনা আস্তে একখানা হাত বাড়িয়ে ললিতার ডান হাতখানা আলগোছে টেনে নিলো; বললে,—তেমন হ'য়েকটা গর্ডিয়ান-নট কি এতোদিনে আমি কেটে বেরিয়ে আসি নি? কিন্তু জীবনে আমার ঐ লক্ষ্য ললিতা, প্রেমের চেয়ে কর্তব্য আমার কাছে ঢের বড়ো জিনিস।

সেই স্নেহশীতল স্পর্শের মাঝে ললিতার সমস্ত ভিখারি মন নিঃশব্দে হাহাকার করে' উঠলো : কিন্তু কেন আপনি এই নিষ্ঠুরতা করতে যাবেন ?

ধীরে-ধীরে হাত সরিয়ে নিয়ে সুমনা বললে,—নিষ্ঠুর না হ'লে বাঁচবো কী করে' বলো ?

—কিন্তু সেই বাঁচাই কি সত্যি বাঁচা ?

—আমার কাছে অন্তত তাই। সুমনা দরজা দিয়ে বাইরের বারান্দায় বেরিয়ে এসেছে : আমার বাঁচা শুধু একজনকে নিয়ে—সে কেবল আমি। তার বেশি আব কাউকে আমি চিনি না, চিনতে চাইও না। ~~আচ্ছা~~, আজ তবে আসি। বলে' বারান্দা ঘুরে সে সিঁড়ি বেয়ে তরতর করে' নিচে নেমে গেলো।

সন্ধ্যা উঠেছে অন্ধকারে ঘনিয়ে। ললিতার হাতের সাগনে স্নাইচ-বোর্ড, তবু হাত বাড়িয়ে আলো জ্বালাবার তার ইচ্ছে হ'লো না। চেয়ারে নিষ্পন্দ হ'য়ে শূন্য চোখে সে কালো, অপরিচ্ছন্ন দেয়ালটার দিকে চেয়ে রইলো।

সুমনা যখন আসে, তখন বাইরে থেকে নিয়ে আসে সে প্রথম উন্মুক্ততা। ছোট একটা শব্দের মাঝে যেমন তরঙ্গভঙ্গিম সমুদ্রের সর্জনর আভাস শোনা যায়, তেমনি সুমনার কথার ছটায়, পায়ের ক্রিয়ায়,

## ঢেউয়ের পর ঢেউ

কর্শোদ্বাপনের সঙ্কল্পে, উচ্চারিত হ'য়ে ওঠে বিশাল একটা জীবনের স্তোত্র। সেই জীবনের জন্তে ললিতাব রক্ত হঠাৎ প্রতি বিন্দুত পিপাসিত হ'য়ে ওঠে। তারো চোখের সামনে ভেসে ওঠে এক অনাবিল্লিত, দীর্ঘ-দূব সমুদ্র, ইচ্ছে করে সে-ও তাতে উড্ডীন কবে' দেয় তাব শিশুত, বিস্মিপ্ত পাখা। নিষ্ঠুর, কক্ষ রেখায় ঠিকরে পড়ুক এই গতিধ বিদ্যাদোপ্তি, আকাশময় থাকুক তাব এই ষাত্রার অর্বাধ স্বাধীনতা।

প্রতীক্ষায় আব ক্ষয় কবা নয়, নিজেব মাঝে নিজেব একান্ত পবিচয় খোজবাব জন্তে ললিতা এখন থেকে নিজেকে প্রস্তুত কবতে লাগলো। শুধু বাচবাব সাধনায় সে বড়ো হ'বে, নিজেব মাঝে খুঁজে পাবে সে এই সাধনাব সমাপ্তি।



পাশের বাড়ির কল্যাণী গোড়ার দিকে ললিতার খুব বন্ধু হ'য়ে উঠেছিলো—ললিতা এ-বাড়ির মেয়ে, কল্যাণী ও-বাড়ির বধূ—একই দিনে তাদের বিয়ে হয়। এবং বিয়ের অব্যবহিত পরে স্বামি-সান্নিধ্যের নেপথ্যে গেয়েদের শরীরে-মনে সে কতোগুলি অবর্ণনীয় আনন্দ ও লজ্জা প্ৰজ্বলিত হ'য়ে উঠতে থাকে তা যেন সম্পূর্ণ ভোগ করা যায় একে-অন্যকে বন্ধুতার ভাগ দিয়ে: ঘটনার সেই আকস্মিক সমসাময়িকতা থেকেই তাদের বন্ধতা। এবার ললিতা দীর্ঘকালের জন্তে বাপের বাড়িতে কায়েত হ'তে এসেছে দেখে কল্যাণী তাদের সেই পুরানো বন্ধুতাটো ঝালিয়ে নিতে এসেছিলো।

বেশি সময় তার-তাতে নেই, সংসার তাকে প্রায় দেউলে করে' ছেড়েছে। এখনো সে আগের মতো বেশি কথা কয় বটে, কিন্তু তার এই চটুলতায় নেই তেমনি নির্বাধ নিঃশলতা: 'কথার স্বরে-ছটায় কেমন-একটা কৃত্রিমতার ঝাঁজ এসে গেছে, অস্তুত ললিতার তা মনে হয়। অত্যধিক পেট পুরে খেয়ে যেমন চোঁয়া ঢেঁকুর ওঠে, তেমনি স্বথের অতিক্ষীতিতে কল্যাণীর সর্কান্নে মেন উথলে উঠছে অইন্দর। সুখ জিনিসটা যে কতো সঙ্গীর্ণ, কতো কুৎসিত, তা যেন স্বা' ধরা পড়ে

## চেউয়ের পর চেউ

কল্যাণীর এই অননুপাতিক যেদবিস্কারে। সুখকে পণ্য করতে গিয়ে সে নিজেকে হ'য়ে উঠেছে একটা উপাদান—সহজ-প্রাপনীয় একটা বিলাসের প্রসাধন। তার সঙ্গে ললিতা আর নিজের মিল খুঁজে পায় না। পাওয়া অসম্ভব।

শরীরের যে মাধুরী আগে রেখায়-রেখায় বর্ণার রূপালি জলের মতো ঝিকঝিক করে' বয়ে যেতো, তা আজ মাংসের পাথরে পড়েছে ঢাকা। তার স্বভাবের সবুজে আজ হাবিদ্ৰ আভা পড়েছে—তার অভিজ্ঞতার পাকা রঙ। ক'দিনেই সে যেন ললিতাকে কতো বছর ছাড়িয়ে গেছে। বিয়ে মেয়েদেরকে সে কতো সহজে নিঃশেষ করে' দেয় তার নিঃসংশয় প্রমাণ এই কল্যাণী। তার সাজগোজ, আডম্বর-আয়োজন, কখন-উপকখন সব কিছু দিয়ে এই সতাই সে অকাট্যরূপে প্রতিষ্ঠিত করতে চায়, সে বিবাহিত। তার কোমার্গো বা সাধবো, দুই অবস্থাতেই, তার এই বিবাহিতব্যতাই যেন তার জীবনের পরম প্রেরণা ও একমাত্র সত্য। সুমনা যখন ঘরে আসে তখন সঙ্গে করে' নিয়ে আসে দূর পূর্ববীর গহ্ব, দিগন্তের দুর্লভ্য সঙ্কেত, আকাশময় মুক্তির মুখরতা; আর কল্যাণী যখন এলো, তখন তার চারধারে আবিল উপকরণের স্তূপ, শৃঙ্খলের আভরণ, নিজেকে সঙ্কুচিত করে' রাখার নিজীব নিশ্চিন্ততা। হঠাৎ কেমন ললিতার পাথার ছন্দপতন ঘটলো।

—কী করছ ভাই, ললি। কল্যাণী আদরে ঢলোঢলো গলায় ললিতার গা ঘেঁসে পালঙের উপর বসে' পড়লো। তার গায়ে একটা ঠেলা মেরে বল্লে,—বরের কাছে চিঠি লেখবার জন্তে বুথি পুঁথি ঝাটছো ?

ছড়ানো-ছিটোনো বই-খাতাগুলি গুছিয়ে রাখতে-রাখতে ললিতা নির্লিপ্ত গলায় বল্লে,—তোমাব কাজকর্ম সব চুকে গেলো ?

## ঢেউয়ের পর ঢেউ

—মরলে পরে যদি চোকে ! নিচের পুষ্প ঠোটটা একটু উল্টে কল্যাণী বললে,—ঘর-দোর ঝাঁটপাট দিয়ে, কাপড় কুচিয়ে, বিছানা-পতুর পেতে এই একটুখানি ফাঁক পেয়েছি ভাই। তা বেশিক্ষণ বসবার কি জো আছে ? ছেলেটা কখন টাা করে' ওঠে ঠিক নেই। এমন কান্ডনে হয়েছে যে কী বলবো ?

ললিতা জানে এ-সব কথা বলতে পারলেই কল্যাণী খুসি—এ-সব কথা বলবার জন্তেই সে লোক খুঁজে বেড়ায়। তাই তাকে একটু উম্কে দেবার জন্তেই সে বললে,—গুনেছি কাহ্ননে ছেলেরা নাকি পরে খুব মস্ত হয়।

—হ্যা, জঁম্বর বিজ্ঞাসাগর নাকি তাই ছিলো। কল্যাণী মুখে বেন আরো একটু পুখুল হয়ে উঠলো : তা তুমি তো ভাই দেখছি ছেলের বদলে কোলে একরাশ বই নিয়ে বসেছ। বছর তো কবে পুরে' গেছে। চিবুকে ভাঁজ ফেলে কল্যাণী বিশ্বাস মুখে হেসে উঠলো : এই সব শুকনো পাতা ঘেঁটে কী রস পাও তান ? বর বুঝি ইংরিজিতে মাই-~~চিঠি~~ চিঠি চায় ?

গম্ভীর মুখে ললিতা বললে,—বরের কাছে চিঠি লেখবার জন্তেই বুঝি মেয়েরা লেখাপড়া শেখে ?

—তা ছাড়া আবার কি ? আলস্তের ভাবে কল্যাণী একটু শিথিল হ'য়ে পড়েছিলো, তর্ক করবার উৎসাহে এবার সে সোজা হ'য়ে বসলো : বিয়ে করার পর মেয়েদের বিয়ে আর কোন কাজে লাগে শুনি ? ধোবার হিসেব লিখতে গিয়ে তো আর কবিতা লেখা চলে না, আর চাল-ডালের ফর্দ রাখতে গিয়ে বড়ো জোর একটা মিশ্রযোগ। তোমার ম্যালজেত্রা-জিওমেট্রি বে তখন মাঠে বসে' কান্দছে। ছেলের যখন তুমি

## চেউয়ের পর চেউ

কাঁথা সেলাই করছ, তখন কী এসে যায় তোমার ভূ-খাতুর বিধিলিঙেব রূপ কী !

তার কথাগুলিকে এক কথায় উড়িয়ে দেয়া যায় না। তার তর্কের একটা স্থিতিবিন্দু আছে। সেটা ললিতা মনে-মনে স্পষ্ট অনুভব করলো। বললে,—কিন্তু বিয়ে যারা করে না ?

—বিয়ে আবার করবে না ! টেকি হয়েছে তো ধান না ভেনে এরোপ্লেন হ'য়ে আকাশে উড়বে ! কল্যাণী শরীরে তাক্সিলের একটা চেউ তুললো : বিয়ে না কবে' যাবে কোথায় ? বিছাতের যতো যতোই কেননা ঝিলিক দাও, একসময়-না-একসময় মেঘ গর্জাবেই। তলোয়ার যতোই শানাও না কেন, সেই তলোয়ারই হ'বে বাঁট, আর সেই বাঁটিতেই হ'বে কুটনো কুটতে। বিয়ে করবে না ! আঁচলে করে' সাগর সঁচবে !

—বিয়ে করুক আর না করুক—ললিতা নিরুত্তেজ, শান্ত গলায় বললে,—মেয়েদের লেখাপড়া শিখতে কী দোষ ? মেয়েরা কি কেবল বিদ্যা-জ্ঞানেই বিহীন হ'বে, আত্মোন্নতির জ্ঞানে নয় ?

কল্যাণী হৃদয়ে একেবারে ভেঙে পড়লো : ঐ বিয়েই তো মেয়েদের চরম আত্মোন্নতি। আর সেই আত্মোন্নতি লক্ষ্য করে'ই তো মেয়েরা বিশ্বের একেকটি বস্তাবাহী জাহাজ হ'য়ে ওঠে। যে যতো বড়ো বিদ্বানী, তার চাই সেইমুখে ততো বড়ো বর। মেয়েদের শিক্ষাটা ব্যক্তিগত নয়, বিষয়গত।

খানিকক্ষণ তার মুখের দিকে চেয়ে থেকে ললিতা বললে,—তুমি যে খুব বড়ো-বড়ো কথা বলছ।

—যতোই হ'বে। বিদ্বানীদের কাছে তো স্বরে-অ স্বরে-আ আঙড়ালে চলবে না। একটু সংকুত করে' দেব-ভাষায় কথা কইতে হ'বে বৈ কি !

## চেউয়ের পর চেউ

কল্যাণী ললিতাব হাতেব আঙুলগুলি নিয়ে খেলা কবতে লাগলো . নইলে, মনে করো, নিজের চাবিত্রিক উন্নতিই যদি মেয়েদের লেখাপড়া শেখাব আসল উদ্দেশ্য হ'তো, তা হ'লে কোনো গ্র্যাজুয়েট মেয়ে বিয়েব বেলায় তাব স্বামীব ডিগ্রী নিয়ে কখনো মাথা ঘামাতো না। তোমাব মাস্টারান তো শুনিছি বি-এ পাশ, তাকে জিগ্গেস কোরো তো, সে একটা ম্যাট্রিক-ফেল ছেলেকে বিয়ে কবতে বাজি আছে ? বোজগাবেব প্রশ্ন তুলো না, জিনিসটাকে একটা খিঙবি হিসেবে বিচার কবে' দেখ। ধবোই না হয়, সে আব-আর দিক থেকে মনোনীত পাত্র—স্বাস্থ্য বলে, চবিত্র বলে, চেহাবা বলে—ধবো, তাব একটা স্বচ্ছন্দ আয়ও আছে—তাকে করবে বিয়ে তোমাব ঐ বি-এ পাশেব পাখনা-য়েলা প্রজাপাতবা ? শিক্ষা তো তাব নিজেব উন্নতিব জন্তে, সে-শিক্ষাকে সে বিয়ের মূলধন হিসেবে খাটাবে কেন ?

ললিতা বললে,—এর মধ্যে হয়তো একটা মনস্তাত্ত্বিক কাবণ আছে মেয়েবা তাদেব স্বামীর কাছে হয়তো একটা বৃহত্তরো ব্যক্তিত্ব চায়।

—যার কাছে তাবা চিবকাল বশীভূত থাকতে পাবে, মুখে কথা ছিনিয়ে নিয়ে কল্যাণী বললে,—সেই অবনতিই যদি স্বীকার করবে, তবে ঘটা করে' মনকে ক্ষুধিত বেখে শরীরে জীর্ণ হওয়া কেন ? এই যে পাশ-করাব হিডিক পড়ে' গেছে মেয়েদের মধ্যে, তোমায় বলতে কি ললিতা, আমার তো মনে হয় মেয়েদেব একটা সস্তা ফ্যাসান, আমাদের মায়েদেব আমলে যেমন ছিলো পাছা-পেড়ে সাডি। বিয়ের বাজারে ওটা হ'লো মেয়েদের গেট-পাশ, বর ওজন করাবা নিক্তি। আমবা ভাই বোকা-ছোকা মানুষ, এক পাল্লায় নিজের বইব ভাব বেখে স্বামী ওজন করি নি। বাবা-মা যার সঙ্গে সাত পাক ঘুরতে বললেন, তাঁর সঙ্গে দিবা



## ঢেউয়ের পর ঢেউ

সাত জন্ম ঘুরে আসতে রাজি। চলতে-চলতে হয়তো একবারো সময় পাবো না যে খুঁজে দেখবো তাঁর কতোখানি যোগ্যতা। লেখাপড়া না-শেখার অনেক, অনেক দোষ, লিপি। কিন্তু তুমি, তুমি কেন এই সব বিত্তের দোকান দিয়ে বসবে? কল্যাণী গোছানো বইগুলি ছত্রখান করে' দিলো : ওরা যা খুঁসি করুক গে, তোমার কিসের ভাবনা?

ললিতার দুই চোখ অবসীদমান দিনের আলোয় আচ্ছন্ন হ'য়ে এলো। ভারতুর গলায় বললে,—এ বইর মধ্য দিয়ে জীবনের আমি একটা খুব বড়ো স্বপ্ন দেখতে পাই, কল্যাণী।

—বইর মধ্য দিয়ে? তার চেয়ে, হাতিতে গাছে চড়ে বা আরণ্ডলায় রক্ত আছে, এমন একটা অবৈজ্ঞানিক কথা বললেও কল্যাণী এতো মজা পেতো না : তোমার সমস্ত স্বপ্ন কি তোমার এই শরীরে ঘুমিয়ে নেই? খালি কতোগুলি গুজনো পৃষ্ঠায়? জীবনের ইতিহাসে তোমার এই শরীরের পৃষ্ঠাটায় কতো রহস্য লেখা আছে তা তুমি যখন উদ্ধার করতে পুংসুবে—না, বেলা গেলো, কথাটা কল্যাণী শেষ করতে পারলো না : ছেলেটা এগুনি চিল চোঁচাতে শুরু করবে। কল্যাণী উঠে দাঁড়ালো।

মুঠো করে' তার আঁচলটা চেপে ধরে' ললিতা তাকে বাধা দিলো। বললে,—এই তো সবে এলে। ছেলে কাঁদলে তোমার শাপুড়িই তো আছে।

—তা আছেন বটে। কিন্তু আমাকে এমনি চিনেছে ভাই। দেখলেই এমনি এক মুখ ফোকলা হাসি হেসে হাত বাড়ায়—কল্যাণী যেন নিজেরই অতিমাত্র প্রশংসা করে' ফেলেছে, এমনি লজ্জায় উছলে উঠলো।

তাকে ফের পাশে বসাবার মুহূর্ত, যথাসৌজন্য চেষ্টা করে' ললিতা বললে,—তা ফোকলা মুখে ছেলে একটু কাঁদলোই না-বা। তোমার শাপুড়ি তিফ তাকে শাস্ত করতে পারবে।

## চেউয়ের পর চেউ

—তা হয়তো পারবেন, কল্যাণী যেন আনন্দে মথিত হ’তে লাগলো :  
কিন্তু ছেলের বাপকে কে শাস্ত করে ! এখুনি আপিস থেকে এসে  
জল-খাবারের জন্তে হাঁক পাড়তে শুরু করবেন, ছেলে যদি বা বাড়ি মাথায়  
করে, ছেলের বাপ করবেন একেবারে পাহাড় মাথায় । শুধু খাবারের  
খালাটাই সামনে এগিয়ে দিলে চলবে না, সারাক্ষণ ঠায় বসে-বসে তাঁর  
সঙ্গে বতো রাজ্যের বাজে গল্প কবতে হ’বে । এমন পেটুক ভাই,  
কল্যাণী আহ্লাদে একেবারে ললিতার গায়ের উপর গড়িয়ে পড়লো :  
‘শুধু খাবার খেয়ে তার পেট ভরে না ।

ললিতার গায়ের রুক্ষ রেখাগুলি উর্গাতন্ত্রর মতো কোমল হ’য়ে এলো,  
রক্তে এলো যেন নেশার রঙ্গিমা । অবশ, আচ্ছন্ন গলায় সে বললে,—  
তোমাব স্বামী তোমাকে খুব ভালোবাসে ?

তেমনি ঠোঁট উলটে কল্যাণী একটা বিতৃষ্ণার কৃত্রিম ভঙ্গি করলো :  
মিষ্টি খাইয়ে-খাইয়ে প্রায় মুখ ফিবিয়ে আনলে । আমার দিকে চেয়ে  
তুমি কিছু বুঝতে পারো না ? জালা-জালা আদর না পেলে ক’র  
কখনো এতো মোটা হয় ?

কল্যাণী আবার উঠে পড়লো, এখানে-সেখানে টুকিটাকি ছ’টো-চারটে  
জিনিস নেড়ে-চেড়ে শেষে সে জিগ্গেস করলে : তোমার মাষ্টারনি  
এখনো আসে নি ?

ললিতা বললে,—না ।

—কখন আসে ?

—কিছু ঠিক নেই । মাঝে-মাঝে সঙ্গে হ’য়ে যায় । অনেক কাজ  
কিনা—প্রতিদিন একই সময়ে সময় করে’ উঠতে পারেন না ।

—ওঃ, কাজের তো একটি বস্তা ! কল্যাণী আবার একটা তাজিল্যের

## চেউয়ের পর চেউ'

ভঙ্গি করলো : কাচের শো-কেসে বতো সব মরা, শুকনো কাজের প্রদর্শনী। কিন্তু সবই এক গোয়ালের গরু, কাজ ফুরলেই আবার সেই পাজি।

ললিতা অনেক তর্ক করতে পারতো, কিন্তু তর্কে পরাস্ত হ'বার মেরে কল্যাণী নয়। নিজেই সে তার মতের মূর্তিমতী প্রমাণ, তার অতিরিক্ত কোনো উপলব্ধিকে সে গ্রাহ্য করে না, নিজেই সে নিজের ধৃতি, নিজের সম্পূর্ণতা। জেগে যে ঘুমোয় তার মতো গভীর ঘুম আর কে ঘুমোতে পারে ?

আঁচলটা গায়ের উপর বিস্তারিত করতে-করতে কল্যাণী বললে,— তোমার মাষ্টারনি যখন রাস্তা চলে ভাই, মনে হয় যেন দিগ্বিজয়ী আলেকজেন্ডার চলেছেন। সব লিক্লিক্ করছে চেহারা, যেন রথের চুড়ায় উড়ছে একটা লম্বা নিশান। দেমাক কী, যেন পায়ের নিচে পৃথিবীটা তার একটা ফুটবল।

ললিতা সামান্য প্রতিবাদ করলো : তুমি ভুল বলছ কল্যাণী, স্মৃতি-দি মাইস্টেই সে-রকম নয়।

—নয় ? বি-এ পাশের ডিপ্লোমাটা তার আষ্টেপৃষ্ঠে থিয়েটারের বিজ্ঞাপনের মতো সাঁটা আছে—রংদার বড়ো-বড়ো অক্ষরে।

—তেমনি, ললিতাও এবার না বলে' পারলো না : তোমার সারা গায়েও তো মা-হ'বার বিজ্ঞাপনটা জাজ্জল্যমান শোভা পাচ্ছে।

—অহঙ্কারের কথা যদি বলতে চাও, কল্যাণী উদ্ভাসিত হ'য়ে উঠলো : মেয়েদের এই সন্তানই হচ্ছে আসল সার্থকতা—তাদের প্রেমের একটি পরিপূর্ণতম মুহূর্তের পরিচয়—তাদের আশা-আকাঙ্ক্ষার একটি প্রাণময় প্রতিনিধি।" এর চেয়ে তুমি আর কী বড়ো সৃষ্টি করতে পারো, আর

## ঢেউয়ের পর ঢেউ

কিসের মাঝে তুমি তোমার পূর্ণতার স্বাদ পাবে জিগ্গেস করি ? বুঝলে লিলি, বড়ো-বড়ো কথা হচ্ছে করে'ই বলতে চাই না, কল্যাণী বলসে উঠলো : কিন্তু, নিষ্ফলা মরুভূমির মাঝে কেবল জ্বালাই আছে, শক্তি নেই একবিন্দু। পোড়াতেই তা পারে, ঘাসের একটি কণাও পারে না ফোটাতে। কিন্তু পাহাড় চিরে ঝর্ণা যখন অনর্গল হ'য়ে ওঠে—

—হ্যাঁ, তখনই শক্তির শোভা। আমি তা জানি, কল্যাণী। ললিতাও উঠে দাড়ালো : সূমনা-দি সেই শক্তিতেই তপস্বিনী। বা-মাত্র উৎপাদন, ফুল থেকে পতঙ্গ পর্য্যন্ত যাতে উন্মুখ, তাকে তুমি রূপসৃষ্টির একটা বড়ো আখ্যা দিয়ে না। বিয়েটাই মেয়েদের জীবনের প্রধান কাক্কলা নয়। আমরা সামান্য একটা যান্ত্রিক প্রয়োজনের অনেক উপরে।

—তুমি দেখছি, ছোঁয়াচ লেগে এগি মধ্যে বিষিয়ে উঠেছ। কল্যাণী ঠেটে কুঁচকোলো : যান্ত্রিকতা কোথায় নেই বলতে পারো ? এতো বড়ো একটা বিশ্বপ্রকৃতি—যার সম্পদ, যার ঐশ্বর্যের নেই অন্ত, ত্রু পৰ্য্যন্ত একটা যান্ত্রিক নিয়মের শৃঙ্খলে বাঁধা পড়ে' আছে। তেমনি আলো দিয়ে চলেছে সূর্য্য, ঘড়ির কাঁটার মতো ঘুরে যাচ্ছে ঋতুর মিছিল। যার যা নিয়ম, তাই পালন করাই হচ্ছে ধর্ম্ম। কিন্তু এতো কথা ঠাট করে' তোমাকে বোঝাতে যাবার কী হয়েছে ! কল্যাণী আবার তার তরল গলায় নেমে এলো : তুমি নিজেই একদিন বুঝবে, যখন তোমার শরীরের মেঘস্তর সরিয়ে উদয় হ'বে জ্যোতির্ম্ময় শিশু-সূর্য্য, তখনই বুঝবে ললিতা, এই যন্ত্রের কী মহিমা ! তখন কোথায় তোমার এই ক্ষেতাবি বিত্তে, কোথায় বা কালেজি চেকুনাই ! মেয়েদের সমস্ত শত্রীয়ে-মনে মেয়ে হওয়াই হচ্ছে আসল নিপুণতা। যাই বাপু, কল্যাণী দরজার

## চেউয়ের পর চেউ

দিকে এগিয়ে এলো : মেয়ে হওয়ার ট্যাক্সো দি গে যাই। বলে' হাসতে-হাসতে যেমন এসেছিলো, তেমনি চুপিচুপি গেলো বেরিয়ে।

এরি জন্তে কল্যাণীকে ললিতার ভালো লাগে না, তার শরীরের ছোঁয়ায় নিজের শরীর যেন অশোচে অবসন্ন হ'য়ে আসে। তার চোখের সামনে যে আকাশ রয়েছে প্রসারিত, কল্যাণী যেন তার বিরুদ্ধে দাঁড় করিয়ে দেয় দেহের একটা উদ্ধত দেয়াল, যার আড়ালে জীবনের সকল অর্থ, সকল রহস্য অস্পষ্ট, অবাস্তব হ'য়ে আসে। যেন দেহকেই বহন করবার জন্তেই জীবন, জীবনকে বিকশিত করবার জন্তে দেহ নয়! যেন পিলসুজের গায়ে সূক্ষ্ম কাজগুলি স্পষ্ট করে' দেখাবার জন্তেই প্রদীপ! কল্যাণীর গায়ে যেন সঙ্কীর্ণ কারাকঙ্কের আবিল, অবরুদ্ধ একটা গন্ধ কেবল ঘুলিয়ে উঠছে, তার পাশ ঘেঁসে বসে' স্বচ্ছন্দে যেন নিশ্বাস টানা যায় না।

ললিতা পালঙ ছেড়ে জানলার কাছে এসে দাঁড়ালো। তারার অশ্রুবিদ্ধ ফোটাবার জন্তে আকাশের চোখ একটু-একটু করে' বেদনায় তরল হ'য়ে আসছে। কল্যাণী এখন হয়তো রান্নাঘরে অনেক রকম তুচ্ছতায় রয়েছে আত্মহারা, কিম্বা, যদি-বা তার হাতে এখন অবসর এসেছে, ছেলেকে দোলনায় ঘুম পাড়িয়ে রেখে সে উঠে এসেছে ছাদে, একা নয়; পাটি বিছিয়ে বিশ্রামে শরীর এনেছে রজনী-গন্ধার বৃন্তের মতো শিথিল করে', সেখানেও সে নয় একাকী। তার সামনে আর আকাশের শূন্যতা নয়, তার স্বামীর উপস্থিতি। হয়তো সেই সব ছোটখাটো কথা, ছোটখাটো স্তব্ধতা—যাদের ক্রমাস্থিত পৌনঃপুনিকতারো নতুনত্বের আর শেষ নেই।

এরি জন্তে কল্যাণীকে তার ভালো লাগে না; সদর্থক করে' বলতে

## চেউয়ের পর চেউ

গেলে, তাকে তার ভয় করে। সে যেন উন্মথিত করে' দিয়ে যায় স্মৃতির সমুদ্র, ফেলে রেখে যায় নিস্পাদন কুলের নির্জনতা। সে যেন আসে তাকে মনে করিয়ে দিতে যে সে বিবাহিত, প্রমাণ দিয়ে তার পরিচয়কে শীর্ণ, সঙ্কীর্ণ করে' আনতে। তার সমস্ত কথা যেন ঘনীভূত হ'য়ে একটি তারার উজ্জ্বলতায় কোমল হ'য়ে ওঠে। সেই তারার দিকে চেয়ে তার মনে পড়ে, সেও একদিন দেখতে চেয়েছিলো স্নিগ্ধ একটি গৃহকোণের স্বপ্ন, একটি স্নুখম্পর্শ শব্দার শীতল শুভ্রতা। সেও একদিন কা'র স্পর্শে দ্রবীভূত হ'রার জন্তে তনুতে রেখেছিলো ঘোবনের তুষার জমিয়ে। মনে পড়ে' যায় মহীপতির সেই ধ্যানগম্ভীর নির্লিপ্ত নিষ্ঠুরতা—তার সেই প্রতীক্ষমান মুহূর্ত্ত—তারকার আকাশে রূঢ় রৌদ্রোদয়। চিস্তার ধারাটা যখন স্বপ্নের প্রান্তর পেরিয়ে মহীপতিতে এসে আঘাত পায়, তখন ললিতার সমস্ত স্নায়ু-শিরা হিংস্র সাপের মতো বিষে কুণ্ডলী পাকিয়ে ওঠে। তখন আকাশে তারার অর্থ যায় বদলে। সেই তারা গৃহাঙ্গনের দীপের সঙ্গে আর ঔপম্য বোধ করে না, হ'য়ে ওঠে স্বাধীন, স্বয়ম্ভূত একটা সঙ্কেত। বহু দূর থেকে তাকে যেন বহু দূরের পথে উঁকি দিতে থাকে।

কল্যাণীকে তার ভালো লাগে না, তার এই অণুচি সান্নিধ্যে সে তাকে ক্ষণকালের জন্তে দেহে-মনে কাতর, খর্ব্ব, হুর্ব্বল করে' তোলে। সেই নীড় গেছে ভেঙে, সেই প্রতীক্ষার পরে ছুয়ারে এসে দাঁড়িয়েছে উদার, উন্মুক্ত জীবন। বিধাতা তাকে বেই অপার নির্জনতায় ডাক দিয়ে নিয়ে এলেন, সেইখানেই আবিষ্কার করবে সে তার পরিপূর্ণ প্রয়োজন। সে একা, সে নতুন, সে এসেছে অতীতকে অতিক্রম করে'। চোখে যদি-বা তার বিষন্ন কুয়াসা এসে থাকে, তা' মুছে যাবে তার এই

## চেউয়ের পর চেউ

দীপ্ততরো চेतনার রূঢ়তায়। সে পতিবত্নী—এই তথ্যটা এখন তার জীবনের একটা কলঙ্কিত অঘটন : সে স্বাধীনকর্তৃকা—এই তার নিজের বিশাল পরালঙ্ঘি। থাকুক কল্যাণী তার হাঁড়ি-কুড়ি, কাঁথা-পেনি নিয়ে : ললিতার আছে এই সদা-সদ্য নবীনতার চেতনা।

ভাগ্যিস কল্যাণী জানে না ললিতার এই পরিবর্তনের কাহিনী। জানলে কী না-জানি সে পরামর্শ দিতো। হয়তো বলতো, স্বামীকে ফিরিয়ে আনবার জন্তে দেবতাদের কাছে আরাধনা করো, নয়-বা বেরিয়ে পড়ো নিজে সন্ন্যাসিনী হ'য়ে। সে-ও এক হিসেবে স্বামীরই অনুগমন করা হ'বে। তার চেয়ে আত্মহত্যা করলেও তো সহজতরো সমাধান হ'য়ে যায়। নিজেকে হত্যা করার চাইতে উদ্ঘাটিত করায় বেশি মহত্ব। ঐ জীবন্মুতুর চাইতে উত্তরঙ্গ একটা ফেনিলতা অনেক বেশি কামনীয়। ললিতার জীবনের কাছে কিছু আর বড়ো নয় : জীবনধারণের চাইতে জীবন-বিকীরণ। ললিতা তার জীবনের নতুন পৃষ্ঠা উল্টোবে।

## নয়

অনুভবের উদ্ভাপে আকাশ এসেছে ঘনিষ্ঠ হ'য়ে, অন্ধকার ঘরের কিনারে কা'র পায়ের আওয়াজ পেয়ে ললিতা চমকে উঠলো।

—সুমনা এখনো আসে নি ?

কণ্ঠস্বরে সৌরাংগুকে চেনা গেলো। হাত বাড়িয়ে তাড়াতাড়ি আলো জেলে প্রচ্ছন্ন খুসিতে ললিতা বললে,—ও ! আপনি ? আসুন। না, সুমনা-দি এখনো আসেন নি। টেবিলের সামনে ললিতা চেয়ারটা একটু ঠেলে দিলো : বসুন, এক্ষুনি এই এসে যাবেন হয়তো।

দ্বিধায় সঙ্কুচিত হ'য়ে সৌরাংগু নম্র গলায় বললে,—না। এলে আমার একটু কথার দরকার ছিলো। তা থাক্, আমি আমার ঘরেই না-হয় অপেক্ষা করবো।

—তা এখানেও অনায়াসে অপেক্ষা করতে পারেন। ললিতা খাট থেকে বইগুলি টেবিলের উপর তুলে রাখতে লাগলো : 'একা-একা আছি, একটু না-হয়' আপনার সঙ্গে গল্প করা গেলো।

দুর্বল, কুণ্ঠিত একটা ভঙ্গি করে' সৌরাংগুকে চেয়ার টেনে বসতে হ'লো অবিশিষ্ট। হাতের কাছে বই একটা নাড়তে-নাড়তে ধরা গলায় সে জিগুগেস করলে : আপনার পড়াশোনা কেমন হচ্ছে ?



## ঢেউয়ের পর ঢেউ

—রক্ষে করুন। ললিতা শব্দের একটা কশা হানলো : রাতদিন পড়া—পড়া—আমি আর পারি নে সত্যি। সুমনা-দি সব সময়ে এমন মুখ গোমরা করে’ থাকেন যেন একটা জিওমেট্রির প্রবলেম। মাইনে দিয়ে তাঁর কাজ পেতে পারি, সেবা দিয়ে যেন তাঁর বন্ধুতা পেতে পারবো না। মাহুষ তো নয়, দুর্গের একটা দেয়াল। ললিতা নিভাঁজ গলায় অপার সারল্যে খিলখিল করে’ হেসে উঠলো, সৌরাংশুর হাত থেকে বইটা কেড়ে নিয়ে সেলফের ফাঁকে ঢুকিয়ে রাখতে-রাখতে বললে, —আপনি তো আমার মাষ্টার নন যে আমার পড়াশোনার হিসেব নেবেন ? অত্ কথ্য বলুন, বই ছাড়া কি মাহুষের আর কিছু বলবার নেই ?

ক্ষণকালের জন্তে সৌরাংশু ললিতার মুখের দিকে চেয়ে চোখ নামিয়ে নিয়েছিলো—সেই মুহূর্তমাত্র দৃষ্টিস্মরণে এক নিমেষে সে যেন চিনে ফেলেছে ললিতাকে। এই অল্প কয়দিনেই তার মাঝে কী বিস্ময়কর পরিবর্তন এসে গেছে ! ষষ্ঠরবাড়ি থেকে এসে যখন প্রথম সে এ-বাড়িতে পা দেয়, তখন তার ছ’-পায়ে ছিলো লজ্জার জড়িমা, চোখের ছ’-পাতায় ছিলো ছলোছলো নম্র বিষণ্ণতা—মুখের উপর ছিলো একটা কাতরতার কুয়াসা। দেখতে-দেখতে সে কুয়াসা গেছে কেটে, মুখের সে একটানা কাতরতার বদলে এখন তাতে থেকে-থেকে ক্ষণক্ষুরিত স্বরিত ভাবদীপ্তি উছলে পড়ছে। পায়ে এখন লঘুতরো ক্ষিপ্ততা, শরীরের প্রতিটি রেখা উঠেছে লীলায় ধারালো হ’য়ে। ললিতা যেন এখন একেবারে নতুন মাহুষ, নিশ্চোক খসিয়ে বেরিয়ে এসেছে যেন একটা সাপ, ভঙ্গিমায় পিচ্ছিল তার সর্কাজ ! প্রকৃতির নিয়মে হয়তো একেই বলে প্রতিক্রিয়া। পাহাড়ের গায়ে আঘাত পেয়ে তার শ্রোত যেন

## ঢেউয়ের পর ঢেউ

উঠেছে বতায় আরো আবিল হ'য়ে, সেই স্রোতে ভাসিয়ে নিয়ে গেছে যেন সে অতীতের আবর্জনা। মাথার ঘোমটা যেন ছিলো তার দৃষ্টির একটা বাধা, সে খসিয়ে ফেলেছে সেই আবরণ, চোখে আজ যেন তার প্রখর জ্যোতিরশ্লেষ, উলঙ্গ ঔজ্জ্বল্য। সিঁহরের বিন্দুটা যেন তার জীবনের গভীর ক্ষতমুখের একটা মৃত, বিগুফ, কলঙ্ক-চিহ্ন, সে মুছে ফেলেছে সেই কালিমা, এখন তার স্পর্ধিত ললাটে অব্যবহিত স্মৃতিভরা। জীবন যেন বিরাট একটা মহীরুহ, যে-শাখায় তার জীর্ণতা ধরেছিলো তা সে নিজ হাতে নিষ্ঠুর কুঠার দিয়ে যেন ছিন্ন করেছে, পত্রপুষ্পসম্ভারে আজ যেন উৎসারিত হ'য়ে পড়েছে শ্রামল সমারোহ। ললিতার এ-চেহারা আর বিরহিণীর চেহারা নয়, তার ভঙ্গিতে-রেখায় নেই এতোটুকু নিরাভ, স্তিমিত বিষাদশোভা, সে যেন নিষ্কাশিত একটা অসি, নির্লজ্জ তীক্ষ্ণতায় ঝকঝক করেছে। অনর্গল সে হাসে, সে-হাসিতে অনুচ্চায্য বাক্যের প্রচ্ছন্ন সূষমা নেই, সে-হাসি যেন সমস্ত সংসারের বিরুদ্ধে বিদ্রূপের একটা নিশ্চয় কশাঘাত। অনর্গল সে কথা কয়, তাতে ছন্দের চাইতে ছটা বেশি—জীবনে তার যে বিশাল একটা গহ্বর সৃষ্টি হয়েছে তা পূর্ণ করে' রাখবার জন্তে ছিটিয়ে দিয়েছে সে সারশূণ্য বাক্যের প্রশ্রবণ। ললিতা তার জীবনে একটা তীব্রতরো নতুন স্বপ্ন আনবার জন্তে দিয়ে চলেছে কঠিন একটা শান, একটা মেকি এনামেল।

তার উপস্থিতির ঘনতায় সৌরাংশু নিজ্জীব হ'য়ে এলো—উঠতে লাগলো ঘেমে। ললিতার সঙ্গে কোথায়ে সে একটা পরিমিত ছন্দ খুঁজে পায় না, তাই তার সঙ্কোচের আর অবধি নেই। সে যেন মনের একটা বিস্তীর্ণ মরুভূমিতে এসে বাক্যের পথ হারিয়ে ফেলে। সে তার মাঝে শোনে একটা অবাধ্য, নিষ্ফল কাকুতি—তার নতুনত্বের অন্তরালে সেই

## ঢেউয়ের পর ঢেউ

আদিমতম শূন্যতার হাহাকার। যতোই তার উপকরণের ঘটা থাক্  
না কেন, সে লুকিয়ে রাখতে পারে না তার এই দয়্যাহীন দারিদ্র্যের  
হুঃখ। দেউলে হ'বার আগে ধনী যেমন তার ব্যয়ের উচ্ছৃঙ্খলতায়  
উন্মত্ত হ'য়ে ওঠে, ললিতার কাঁধে যেন তেমনি একটা অমিতব্যয়িতার  
অতিকায় ভূত চেপে বসেছে। জীবনের যে স্রোতে সে ভাসমান, তার  
সন্ধান ও সমাপ্তি যেন তার স্বামী-ই। সে-স্বামীকে ফিরে পেলেই  
আবার তার পাখায় আনে সে বেগের বদলে উদ্ভাপ, প্রার্থণ্যের বদলে  
ঘনতা। তার সমস্ত বাক্যচ্ছটার আড়ালে বিরাজমান একটি প্রতীক্ষার  
সুস্কৃতা, সমস্ত হাসির অন্তঃস্রোতে বহমান একটি কান্নার কলধ্বনি।  
ললিতার সঙ্গে ব্যবধান তার বিস্তীর্ণ, প্রকাণ্ড একটা ছন্দহানির ব্যবধান।  
কায়ক্লেশে সে তাকে এড়িয়ে চলে, একটা দূরত্বের পার থেকে  
সৌজন্ত-শালীন অভিবাদন করার চেয়ে আর বেশি সে অগ্রসর হ'তে  
পারে না।

—কী, কথা কইছেন না কেন? ললিতার মুখে ললিত একটি লাস্ত্র  
ধীরে ছড়িয়ে পড়লো।

টেবিলের বনাতটায় নোখ দিয়ে আঁচড় টানতে-টানতে সৌরাংগু  
হাসিমুখে বললে,—কী কথা কইবো?

—বা, তা আমি কী জানি? পৃথিবীতে কথার যেমন শেষ নেই,  
তেমনি সুস্কৃতারো অন্ত নেই শুনেছি। ললিতা নৈর্ব্যক্তিক একটা মস্তব্য  
করে' গোপনে যেন অন্তরঙ্গ হ'য়ে উঠতে চায় : সুস্কৃতা ঢের হয়েছে,  
এখন বলতে চাই কথা।

—বেশ, বলুন। সৌরাংগুর মুখে সেই সৌজন্তের নিশ্চলতা।

এইবারই মুঞ্চিল। ললিতা হায়ুতে-শিরায় ছট্ফট করে' উঠলো।

## চেউয়ের পর চেউ

সৌরাংশুর নীরেখ, নির্লিপ্ত মুখ আবার যেন তাকে মনে করিয়ে দিলো সে বিবাহিত, সে অনেক দূরে। এবং এরি পাশে সে যেন পুরুষের একটা বাক্যিক বন্ধুতা পর্য্যন্ত দাবি করতে পারে না। তাকে অনর্থক এতো সম্মান দেখাবার ভাণ করে' সৌরাংশু যে তার নারীত্বকে কতোখানি অপমানিত করেছে তা সে তার উদাসীন ভদ্রতার মোহে এক তিল বুঝতে পারছে না। সে যেন নিতান্তই একটা সামাজিক জীব, মানুষ নয়—প্রথার পাকে তার মনুষ্যত্ব গেছে তলিয়ে। তার স্বামীর একটা কায়িক অস্তিত্ব যেন তার জীবনের একটা কঠোর দণ্ড—তার যেন ক্ষমা নেই, স্থালন নেই। ললিতা কিছুতেই তার কাছে সেই অপরাধের গ্লানিটা অপসারণ করতে পারে না। তাকে যদি মাঝের এই একটা বছর বিবাহের এমন একটা অভিনয় করতে না হ'তো—তার জীবনের অতীতে ও ভবিষ্যতে যদি থাকতো একটি অনাবৃত শুভ্রতা, তা হ'লে নিঃসংশয় সৌরাংশুর এ-ভদ্রতায় ফুটে উঠতো একটি কোমলতরো প্রশান্তি, তার ভঙ্গিতে আসতো একটি প্রশ্রয়ের শিথিলতা। বিয়ে তার হ'য়েই ছিলো না-হয় একদিন, কিন্তু সে-পরিচয়ে এখনো তাকে থরু, খণ্ডিত হ'য়ে থাকতে হ'বে নাকি ? সে কি ফিরে পাবে না আর তার পায়ের নিচে সমতল জায়গা, সবাইর সঙ্গে সহজ একটা সহানুভূতির ক্ষেত্র ? সে কি চিরকাল সমাজের হাওয়ার সম্মানের পাল ফুলিয়ে তার স্বামীর তীর ঘেসে-ঘেসে তরঙ্গ এড়িয়ে নৌকো বাইবে ? একবার 'নিজে সে সাঁতার কাটতে পায়বে না ? হায়, তার স্বামী—যার মূল্যে এতো তার সম্মান, যাকে কেন্দ্র করে' সমাজ উঠেছে আবর্তিত হ'য়ে !

ভদ্রতায় সৌরাংশু ক্রমশ গ্লান হ'য়ে উঠছে দেখে ললিতা সোজাসুজি বলে' বসলো : আপনার কাছে আমি একটা পরামর্শ চাই।

## ঢেউয়ের পর ঢেউ

নীরবে সম্মিত মুখে সৌরাংশু বললে,—আমার পরামর্শের মূল্য কি ?

—তবু বলুন শুনি না, আমি পড়াশুনা করে' কী করতে পারি ?

—এ প্রশ্ন আপনার নিজেকেই জিগ্গেস করুন। আমি আর কী বলবো ?

—আচ্ছা, ললিতার রসনা প্রথর হ'য়ে উঠলো : মেয়েদের জীবনে বিয়ে করাই কি সব চেয়ে বড়ো কাজ, সেইখানেই কি তাদের পরিপূর্ণ সার্থকতা ? তার উল্কে আর কি তাদের কোনো সত্য, কোনো পরিচয় নেই ?

সঙ্কোচে চুপসে গিয়ে জোলো গলায় সৌরাংশু বললে,—তার আমি কী জানবো বলুন ? ভাগ্যক্রমে আমি তো আর মেয়ে হই নি।

কথার ধাক্কায় ললিতা যেন মনে-মনে দূরে ছিটকে পড়লো ; কিছুক্ষণ চুপ করে' থেকে আবার সে এলো এগিয়ে : কিন্তু আপনি যদি আমি হ'তেন তো কী করতেন জিগ্গেস করি ?

সৌরাংশু মুছ-মুছ হেসে বললে,—বা আপনি করছেন তাই করতাম হ'তো।

—আমি কী করছি ?

—দিব্যি খাচ্ছেন-দাচ্ছেন, ষাষ্টারের কাছে নিয়মমতো পড়া করছেন। সৌরাংশু উঠে পড়বার একটা দুর্বল চেষ্টা করলো।

—হ্যাঁ, শুধু তাই। ললিতা গম্ভীর মুখে বললে,—কিন্তু এর চেয়ে বড়ো, খুব বড়ো একটা কাজ করবার জন্তে আমি পিপাসায় মরে' যাচ্ছি।

ভয়ে-ভয়ে সৌরাংশু জিগ্গেস করলে : কী ?

—সে আমার মুক্তি। আমি আমার জীবনের বিশাল একটা মুক্তি খুঁজে বেড়াচ্ছি, আমার সম্পূর্ণ আমি হ'বার সাধনা।

## চেউয়ের পর চেউ

—কিন্তু তার আগে পরীক্ষাটা পাশ করে' নেয়াই কি বড়ো কাজ নয় ? সৌরাংশু এবার জোর করে'ই উঠে পড়লো ।

—হ্যাঁ, মাষ্টারমশাইরা তো তাই শুধু জানেন পৃথিবীতে । কিন্তু আলেকটা কথা আপনাকে জিগ্গেস করি । ললিতা দেয়ালের দিকে এক পা সরে' গেলো : আমার মতো অবস্থা হ'লে আপনি কখনো আর ঋগুর-বাড়ির সঙ্গে সম্পর্ক রাখতেন ?

—কেন, কী হয়েছে ? সৌরাংশুর মুখ থেকে নিতান্ত অলঙ্কিতে প্রশ্নটা বেরিয়ে এলো ।

—ঋগুরঠাকুর তাঁর পরিত্যক্ত পুত্রবধূর প্রতি হঠাৎ দয়াপরবশ হ'য়ে অর্থ সাহায্য করেছেন—অনেকগুলি টাকা, বাবা তা অঞ্জলি ভরে' গ্রহণ করেছেন অবিস্থি । কিন্তু সেই টাকা নেয়া কি তাঁর উচিত ছিলো ? উচিত ছিলো না তাঁর সেই টাকা তাঁদের মুখের ওপর ছুঁড়ে দেয়া ?

সৌরাংশু হেসে বললে,—বুদ্ধিমান কখনো টাকার ওপর অভিমান করে না । টাকা নিয়েছেন তাতে দোষ কী ?

—কিন্তু কেন তিনি নেবেন, তাঁদের সঙ্গে আমার আর কিসের সম্পর্ক ? ললিতা উত্তেজনায় আকর্ণ আরক্ত হ'য়ে উঠলো ।

—যিনি টাকা পাঠিয়েছেন তাকে যখন আপনি ঋগুরঠাকুর বলে' অভিহিত করলেন, সৌরাংশুর গলায় গভীর স্নিগ্ধতা ও ঐদাসীশ্ব : তখনই তো তাঁর সঙ্গে আপনার সম্পর্কটা উচ্চারিত হ'য়ে উঠলো ।

—রাখুন আপনার কথার পাণ্ডিত্য । ললিতা বললে,—ও শুধু নামের একটা অভ্যাস । অনেক সময়ে নাম আগরা উচ্চারণ না করে'ও অনেক গভীরতরো সম্পর্ক ব্যক্ত করে' থাকি । সে কথা হচ্ছে না । কিন্তু, ললিতার মুখে আবার এলো উদ্দীপ্ত রক্তের জোয়ার : কিন্তু হাত

## ঢেউয়ের পর ঢেউ

পেতে আমি সেই অপমান আবার কেন কুড়োতে যাবো? যে খোলস আমার গা থেকে একবার খসে' গেছে তা আর আমি ইহজন্মে পরতে চাই না।

—কিন্তু এ-সব কথা আপনার বাবার সঙ্গে বিচার করলেই কি ঠিক হ'তো না?

—সমস্ত সকাল আমি এ নিয়ে তাঁর সঙ্গে তর্ক করেছি, কিন্তু কিছুতেই তিনি নাকি সে-টাকা ফেরৎ দিতে পারবেন না। আপনি বলুন, এ একটা মানিকর ভিক্ষা নেয়া নয়? এ অপমান কোনো মেয়ে সহিতে পারে?

—কেন, তাঁরো তো কর্তব্য পুত্রবধূর তত্ত্বাবধান করা। অপমান কিসে দেখছেন?

—মেয়ে হ'ন নি তো কিসে বুঝবেন এই অপমান! ললিতা সমস্ত দেহে যেন রাগের একটা ঝঙ্কার দিয়ে উঠলো: যেখান থেকে আমি আমার সমস্ত চিহ্ন মুছে দিয়ে এসেছি, সেখানে আমার আবার কিসের স্থান, কিসের সম্মান! তারপর গুনছি, জগদীশবাবু নাকি আমাকে তাঁদের ওখানে নিয়ে যেতে আসছেন। ভাবুন, একবার স্পর্ধার কী প্রচণ্ডতা!

সৌরাংশু হতশব্দ, নিষ্পন্দ হ'য়ে দাঁড়িয়ে রইলো।

ললিতা অস্থির হ'য়ে ঘরের মধ্যে ঘুরে গিয়ে বললে,—যে-জায়গা আমি কায়মনোবাক্যে ছেড়ে এসেছি সেখানেই ফের ফিরে যেতে হ'বে—আমাদের পৃথিবী কি এতো ছোট? আমার এখন এই অব্যাহত, অসম্পূর্ণ মুক্তি—চিরকাল আমার সম্মুখ-যাত্রা। আমি আর কারুর নয়, আমি আমার, একান্ত করে' আমার। বুঝলেন, ললিতা আবার

## ঢেউয়ের পর ঢেউ

দরজার দিকে মুখ ফেরালো : আমাকে আপনারা সবাই পরিচয়ের এমন একটা আবদ্ধ গণ্ডির মাঝে ছোট করে' দেখবেন না, আমি—আমি। এই যে—ললিতার মুখদীপ্তি আনন্দে তরল হ'য়ে এলো : স্মৃনা-দি এসে গেছেন। আসুন, সৌরাংশুর দিকে হাতের ইঙ্গিত প্রসারিত করে' ললিতা বললে,—আপনার সঙ্গে এঁর নাকি কী ভীষণ জরুরি কথা আছে।

সে-কথার জন্তে স্মৃনার কোনো উৎসাহ দেখা গেলো না। দেয়ালের কোণে বেঁটে ছাতাটি দাঁড় করিয়ে রেখে সে ম্লান হেসে টেবিলের সামনে চেয়ার টেনে বসলো। নির্লিপ্ত গলায় প্রশ্ন করলে : সে টাঙ্কগুলি সব করেছে ?

আশ্চর্য্য, জরুরি কথাটা সেরে নেবার জন্তে সৌরাংশুও একটু উসখুস করলো না, পরম নিশ্চিত মুখে আলগোছে নিচে নেমে গেলো।

—টাঙ্ক আজ কিছু করতে পারি নি, স্মৃনা-দি। সকালে বাবার সঙ্গে করেছি তর্ক, ছুপুরে পাশের বাড়ির বোটা এসে সব দিয়ে গেছে লণ্ডভণ্ড করে'। অসহায়ের মতো মুখ করে' ললিতা বললে,—এক-আধদিন পড়াশুনো কিছু নাই করলুম। এমনি আজ একটু গল্প করি আসুন।

স্মৃনার মাঝে ললিতা তার জীবনের একটা বিশাল 'প্রতিশ্রুতি' খোঁজে। সে বেয় আঁচলে করে' নিয়ে আসে আকাশ, তার চূলে অরণ্যের মর্ম্মর, সমস্ত গায়ে তার নির্মুক্ত রৌদ্রের অজস্রতা। কিন্তু আজ স্মৃনাও যেন কেমন চঞ্চল হ'য়ে উঠেছে! খানিক পরে সে বললে,— 'আজ তবে আমাকেও ছুটি দাও ললিতা, কাল আসবো। কাগকে সব টাঙ্ক করে' রেখে।



## চেউয়ের পর চেউ

তার ক্লাস্ত, বিশীর্ণ মুখের দিকে চেয়ে ললিতা বললে,—কাল কিন্তু অনেকক্ষণ থাকবেন। অনেক—অনেক কথা আছে। অনেক সব ইন্ট্রিগিং কথা।

ছাতাটা কুড়িয়ে নিয়ে স্নান হেসে সুমনা দ্রুত বেরিয়ে গেলো।

তার চলে' ষাওয়ার অন্ধকারে ললিতা বেন খরতরো একটা মুক্তির স্বাণ পাচ্ছে। তার সমস্তগুলি মুহূর্ত যেন এলো মুক্তিতে মদির হ'য়ে। সে চার জীবনে এমনিতিরো একটা দ্রুততা, একটা নিষ্ঠুর, নির্বারিত শক্তি। এমনিতিরো তার গতির ধূলায় আকাশের তারা যাক অন্ধ হ'য়ে।

অগ্রমনস্কের মতো ললিতা ঘর অন্ধকার করে' আবার জানলায় এসে দাঁড়ালো। নিচে, রাস্তায়, কী যে সে দেখলো হঠাৎ যেন বিশ্বাস করতে পারলো না। রাস্তাটা অনেক দূর একটানা চলে' গিয়ে তবে বায়ে বেঁকেছে, অনেকক্ষণ ধরে'ই তাকে দেখতে হ'লো। গ্যাসের তলায় ছবিটা একবার স্পষ্ট হ'য়ে ওঠে, আবার কিছুকালের জন্তে সমস্ত আবছায়া।

সুমনা-দির পায়ে আর সেই ক্ষিপ্ততা নেই, সোরাংস্তবাবুর নেই আর সেই ভদ্রতার কাঠি—হু'জনে তারা পাশাপাশি পথ হাঁটছে। সুমনা-দির বেঁটে ছাতাটা সোরাংস্তবাবুর হাতে।



ছন্দ খুঁজে পায় সৌরাংশু স্মনার সঙ্গে : সহজ, পরিমিত ছন্দ। তারা একই গ্রাম থেকে কলকাতা এসেছে, বলতে কি, স্মনার যা স্মনার খোঁজ-খবর নেবার ভার সৌরাংশুকেই দিয়েছিলেন, তার উপর যেন সে একটু চোখ রাখে। চোখ রাখা বলতে যা বোঝায়, সৌরাংশু এক নিমেষের জন্তেও তার থেকে চোখ ফেরায় নি, তার দুই স্নেহাঙ্গি চকুপল্লবের ছায়ায় স্মনাকে সে আচ্ছন্ন করে' রেখেছে। তাদের শৈশব কেটেছে একসঙ্গে নির্লজ্জ নির্বুদ্ধিতায়, কৈশোর কেটেছে দূরে-দূরে মনের উদ্ভাসমান পাণ্ডুর জ্যোৎস্নায়, আর যৌবনে, পিপাসায় পাষাণাকার আকাশে, এই তাদের নির্মেঘ নিরাবরণ দীপ্তি। স্মনার সঙ্গে সে একটা সহজ সমতা খুঁজে পায়, পদে-পদে, অক্ষরে-অক্ষরে তাদের অলৌকিক মিল : অতীতের অন্ধকারে, ভবিষ্যতের গুহ্রতায়। স্মনাকে আর অনুমান করতে হয় না, সে এখন একটা প্রতিপাদিত সত্য, সৃষ্টি না করে' এখন শুধু তাকে স্বীকার করবার কথা।

স্মনাদের অবস্থাটা ভীষণ ধ্বংসে' পড়েছে ইদানিং তার বাবার মৃত্যুর পর থেকে। স্মনার সেবার ম্যাট্রিকের বছর, সমস্ত সংসার তার কাঁধে এসে চড়াও হ'লো। চাকরি হারিয়ে বাবা পড়লেন

## চেউয়ের পর চেউ

অমুখে, সেটা ক্ষান্ত হ'লো এসে পঙ্কতায়। সমস্ত সংসার দৈত্যাকায় একটা গুহার মতো স্তম্ভনার দিকে গ্রাস মেলে রইলো—পাশবিক, বিরাট সেই গ্রাস। সেই থেকেই, ম্যাট্রিক পাশ করে'ই এক দিকে ধরলো সে ছাত্রীর বেশ, অল্প দিকে মাষ্টারির পেশা—তার আঁচল পিঠের উপর কখনো স্থলিত হ'য়ে কখনো অবগুষ্ঠনে সজ্জিগু হ'তে লাগলো। একই জল ঝর্ণায় লীলায়িত হ'য়ে ফের দীঘিতে পেলো প্রশান্তি। এমন করে' সমানে চার বছর। কুড়িয়ে-কাচিয়ে যা সে পেতো সব পাঠাতো বাবাকে, নিজের জন্তে কিছুই তার বিশেষ দরকার ছিলো না। শুধু প্রাণধারণের এই উদ্দীপ্ত মন্ততার সুখ—জীবনে এই তার একমাত্র বিলাস। তার জীবনের যে এতো মূল্য ছিলো এই তার যথেষ্ট আবিষ্কার!

ছাত্রত্বের সীমানা পেরিয়ে এসে স্তম্ভনা এখন একটা নিশ্চোকমুক্ত নতুন সাপ, পিচ্ছল, বিসর্পিল গতির দ্রুতিতে তার এখন দৃঃস্পৃশ তীক্ষ্ণতা। সেই স্তম্ভনা আর নেই : তার চুলে নেই আর সেই শিথিল অরণ্য-মন্টার, চোখে নেই সেই চন্দ্রোদয়ের বিহ্বলতা, হু'টি হাতে নেই আর লতায়িত কাকুতি। সে আর যেন কবিতার আভা নয়, রূঢ় স্পষ্ট নির্লজ্জ গণ্ডের কঠিন একটা টুকরো। সে মাত্র একটা অর্থোপার্জনের কায়িক যন্ত্র হ'য়ে দাঁড়িয়েছে। কপালে রুদ্ধতা, চোখে জ্বালা, সমস্ত চেহারায় একটা পীড়িত পিপাসা—তার দীর্ঘ দেহ যেন শান-দেয়া শীর্ণতার ঝরালো একটা ছুরি। তার দিকে হু' চোখ ভরে' আর চাওয়া যায় না। তার শরীরের রুদ্ধ রেখাগুলি যেন তীক্ষ্ণ শলাকার মতো সৌরাংশুর চোখ বিদ্ধ করতে থাকে।

সৌরাংশু তার সেই রেখাগুলি লাষণ্যে কোমল করে' আনবে,

## চেউয়ের পর চেউ

শরীরে পুঞ্জ-পুঞ্জ স্রম্যার চেউ। মুক্তির এই খরদীপ্ত উলঙ্গ আকাশ থেকে নিয়ে আসবে সে তাকে ছায়াঘন সান্নিধ্যের নিবিড়তায়। দীপ্তি আর দাহ এক জিনিস নয়, সৌরাণ্ড তাকে এই বিদীৰ্য্যমান আশ্বেয়গিরির উচ্ছ্বলতা থেকে নিয়ে আসবে প্রসারিত প্রান্তরের প্রাচুর্য্যে—তাকে আর সে এমনি করে' গুহ্যতায় নিঃশেষ হ'তে দেবে না।

সমস্ত রাত স্রমনা তার হস্টেলের বিছানায় ছটফট করে' কাটালো। না পারলো নিশ্চিন্ত হ'য়ে ঘুমোতে, না-বা পারলো চিন্তা করে' বা'র করতে একটা পথ। কিন্তু ঘুমোতে না পারুক, একটা উপায় তার খুঁজে বা'র করতেই হবে।

বিকেল বেলা সোজা উপরে ললিতার ঘরে না গিয়ে স্রমনা চলে' এলো নিচে, সৌরাণ্ডের ঘরে। সৌরাণ্ড একটা ইজিচেয়ারে গা ঢেলে দিয়ে চুপ করে' বসে' ছিলো—তার বসবার নিজীব ভঙ্গিতে প্রতীক্ষার আলস্ত রয়েছে স্তূপাকার হ'য়ে।

স্রমনার চেহারা দেখে তো সে অবাক। একটা পাতা-ঝরে'-পড়া শুকনো গাছের মতো তার দেহে বাজছে যেন রিক্ততার হাহাকার। ঝড়ে টোল খেয়ে বেহাল একটা নোকো যেন পারে এসে ঠেকেছে।

স্রমনা হাসতে চেষ্টা করলো, কিন্তু সেই ঈষৎ স্ফুরিত রেখাটি তার মুখের ব্যর্থতা যেন আরো স্পষ্ট করে' ফুটিয়ে তুললো।<sup>\*</sup> দৃঢ় একটা সঙ্কল্পের ভঙ্গি নিয়ে স্রমনা ঘরে ঢুকেছিলো, কিন্তু সামনের চেয়ারটায় বসতে গিয়ে সে যেন ভেঙে পড়লো মলিন, ত্রিয়মাণ কাতরতায়। মুখ তুলে লাজুক গলায় বললে,—আমাকে ক্ষমা করো।

সৌরাণ্ড চমকে উঠলো : ক্ষমা, ক্ষমার কথা তুমি কেন বলছ ?

স্রমনা নীরবে তার নরম ঠাণ্ডা ছ'টি চোখ প্রসারিত করে' ধরলো-

## চেউয়ের পর চেউ

সৌরাংগু জিগ্গেস করলে : তুমি রাজি হ'তে পারলে না ?

প্রাণপণে গলায় স্বর এনে স্তম্ভনা বললে,—না ।

উচ্চারণের সঙ্গে ঘরে স্তব্ধতা এলো ঘন হ'য়ে : ভীষণ ঘোলাটে আবহাওয়া । চেয়ারে পিঠ ছেড়ে দিয়ে সৌরাংগু ক্লান্ত গলায় বললে,—  
কিন্তু কোথায় তোমার ঠেকছে, জানতে পারি ?

স্পষ্ট একটা উত্তর দিতে পেরে স্তম্ভনা এখন অনেকটা অনর্গল হ'তে পেরেছে । শরীরের ডোলটা আরো একটু সহজ ও শিথিল করে' সে বললে,—তুমি তো জানো, সমস্ত বাধা আমার নিজের, আমার একার সব অযোগ্যতা । আমার এখনো সময় হয় নি ।

—সময় হয় নি তা তুমি কী করে' বুঝলে ?

—বুঝলাম, আমি এখনো ক্লান্ত হই নি, আমার এখনো অনেক কাজ, স্তম্ভনার দুই চোখ শৃঙ্খলিত পশুর চোখের মতো রুদ্ধ আক্রোশে একবার জলজল করে' উঠলো : আমার আরো দীর্ঘকাল প্রতীক্ষা করবার সময় আছে ।

—কিন্তু কিসের জন্তে তোমাকে আর প্রতীক্ষা করতে হ'বে জানতে পাই ? সৌরাংগুর গলা বিজ্রপে ঝিলিক দিয়ে উঠলো : মেয়েরা কিসের জন্তে প্রতীক্ষা করে ? তুমি কি তোমার জীবনে প্রেম খুঁজে পাও নি ?

নির্জর্জন স্নানোত্তরায় সমস্ত কথা নিঃশেষ করে' বলবার অবকাশ পেয়ে স্তম্ভনা মনে-মনে উত্তপ্ত একটা আরাম অনুভব করলো । গাঢ় গলায় বললে,—প্রেম যদি পেয়ে থাকি, তার সঙ্গে-সঙ্গে প্রতীক্ষাও তবে পারবো ।

—কিন্তু কতো কাল ? সৌরাংগু এলায়িত আরাম ছেড়ে খাড়া হ'য়ে উঠে বসলো : সময়কে একটা সীমা দেবো বলে'ই আমরা এ জীবন

## ঢেউয়ের পর ঢেউ

পেয়েছি। তাকে আমরা সময়ের হাত্রে ছেড়ে দিতে পারি না। কাজ, কাজ, বিয়ে করা কি তোমার একটা কাজ নয় ?

তৃষ্ণাহীন শুকনো হু'টি ঠোঁটে স্নমনা একটু হাসলো।

চেয়ারে আরো খানিকটা এগিয়ে এসে সোরাংগু অসহিষ্ণু গলায় বললে,—কিন্তু আর কতো দিন—কতো যুগ অপেক্ষা করতে হ'বে ?

দিনান্ত-বেলার ক্লান্ত দীর্ঘ একটি রশ্মিরেখার মতো স্নমনার সমস্ত দেহ একবার কেঁপে উঠলো। বললে,—তা কী করে' বলবো ?

—তবে, সোরাংগু এক ঝটকায় উঠে দাঁড়ালো : তবে কী বলতে তুমি এসেছ ?

—বলতে এসেছি, স্নমনার গলা এলো ধরে' : তোমার যদি সময় না থাকে, তবে আমার জন্তে আর প্রতীক্ষা কোরো না।

—বা, এ যে নভেলে-পড়া প্রেমিকার মতো কথা বলছ, স্নমনা। সোরাংগু প্রায় আর্ন্তনাদ করে' উঠলো : এতো দিন দরজার পাশে দাঁড় করিয়ে রেখে আজ কিনা খবর দিতে এসেছ তোমার এখনো ঘুম ভাঙেনি।

—যদি তাই বলো, স্নমনার চোখের ছ' পাতা ভারি হ'য়ে উঠেছে : আমি আরো কিছু কাল ঘুমোবো।

—তাই বলো। সোরাংগু তার পরিত্যক্ত চেয়ারটায় আবার ভেঙে পড়লো। অবসন্ন গলায় বললে,—তুমি চিরদিন কেবল তঁরই চেয়েছ, সম্পূর্ণ বিশাল একটা জাগরণ চাওনি। চেয়েছ প্রেম নয়, অম্লরাগের রঙিন একটা অভিনয়। কিন্তু তার কী দরকার ছিলো ? কী দরকার ছিলো মেঘের ডাকে খানিকটা পেখম মেলে ধরতে ?

স্নমনা নিরুত্তাপ, নিশ্চাপ গলায় বললে,—তোমাকে যে আমি

## চেউয়ের পর চেউ

ভাঁলোবাসি তার একটা এমনি স্থল, সামাজিক প্রমাণ দিতে হ'বে ? আর তা না হ'লেই সেটা একটা অভিনয় ?

—নিশ্চয়। উত্তেজনায় সোরাংগু আবার উঠে দাঁড়ালো : স্থপ্ত-স্থলে মাটিতে-হাওয়ায় মিলে আমরা মাহুয। আমি তোমাকে শুধু মনে ও কথায় চাইনি, স্মৃনা, কায়মনোবাক্যে চেয়েছিলাম। তুমি শুধু আমার নিঃশ্বাসের বায়ু নও, গ্রাসের আচ্ছাদন। না, তুমি এমন মেয়েলি লজ্জার মুখোস টেনো না মুখে, আমাকে বলতে দাও।

স্মৃনা হাসি মুখে বললে,—বলো। শুনতে আমার তো ভালোই লাগছে।

—শ্রবণেন্দ্రిয়ের ব্যবহার অনেক করা গেছে, এখন চোখ খুলে তাকাবার সময়। সোরাংগু হঠাৎ কাছে এসে চেয়ারের হাতল থেকে স্মৃনার বাঁ হাতখানি তুলে নিলো। উজ্জ্বল, শাণিত দৃষ্টিতে তার মুখের দিকে চেয়ে বললে,—কিন্তু সবই কি বলতে হ'বে ? তুমি কি কিছুই বুঝবে না ?

স্মৃনা ভীত, পরাজিত গলায় বললে,—কিন্তু আমাকেও তো তুমি বুঝতে পারো।

তাড়াতাড়ি আরেকটা চেয়ার কাছে টেনে এনে সন্নিহিত হ'য়ে বসে' সোরাংগু বললে,—বলো, আমি বুঝবো, তর্ক করবো, বলো তোমার কী বলবার আছে। কোথায় তোমার বাধা ?

ঠোঁটের দুর্বল রেখায় নিশ্চিন্ত একটি হাসির ইসান্না নিয়ে স্মৃনা বললে,—কিন্তু তর্ক করে' তোমার সঙ্গে আমি পারবো কেন ? তোমার যা সব নিঃস্বয় যুক্তি—এই তোমার বলিষ্ঠ উপস্থিতি, তার কাছেই তো আমার জিহ্বা মূর্ছা যাবে।

## চেউয়ের পর চেউ

সৌরাংগু বললে,—তর্কে হেরেও যদি তুমি এমনি গোঁ ধবে' থাকো, তবে বুঝবো কোনোদিন তুমি আমাকে ভালোবাসো নি। ও তোমার নানাজাতীয় প্রসাধনেরই একটা : জোলো একটা ভ্যানিসিং ক্রিম্ মাত্র।

—না, তা তুমি সন্দেহ কোরো না। আমি অত্যন্ত অসহায়।

—অসহায় !

—হ্যাঁ, সমস্ত সংসার আমার মুখের দিকে একদৃষ্টে চেয়ে আছে।

—ধাকুক না, সমস্ত পৃথিবী ধাকুক চেয়ে ! সৌরাংগু উর্সাহেঁ উদ্দীপ্ত হ'য়ে উঠলো।

—না, ঘামে-ভিজা ভীক আঙুল ক'টি ছাড়িয়ে নেবার চেষ্টা করতে-করতে স্নমনা বললে,—আমি ছাড়া পৃথিবীতে তাদের কেউ নেই। তাদের উপবাসের রাতে আমার এই বিলাস আমি সহিতে পারবো না।

—বিলাস ? সৌরাংগু গলা ছেড়ে হেসে উঠলো। পরে গম্ভীর হ'য়ে তার হাতটিকে আরো নিবিড়তরো স্নেহের আবেষ্টনে আবৃত করে' ধরলো। বললে,—তোমার কর্তব্য কেবল সংসারের উপর, তোমার জীবনের উপর কোনো কর্তব্য নেই ? জীবনকে সমৃদ্ধ করবার যে বিলাসিতা সেই তো তার আসল সৌন্দর্য। তোমাকে বিয়ে করতে দেখলে তোমার বাবা-মা স্তব্ধ হ'বেন না ?

—বোধ হয় না। এতো কাছে থেকেও স্নমনা যেন অনেক দূর থেকে বলতে লাগলো : ছ'টি ভাই-বোনকে আমার মানুষ করতে হ'বে, বাবা-মা'র আমিই একমাত্র অবলম্বন। সংসারের কাছে আমার অনেক ঋণ।

—এই কথা ? সৌরাংগু হাল্কা হ'বার একটা শিথিল ভঙ্গি করলো : বেশ তো, বিয়ের পরেও তো এ-কাজ নির্বাহ হ'তে পারে।

—অসম্ভব। স্নমনা জোর গলায় বললে,—বিয়ের পরে আমি সমস্ত



## চেউয়ের পর চেউ

সংসার থেকে সম্পূর্ণ বিচ্ছিন্ন হ'য়ে এসেছি, আমার তখন নতুন জগৎ, নতুন প্রতিপাল্য। আমি তাদের আর তখন কেউ নই।

—কিন্তু আমি আছি। বিলীয়মান স্পর্শের উপর নতুন উত্তাপ সঞ্চার করে' সৌরাংশু বললে,—তোমার কিছু ভয় নেই, স্মৃনা, আমিই তাদের দেখতে পারবো।

বিজ্রপে ছ' চোখ কুটিল করে' স্মৃনা বললে,—তুমিই বা তাদের কে ?

শুকনো পাতার মতো স্মৃনার হাত স্পর্শের বৃত্ত থেকে কোলের উপর ঝরে' পড়লো। সেই হাতে কপালটা একবার মুছে স্মৃনা বললে,—ব্যাপারটা শুধু একটা ভরণ-পোষণের কথা নয়। একটা উদাহরণের কথা। তারা যখন ছুঁতে-কষ্টে দীর্ণ হ'য়ে যাচ্ছে, তখন আমার এই স্বার্থপরের মতো ব্যবহার—

—স্বার্থপরের মতো ! সৌরাংশু আবার চেয়ার ছেড়ে উঠে পড়লো। ভাবলো এবার আলো জ্বালে। কিন্তু আলোতে কথার সমস্ত আবহাওয়া আসবে নিশ্চিত, নিরর্থক হ'য়ে। ছ' পা নিঃশব্দে পাইচারি করে' এসে সে নিঃশব্দ, রুদ্ধ গলায় বললে,—তুমি নিজে যখন বাঁচবে, তখন স্বার্থপর না-হওয়া ছাড়া তোমার উপায় কী ! স্বার্থপরতাতেই তো তোমার জীবনের সম্পূর্ণতা, তোমার চরিত্রের মহত্ত্ব। কর্তব্যের চেয়ে তোমার প্রেম বড়ো—প্রেমই তোমার আদিমতম কর্তব্য। তুমি বাঁচবে, বাঁচবে, শরীরে-মনে বর্তমানে-ভবিষ্যতে পরিপূর্ণ, প্রচুর হ'য়ে উঠবে—সেই সাধনার কাছে কিসের তোমার ভাই-বোন, তোমার বাপমা, তোমার বতো সব তুচ্ছ, কাঙাল মুখাপেক্ষীর দল !

কথার ঝড়ে স্মৃনা যেন সর্বাক্ষে আহত, বিধ্বস্ত হ'য়ে পড়লো। স্নানায়মান আলোয় সৌরাংশুর মুখের দিকে চেয়ে দেখলো তাতে একটা

## চেউয়ের পর চেউ

বিবর্ণ 'ক্ষুধা যেন হিংস্রতায় জল্জল্ করছে। পাংশু, নিরানন্দ মুখে বললে,—এ-সব তুমি কী বলছ ?

সৌরাংশু হঠাৎ সামনে সরে' এসে স্মমনার দুই হাত চেপে ধরলো : জীবনে তোমার আর সবাই বড়ো, কেবল আমিই তোমার কেউ নই ? তুমি সৌভ্রাতেরই একটা উদাহরণ হ'বে, প্রেমের নয় ?

স্পর্শের নিঃশব্দ গভীর ডাক শুনে স্মমনাও উঠে দাঁড়ালো। অন্ধকার সরে' দাঁড়ালো, হাওয়া এলো তরলতরো হ'য়ে। স্মমনা পরিষ্কার গলায় বললে,—ইকনমিক্‌স্‌এ legal tender moneyর মধ্যে যেটা ভালো অর্থ সেটাই মান্নবে সঞ্চয় করে' রাখে, আর যেটা অপেক্ষাকৃত মন্দ, ওজনে হালকা, ব্যবহারে ক্রমশ যেটা জীর্ণ হ'য়ে এসেছে, সেটাই আগে লোকে ফেলে ফয় করে'। তুমি আমার জীবনের সেই অর্থ, ব্যয়ের নয়, সঞ্চয়ের।

সৌরাংশু বললে,—জীবনটা শুকনো একটা ইকনমিক্‌স্‌ নয়, স্মমনা।

—আর নির্জলা একটা ইস্‌থেটিক্‌স্‌ও নয়, আশা করি। স্মমনা অন্তমনে একটু দূরে সরে' গেলো ; অভিমানে আচ্ছন্ন গলায় বললে,—কিন্তু প্রেমই যখন তাকে বলছ, তখন প্রতীক্ষাই বা তার সহিবে না কেন ? তুমি কি তাকে পেয়ে ভোগ করে' একেবারে ফুরিয়ে দিতে চাও ? সেই কি তোমার পরিপূর্ণতা ?

—আমি অনেক প্রতীক্ষা করেছি, স্মমনা, স্বরের দীপ্তিতে সৌরাংশুর দেহ ঋজু বহ্নিশিখার মতো লেলিহান হ'য়ে উঠলো : কিন্তু তুচ্ছ তোমার সংসারের জঞ্জাল আমার অমূল্য মুহূর্তগুলো আমি কেন ফয় করতে যাবো ? আমি তাদের কে ? আমি কেন যাবো প্রতীক্ষা করতে ?

ভয়ে-ভয়ে নিতান্ত অপরাধীর মতো স্মমনা বললে,—তবে প্রেম নয়, ক্ষুধা।

## টেউয়ের পর টেউ

—হ্যাঁ, হৃদ্যন্ত ক্ষুধা। শুধু শব্দের একটা ব্যবহারে জোর করে' তার অর্থের গভীরতা তুমি নষ্ট করতে পারবে না, সূমনা। সৌরাংশু কঠিন মুঠিতে সূমনার হাত চেপে ধরলো : ক্ষুধার তীব্রতা থেকেই প্রেমের গভীরতা।

সূমনা কোনো কথা বললো না, হাত ছাড়িয়ে নেবার জন্ত মৃদু একটা মোচড় দিতেই সৌরাংশু হাত ছেড়ে দিলো। সূমনা এগিয়ে এলো এবার একেবারে দরজার কাছে।

পিছন থেকে সৌরাংশু অসহায়, অস্থির গলায় বললে,—কথার জবাব দিয়ে যাও, সূমনা।

সূমনা ফিরে তাকালো না ; ভারি গলায় বললে,—আমার সময় নেই। আমার এখনো সময় হয় নি। সময় হ'বে কিনা তাও বা কে বলতে পারে ?

সৌরাংশু যেন চাপা গলায় আর্ন্ত একটা হাহাকার করে' উঠলো : সময় হ'বেই না কোনো দিন ? তবে আমাকে তুমি—আমার এই ভালোবাসা কি তোমার একটা খেয়ালের চেয়েও তুচ্ছ ? আমার এই লজ্জা, এই পরাজয়—এ সবার তবে কী দরকার ছিলো, সূমনা ? সৌরাংশু দৃঢ় পায়ে ছুঁপা এগিয়ে এলো : জবাব দিয়ে যাও বলছি।

সূমনা চলে' যেতে-যেতে বললে,—আমি হয়তো এর জন্তে তৈরি হই নি। আমার পৃথিবীটা হয়তো ছোট একটা গৃহাঙ্গনে এসে সমাপ্ত হয় নি। আমাকে তুমি ক্ষমা করে।

—তোমাকে ক্ষমা করবো ?

—যদি নু-ই বা করতে পারো, তোমার সেই জ্বালার মধ্যে আমার

## চেউয়ের পর চেউ

এই জালাকেও তুমি মনে করে' রেখো। স্মৃনা যেন ঘর থেকে চলে' যেতে পাচ্ছে না।

—কিন্তু এতেই কি তুমি খুব সুখ পাবে, স্মৃনা ?

—সুখই যদি পাবো, তবে মেয়ে হ'য়ে ভালোবাসতে গেলুম কেন ? কথা বলার আবেগের আলোড়নে ঘর থেকে সে ভিতরের বারান্দায় বেরিয়ে এলো।

তাকে ফিরিয়ে আনবার জন্তে—ঐ কথার পর তাকে ফিরিয়ে আনা যেন ভীষণ সহজ হ'য়ে এসেছে—সৌরাংশুও তাকে স্থলিত পায়ে অনুসরণ করলে।

কিন্তু সবিস্ময়ে হ'জনেই তাকিয়ে দেখলো বারান্দায় আলো জালিয়ে ললিতা দাঁড়িয়ে।

ঘর অন্ধকার, স্মৃনার মুখে একটা পীড়িত, বিপর্যস্ত বিবর্ণতা, দুই চোখ দিয়ে নেমে এসেছে জলের ধারা, বেদনায় সমস্ত গতি স্তব্ধ, নির্ঝাপিত, আর পিছনে সৌরাংশু, সমস্ত শরীরে ব্যাকুলতার তাপ, মুখে বিচ্ছুরিত কথার আভা, দুই চোখে ক্ষুরধার হতাশার একটা দাহ—পাশাণে উৎকীর্ণ মূর্তির মতো ললিতা স্তম্ভিত হ'য়ে দাঁড়িয়ে রইলো।

তার উপস্থিতিতে সমস্ত গতি গেছে থেমে, সমস্ত কথা গেছে ফুরিয়ে, সমস্ত দীপ্তি এলো ধূসরিত হ'য়ে।

কী বুঝলো সে কে জানে, স্মৃনার মুখের উপর এসে প্রায় শাসকের মতো রুখে এলো : কী, আজো পড়াতে যাবেন না নাকি ?

—না, আমাকে মাপ করো, ললিতা। স্মৃনা তার দিকে একটিবার তাকালো না পর্যন্ত, দ্রুত পায়ে সোজা রাস্তায় বেরিয়ে গেলো।

১ ঘর সৌরাংশু ফিরে গেলো তার অন্ধকারে।

## এগারো

নেপথ্যে ললিতা যতই আপত্তি করুক, বেয়াইর টাকা ধরলীবাবু বেশ মুক্ত হাতেই গ্রহণ করতেন। প্রথমত পরিণীতা মেয়ের ভরণপোষণের ভার তার স্বামি-গৃহের উপরই হস্ত থাকা বিধেয়; দ্বিতীয়ত, হাতের কাছে টাকা এসে পড়লে কে না হাতের মুঠিটা একটু শিথিল করে!

বরং এ-ব্যাপারটায় ধরলীবাবু মনে-মনে আরাম পাচ্ছিলেন প্রচুর। যাই হোক, ললিতার সঙ্গে তার স্বপ্তরবাড়ির সম্পর্কের স্মৃতিটা একেবারে আলাগা হ'য়ে যায়নি, এই স্মৃতি ধরে' সে আবার তার নিরাপদ, নিবিড় আশ্রয়ে গিয়ে একদিন অবতীর্ণ হ'তে পারবে। আসলে সেইখানেই তার স্থান, বাপের বাড়িতে দিন কতক সে হাওয়া বদলাতে এসেছে মাত্র।

তাই মাস আষ্টেক বাদে একদিন সকালে স্বয়ং জগদীশবাবু সশরীরে তাঁর দোরগোড়ায় এসে উপস্থিত হ'লেন দেখে তাঁর স্মৃতির আর অবধি রইলো না।

ঘটনাটা ঠিক চোখ খুলে বিশ্বাস করবার মতো নয়। উপযুক্ত অভ্যর্থনা করবার মতো কোনো সোপকরণ সমারোহ ছাড়া তাঁর নেই-ই, সামান্য একটা নমস্কার করতে পর্যাপ্ত তিনি ভুলে গেলেন। উৎসাহের আতিশয্য

## চেউয়ের পর চেউ

জগদীশবাবুর হাত দু'টো চেপে ধরে' তিনি বিগলিত গলায় বল্লেন,—  
আপনি হঠাৎ এই গরিবের ঘরে ?

জগদীশবাবুর প্রশান্ত মুখে শীতল একটি হাসি ফুটে উঠলো। নির্লিপ্ত  
গলায় বল্লেন,—শুধু অর্থের অল্পতায়ই লোকে গরিব হয় ?

—কিন্তু আপনি আসবেন, বাড়ির ভিতরে সসজ্জমে তাঁকে নিয়ে  
আসতে-আসতে ধরণীবাবু বল্লেন,—আগে থেকে একটা খবর পেলে  
আমরা সবাই ষ্টেশনে যেতে পারতাম যে। আপনার ভারি কষ্ট হ'লো।

—খবর দেবার সময় পেলুম কই ? শূন্য চোখে চারদিকে  
চাইতে-চাইতে জগদীশবাবু আর্দ্রকণ্ঠে বল্লেন,—বোমাকে নিয়ে যেতে  
এসেছি। কোথায়, বোমা, আমার ললিতা-মা কোথায় ?

এমনি একটা নিদারুণ শুভসংবাদ যে তিনি বহন করে' এনেছেন,  
ধরণীবাবুর তাতে সন্দেহ ছিলো না। আবেশে গলা তাঁর আচ্ছন্ন হ'য়ে  
এলো : মহী—মহীপতির কোনো খোঁজ পেয়েছেন নাকি ?

—উড়ো খবর কতোই তো কানে আসে। জগদীশবাবুর মুখ  
বিতৃষ্ণায় ভারি হ'য়ে উঠলো : শুনি, কখনো হরিদ্বার, কখনো রামেশ্বর—  
গুরু খুঁজে বেড়াচ্ছেন নাকি ! গুরু খোঁজার চেয়েও বেশি।

—ও কি ফিরে আসবে না ? ধরণীবাবুর গলা হঠাৎ ম্লান হ'য়ে এলো।

—ফিরে না এসে ঘাবে কোথায় ? গুরু যে ওর শ্বরের ছয়ারে ওর  
ফেরার অপেক্ষায় বসে' আছেন। জগদীশবাবু না বসে' ক্রমাগত সামনে  
এগিয়ে যেতে লাগলেন : বোমা কোথায় ? মা-কে যে আমি বাড়ি নিয়ে  
যেতে এসেছি।

কারণটা ধরণীবাবুর কাছে এখনো স্পষ্ট হয় নি। পাশাপাশি  
চলতে-চলতে তিনি শুধোলেন : তবে কি—

## চেউয়ের পর চেউ

—আমার মেয়ের যে এই সত্যোরাই বিয়ে। জগদীশবাবু ব্যস্ত হ'য়ে বললেন,—বলা-কওয়া নেই, হঠাৎ ঠিক হ'য়ে গেলো। চিঠি-পত্র লেখবার সময় নেই, সোজাসুজি নিজেই চলে' এলুম। আজই আবার বৌমাকে নিয়ে ফিরে যাবো। বিকেলে যাবার একটা ট্রেন আছে না?

ধরনীবাবু আপত্তি করলেন : তা, আজই কি আর হয়?

—আজই হ'তে হ'বে। হাতে আর সময় কোথায়? বৌমাকে নিজে নিয়ে যাবার জন্তে সব আমি ছড়িয়ে রেখে এসেছি—আমি গেলে তবে অন্য কথা। আরো খানিকটা এগিয়ে আসতে জগদীশবাবু সামনে সিঁড়ি পেলেন। বার্ককে শরীর যে তাঁর অপটু, এ কথা তাঁর আর মনেই রইলো না। একেক পায়ে দু'-তিনটে করে' সিঁড়ি ডিঙোতে-ডিঙোতে তিনি উপরে উঠতে লাগলেন; সেই বলদৃষ্টির সঙ্গে-সঙ্গে তাঁর সতেজ কণ্ঠস্বর উৎসারিত হ'তে লাগলো : বৌমা, আমাক ললিতা-মা কোথায় গেলো?

সকালবেলা স্নান করে' এসে পাখার হাওয়ায় পিঠের উপর ভিজে চুল ছড়িয়ে দেয়ালের আয়নার সামনে চুপ করে' দাঁড়িয়ে-দাঁড়িয়ে ললিতা এক মনে নিজেকে তখন বিভোর হ'য়ে দেখছিলেন। রবিবার—সকালে আজ সোরাংগু পড়াতে আসে নি। সেই দিন থেকে স্নানার আর দেখা নেই, এ-বাড়ির আতঙ্কিত, রুদ্ধশ্বাস আবহাওয়াটা যেন তাকে তাড়া করেছে; তাই এখন থেকে তার পড়া-শোনার ভার চলে' এসেছে সোরাংগুর হাতে। সময়টা ভারি একা। হাতে কোনো কাজ নেই, তাই নিজ হাতে একটি পান সেজে খেয়ে ললিতা তখন প্রায় ঠোঁট-খুঁটি লালিশায় পিছল করে' এনেছে। নিচেকার ঠোঁটট উল্টে-পাল্টে আশ্রয় নিজে-থুঁটিয়ে-থুঁটিয়ে দেখা আর তার ফুরোতে চায় না! স্নানের

## চেউয়ের পর চেউ

স্নিগ্ধতার মতো নির্মল একটি মুক্তির অজস্রতা তার সমস্ত গা থেকে যেন উছলে পড়ছে।

—বোমা!

ডাক শুনে ললিতা ধম্কে দাঁড়ালো। শূন্য চোখে পাশের দেয়ালের দিকে তাকাতে লাগলো—এ-ডাকের কে উত্তর দেবে!

সে ছাড়া উত্তর দেবার কেউ নেই আশে-পাশে। জগদীশবাবু ঘরের মধ্যে সটান ঢুকে পড়েছেন। তাঁকে দেখে ললিতার মুখ মুহূর্তে একেবারে নিবে গেলো। তার শরীরের নবনী-নমনীয় লাবণ্য যেন পুঞ্জ-পুঞ্জ পাষণ্ডস্বপ্নের মতো এক বিরাট ভার হ'য়ে উঠলো। দাঁড়াবার জন্তে পায়ের নিচে সে যেন মাটি খুঁজে পেলো না। আঁচলটা সজ্জিগু করে' এনে মাথার উপর যে একটা ঘোমটা দেয়া দরকার তা পর্য্যন্ত তার খেয়াল নেই।

জগদীশবাবু তার দিকে এক পা এগিয়ে এসে স্নেহপূর্ণ, বিষন্ন গলায় বল্লেন,—বুড়ো ছেলেকে চিনতে পাচ্ছ না, মা?

ললিতা তবুও প্রতিমার মতো স্থির। অসম্বৃত চুলে-আঁচলে দাঁড়াবার অসম্ভাষ্য, বিপর্য্যস্ত ভঙ্গিতে তার পর্বতাকার বিষয়! হুই চোখে অহৈতুক আশঙ্কার বিবর্ণতা।

ধরনীবাবুর ধম্কে উঠলেন : তোর স্বপ্নরমশাই যে!

আঁচলের প্রান্তটা মাথায় কোনোরকমে টেনে দিয়ে প্রাণহীন, যান্ত্রিক একটা ভঙ্গিতে ললিতা জগদীশবাবুর পায়ের কাছে প্রণত হ'লো। সে প্রণাম স্বাক্ষ হ'বার আগেই জগদীশবাবু তাঁর প্রসারিত, পেশল হুই হাতে ললিতাকে বুকের উপর টেনে নিলেন। পায়ের উপর নরম, শিথিল ক'টি আঙুলের-স্পর্শে কল্পিত একটি ছোঁয়ায় তাঁর হুই চোখে অনর্গল



## চেউয়ের পর চেউ

জল নেমে এলো। ললিতার সম্মুখস্থ চুলের উপর হাত বুলোতে-বুলোতে বল্লেন,—তোমাকে বাড়ি নিয়ে যেতে এসেছি, মা। তোমাকে ছাড়া ঘর-দোর আমার সব আঁধার হ'য়ে আছে। আমি কেবল পাতাবাহারেরই বাগান করেছি, মা, কোথাও আমার ফুল ফুটে নেই।

আন্তে-আন্তে সেই আলিঙ্গন থেকে নিজেকে শিথিল করে' এনে ললিতা স্বপ্নের দিকে একখানা চেয়ার এগিয়ে দিলো।

চেয়ারে পিঠ ছড়িয়ে বসে' জগদীশবাবু দরাজ, প্রফুল্ল গলায় বল্লেন,—আজ বিকেলের ট্রেনেই আমরা যাবো, মা। দিন পাঁচেক পরে লক্ষ্মীর বিয়ে। কিন্তু ঘরের লক্ষ্মীই যদি পরবাসী থাকে, আমার উৎসব তবে জমবে কী করে' বলো ?

ললিতা ততোক্ষণে জানলার কাছে সরে' গেছে। মুঠো' করে' লোহার একটা শিক চেপে ধরে' বল্লেন,—ও ! লক্ষ্মীর বিয়ে নাকি ?

—হ্যাঁ, এই সত্যেরাই। নিশ্চাস ফেলবারো আমার সময় নেই। জগদীশবাবু স্বচ্ছন্দে জামার বোতাম খুলতে-খুলতে বল্লেন,—তবু সবাইকে ঠেলে ফেলে আমিই ছুটে এলাম, মা। সবার আগে আমিই মা-কে দেখবো—আমিই নিয়ে যাবো মা-কে উদ্ধার করে'। জগদীশবাবু অপরিপাক্য খুসিতে অনর্গল হেসে উঠলেন : অতো দূরে গিয়ে দাঁড়ালে কেন, আমার কাছে এসো, বুড়ো ছেলেকে একটু আদর করো এসে।

জগদীশবাবুর উচ্ছ্বসিত হাসির উপর ললিতার মুখ প্রলয়ের অন্ধকারে হঠাৎ কালো হ'য়ে উঠলো। স্পষ্টতায় তীক্ষ্ণ, পরিচ্ছন্ন গলায় সে বল্লেন,—আমি যেতে পারবো না।

কথাটা রূঢ়তায় এতো অনাবৃত যে তার আলায় ধরনীবাবুর সর্কাজ বেন ঝলসে গেলো। -বরং তাঁর আশা ছিলো—জগদীশবাবু'ক পেয়ে

## চেউয়ের পর চেউ

ললিতার উজ্জীন ছই বিফারিত পাখা এবার ছায়াচ্ছন্ন আশ্রয় দেখতে পাবে। প্রণামের ভঙ্গিতে তার বিদ্রোহের শাণিত রেখাগুলি শীতল, ত্রিয়মাণ হ'য়ে আসবে বা। কিন্তু এই অপ্রত্যাশিত ঔদ্ধত্যে তাঁর সমস্ত সাধ-স্বপ্ন যেন ভেঙে টুকরো-টুকরো হ'য়ে গেলো। ললিতার মুখের উপর তিনি ফেটে পড়লেন : যেতে পারবি নে মানে ? তোর ননদের বিয়ে—বাড়ির বৌ হ'য়ে—

ললিতার পান-খাওয়া টুকটুকে ছ'টি ঠোটে বিশীর্ণ একটি হাসি ফুটে উঠলো : তার আমি কী করবো ? এখান থেকে তার জন্তে শুভকামনা করলেই আমার যথেষ্ট।

ধরণীবাবু গোড়ায় যদি বা একটু সবিনয় আপত্তি করছিলেন, এখন একেবারে সুর ধরলেন উল্টো। ছ'টো দিন ধরে' রাখা দূরের কথা, এখন ললিতাকে ঠেলে বাড়ির বা'র করে' দিতে পারলেই যেন তিনি বাঁচেন। বাঁজালো গলায় তিনি বললেন,—তোর যেতে না-পারার কী কারণ থাকতে পারে ? এখানে তোর কী কাজ ?

—কাজ অনেক। কথাগুলি ললিতার নিজের কাছেই কেমন নির্লজ্জ, অশোভন শোনাচ্ছিলো, কিন্তু অন্তত সত্যের কাছে সে মুখে ঘোমটা টেনে দাঁড়াতে পারবে না : সামনেই আমার পরীক্ষা, আর ছ'টি মাসও তার বাকি নেই। এখন একটি দিনও বাজে কাজে ব্যয় করার মতো আমার সময় নেই, বাবা।

—এটা একটা বাজে কাজ হ'লো ? জগদীশবাবুর নীরব, বিমূঢ় উপস্থিতিটা তাঁর রাগে যেন ধীরে-ধীরে হাওয়া দিতে শুরু করেছে। ধরণীবাবু অস্থির হ'য়ে বললেন,—তোদের সংসারে বিয়ে, তোর আপন

## ঢেউয়ের পর ঢেউ

নন্দ, আর তুই সেখানে যাবি নে? এ কখনো হ'তে পারে? এর কাছে কী ছাই তোর পরীক্ষা!

ললিতা চোখ নামিয়ে অশ্রুট গলায় বললে,—কোথায় কা'র সংসার, বাবা!

ছোঁথের মধ্যে ছ'টো অংশ আছে—এক আঘাত, অপর বেদনা। সেই বেদনাহীন নির্দয় আঘাতটা অতিকায় একটা বিশ্বয়ের মতো জগদীশবাবুকে সম্পূর্ণ অভিভূত করে' ফেললো। সমস্ত ব্যাপারটা যেন তিনি আনুপূর্বিক অনুধাবন করতে পারছেন না : এ যেন সেই ললিতা নয়। সেই নির্বাককুণ্ঠিতা, প্রচ্ছন্নচারিণী ললিতা! সে যেন আর নয় সেই সাক্ষ্য, স্তিমিত দীপশিখা—নির্ব্যাহিত, নিষ্কাশিত একটা অসি। আগে তার শরীরে ক্রেশশীর্ণ, অনির্বচনীয় একটি ক্লান্ততা ছিলো, এখন তার দেহ রূপে-রেখায় বহু, প্রগল্ভ হ'য়ে উঠেছে। ছ'-চোখের দীর্ঘ, আনমিত দুই পল্লব আগে তার কপোলের উপর স্নিগ্ধ একটি ছায়া বিস্তার করতো, এখন তার বিস্তৃত, উদার দৃষ্টিতে যেন প্রথর উলঙ্গতা! তার দিকে তেমন কোমল স্নেহে যেন আর চাওয়া যায় না। ললাটে উদ্ধত দীপ্তি, সমস্ত মুখাভাসে একটা স্থূল, সচেতন গাঙ্গীর্ঘ্য, অঙ্গ-প্রত্যঙ্গের লাস্তলীলায় যেন কোন লালসা রয়েছে প্রচ্ছন্ন। রৌদ্রদগ্ধ, শুভ্র আকাশে কোথাও যেন একটি সৌম্যকান্ত নীলিমার চিহ্ন নেই। আগে তার চারপাশে বেদনার করুণ, ঘন একটি কুস্মটিকা ছিলো—হয়তো সেই ছিলো তার প্রকাশের সূক্ষ্মতা। ছবিকে সম্পূর্ণতা দেবার জন্তে তার আলোর পাশে আজ যেন আর এক কণা নিরাবরণ ছায়া নেই। বিলাস-সমৃদ্ধির মাঝে নিজেকে এই তার গৌরবদানের চেষ্টাটা জগদীশবাবুর কাছে মর্যাস্তিক কুৎসিত লাগছিলো। আজো তাঁকে সেই প্রতীক্ষমানা, বিষণ্ণ বিরহীণীর বেশে দেখতে পেলেই

## চেউয়ের পর চেউ

বোধহয় তিনি খুসি হ'তেন। কিন্তু তার সেই শ্রামল গ্রাম্যতার উপর আজ রুক্ষ নগরীর প্রখর চাকচিক্য এসে পড়েছে।

জগদীশবাবু গলায় খানিকক্ষণ কোনো কথা পেলেন না। শুকনো একটা টোক গিলে তিনি শূত্র, নিষ্প্রাণ কণ্ঠে জিগ্গেস করলেন : সংসারে সেই একজনই কি তোমার সব ? আমরা কি তোমার কেউ নই ?

—এ-সব কথার আমি কী উত্তর দেবো বলুন ! তার মুখে এক নিমেষে এতো কথা যে আজ কোথেকে অনর্গল এসে যাচ্ছে, ললিতা নিজেই কিছু বুঝে উঠতে পাচ্ছে না। জানলার শিকটা আরো শক্ত করে' চেপে ধরে', কী বলছে কিছু আয়ত্ত না করে'ই সে স্পষ্ট বলে' ফেললো : কিন্তু আমার ওপর ঐ সংসারের আর কোনো দাবি নেই।

—দাবি নেই ? অপরাধীর মতো নিরুত্তেজ, শ্রান গলায় জগদীশবাবু বললেন,—বৃথা তুমি অভিমান করছ, মা। একজনের ভেতর দিয়ে তোমার পরিবার কতো বৃহৎ হ'য়ে উঠেছে একদিনে, তোমার দুয়ারে স্নেহানুরক্ত কতো প্রত্যাশী জুটেছে একে-একে, তাদের তুমি ত্যাগ করবে কী করে' ? তোমার সেই লক্ষ্মী, তোমার এই বুড়ো অনাথ ছেলে ! দাবি নেই—এমন নির্ভুর কথা তুমি বললে কী করে', বোমা ?

ললিতা আঙুলে আঁচল জড়াতে-জড়াতে নম্রকণ্ঠে বললে,—কিন্তু সেই সব সম্পর্ক তো চুকে গেছে। মাটি থেকে যে-গাছ মূলচ্যুত হ'য়ে গেছে, তার কাছ থেকে ছায়া আশা করা ভুল।

—অনেক কথা যে শিখেছিস দেখছি। চাপা রাগে ধরণীবাবু মুখ খিঁচিয়ে উঠলেন।

—মূলচ্যুত তো তুমি হও নি, বোমা। উত্তেজনায় জগদীশবাবু

## ঢেউয়ের পর ঢেউ

চেয়ারের মধ্যে নড়ে'-চড়ে' উঠলেন : আমরা যে তোমাকে সহস্র শিকড় মেলে আঁকড়ে ধরে' আছি।

—প্রাণহীন শুকনো একটা কাঠকে জোর করে' ধরে' রেখে লাভ কী ? আমাকে ছেড়ে দিন।

ক্ষণকাল জগদীশবাবু স্তম্ভিতের মতো বসে' রইলেন। একটার পর একটা তাঁর জামার ঘরগুলি বোতামে ভরে' উঠতে লাগলো। চেয়ারের হাতলটা দৃঢ় হাতে চেপে ধরে' তিনি আর্ত, রুদ্ধ গলায় বল্লেন,—ছেলের কখনো মৃত্যুকামনা করি না, কিন্তু সেই সর্বনাশটাও যদি কোনোদিন ঘটে, তবু, তবু বোমা, তোমার স্থান চিরকাল আমাদেরই সেই সংসারে। তোমার ওপর তারই দাবি সকলের আগে।

কথাটা তাঁকে শেষ করতে না দিয়েই ললিতা বলে' উঠলো : কিন্তু এ-ঘটনাটা সেই মৃত্যুর চেয়েও মর্মান্তিক।

ধরণীবাবু ফের একটা গর্জন করে' উঠলেন : এ-সব তুই কী বলছিস, ললিতা ?

ললিতা চোখ নামিয়ে ভীত, পাংগু মুখে বললে,—জানি না কী বলছি। তবে এই কথাটাই হয়তো বোঝাতে চাচ্ছি, বাবা, আমার ওপর সংসারের আর কারুর, কোনো দাবি-দাওয়া নেই, আমিও কারুর আর অনুগ্রহের প্রত্যাশা করি না।

কথাটা বলে' ফেলেই ললিতা চলে' যাচ্ছিলো, ধরণীবাবু তার পথরোধ করে' দাঁড়ালেন। রাগে তাঁর ঠোঁট ছ'টো ধরধর করে' কাঁপছে, হাতে-পায়ে যেন আর তাঁর কোনো বশ নেই।

—শুঁদের ঘরে তোর বিয়ে হয় নি ?

## ঢেউয়ের পর ঢেউ

—হয়েছিলো, হৃঃস্বপ্নের মতো আমার তা স্পষ্ট মনে আছে। কিন্তু সেইটেই আমার পরিচয়ের শেষ কথা নয়, বাবা।

—বৃথা ওর সঙ্গে তর্ক করছেন আপনি। জগদীশবাবু চেয়ার ছেড়ে উঠে দাঁড়ালেন। গায়ের চাদরটা কাঁধের উপর ভাঁজ করতে-করতে বললেন,—আমি চললাম।

ললিতাই এগিয়ে এলো : সে কী কথা ? এখুনি যাবেন কোথায় ?

—নিশ্চয়। এখানে থাকবোই বা কী করতে ? আমি তো তোমার কেউ নই।

ললিতা মুখে হাসি আনবার চেষ্টা করে' বললে,—কেউ না-ই বা হ'লেন। তবু বাড়িতে অতিথি এসেছেন তো। তাঁর তো প্রাপ্য একটা সেবা আছে।

—থাক্। সেবার কথা বলে' এই বুড়োকে আর অপমান কোরো না !

—অপমান ! ললিতা স্তব্ধ হ'য়ে দাঁড়িয়ে পড়লো।

—তোমাদের হালি ভাষায় একেই বোধহয় সেবা বলে। প্রচ্ছন্ন রোষে ও ক্রোভে জগদীশবাবুর মুখ আরক্ত হ'য়ে উঠেছে : কিন্তু এই বুড়ো বয়সে এতোটা পথ ট্রেন-ষ্টিমারের ধকল সয়ে' এসে ফের শুধু-হাতে এমনি ফিরে যাওয়াটাকে আমরা ঠিক আপ্যায়ন বলি না। কিন্তু, সম্পর্ক যখন চুকে গেছেই বলছ, থাক্।

ললিতা স্নিগ্ধ গলায় বললে,—আমাকে নিয়ে গেলেও আপনার সেই ফিরে যাওয়াই হ'তো, বাবা। কিন্তু আমাকে তো আমি বেঁচে থাকতে অপমানিত হ'তে দিতে পারি না।

—বেশ, বেঁচেই থাকো তবে। জগদীশ কুটিল একটা জন্মকি করে'

## ঢেউয়ের পর ঢেউ

দরজার দিকে এগিয়ে গেলেন। ব্যস্ত হ'য়ে ধরণীবাবু তাঁর পথ আগ্ৰালেন : বা, এখনি আপনি যাচ্ছেন কোথায়? আপনাদের ট্রেন তো সেই বিকেলে।

জগদীশবাবু বললেন,—যাওয়া কেবল মানুষের ট্রেনেই হয় না বেয়াই যশাই, কখনো-কখনো মানুষ পায়ে হেঁটেও চলে' যেতে পারে।

ব্যাপারটা অকস্মাৎ ললিতার কাছে অত্যন্ত সামঞ্জস্যহীন, বীভৎস বলে' মনে হ'তে লাগলো। এতোদিনকার মনের রুদ্ধ আক্রোশটা হঠাৎ একটা নির্গমনের পথ পেয়ে নিদারুণ কলুষিত হ'য়ে দেখা দিয়েছে। তাতে কোনো শ্রী নেই, কোনো সংযম সে রক্ষা করতে পারে নি। বিনয়ে ভেঙে পড়ে' ললিতা জগদীশবাবুর কাছ ঘেঁসে এলো; করুণ, মিনতিময় কণ্ঠে বললে,—আপনি যাবেন না। আমি আপনার কাছে অনেক অপরাধ করেছি, কিন্তু বাবার কোনো দোষ নেই।

জগদীশবাবু বললেন,—তেমনি মহীই তোমার কাছে দোষ করেছিলো, আমার কোনো দোষ ছিলো না, ললিতা।

এ-কথার যে কী সহস্তর দেয়া যেতে পারে ললিতার কিছু মনে এলো না।

জগদীশবাবুই কথার জের টানলেন : সম্পর্কটা একটা পারস্পরিক ঘটনা। তোমার যখন আমাদের সঙ্গে কোনো সম্পর্ক নেই, অতএব আমাদেরো নেই। একটা ক্লান্ত নিশ্বাস ফেলে জগদীশবাবু ফের বললেন,—শুনে স্মৃথী হলাম, সংসারে স্বামীকেই তুমি চিনেছিলে। কিন্তু তোমার সীমস্তে স্মৃতির সেই চিহ্নটুকুও দেখছি বাঁচিয়ে রাখো নি। বোধহয় তাকেও তুমি আর স্বীকার করতে চাও না।

ললিতা কোনো 'আর কথা বলবে না বলে' প্রতিজ্ঞা করেছিলো।

## ঢেউয়ের পর ঢেউ

কিন্তু অলক্ষ্যে থেকে কে যেন তাকে ঠেলা মারতে লাগলো। অসহায়ের মতো সে বলে' বসলো : যিনি আমাকে কোনোদিন স্বীকার করলেন না, তাঁর প্রতি আমার নিস্পৃহতাটা কি খুবই অশ্রায়, বাবা ?

—তোমার সঙ্গে তর্কে কে এঁটে উঠবে বলো ? তুমি যে নতুন পরীক্ষা দিচ্ছ। জগদীশবাবু তার মুখের উপর বিজ্ঞপের একটা তীক্ষ্ণ বাণ ছুঁতে দ্বিধা করলেন না। ললিতার মাঝে তিনি যেন দেখতে পেলেন তাঁর ছেলের অপমৃত্যু। মনে-মনে প্রবল একটা প্রলোভন ছিল যে, হয়তো দেখতে পাবেন ললিতার চারপাশে বিরহের নিভৃত পরিমণ্ডলের মাঝে মহীপতি এখনো বেঁচে আছে। কিন্তু নিষ্ফল, নিরাবরণ মরুভূমিতে আশ্রয়-শীতল এক কণা ছায়া তিনি খুঁজে পেলেন না। চোকাঠটা পেরোবার আগে মুখ ফিরিয়ে তিনি জিজ্ঞাসা করলেন : কিন্তু কিসে তোমার এতো বড়ো আশ্পর্ক হ'লো সেই কথা ভেবেই আমি অবাক হচ্ছি, ললিতা। তুমি কি এর পরেও মহীর পথ চেয়ে বসে' থাকতে চাও নাকি ?

ললিতা এবারো না বলে' থাকতে পারলো না : পৃথিবীতে নিজের পথ পেলেই আমি বাঁচবো।

—ও ! হ্যাঁ, জিগ্গেস করাটাই আমার ভুল হয়েছিলো। আচ্ছা, রেশ ! জগদীশবাবু রেখাহীন, গম্ভীর মুখে সিঁড়ি দিয়ে নামতে-নাগতে হাঁক পাড়লেন : হরেন ! হরেন ! ট্যান্ডিটাকে এরি মধ্য বিদেয় করে' দিয়েছ নাকি ? ডাকো, ডাকো, ফের একটা ধরে' নিয়ে এসো, এখনি আগাদের ফিরে যেতে হ'বে।

ধরনীবাবু অম্মনয়ে আলুপ্তিত হ'তে লাগলেন, জগদীশবাবুকে কিছুতেই ফেরানো গেলো না। রাস্তায় নেমে এসে তিনি কঠিন মুখ করে'



## চেউয়ের পর চেউ

বল্লেন,—যতোকর্ণ আপনার বাড়ির মধ্যে ছিলাম ততোকর্ণ বা-হোক আপনার সঙ্গে একটা বাধ্যবাধকতার সম্বন্ধ ছিলো, কিন্তু আর কেন, সে-বাড়ি থেকে তো আমি বেরিয়ে এসেছি। রাস্তায় চলে’ এসে এখন আমার মনে পড়ছে যে আমি পিরগাঁয়ের জমিদার। সে-কথা আমি আর ভুলতে চাই না, ধরনীবাবু !

উপরে জানলায় দাঁড়িয়ে ললিতা সমস্ত দৃশ্যটা আগাগোড়া দেখছে, পিছনের চাকায় ধুলো উড়িয়ে তার চোখের উপর দিয়ে শেষ পর্যন্ত ট্যাক্সিটাও রাস্তার ঘোড় ঘুরলো। কোথা থেকে কী যে একটা কাণ্ড ঘটে’ গেলো তার কিছুই যেন সে ধরতে-ছুঁতে পেলো না ; মনে হ’লো তার জীবনের সমস্ত ভবিষ্যৎ যেন এক নিমেষে ভারমুক্ত এই প্রভাতবেলাটির মতো সাদা, পরিচ্ছন্ন হ’য়ে গেছে।

ধরনীবাবু ক্ষিপ্তের মতো উপরে ছুটে এসে প্রায় একটা চীৎকার করে’ উঠলেন : এ তুই কী করলি, লিলি ? এমন একজন গণ্যমাণ অতিথি, তোর এতো বড়ো একজন গুরুজন—তাকে তুই এক কথায় এমনি তাড়িয়ে দিলি ?

ললিতা এমনি একটা রুঢ় ভৎসনার জন্তে মনে-মনে প্রস্তুত হ’য়েই ছিলো, ব্যথিত নম্রতায় গলে’ গিয়ে বল্লে,—এতে আমার কী করবার আছে বলো ? আমি তাঁর সঙ্গে তাঁদের সংসারে ফিরে যেতে পারি না, সেটা কি আমার অপরাধ, বাবা ?

—যেতে পারিস না, কেন তুই যেতে পারবি না শুনি ?

ললিতা জানলার বাইরে উদাসীন দৃষ্টি মেলে বল্লে,—এই প্রশ্নটা আমাকে না জিগ্গেস করলেও পারতে।

—কিন্তু এরা কি তোর কেউ নয় ? ধরনীবাবু আরেকটা হুকুম দিলেন।



## বারো

সমস্ত সংসারে বিক্রী একটা গুমোট করে' এলো।

ধরণীবাবুর মাঝে পিতৃশ্নেহের সেই উদার প্রশান্তি আর দেখা গেলো না। তিনি কিছুতেই পারলেন না প্রশ্নে উচ্ছ্বসিত হ'য়ে উঠতে। অন্ধকারের মৃত একটা ভারের মতো ললিতার উপস্থিতিটা যেন তাঁর বুক চেপে ধরেছে। একটা শূন্য, প্রত্যয়িত উপস্থিতি।

প্রথম তিনি মেয়েকে অনেক বোঝাতে গেলেন, আর্দ্র স্নিগ্ধতায়, অব্যবহৃত ঔদার্য্যে। পরে দেখালেন ভয়, দুর্নামের ভয়, দুর্গতির ভয়, তার মুক্তির বিশাল অসহায়তার ভয়। তবু ললিতা তার অভ্রভেদিতা থেকে এক তিল নেমে এলো না।

ধরণীবাবু উঠলেন অবশেষে বিষাক্ত হ'য়ে। কঠিন, কটু কণ্ঠে বললেন, —তবে তুই কী করবি ভেবেছিস? কে তোর ভার বইবে সারা জীবন?

ললিতা বিবর্ধ গুখে হাসলো। বললে,—সে ভার আমি নিজেই বইতে পারবো, বাবা। আর ক'টা দিন আমাকে আশ্রয় দাও, পরে আমিই আমার একটা পথ করতে পারবো।

—পথ করতে পারবি? ধরণীবাবু গর্জ্জন করে' উঠলেন : কিন্তু কী পথ আর তোর আছে?

## চেউয়ের পর চেউ

—প্রাণহীন কতোগুলি বিধিবিধানের মধ্য দিয়েই আমাদের <sup>জীবনের</sup> সমস্ত পথ ফুরিয়ে যায় নি হয়তো। ললিতা কাতর, শুকনো গলায় বললে,—আমার পথও আমাকেই খুঁজে নিতে হ'বে। আমার জন্তে তুমি ভেবো না।

—কিন্তু, ধরণীবাবু অস্থির হ'য়ে উঠলেন : পাগলের মতো এ-সব তুই কী বলছিস, ললি? ভাববো না তো বটেই, তুই যদি আবার ফিরে যাস তোর স্বপ্ন-বাড়ি, তোর নিজের জায়গায়।

—আমার যাবার জায়গা কোথায় তা আমি নিজেই ভালো জানি। ললিতা কালো মেঘে কুটিল ইঙ্গিত করে' বিশীর্ণ একটা বিহ্বল-স্বপ্নের মতো গেলো মিলিয়ে।

ধরণীবাবু সোরাংশুর শরণাপন্ন হ'লেন। তার উপর তিনি ভারি সদয়, ভারি প্রসন্ন। তার স্বভাবে এমন একটি মধুর পরিচ্ছন্নতা আছে, এমন একটি নির্লিপ্ত প্রশান্ততা, যে, তাকে তিনি শুধু সম্মান করতেন না, বিশ্বাস করতেন। তাকে কাছে ডেকে এনে তিনি বললেন,—তুমি ওকে তবে কিছু বুঝিয়ে বলতে পারো?

সমস্তটা সোরাংশু সত্যের সাদা আলোয় জীবনের একটা বিষয় বলে'ই যেন দেখেছিলো, বিশেষ কোনো ব্যক্তির থেকে অসম্পূর্ণ করে'; তাই সে কুণ্ঠিত গলায় বললে,—বলে' কিছু বোঝাবার আছে বলে' তো আমার মনে হয় না। এখন গুর মাঝে প্রবল একটা প্রতিক্রিয়ার

## চেউয়ের পর চেউ

স্বর এসেছে ; সময়ের আঘাতে আবার তা হয়তো একদিন জুড়িয়ে আসবে । ততোদিন একটু প্রতীক্ষা করতে হ'বে বৈ কি ।

—সে কতোদিন, তা কে বলতে পারে ?

—তবু মিছিমিছি এ নিয়ে জোর খাটাতে গেলে প্রতিপক্ষের মাঝেও অকারণে একটা জোর এনে দেয়া হ'বে । সৌরাংশু স্নিগ্ধ গলায় বললে,  
—তাতে ফল দাঁড়াবে উল্টো । সময়ের হাতেই ছেড়ে দেয়া ভালো, আমরা সবাই এক অর্থে সময়ের হাতেই নিজেদের ছেড়ে দিয়েছি ।

ধরণীবাবু যেন সাস্থনায় ভরে' উঠলেন । বললেন,—তুমিই পারবে, সৌরাংশু । তুমি ওকে বললেই ও তোমার কথা শুনবে । আমি জানি ও তোমাকে খুব মাত্র করে । তুমি চেষ্টা করলেই ওকে ওর স্বপ্ন-বাড়ি রেখে আসতে পারো ।

সৌরাংশু হাসলো । বললে,—কিন্তু ঠুকে ওখানে রেখে আসবারই বা কী মানে আছে ? সত্যিই তো সেখানে ঠুঁর কিসের আশ্রয়, কিসের আকর্ষণ ?

—কিন্তু শেষকালে ওর স্বপ্নরো ওকে ত্যাগ করবে নাকি ?

—যিনি ঠুকে ত্যাগ করেছেন তাঁর ত্যাগের চেয়ে তো আর এ বেশি কঠিন নয় । সৌরাংশু ক্লাস্ত গলায় বললে,—তাঁকে ফিরিয়ে আনবার ব্যবস্থা করুন, দেখবেন তা হ'লেই আবার তাঁর সঙ্গে সমস্ত ঘর-বাড়ি ভরে' উঠেছে ।

—সে নিজে থেকে ফিরে না এলে আর কী করা যাবে বলো ?

—তেমনি উনি নিজে থেকে সেখানে না গেলে আমরাই বা কী করতে পারি ?

—কিন্তু তার একটা কর্তব্য আছে তো ?

## চেউয়ের পর চেউ

—তেমনি মহীপতিবাবুরো তো একটা কর্তব্য ছিলো।

ধরণীবাবু বলবার আর কিছু কথা পেলেন না। নিঃশব্দে ঘরের মধ্যে পাইচারি করতে লাগলেন। স্পষ্ট বুঝতে পারছেন, ললিতার উপর ভীষণ অবিচার করা হয়েছে, চাপিয়ে দেয়া হয়েছে ঘোরতরো অপমানের বোঝা, চিরন্তন একটা ব্যর্থতার গ্লানি, তবু, শত সমব্যর্থমান মমতা সত্ত্বেও তিনি কিছুতেই সমর্থন করতে পারছেন না তাব এই উদ্ধত একাকীত্ব। অসহিষ্ণু গলায় বললেন,—কিন্তু যতোদিন মহীপতি না ফেবে, ততোদিন তো ও স্বস্তিরবাড়িতে বসে'ও প্রতীক্ষা করতে পারে। তাদের সঙ্গে সমস্ত সম্পর্ক তুলে দেবার কী মানে আছে ?

—কিন্তু মহীপতিবাবু যদি একেবারেই না ফেরেন ? তাঁর ফিবে আসবার তো কোন গ্যারান্টি নেই।

—না-ই যদি ফেরে, কী আর করা বাবে ? হিন্দু-বিধবারা আব তাদের স্বামীর সংসারে টিকে থাকে না ?

—তুলনাটা কোনো দিক দিয়েই ঠিক হ'লো না বোধ হয়। সৌরাংশু বিনীত হ'য়ে বললে,—প্রথমতো গুঁর স্বামী বর্তমান, দ্বিতীয়তো সবটাই কেউ আমরা হিন্দু নই। কোনো একটা ধর্মমতের চেয়েও মানুষের বিবেক হয়তো বড়ো জিনিস, মানুষের আত্মসন্মান। হিন্দুত্বের ঋণ শুধতে গিয়ে মনুষ্যত্বে খাটো হওয়াটা কারু-কারু কাছে খুব বেশি কামনীয় না-ও হ'তে পারে।

—তা হ'লে তুমি বলছ স্বামী ও সংসার ছেড়ে ললি এমনি একটা বিদ্বেষের তুফান তুলে দেবে ? ধরণীবাবুর গলা তিক্ততায় প্রখর হ'য়ে এলো।

—আমি কিছুই বলছি না। আমার বলবার কী-ই বা অধিকার

## ঢেউয়ের পর ঢেউ

আছে ! সৌরাংশু তার মুখের স্বাভাবিক, সতেজ প্রফুল্লতায় বললে,—  
আমি শুধু ঠুঁর চিন্তাগুলিকে অনুসরণ করছি। বিদ্রোহটা কোনো কাজের  
কথা নয়, তাতে শক্তি নেই, স্বেচ্ছা নেই। নির্ভুর প্রতিক্রিয়ার সাময়িক  
একটা বিকার ছাড়া সেটা কিছু নয়। এই বেলাও তাই ঘটেছে।  
তাকে দিন স্বামী, দিন ফিরিয়ে তার সংসার, সমস্ত বিদ্রোহ উপলব্ধিতে  
আবার হুর্ভেদ্য হ'য়ে উঠবে।

ধরনীবাবু ক্লান্ত, অসহায় একটা দীর্ঘশ্বাস ফেললেন। বললেন,—সব,  
সব আমি বুঝি, সৌরাংশু। কিন্তু কোথেকে তাকে কী ফিরিয়ে দেবো বলো?

সৌরাংশু জিগ্গেস করলে : কেন, মহীপতিবাবুর কি কোনো খোঁজই  
পাওয়া যাচ্ছে না?

—যাচ্ছে বৈ কি, ধরনীবাবু নিরাশ, নিরানন্দ মুখে বললেন,—  
জগদীশবাবু তো তার গতিবিধি নজরে রাখছেন শুনছি। কতো চিঠি,  
কতো অনুরোধ, তবু তার ফেরবার নাম নেই। ফিরবে কি না তাই বা  
কে জানে?

—যদি স্বামীই না ফেরেন, তবে স্ত্রীকেই বা আপনি কী করে' জোর  
করে' ফিরিয়ে দিতে পারেন? স্বামীর সঙ্গে-সঙ্গে স্ত্রীও তো সন্ন্যাসিনী  
হ'য়ে উঠতে পারে।

—তোমাদের এই আধুনিকতার ঝাঁজ আমি সহিতে পারি না,  
সৌরাংশু! ধরনীবাবু হট্‌ফট্‌ করে' উঠলেন : কিন্তু ধরো, যদি একদিন  
মহীপতি ফেরে?

সৌরাংশু উচ্ছ্বসিত হ'য়ে উঠলো : তা হ'লে তো কথাই' নেই।  
আমরা তো সবাই সেই পথ চেয়েই বসে' আছি। আচ্ছা, এক কাজ  
করলে হয় না?

## ঢেউয়ের পর ঢেউ

—কী

—মহীপতিবাবুর বর্তমান ঠিকানাটা সংগ্রহ করুন।

—তারপর ? ধরনীবাবু যেন সমুদ্রের কূল দেখতে পাচ্ছেন।

—তারপর চলুন, ললিতাকে সেখানে আমরা রেখে আসি। ললিতা গেলে হয়তো তাঁকে ফিরিয়ে আনা সহজ হ'বে।

ধরনীবাবু উৎসাহিত হ'য়ে উঠলেন : কিন্তু লিলি সেখানে যাবে মনে করো ?

—কেনই বা যাবেন না ? তিনি শ্বশুর-বাড়ি যাচ্ছেন না, যাচ্ছেন তাঁর স্বামীর কাছে। সৌরাংশু প্রশান্ত গলায় বললে,—সেদিক থেকে তো চেষ্টা করে' কখনো দেখা হয় নি, দেখুন না একবার।

ধরনীবাবু তার হাত চেপে ধরলেন : তুমি তা হ'লে তার মত করাও, সৌরাংশু। আমি জগদীশবাবুকে লিখে মহীপতির ঠিকানা আনাচ্ছি। তারপর চলো, সবাই মিলে একবার ভেসে পড়ি। ললিতা গিয়ে পড়লে নিশ্চয়ই সে আর কঠিন থাকতে পারবে না, নিশ্চয়। এতোদিনে তার সেই স্বপ্ন হয়তো ভেঙে গেছে। তাই, তাই,—এখন তার ঠিকানাটা পেলে হয়।



## ভেরো

ললিতা সন্ধ্যার অন্ধকারে সাদা, অশরীরী একটা ছায়ার মতো বসে ছিলো। যেন আকাশের কোণে জলহীন, অবাস্তব একটা মেঘ।

সৌরাংশু আন্তে-আন্তে দরজার ওপারে এসে দাঁড়ালো। ধম্কে গেলো ললিতার বসবার এই শীতল ঔদাস্য দেখে। তার মলিন আলস্তে পুঞ্জিত হ'য়ে আছে যেন ব্যর্থতার ভার, দিনের দক্ষতার শেষে সন্ধ্যার এই নিরাভ ধূসরতা।

দিনের বেলায় ললিতাকে আরেক মূর্তিতে দেখা গিয়েছিলো, রৌদ্রে ঝলসে-ওঠা তলোয়ারের তীব্রতার মতো। এখন সন্ধ্যার এই মন্থর ঘনায়মানতায় তার বসবার ভঙ্গিটি যেন বিষন্ন একটি সুরের মতো করুণ ক্লাস্তিতে ভিজে উঠেছে। ঘরে নিঃশব্দতার কতোগুলি প্রেত যেন ঘুরে বেড়াচ্ছে, দেয়ালগুলি যেন স্পর্শহীন শূন্যতা দিয়ে তৈরি! পৃথিবীতে যেন আর সময় নেই, শ্রোত নেই, সব একটি অবিচল, অবাস্তব স্তব্ধতা।

ঘরে ঢুকে হাত বাড়িয়ে সূইচ পেয়ে সৌরাংশু তাড়াতাড়ি আলোটা জ্বলে দিলো।

ললিতা উঠলো একটা সাপের মতো চমকিত হ'য়ে। বললে,—কে ?

## চেউয়ের পর চেউ

সৌরাংগ এক পা এগিয়ে এসে বললে,—সুমনা কি আজো আসে নি ? তা হ'লে কাজটা ছেড়েই দিলো একেবারে ?

—সুমনা-দি কাজ ছেড়ে দিয়েছেন কিনা তা তো আপনিই ভালো জানেন। তার জন্তে মিছিমিছি কষ্ট করে' আমাকে জিগুগেস কবতে এসেছেন কেন ? ললিতা বিরক্ত মুখে বললে।

—কিন্তু আপনাকে সেইটেই আমার একমাত্র প্রশ্ন ছিলো না। সৌরাংগ নিঃসংশয় সপ্রতিভতায় দূরে একটা চেয়ার টেনে বসে' পড়লো : আপনার সঙ্গে আমার যে আরো অনেক কথা আছে। গভীর কথা।

ললিতার যে কেমন করে' উঠলো বলা কঠিন। শূন্য চোখে সৌরাংগের দিকে চেয়ে থেকে একটু বা ভীত, সন্দ্বিগ্ন গলায় বললে,—বলুন। আমার সঙ্গে পৃথিবীতে কারু কোনো কথা থাকতে পাবে বলে' আমার জানা ছিলো না।

—কিন্তু খুব একটা আনন্দরো কথা যে। সৌরাংগ হেসে উঠে ঘরের আবহাওয়াটাকে তরল করে' আনলো। বললে,—তাই তো আলো জ্বালালাম, আলো না থাকলে সেই আনন্দকে যে স্পষ্ট করে' দেখা যাবে না।

বৃষ্টির আগেকার মুহূর্তে বিবর্ণ মৃত্তিকার মতো ললিতা প্রতীক্ষায় কঠিন হ'য়ে রইলো।

সৌরাংগ কী যে কথা বলতে এসেছে, সংসারে কোন কথাটা যে তার পক্ষে অসম্ভব সুখকর, ললিতা সেই মুহূর্তে কিছু ভেবে পেলো না। বিমূঢ়, বিব্রল চোখে তাকালো একবার সৌরাংগের মুখের দিকে, তার বুলদৃশ প্রকৃতির দিকে। তার উপস্থিতির অস্বাভাবিক প্রখরতায় সে দীপ্ত

## ঢেউয়ের পর ঢেউ

পাচ্ছে। এখুনি যেন সে ললিতার অবসাদের আকাশে সেই আনন্দময় শুভ সংবাদ দেবে বিকীর্ণ করে', রক্তাক্ত সূর্য্যোদয়ের মতো—কী না-জানি সেই শুভ সংবাদ! জিজ্ঞাসা করতে পর্য্যন্ত ললিতার সাহস হ'লো না। বিমুগ্ধ ভয়ে সে অনিমেঘে চেয়ে রইলো।

সবল সপৌরুষে সৌরাংশু বল্লে,—আপনি আমার সঙ্গে যাবেন ?

প্রশ্নটার হুঃসহ তীব্রতায় ললিতার ছুই চোখ যেন হঠাৎ ধাঁধিয়ে গেলো। শরীরের অন্ধকারে উঠলো সে মর্শ্বরিত হ'য়ে। শিহরিত দীর্ঘতায় একটি কম্পাঙ্কিত আভা নিয়ে সে উঠে দাঁড়ালো। এক মুহূর্ত্ত প্রতীক্ষা করলো না, দ্বিধা করলো না। সৌরাংশুর কণ্ঠস্বরে সমস্ত বাহির যেন তাকে ডাক দিয়ে উঠেছে—সেই বহুদূর মেরু-পথ, নীল-নির্জ্জন সমুদ্র। বিহ্বল গলায়, আত্মবিশ্বস্তের মতো বল্লে,—সত্যি যাবো। এখুনি, এই মুহূর্ত্তে।

সৌরাংশুর মুখ যেন হঠাৎ এক ফুঁয়ে গেলো নিবে। ধতিয়ে, শুকনো গলায় বল্লে,—কোথায় যাবেন বলুন তো ?

—তা কী জানি ? যেখানে হোক, যেখানে আপনার খুসি। পরিচিত এই পরিধির বাইরে। ললিতা নিখুঁম একটা শিখার মতো আবার উঠলো কৈপে।

সৌরাংশু যেমে উঠলো। আমতা-আমতা করে' বল্লে,—তেমন যাওয়ার কথা তো কিছু বলি নি।

—তবে আমাকে এমনি হাওয়া বদল করিয়ে আনতে চান নাকি ? ললিতা হেসে উঠলো। কঙ্কালায়িত, নিরবয়ব সেই হাসি।

—প্রায় তাই। সৌরাংশু সেই হাসিতে যেন একটা স্বস্তি আভাস পেলো, সেই হাসিতে যেন উড়ে গেলো তার কথার জড়িমা, দৃষ্টির কুঞ্জিত

## ঢেউয়ের পর ঢেউ

ক্লান্তিকা : আপনাকে আপনার স্বামীর কাছে নিয়ে যাবার কথা বলতে এসেছিলাম ।

—কা'র কাছে ?

—মহীপতিবাবুর কাছে । সৌরাংগু ঢোক গিলে বললে,—তাঁর নতুন ঠিকানা পাওয়া গেছে ।

ললিতা একমুহূর্ত কোনো কথা কইলো না । স্থলিত পায়ে আস্তে-আস্তে সরে' গিয়ে জানলার কাছে বসলো, যেখানে এই রুঢ় আলো বেদনায় নরম হ'য়ে এসেছে, যেখান থেকে অম্পষ্ট করে' দেখা যায় পৃথিবীর ধূসর বিশালতা ।

ললিতার স্বরটা শোনা গেলো করুণ আর্তনাদের মতো : ঠিকানা পাওয়া গেছে, তবে আমাকে এখন কী করতে হ'বে ?

—বদি বলেন, সৌরাংগু সৌজন্তে প্রসারিত হ'লো : আমি আর আপনার বাবা আপনাকে সেখানে নিয়ে যেতে পারি ।

—আমার উপর আপনাদের এতো দয়া হ'বার কারণ ? ললিতার চোখ অন্ধকারে বন্দী পশুর চোখের মতো অসহায় বহুতায় উঠলো জলে' ।

—দয়ার কথা নয়, সৌরাংগু নিশ্চাণ গলায় বললে,—আপনার বাবা বলছিলেন কিনা, তাই ।

—ও, আপনি কিছু বলছেন না ? ললিতা ফের আলোয় উঠে এলো । বসলো পাশের একটা চেয়ারে । বললে,—তবু, আপনি ভাবতে পাচ্ছেন আমি সেখানে যাবো, আমি ?

—গেলেটুই বা । সৌরাংগু শান্ত গলায় বললে,—আপনার স্বামীর কাছেই তো র'চ্ছেন !

## চেউয়ের পর চেউ

—আমি যাবো তার কাছে ভিক্ষা করতে, তার কাছে, যে আমাকে একদিন—কথাটা ললিতা শেষ করতে পারলো না। একটা অন্ধ রাগে, কঠিন অশ্রুহীনতায় তার মুখ পীড়িত, বিবর্ণ হ'য়ে উঠলো।

সৌরাংশু নয়, যেন একটা প্রাণহীন যন্ত্রের মুখ থেকে শব্দ বেরলো : স্ত্রীরা তাঁদের স্বামীর জন্তে কতো তপস্বী হ'য়ে তো করেন—এ আর আপনার কাছে এমন কী কঠিন প্রত্যাশা করা হচ্ছে ?

—আর, স্বামীদের তপস্বী হচ্ছে অস্ত্রীক্ষের জন্তে ? ললিতা ঝঙ্কার দিয়ে উঠলো : হয়েছে, যথেষ্ট হয়েছে। আমার জন্তে মিছিমিছি নিজেদের ব্যস্ত করবেন না। পৃথিবীতে আরো অনেক সব জটিলতরো সমস্যা আছে, তা নিয়ে মাথা ঘামান গে।

তার কথা বলার ধরনে সৌরাংশু হেসে উঠলো। হেসে-ওঠাতেই সে পেলো একটা নির্ভর, তার ব্যবহারের স্মৃতিত অমুপাত। বললে,—কিন্তু তাঁর যদি একটা ভুলই হ'য়ে থাকে, সে ভুল ভাঙবার জন্তে চেষ্টা করলে ক্ষতি কী ?

—ক্ষতি তার, ক্ষতি তার মনুষ্যত্বের, যে চেষ্টা করবে। ললিতা যেন নিজের অল্পভূতির গভীরতম অন্ধকারে ডুবে গেলো : ভুল কেউ কারুর ভেঙে দিতে পারে না, যদি তা না আপনি ভাঙে। আর তাঁর সেটা ভুলই বা আপনারা কী করে' ভাবছেন ? আর, আপনার-আমার কাছে সেটা ভুল হ'লেই বা কী এসে যায়—সেটা তাঁর কাছে সত্য। তেমনি আমরা হয়তো একটা সত্য আছে—সেই সত্যে আমি একা। ভুল ভেঙে দিয়েই বা লাভ কী ?

সৌরাংশু তার এই উক্তির গভীরতাকেও সম্মান করলো না, লঘুকণ্ঠে বললে,—ধরুন, যদি একদিন সেই ভুল আপনা থেকেই ভেঙে যায়, আর

## চেউয়ের পর চেউ

আপনি না গিয়ে তিনিই একদিন শরীরে ফিরে আসেন, ফিরে আসেন তাঁর সংসারের পরিবেশে, তাঁর স্ত্রীর নির্জনতায়—

ব্যাপারটা যেন কতো অসম্ভব, এমনি একটি খুসর রেখাহীনতায় ললিতা হেসে উঠলো। নির্গুণ গলায় বললে,—আসবেন। ফিরে আসতে তাঁর বাধা কী? আমাদের হৃৎকেন্দ্রের জন্তেই জায়গা এখানে বরখাড়া, এই পৃথিবীতে। তিনি যদি তাঁর তপস্যায় উত্তীর্ণ না হ'তে পারেন, সেই জন্তে আমিও পারবো না, এমন কথা কোথাও লেখা নেই। তিনি যদি বদলাতে পারেন, আমিও হ'য়ে উঠতে পারি নতুন মানুষ, খুঁজে পেতে পারি নতুন পরিবেশ, নতুন নির্জনতা। ভুল আমরা ভেঙে যেতে পারে, সৌরাংশু বাবু।

—তার মানে, সৌরাংশু ঘরের জোরালো আলোয় যেন হাঁপিয়ে উঠলো : তার মানে, উনি যদি কোনোদিন ফিরে আসেনও, আপনি তাঁকে প্রসন্ন পরিপূর্ণতায় গ্রহণ করবেন না?

—কী করে'ই বা করবো? ললিতা হঠাৎ অদ্ভুত করে' হেসে উঠলো : আমার জীবনে সে-দিন যে কবে অন্ত গেছে, সেই দিন, যে-দিন সমস্ত দেহ-মনে আমি শুধু অশরীরী স্বামিত্বের ভাবময় একটা আবেশের মধ্যেই ডুবে ছিলাম। আজ সেই মেঘ সত্যের সূর্যালোকে গেছে দূর হ'য়ে। এখন ভাবের চেয়ে ব্যক্তিকেই আমি বেশি প্রাধান্য দিতে শিখেছি। আমি আর সে-ললিতা নেই।

—কিন্তু স্বীকারে আপনি সত্য বলে' অহঙ্কার করছেন, সে-ও তো একটা ভাব। ভাবের ক্ষণিক একটা ছটা ছাড়া কিছু নয়। সৌরাংশু গলা এতোটুকুও টললো না।

—কিন্তু নো, ললিতা চেয়ার ছেড়ে সেই বিচ্ছিন্ন দীর্ঘতায় উঠে

## চেউয়ের পর চেউ

দাঁড়ালো : সেই সত্য আমি নিজে, নিজেকে নিয়ে আমার নিজের এই রচনা, একান্ত করে' নিজের এই হ'য়ে-ওঠা।

ললিতা তার কথার অন্তরালে একটি সুদূর প্রাচুর্য নিয়ে এলো। সেই প্রাচুর্যতার ঘন, উষ্ণ অন্ধকারে অভিভূতের মতো এলো সে এক পা এগিয়ে, সৌরাংশুর চেয়ারের দিকে।

আচ্ছন্ন, অবশ গলায় বললে,—আর কোথাও আমাকে নিয়ে যেতে পারেন-না ?

সৌরাংশু স্তম্ভিত হ'য়ে রইলো : আর কোথায় ?

—এই ঘরের, এই পরিচয়ের বাইরে—বহু দূরের বিরাট একটা নিশ্চিহ্ন স্তব্ধতায় ?

ললিতাকে শোনা গেলো অন্ধকারের কাকূতির মতো।

সৌরাংশু প্রথর, স্পষ্টতায় সতেজ গলায় বললে,—আমি কোথায় নিয়ে যাবো ? এই তো আপনি বেশ আছেন নিজের নির্ভুর সত্য নিয়ে। বলছিলেন না, সেই সত্যে আপনি একা, আপনি নিজেই যথেষ্ট। মিছিমিছি আর কাউকে তবে ব্যস্ত করছেন কেন ?

ললিতার মুখে আর একটিও কথা এলো না, ঘরের আলো তার মুখের সমস্ত আর্দ্রতা যেন শুষে নিলো। সে বসলো গিয়ে ফের সেই জানলার ধারে, ক্রান্তিতে রাশীভূত হ'য়ে। স্তব্ধতায় হঠাৎ সে গেলো মুছে, তার বসবার এলোমেলো আলস্তে।

ঘরে ঘনিয়ে উঠতে লাগলো কথা-না-বলা'র কুরুশ অন্ধকার।

ললিতা হঠাৎ মুখ ঘুরিয়ে রুদ্ধ গলায় বললে,—আপনি তবে আর এখানে বসে' আছেন কেন ? সেই দিন থেকে যে স্মৃতি-দি আর আসছেন না পড়াতে, তা তো জানেনই।

## চেউয়ের পর চেউ

—হ্যাঁ, বাই। সৌরাংশু চেয়ার ছেড়ে উঠে দাঁড়ালো।

মিথ্যা কথা, সৌরাংশু স্পষ্ট দেখতে পেলো, ললিতার এই ভঙ্গিটা কোমল প্রতীকার ভঙ্গি, আনমিত বশতায়, তাতে নেই তার সত্যোপলব্ধির কোনো তীক্ষ্ণতা। তার মাঝে আজো যেন কাঁদছে একটি ঘর, তপ্ত স্ননিবিড় একটি তৃষ্ণা, মরুভূমির পারে মুমূর্ষু একটি মরীচিকা। সেই দিন তার আজো অন্ত যায় নি, তার দীর্ঘায়মান বিধুর ছায়াগুলি এখনো তার জীবনে লেগে আছে।





## চোদ্দ

যে-পরীক্ষার জন্তে এতো তোড়জোড়, এতো ব্যস্ততা, শেষ পর্যন্ত তারই কাছাকাছি এসে ললিতা হঠাৎ বেকে দাঁড়ালো। ছুঁড়ে ফেলে দিলো বইয়ের বোঝা, রাশি-রাশি অক্ষরের অত্যাচার। বিবর্ণ, বিশ্বাস হ'য়ে উঠেছে তার দিন-রাত্রির পৃষ্ঠা, শেকলে-বাঁধা এই নির্ভুর পারম্পর্য। অবকাশের অরণ্যে সে যে একটি আশ্রয়ের নীড় তৈরি করেছিলো, তাই এখন তার কাছে মনে হ'তে লাগলো আর্ন্ত, অন্ধ, পরিশূন্য একটা গুহার মতো। অক্ষরের আলোতে সেই অন্ধকার সে আর কতোটুকু তরল করবে, দৈত্যকায়, হৃদাস্ত সেই অন্ধকার? মনের বিরাট এই নৈঃশব্দের সামনে কতোক্ষণ জ্বলে এই অক্ষরের মুখরতা, চপল, ক্ষীণায়ু এই অক্ষর? ললিতা অক্ষরের বিস্তীর্ণ জনহীনতায় কোথাও কোনো পার দেখতে পেলো না,—কতো দূর সে হাঁটবে, কতো আর উলঙ্গ রোদ্র, কতো আর আকীর্ণ রাত্রি? অক্ষরের দীপশিখায় কা'র সে আরতি করবে, হোঁবে সে কোন নিশীথ-তারার? কেন এই আয়োজন? বিচ্ছিন্ন কতোগুলি অক্ষরের পাথরে বাঁধতে পারবে কি সে তার এই শূন্যতার সমুদ্র? ছায়াশীতল করে' তুলতে তার এই মুক্তির মরুভূমি!

ললিতা চলে' এসো পাশের বাড়ি, বিকেলের দিকে, কল্যাণী যখন

## চেউয়ের পর চেউ

টানা আয়নার সামনে দাঁড়িয়ে চুল বাঁধা সাক্ষাৎ ~~শুষ্ক~~ উল্টো পিঠ দিয়ে সিঁথির উপর সিঁথর আঁকছে—কম্পান্বিত, নীর্ণ, তীক্ষ্ণ একটি রেখায় তাঁর শরীরের সমস্ত অনুরাগ, সমস্ত রক্তিম। ললিতা একেবারে তার গায়ের উপর ঝাঁপিয়ে পড়লো, খুসিতে উছলে উঠে বললে,—তোমার জন্তে খুব একটা শুভসংবাদ এনেছি, কল্যাণী।

কল্যাণী এক ঝলক বসন্তের হাওয়ায় মতো ঘুরে দাঁড়ালো। তৃপ্ত চোখে ললিতার ছই চোখ পান করতে-করতে বললে,—সত্যি, সত্যি শুভসংবাদ ?

—ভীষণ। তুমি তা ভাবতে পারবে না।

—আমি তা খুব সহজেই ভাবতে পারি। কল্যাণী নিমেষে আবার গম্ভীর হ'য়ে গেলো। ললিতাকে আরো কাছে টেনে এনে তার কপালের থেকে চুলের উড়ন্ত ক'টি রুক্ষ গুচ্ছ এদিক-ওদিক সরিয়ে দিয়ে বললে,—অথচ অতো সহজে ভাববার জিনিস যেন তা নয়, সে ভীষণ, অসহ্য সে সুখ। সমস্ত অস্তিত্ব দিয়েও যেন তা আয়ত্ত করা যায় না।

ললিতা তাড়াতাড়ি পিছলে সরে' এলো। ছই চোখ কপালে তুলে বললে,—তুমি এ-সব কী বলছ ?

—কেন, মহীপতিবাবু কি ফিরে আসেন নি ?

—সর্বনাশ ! ললিতা হেসে কুটি-কুটি হ'য়ে যেতে লাগলো, ছোট-ছোট দাঁতে টুকরো-টুকরো হ'য়ে যেতে লাগলো ঘরের সেই ঘোলাটে স্তব্ধতা। হাসির হাওয়ায় উড়তে-উড়তে ললিতা বসলো এসে কল্যাণীর বিছানার উপর—সজপাতা, নতুন, নির্ভাঁজ বিছানা। ছ'হাত তুলে চুলের ষোঁপাটা চুড়া/করে' বাঁধতে-বাঁধতে বললে,—বাবাঃ, তুমি একেই সময় এমন

## ঢেউয়ের পর ঢেউ

ভয় দেখাও। বলে কিনা কে-না-কে আসবে। আর আমি এসেছি গারে পড়ে' তোমাকে সেই খবর দিতে! বলতে-বলতে ললিতা আবার হাসির ঘায়ে ফেটে পড়লো।

—তবে, কল্যাণী অভিভূতের মতো জিগ্গেস করলে : তবে তার চেয়ে তোমার আর কী শুভসংবাদ হ'তে পারে?

—কতো, কতো কিছু হতে পারে। কথাগুলি ললিতার হাসির জলে ঝিমুকের মতো ঝলমল করে' উঠছে : কার সঙ্গে প্রেমে পড়ে' যেতে পারি, চলে' যেতে পারি কোথাও আর-কোনো আকাশের নির্জনতায়, আর-কোনো মৃত্যুর অন্ধকারে। কতো—কতো-কিছু ঘটে' যেতে পারে। আমাদের জীবনে শুভসংবাদ কি শুধু একটা?

ললিতাকে আজ যেন কেমন অতীন্দ্রিয় দেখাচ্ছে, সায়ন্তন দিগন্তরেখার মতো অস্পষ্ট। তার সমস্তটি শরীর যেন নিরুত্তাপ, নীরেখ একটি শিখা, যেন আর ভার নয়, পরিব্যাপ্ত প্রচ্ছন্ন একটি অনুভূতি। সে কোনোদিন এতো অশরীরী ছিলো না, ছায়ায় এতো শীতল, ভঙ্গিতে এতো অনুচ্চারিত। ছিলো সে এতোদিন শীতের রাতের মতো ধারালো, নির্ঝরের জলের মতো ধাবমান। তাকে দেখায় নি কোনোদিন নিরুত্তর একটি সঙ্কেতের মতো, রহস্ত্রে এমন রঙিন। চুলের গুচ্ছ ক'টির শিথিল থসে'-পড়া থেকে পায়ের নিটোল হু'টি বেকে-বাওয়া পর্যন্ত কোথাও যেন তার শরীরের উল্লেখ নেই, সে নির্বাপিত একটি গতি, সমর্পিত একটি প্রতীক্ষা। যেন চলে' এসেছে সে আত্মার অননুভূয়, গভীর একটি আবেশের মধ্যে।

কল্যাণী-বিছানায় তার পাশে এসে বসলো। গলা নামিয়ে বললে,  
—কেন, তেমন-কিছু শুভসংবাদ আছে নাকি সত্যি?

## চেউয়ের পর চেউ

—পাগল! তেমন শুভসংবাদ আমি পাবো কোথায়? ললিতা জোরে হেসে উঠতে চাইলো, ঠিক নিবে বাওয়ার আগে আলোর নির্লজ্জ উল্লাসের মতো : সমস্ত পৃথিবী ঘুরে কোথায় খুঁজে পাবো সেই নতুনতরো আকাশ, সেই আমার নিজের নির্জনতা? পাগল! আমার আবার শুভসংবাদ! নিতান্ত ছোট, নিতান্ত কিছু একটা নতুন না করলে আর নয়।

—কী? কল্যাণীর গলা উৎকণ্ঠায় কেঁপে উঠলো।

—পড়া, লেখা-পড়া, লেখা আর পড়া—সব আমি ছেড়ে দিয়েছি, কল্যাণী। ললিতা হঠাৎ শিশুর মতো হেসে উঠলো : তোমাকে তেমন কিছু গভীর কথা শোনাতে পারলাম না। একেবারে সাধারণ, একেবারে তুচ্ছ—কিন্তু কী করবো বলো, জীবনে আর আমরা তেমন ক’টা শুভসংবাদের নামাল পাই?

—কেন ছাড়লে?

—কেন ছাড়লাম? বা রে, ললিতার সমস্ত মুখ উন্মোচিত, বিশাল একটা ফুলের মতো সহসা উদ্দীপ্ত হ’য়ে উঠলো : তুমিই তো বলেছিলে লেখাপড়া করে’ কী আর আমাদের হ’বে? কেন, কিসের জন্তে আমরা পড়বো? তুমি কেন আর পড়ো না? তুমি কেন তবে ছেড়ে দিলে?

ললিতার আজ কূল খুঁজে পাওয়া অসম্ভব। তাকে বুঝতে যাওয়া আজ বিড়ম্বনা। কল্যাণী তার একখানি হাত কোলের উপর টেনে এনে বললে,—আর ভালো লাগলো না বুঝি?

—যা ভালো লাগে তা আমরা করি, আর যা ভালো লাগে না তাই আমরা করি না—সব সময়ে তাই আমাদের ধর্ম নয়, কল্যাণী।

## চেউয়ের পর চেউ

ললিতার মুখ আবার ধীরে-ধীরে মুছে গেলো: তা হ'লে আর আমাদের হুঃখ ছিলো না। যা ভালো লাগে না তাই যদি আমরা ছাড়তে পারতাম, তবে যা আমাদের ভালো লাগতো তাই নিতাম হু'হাত ভরে' সঞ্চয় করে', সমস্ত আকাশ শূন্য করে'—যা আমাদের ভালো লাগতো, যাতে আমরা পূর্ণ, একটি মুহূর্তের জন্ত, একটি চিরন্তন মুহূর্তের জন্তেও পরিপূর্ণ হ'য়ে উঠতাম !

কল্যাণী তার দিকে নিম্পন্দের মতো চেয়ে রইলো।

—তুমি, তুমি কেন তবে লেখাপড়া ছেড়ে দিয়েছ ? ললিতা আহতের মতো জিগ্গেস করলে : কেন, তোমার আর ও ভালো লাগলো না বলে' ? শুধু ভালো লাগলো না বলে' ?

—তা কেন ? কল্যাণী ঘন, পরিতৃপ্ত ঠোটে একটু হাসলো : আমি তা ছাড়লাম তার চেয়ে আরো বৃহত্তরো ভালোর সন্ধান পেলাম বলে'। বইয়ের শুকনো পাতার চেয়ে একদিন আমার মাঝে আমি বেশি স্বাদ, বেশি রহস্য আবিষ্কার করলাম, তাই।

ললিতা ক্লান্ত, মুহূমান চোখে ঘরের চারদিকে উদ্ভ্রান্ত হ'য়ে বেড়াতে লাগলো। ঘরময় উৎসারিত হ'য়ে পড়েছে কল্যাণীর চিন্তের পূর্ণতা ভোরবেলাকার প্রথম রোদের মতো। ছড়িয়ে পড়েছে তার শরীরের লাবণ্য ঘরের কোমল পরিচ্ছন্নতায়। তার বৃহত্তরো ভালো ! খাটের উপর নিভৃত বিছানা, নিশীথ-রাতের গাঢ় একটি ঘুম দিয়ে তৈরি ; শরীরে তার প্রসাধিত কাস্তি, বিস্তীর্ণ একটি স্পর্শের ছায়ায় স্মনীয়। তাকের উপর গৃহসজ্জার ছোটখাটো অকিঞ্চিৎকর উপকরণ, কবিতার ভাঙা-ভাঙা কয়টি কথা, টেবিলের উপর সাজানো ক'খানি বই, ভালো লাগে না বলে' যা আর সে কোনোদিন পৃষ্ঠা উল্টেও একবার দেখে, না।

## চেউয়ের পর চেউ

তার বৃহত্তরো ভালো ! ওপারের বারান্দায় দাইর কোলে তার ছেলে খাঁচার ময়নাটার সঙ্গে ছোট-ছোট মুঠি ঝুরিয়ে খেলা করছে। তার স্বপ্নের একটি টুকরো, তার রক্তের একটি গান। চারপাশের দেয়ালগুলো সাদা, প্রথর, উচ্চকিত—যেন কা'র নির্ভুর প্রতীক্ষায়, কা'র ফিরে-আসার স্বপ্নে। বাইরে এতো জনতা, এতো কোলাহল, তবু সমস্ত ঘরটি কেমন সজ্জিশু—উত্তরঙ্গ সমুদ্রের কোলে নিভৃত একটি দ্বীপের মতো—এই নীরব ঘর, এই ঠাণ্ডা বিছানা, এই সাদা দেয়াল। আকাশের বহুদূর নির্জনতা দিয়ে তৈরি, ঘুমের গহন প্রশান্তি দিয়ে।

ললিতা হঠাৎ সমস্ত শরীরে ছটফট করে' উঠলো। যেন কে তাকে আঠেপৃষ্ঠে বেঁধে রেখেছে ; তার থেকে সবলে ছাড়া পাবার জন্তে সে এক ঝটকায় উঠে দাঁড়ালো। বললে,—তেমন আমরা জীবনে বৃহত্তরো ভালোর সন্ধান আমি খুঁজে পেয়েছি। যেখানে আর সমস্ত আয়োজন অবাস্তুর আমার এই একান্ত করে' আমি হওয়া ছাড়া। তেমনি আমরা জীবনে পূর্ণতার একটা হৃদ্যন্ত পিপাসা আছে। আচ্ছা, তুমি বোসো, আমি চললাম।

—কোথায় ? কল্যাণী তাকে হাত বাড়িয়ে ধরিতে গেলো : স্বপ্তরবাড়িই ফিরে যাবে ঠিক করেছ বুঝি ?

—যমের বাড়ি। দরজার কাছে এসে ললিতা আবার আরেক পশলা ক্লাসি ঝুরিয়ে দিলো : পৃথিবীতে জায়গা শুধু আমরা সেই একটাই নিয়ে আসি নি। আরো অনেক জায়গা আছে।

ললিতা বাইরে বেরিয়ে এলো। কল্যাণীদের বাড়ি থেকে তাদের বাড়ি আর কতোটুকুনই বা পথ। সেই পথটুকুতে দাঁড়িয়ে উন্মুক্ত

## ঢেউয়ের পর ঢেউ

পৃথিবীর সে কোনো সীমা খুঁজে পেলো না। যেমন খুঁজে পাচ্ছে না তার এই অমুভূতির কোনো ভাষা। সেই পথটুকুই যেন বিশাল পৃথিবীর বিসর্পিল সব পথের প্রতীক হ'য়ে তাকে ভয় দেখাতে লাগলো। তাড়াতাড়ি ঢুকে পড়লো সে তার ঘরের কোর্টরে, তার দৈনন্দিনতার আচ্ছাদনে।

সোরাংগুর মুখেও সেই কথা :

—গুনলুম আপনি নাকি এ বছর আর পরীক্ষা দেবেন না ?

ললিতা একটা ইজিচেয়ারে পুঞ্জ-পুঞ্জ শিথিলতায় স্তব্ধ হ'য়ে বসে' ছিলো। শরীরে একটুও চমক না এনে আলস্তের তেমনি স্তিমিত আভ্যাসতায় সে বল্লে,—কোনো বছরেই নয়। আমি ও ছেড়ে দিয়েছি।

—বলেন কী ? সোরাংগুকে যেন কে আকস্মিক আঘাত করলে : পড়াগুলো ছেড়ে দিয়েছেন ?

—একেবারে। কী হ'বে আমার পড়াগুলো করে' ? ললিতা শ্রান্ত, দীর্ঘ চোখে সোরাংগুর দিকে তাকালো : কা'র জন্তে আমি পড়াগুলো করবো ?

—বা, মানুষে আবার কা'র জন্তে পড়াগুলো করে' ? নিজের উন্নতির জন্তে।

—দয়া করে' আর আমার কাছে মাষ্টার-মশাই হ'বেন না। ললিতা,

## ঢেউয়ের পর ঢেউ

বাঁকাচোরা ভদ্র ক'টি রেখায় আধখানা উঠে বসলো : আমি নিজের জন্তে নই, নিজের একাকীত্বের উন্নতিতে আমি আর বিশ্বাস করি না।

সোরাংগু কেমন ধাঁধিয়ে গেলো। কথাটাকে নিজের মনোমত অর্থে নিয়ে গিয়ে একটু জোর গলায়ই বললে,—নিজের জন্তে কেউ আশ্রয় নইই তো একলার। যেটুকু আপনি শিখবেন, আশে-পাশে পরকে তা আবার দান করে' যাবেন।

—অর্থাৎ আপনার মতো আমিও একজন মাষ্টার হ'বো? ললিতা হাসির তরলতায় চেয়ারে আবার ঢলে' পড়লো : ঈশ্বর আমাকে রক্ষা করুন।

—না, আপনি বুঝতে পারছেন না। সোরাংগু অস্থির হ'য়ে উঠলো। ঘরে নিঃশ্বাসহীন নিঃশব্দতায় অন্ধকার জমে' উঠেছে। সেই শব্দহীন অন্ধকারের ভার সবলে সরিয়ে দিয়ে সোরাংগু বললে,—এই পড়াটাই আপনার দাঁড়াবার ভিত্তি, আপনার আশ্রয়স্থানের অস্ত্র। পড়া কখনো ছাঁড়তে হয়? বিশেষ, আপনার মতো অবস্থায়, আপনার মতো—

অনর্গল হাসির প্রবলতায় ললিতা সোরাংগুর মুখের কথা ভাসিয়ে নিয়ে গেলো। বললে,—কেন, আমার আবার এমন কী অবস্থা দেখলেন? এই তো আমি দিবি আছি—কিছু-না-করার, কিছু-না-হওয়ার চমৎকার অন্ধকারে।

—কিন্তু কতো দিন? সোরাংগু দূরে জানলার পাশে আরেকখানা চেয়ার টেনে বসে' পড়লো : সংসারে একদিন আপনাকে নিজের পায়ে দাঁড়াতে হ'বে, ধরুন মহীপতিবাবু যদি আর একবারেই ফিরে না আসেন, আপনার সামনে তখন ভয়াবহ, বিশাল ভবিষ্যৎ। সেদিন আপনি একেবারে একা, যেদিন ধরুন, ধরণীবাবুর ওপর আপনি আর ভর দিয়ে



## চেউয়ের পর চেউ

দাঁড়াতে পাচ্ছেন না। তখন, সেই হৃদ্বিনে, আপনি কী করবেন, কী সম্বল আপনার আছে নিজেকে রক্ষা করবার, নিজের একাকীত্বে, নির্ভয় আশ্রয়স্থানে ?

সেই হাসির ছোট-ছোট ক'টি দাগ ললিতার মুখে তখনো লেগে ছিলো। এক ক্রত, দীর্ঘ নিশ্বাসে মুখের সমস্ত কোমলতা সে মুছে ফেললে। মেরুদণ্ডটা আস্তে-আস্তে টান করতে-করতে বললে,—আমাব জন্তে আপনাকে আর ভাবতে হ'বে না, আমার আশ্রয়স্থানের জন্তে। জীবিকাই যদি আমার জীবনের প্রধান সমস্যা হয়, আমার এই নিরতিভাবক একাকীত্ব, তবে, ললিতার মুখ সহসা পাংশু হ'য়ে গেলো : তবে আমি ঋগুরবাড়িতেই একদিন ফিরে যাবো, এবং তা যতো শিগ্গির হয়, ততোই আমার ভালো। আমার ঋগুরমশাই বাইরে যতোই কঠিন হোন না কেন, ভেতরটা তাঁর স্নেহে গলে' যাচ্ছে। তাঁর সংসাবে এতো জাযগা, এতো স্বচ্ছলতা, যে, আমি অনায়াসেই হয়তো এক কোণে একটু ঠাঁই করে' নিতে পারবো।

সৌরাংশুর মুখের উপর কে যেন তীক্ষ্ণ একটা চাবুক মারলে। শরীরের সমস্ত রক্ত যেন সাদা হ'য়ে গেলো। ঘরের অনড দেয়াল যেন কণা কইলো : আপনি শেষকালে ঋগুরবাড়িতেই ফিরে যাবেন ?

—হ্যাঁ, স্পষ্ট, সতেজ গলায় ললিতা বললে,—আমি একরকম প্রায় ঠিক করে' ফেলেছি। কেন যাবো না, ওখানে ছাড়া হিন্দু-মেয়ের আর গতি কোথায় ? জীবিকার সমস্যাটা যদি এতো সহজেই মিটে যায়, তবে মিছিমিছি কেন আর নিজেকে বিব্রত করা বলুন ? হ' বেলা হ' থালা ভাত তো কেউ আমার সেখানে কেড়ে রাখছে না। আমি কেন তবে আর ভাবছি ?

## ঢেউয়ের পর ঢেউ

সৌরাংগু খানিকক্ষণ শুক্ক হ'য়ে বসে' রইলো। পরে জীবৎ তিষ্ঠতার সঙ্গে বললে,—সমস্তার চমৎকার সমাধান বা'র করেছেন এতো দিনে। কিন্তু আপনার এই বিস্তীর্ণ শূন্যতা আপনি কিসের জোরে সমস্ত জীবনভোর বয়ে' বেড়াবেন শুনি? কী করে', কী নিয়ে কাটবে আপনার দিন, রাশি-রাশি দিন, একটানা এই দিনের অক্লান্তি? এই অগণন মুহূর্তের অত্যাচার?

—বেশন করে' আরো অনেকের দিন কাটে। কথায় ললিতা এককণা আর্দ্র আকুলতা আসতে দিলো না : তবু তো আমার একটা বাশা আছে, আমি আমার স্বামীর জন্তে প্রতীক্ষা করতে পারবো।

আশ্চর্য্য, সৌরাংগু হঠাৎ বিস্ময়ে একেবারে পাথর হ'য়ে গেলো : আপনি বসে'-বসে' আপনার স্বামীর ফেরবার প্রতীক্ষা করবেন?

—নিশ্চয়। ললিতার শরীরে দৃঢ়তার একটা তীক্ষ্ণ ভঙ্গি সহসা উচ্চারিত হ'য়ে উঠলো : এর অতিরিক্ত আমার আর কোনো কাজ নেই, সম্পদ নেই, আমি সারাদিন, রাশি-রাশি দিন, আমার স্বামীর ফিরে-আসার প্রতীক্ষায় ক্ষয় করে' যাবো। বলুন, এর বেশি আমার কী কাজ, কী সম্মান?

—যদি তিনি আর না আসেন কোনোদিন?

—না-ই বা এলেন। আমার মৃত্যু তো কেউ কেড়ে নিতে পারবে না, সময়ের সঙ্গে-সঙ্গে আমারো সেই মৃত্যু।

—আমি যদি ফিরে আসেন একদিন?

রামির মর্ম্মরিত অরণ্যের মতো ললিতা বেন সর্ব্বাঙ্গে ব্যাকুল, বিধুর হ'য়ে উঠলো : সে আমার উৎসবের পরম শুভলগ্ন হ'য়ে দেখা দেবে, সৌরাংগুবাবু। তখন কিসের আমার লেখাপড়া, কিসের আমার

## ঢেউয়ের পর ঢেউ

সাজসজ্জা ! আমি—আমি রাত্রির মতো গলে' যাবো সেই নিদারুণ  
স্বর্ঘ্যোদয়ে । সে-কথা ভাবতেও আমি আনন্দে মরে' যাচ্ছি ।

আহতের মতো সোরাংশু প্রায় একটা আর্ন্তনাদ করে' উঠলো : ফিরে  
এলে তাকে আপনি গ্রহণ করবেন ?

ললিতা মলিন একটু হাসলো : বা, গ্রহণ করবো না ? যার জন্তে  
দিন গুনছি, প্রতি মুহূর্তে যার গুনছি পায়ের শব্দ, ফিরে এলে গ্রহণ  
করবো না তাকে ? তার বেশি আর কী আপনি আশা করতে পারেন  
আমার কাছে ?

—গ্রহণ করবেন ? উত্তর পর্বত-চূড়া থেকে সোরাংশু যেন নিচে  
পড়ে' যাচ্ছিলো, চেয়ারের হাতলটা মুঠোর মধ্যে শক্ত করে' চেপে ধরে'  
সে নিজেকে রক্ষা করলো : যে আপনাকে একদিন পায়ের ধুলোর  
মতো অনায়াসে ত্যাগ করে' গেলো ? একটিবার ফিরেও চাইলো না,  
ফিরেও চাইলো না আপনার এই ব্যর্থতার দিকে । একবার ভেবেও  
দেখলো না সে চলে' গেলে আপনি কী করবেন, কী করতে পারেন  
আপনি, কী করবার আপনার আছে । তাকে—তাকে আপনি স্বচ্ছন্দে  
হাসিমুখে গ্রহণ করবেন ? যার মাঝে নেই এককণা প্রেম, এককোঁটা  
কর্তব্য ! এই আপনার সত্য, আপনার মনুষ্যত্ব—এরি জন্তে আপনি  
এতোদিন অহুঙ্কারে ফেটে পড়ছিলেন ?

—নিশ্চয় । কথার প্রবল ঝাপটায় ললিতার যেন নিঃশ্বাস বন্ধ হ'য়ে  
এলো : এরি জন্তে । এর চেয়ে জীব আর কী আদর্শ আঙ্গণ থাকতে  
পারে বলুন ? এরি জন্তে এরি দিকে ঠেলে দেবার জন্তে আপনাই তো  
একদিন সকলে সদলে আমাকে আক্রমণ করেছিলেন, ভুলে গিয়েছেন  
এরি মধ্যে ?

## ঢেউয়ের পর ঢেউ

—পরের কথায় আপনি ছাড়বেন আপনার সত্য, হারাবেন আপনার সম্মান ?

—পরের কথায় কেন হ'তে যাবে, আমি নিজে বুঝি না ? ললিতা লুকোনো তেজে জ্বলতে লাগলো : সমস্ত সংগ্রামের মাঝে আমি নিজে কি অল্পপস্থিত ? আমি নিজে বুঝি না কী আমাকে করতে হ'বে, কী না করলে আমার নয়, সমস্ত সংসারে কিসে আর কোথায় আমি সব চেয়ে নিরাপদ—আপনাদের এই সামাজিক দস্যুতার বিরুদ্ধে ? ই্যা, পরের কথাই তো আমাকে শুনতে হচ্ছে ! আমি নিজে একেবারে খুকি কিনা !

সৌরাংশু চেয়ার ছেড়ে দাঁড়িয়ে পড়লো । ঝাঁজালো গলায় বললে,—  
এ আপনার কাছ থেকে আমি আশা করি নি কোনোদিন ।

—তবে কী আশা করেছিলেন ? ললিতাও তাড়াতাড়ি উঠে দাঁড়িয়ে হাত বাড়িয়ে স্বেচ্ছা টেনে দিলো । যেন সৌরাংশুর মুখে ছুঁড়ে মারলো এক ঝলক তীব্র আলো, শাণিত একটা চাবুকের মতো । বললে,—কী আশা করেছিলেন আমার থেকে ? আশা করেছিলেন যে আমি বিবাহিত হ'য়ে আমার জীবকে অস্বীকার করবো ? মানবো না আমার সাধব্যের নম্পদ ? স্মৃতির এই অপূর্ণ সমারোহ ? বলুন, কী আশা করেছিলেন ? চেয়েছিলেন যে আমি গোপনে অঁর-কাউকে ভালোবাসবো, যে যতোই হোক নির্ভর ও নিরন্তর, তবু তার জন্তে করবো প্রতিজ্ঞা, তাকে নিয়ে আঁকবো নতুন জীবনের সূচনা ? দরকার হ'লে যাবো দেশ ছেড়ে ? ললিতা দীপ্ত কণ্ঠে স্বাক্ষর দিয়ে উঠলো : মিথ্যা, মিথ্যা, যদি তা ভেবে থাকেন, প্রতিটি অক্ষরে তা মিথ্যা । \*বলুন, কী আশা করেছিলেন তবে ? আমার কাছে কী আশা করেছিলেন ?

## ঢেউয়ের পর ঢেউ

দরজার দিকে সরে' যেতে-যেতে সৌরাংশু স্তিমিত, স্নিগ্ধ গলায় বললে,—তেমন-কিছু অসংযত বা অত্মায় আপনার কাছে আশা করি নি।

—অত্মায় ? ললিতা উত্তেজনায় প্রায় কঁদে ফেললে।

—যাই হোক, তেমন উদ্ধত বুদ্ধিহীনতা আপনাকে পেয়ে বসুক, এমন আশা কেউ করে নি আপনার কাছে। সৌরাংশু আরো এক পা সরে' গেলো : চেয়েছিলাম আপনি দৃষ্ট, দুর্দমনীয় হ'য়ে উঠবেন আপনার বক্তিত্বের সাধনায়। ভয় দিয়ে দাঁড়াবেন নিজের অটল স্বাতন্ত্র্যে। নিজেকে বিকীর্ণ করে' দেবেন মহত্তরো কাজের উৎসাহে—পৃথিবীতে কতো কাজ—আপনি হ'হাতে তুলবেন তারই গর্বিত পতাকা। আপনি শিখবেন, ভাববেন, বড়ো হ'বেন,—কাজে ভরে' তুলবেন আপনার সমস্ত রিস্কতা। সৌরাংশু নিচে নামবার সিঁড়ির দিকে ঘুরে গেলো : জানি না কী চেয়েছিলাম আপনার কাছে। এমন কুৎসিত বস্তুতা কক্খনো নয়, নয় বা তেমন কোনো অশোভন অমিতাচার।

ঘরের আলোটা চারদিকে যেন হাহাকার করে' উঠলো। আলোটা নিবিয়ে দিতে তার হাত উঠলো না। সৌরাংশুর চলে' যাওয়ার শূন্যতা যেন তা অব্যাহত করে' দিয়েছে। দাঁড়ালো সে আলোর আশ্রয়ে। কিন্তু সেই উদগ্র স্পষ্টতা যেন সে সহ করতে পারলো না। দুই হাতে চোখ ঢেকে সে হঠাৎ কান্নায় ফুঁপিয়ে উঠলো, চোখের অন্তলীন সমস্ত অন্ধকারকে সম্বোধন করে' বললে : হায় ব্যক্তিত্ব, হায় বুদ্ধিহীনতা !

## পনেরো

ধরনীবাবু ব্যাপারটাকে অগ্র আলোয় দেখলেন। মনে-মনে একরকম খুসিই হ'লেন বলা যায়। অথচ বারে-বারেই তাঁর মনে হ'তে লাগলো এ-ধাপটা যেন ললিতাকে মানাচ্ছে না, যেন কোথায় একটা বাধা পেয়ে তাকে ধামতে হচ্ছে। এ ঠিক তার অক্ষমতা থেকে আসছে না, খানিকটা যেন অভিমান থেকে। কিন্তু কেন বা যে এই অভিমান, তা তাঁকে কে বোঝাবে ?

তিনি মাঝামাঝি একটা পথ নিলেন। বললেন,—ই্যা, পরীক্ষা পাশ করে' কীই বা আর হ'তো ?

ললিতা বসে'-বসে' ধরনীবাবুর সাটে কিছুকের বোতাম পরাচ্ছিলো। নিচের ঠোটে হুঁচ ডুবিয়ে স্নতো ছিঁড়তে-ছিঁড়তে সে বললে,—কিছুতেই কিছু হ'তো না, বাবা।

ধরনীবাবু আশীর্বাদে বেকবাকর সাজগোজ করছিলেন। মোজার গাটার বাঁধতে-বাঁধতে বললেন,—পাশের মধ্যে কাণাকড়ি বিড়েও নেই। যারা সত্যিকারের শিখতে চায়, তারা পাশ করার অপেক্ষা রাখে না।

ললিতা হেসে বললে,—তবু তারাই বা হোক পাশ করে। সার্টটা সে ধরনীবাবুর দিকে এগিয়ে দিলো : আমি তার জন্তে কিছু ভাবছি না।

## চেউয়ের পর চেউ

—তার জন্তে আবার ভাববি কী? আয়নার কাছে দাঁড়িয়ে কলারটা জুং করে' বসাতে-বসাতে ধরনীবাবু বললেন,—পড়াশুনোর এমনি একাধটু চর্চা রাখলেই যথেষ্ট। সৌরাংশুকে বলবো না-হয়, সে মাঝে-মাঝে এসে তোকে সাহায্য করবে।

—সৌরাংশুবাবু? ললিতা মুহূর্ত্তে আশুন হ'য়ে উঠলো : সৌরাংশুবাবু কী জানেন?

ধরনীবাবু অপ্রতিভ হ'য়ে গেলেন : সৌরাংশু জানে না? তুই বলিস কী, ললি? বিশ্ববিদ্যালয়ের এমন কৃত্তী ছেলে।

—হ'লোই বা না। তাই বলে' আমি কী পড়বো না-পড়বো তার থেকে পরামর্শ নিতে হ'বে? ললিতা ছটফট করে' উঠলো : আমার বিষয়ে তুমি সব সময়ে তার মুখাপেক্ষী হ'য়ে থাকতে চাও কেন, বাবা? সে আমাদের কে?

—কেউ নয়, কিন্তু বড়ো আপন, ললি। ধরনীবাবু আবেগে গদগদ হয়ে উঠলেন : এমন ভালো ছেলে আর হ'তে নেই, তুইও তো তা জানিস। তার কাছে পড়তে গেলে তোর উপকারই হ'তো, মা।

—আমি পড়তে বসবো তার কাছে? তুমি এ বলছ কী, বাবা?

ধরনীবাবু আকাশ থেকে পড়লেন : কেন কী করলো সে?

ললিতার সহসা ইচ্ছা হ'লো সৌরাংশুর নামটা সে হ'হাতের তীক্ষ্ণ নখে টুকরো-টুকরো করে' ছিঁড়ে ফেলে, জিহবার চাবুকে র়েদান্ত, কৃতবিক্ষত করে' দেয়। অনেক কষ্টে নিজেকে সে নিজে শাসন করলে, দাঁড়বার কঠোর ভঙ্গি করে' বললে,—কিছু সে করুক বা না করুক, আমি কী করবো না-করবো তার মাঝখানে : সে আসে কী করে'? তার কাছে আমি সাহায্য নিতে যাবো কেন, আমাকে

## চেউয়ের পর চেউ

সাহায্য করে তারই বা কী এমন স্পর্ক জিগ্গেস করি? আমি কী পড়বো না-পড়বো সে তার জানে কী? কে সে?

ধরনীবাবু শাস্ত গলায় বললেন,—না ওটা আমিই নিজে সাজেট্ কবছিলাম। বেশ তো, তোর খুসিমতোই তুই পড়বি, যা তোর মন চায়।

—হ্যাঁ, যা আমার মন চায়। আমার খুসিমতো।

ব্র্যাকেট থেকে টুপিটা তুলে নিতে-নিতে ধবনীবাবু বললেন,—শুনলাম তুই নাকি স্বপ্তরবাড়ি ফিবে যাবাব কথা ভাবছিস—সত্যি?

ললিতা আবার জলে' উঠলো : তোমাকে কে বললে? তোমাব ঐ বিশ্ববিদ্যালয়ের কুতী ছেলে?

—হ্যাঁ, তুই নাকি তাকে বলেছিস সে-কথা?

—বলেছি? পৃথিবীতে আর আমার জায়গা নেই, সংসারে নেই আব কোনো কাজ, দুঃখে-অপমানে ললিতার চোখে জল এসে গেলো : তাই স্বপ্তরবাড়িব দোর ধরে' আমি বাকি জীবনটা ধুলোয় বসে' কাটিয়ে দেবো—বলেছি তাকে সে-কথা? সে তোমাকে তাই বললে?

—কী বলেছে আমার মনে নেই, ধরনীবাবু উপস্থিত মুহূর্তে নিজেকে সামলে নিলেন : কিন্তু তাই যদি বলে'ও থাকিস, তা'তে লজ্জাব বা বাগের কী আছে, ললিতা?

—রাগের নেই? তুমি বলো এতে কোন মানুষ চূপ কবে' থাকতে পাবে? ললিতা তার শাপিত শীর্ণতায় ঝকঝক করে' উঠলো : আমি কোথায় যাই না-যাই, তাতে তার কী মাথাব্যথা? সে কেন বলে, কেন অধিকারে সে আমাদের ধরোয়া সমস্তাব মাঝে ঝাণা গলাতে



## ঢেউয়ের পর ঢেউ

আসবে ? তার কী দাবি আছে সে আমাকে উপদেশ দেয়, আমাকে নিয়ে তোমার সঙ্গে পরামর্শ করে ? তাকে এখানে আর কেন রেখেছ ? তাকে ছাড়া ত্রিভুবনে কি আর নটুর মাষ্টার জোটে না ?

ধরনীবাবু তার পিঠে আলগোছে একটু হাত বুলিয়ে বললেন,—তুই তার ওপর হঠাৎ এতো চটে' গেলি কেন, মা ? সৌরাংশু ভাবি ভালো ছেলে, ভারি অমায়িক, একেবারে আমার ছেলের মতন। আমার সব কাজে সে ডান হাত, সে আমার সংসারের অনেকখানি জায়গা জুড়ে বসেছে।

—সে একেবারে তোমার কাঁধে চেপে বসেছে, বাবা। ললিতাব কথাগুলি বিরক্তিতে বিষ হ'য়ে উঠলো : তোমার সে যারই মতন হোক, আমার কে ? কেন আমার কাজে সে হাত বাড়াতে যাবে ? তাকে বলে' দিয়ো বাবা, সে তোমার ডান হাত হ'তে পারে, কিন্তু আমার পায়ের নখের কণাও সে নয়।

ধরনীবাবু হতভম্ব হ'য়ে গেলেন : কিন্তু তোর কাছে কী যে সে অপরাধ করলো কিছুই বুঝতে পারলাম না, ললিতা।

—কী করে' বুঝতে পারবে ? সে যে তোমার ডান হাত ! তাই তো সে সাহস করে' আমাকে এমনি অপমান করতে পারে ?

—অপমান ?

—অপমান নয় ? আমাকে তার বেশি মূল্য দিও' যাওয়াই তো আমাকে তার অপমান করা। নইলে, ললিতার চোখের পাতা ভারি, আচ্ছন্ন হ'য়ে এলো : কী তার সাহস বাবা, আমাকে সে ঝুঁকুরবাড়ি ফিরিয়ে নিয়ে ষাবার জন্তে গায়ে পড়ে' এগিয়ে আসে, আমায়, স্ত্রীর কর্তব্য নিয়ে প্রকাণ্ড মহাভারত আওড়ায় ? মানুষের আত্মপক্ষের একটা

## ঢেউয়ের পর ঢেউ

সীমা ধাকা উচিত, আর মানুষের সহ্য করার। জলের ভারে ললিতার চোখের পাতা বুজে এলো।

—ভালো, ভালো কথাই তো বলেছে সৌরাংশু। ধরনীবাবু সরল উচ্ছ্বসিত গলায় হেসে উঠলেন। ললিতার পিঠটা সম্মুখে একবার ঠুকে দিয়ে বললেন,—পাগল, তুই একেবারে পাগল হ'য়ে গেছিস, ললিতা।

দু'দিন সৌরাংশুর সঙ্গে ললিতার দেখা হয়নি। দুই তলাব মাঝখানের অনড় সিঁড়িটা তাদের পরস্পরকে প্রথম প্রত্যক্ষতা থেকে বিচ্ছিন্ন করে' রেখেছে। কিন্তু সেদিন একরকম ইচ্ছে করে'ই ললিতা নিচে নামলো। বাড়ির পিছনে ছোট সবুজ জমিটুকুতে যে দু'টি ফুলের চারাগাছ নতুন পাতায় ঝিকমিক করে' উঠছে, সে দাঁড়ালো এসে তাদের নিভৃতিতে। কখন যে লাজুক পাতার আড়ালে ছোট-ছোট দু'টি কুঁড়ি ফুটেছে সে খবরও পায় নি। পাছে ব্যথা লাগে, পাছে ভয় পায়, সেই ভয়ে ললিতা আঙুল বাড়িয়ে তাদের ছুঁলো না পর্যন্ত। কিন্তু পাণ্ডুরতার মানি কাটিয়ে নতুন, আরম্ভের ঐশ্বর্যে কখন ও কী করে' যে তারা লাস্তে ও লাভণ্যে এমন ভরে' উঠলো তারি'বেন সে কোনো সন্ধান পেলো না।

পিছনে মানুষের আওয়াজ পেয়ে সে ফুলেরই মতো নুস, অশরীরী ভূয়ে কেঁপে উঠলো, দেখলো সৌরাংশু। আশ্চর্য হ'বার কিছু নেই,

## চেউয়ের পর চেউ

ললিতা মনে-মনে জানে, পাছে সে ভয় পায়, পাছে তার ব্যথা লাগে, সৌরাংশু সামান্য একটি আঙুলও তার দিকে বাড়িয়ে দেবে না। তবু সর্ব্বাঙ্গে নিরবয়ব, ঠাণ্ডা একটা ভয়ে কেঁপে উঠতে তার ভালো লাগলো।

সৌরাংশু হাসিমুখে জিগ্গেস করলে : কী, গেলেন না সেখানে ?

কেটে গেলো সুর। নিরবয়ব ভয়ের কুয়াসা নির্লজ্জ বাস্তবতায় অদৃশ্য হ'য়ে গেলো।

ঠোঁটের বা কোণটা সামান্য একটু চেপে ধরে' ললিতা বললে,—  
কোথায় আবার যাবো ?

—বা, যেখানে যাবার জন্তে পা আপনি কবে থেকে বাড়িয়ে রেখেছেন। সৌরাংশু হেসে উঠলো : আপনার স্বত্তরবাড়ি। আপনার চিরন্তন প্রতীকার মন্দিরে।

—যাই না-যাই, ললিতা তীব্র কণ্ঠে মুখিয়ে উঠলো : তাতে আপনার কী ?

সৌরাংশু থমকে গেলো। আম্তা-আম্তা করে' বললে,—না, আমার আবার কী !

—বা আপনার নয়, তা নিয়ে আপনি কেন মাথা ঘামাতে আসেন ?  
কথার তাপে ললিতা বেন দম্ব হ'য়ে যেতে লাগলো : আপনি মাষ্টার, আপনাকে প্রতি মাসে মাইনে দেয়া হয়, আপনি আপনাদের নিজের কাজ করেন গে, যান। সামান্য মাষ্টার হ'য়ে আপনাকে এত্নিয়ে বুদ্ধি খাটাতে হ'বে না।

সৌরাংশু মুহূর্ত্তে একেবারে ছাই হ'য়ে গেলো। কী যে বলবে, কী যে বলা যায়, সমস্ত পৃথিবী হঠাৎ তার কাছে তালগোল পাকিয়ে গেছে।

## চেউয়ের শর চেউ ~~পাতি~~ ~~হাউস~~

—এ নিয়ে সর্দারি করতে কেউ আপনাকে মাইনে দিয়ে পুষছে না, একথাটা মনে রাখবেন দয়া করে’। ললিতা তাকে ক্রতবিক্ষত করে’ দিতে লাগলো : যার যা কাজ, তাই তার কাজ। আমি এখান থেকে যাই না-বাই, তা আমি বুঝবো। আপনাকে আর রাখা হ’বে কি হ’বে না তা-ও আমাদেরই বুঝতে হ’বে। কী, দাঁড়িয়ে আছেন কী হাঁ করে’ ?

সৌরাংশু যেন দাঁড়িয়ে-দাঁড়িয়ে স্বপ্ন দেখছে।

—আপনার লজ্জা করে না আমার সামনে এমনি দাঁড়িয়ে থাকতে ? ললিতা সতেজ, নির্ভুর কণ্ঠে গর্জ্জন করে’ উঠলো : বাইরের লোক দেখলে আমাদের ভাববে কী ? বাড়িতে আপনাকে থাকবার জন্তে আলাদা ঘর দেয়া হয় নি, বেঁধে দেয়া হয় নি আপনার কাজ ? আমার মুখের দিকে এমনি হাঁ করে’ চেয়ে থাকবার জন্তে আপনাকে নেমস্তন্ন করে’ ডাকা হয়েছে নাকি এখানে ?

সৌরাংশু প্রেতায়িত, নিঃশব্দ একটা ছায়ায় মতো সেখান থেকে বীরে-বীরে অন্তর্দ্বান করলে।

উপরে উঠে এসে ললিতা যেন স্বস্তির নিশ্বাস ফেললে। যেন সমস্ত শরীরে নিমেষে সে অত্যন্ত হালকা হ’য়ে গেছে, বুকের মাঝে এতোক্ষণে স্তব্ধ হ’য়ে এসেছে হৃদয়ের দোহল্যমানতা। যেন বহু জন্তু লোকালয় থেকে শিকার, সংগ্রহ করে’ এনে ঢুকেছে তার অরণ্যের আশ্রয়ে—ললিতা তার এই দুর্ভেদ্য নীরবতায়। কী যেন সে এতোদিনে জয় করে’ এসেছে, প্রতিষ্ঠিত করে’ এসেছে তার নিজের নিশান, অতিব্যক্ত করে’ দিয়ে এসেছে তার নিজের পরিচয়। যার ভয়ে এতোদিন সে সৌজত্বের জড়িমায় সঙ্কুচিত হ’য়ে ছিলো। সেও তুলতে পারে ফণা, করতে পারে

## ঢেউয়ের পর ঢেউ

দংশন। অন্ধকারে ললিতা নিজেরই মনে একবার হেসে উঠলো, ঘরময়-পাইচারি করে' বেড়াতে লাগলো বহু জঙ্কর মতো তার উগ্র, উজ্জ্বল নিঃসঙ্গতায়।

তারপর একসময় সেই স্তূপীকৃত নিঃসঙ্গতা বিছানার শুভ্রতায় গলে' গিয়েছিলো বটে, মধ্যরাত্রে ললিতার ঘুম গিয়েছিলো ভেঙে। পাশের খোলা জানলা দিয়ে তার চোখ পড়েছিলো বাইরে,—বাইরে, যেখানে জলছে অন্ধকার, তার শরীরের মতো অন্ধকার। তারই বিছানার মতো সাদা তার রঙ। তারই জীবনের মতো তার বিস্তীর্ণ অবিচ্ছিন্নতা। ললিতা নেমে এসেছিলো খাট ছেড়ে, হয়তো দরজাটাও একবার খুলেছিলো। কিন্তু অন্ধকারে ঘরের বাইরে আর সে কোনো পথই দেখতে পায় নি।

পরদিন সন্ধ্যার আগেতেই ললিতা নটুকে বিছানায় দেখতে পেলো।  
কুঁকড়ে এতোটুকু হ'য়ে পড়ে' আছে।

—এ কী, অসময়ে তুই শুয়ে পড়লি কেন?

—ভীষণ জ্বর এসে গেলো, দিদি। নটুর গলাটা ভারি, আবুছা।

—জ্বর এসে গেলো? বলিস্ কী? ললিতা তার পাশে বসে' গায়ে হাত রাখলো : জ্বর হয়েছে, তাই বলে' তুই কাঁদছিস কেন?

নটু বালিসে মুখ লুকিয়ে বললে,—মাষ্টারমশাই আজ চলে' যাচ্ছেন, দিদি।

—কে চলে' যাচ্ছেন?

—মাষ্টারমশাই। কথাটা বলতে নটুর যেন গলা বুজে আসছে।

—চলে' যাচ্ছেন মানে? ললিতা চম্কে উঠলো : তোকে কে বললে?

## ঢেউয়ের পর ঢেউ

—কে আর বলবে ! তিনি জিমিস-পত্তর বেঁধে গাড়ির জন্তে বসে' আছেন ।

ললিতা খাট থেকে নেমে দাঁড়ালো : একেবারে আজই ? কেন যাচ্ছেন কিছু জানিস ? বাবা জানেন ?

—জানি না । নটু ক্লাস্ত, আচ্ছন্ন গলায় বললে,—হঠাৎ চলে' যাচ্ছেন, দিদি । বাবাকে খুঁজতে গেলাম, বাবা বাড়ি নেই ।

—গেলে যাবেন, তার জন্তে তুই এতো ব্যস্ত হচ্ছিস কেন ? ললিতা আঁচলটা গায়ের উপর লতিয়ে দিতে-দিতে দরজার দিকে অগ্রসর হ'লো : চেষ্টা করলে আরো কতো ভালো মাষ্টার পাওয়া যাবে ।

ললিতা স্থলিত, পিছল পায়ে একেবারে নিচে নেমে এলো । বলা-কওয়া-নেই, একেবারে সোরাংশুর ঘরে । নটু যা বলেছিলো তাতে আর কোনো সন্দেহ নেই—সোরাংশুর বাধা-ছাঁদা সব তৈরি ।

—এ কী, আপনি কোথায় চলেছেন ?

গলার স্বরটা শীতের হাওয়ার মতো সোরাংশুর মুখে যেন তীক্ষ্ণ, ঠাণ্ডা একটা ঝাপটা মারলো । ললিতাকে এখানে, এমন চেহায়ায় দেখবে বলে' সে কখনো আশা করে নি । শরীরময় দ্রুততার দীপ্তিতে মৃদু-মৃদু কাপছে, চুলে-ছাঁচলে জীবৎ সে উদাসীন, অমনস্ক । ভুরু দু'টি অসহিষ্ণু, দুই চোখ অচঞ্চল শুভ্র, সমস্ত মুখে নিরুত্তাপ বিবর্ণতা ।

—এ কী, আপনি চলেছেন নাকি কোথাও ?

—হ্যাঁ । সোরাংশু তার মানিব্যাগের ফোকর দু'টো পরীক্ষা করতে লাগলো ।

—কোথায় ?

## চেউয়ের পর চেউ

—আপাততো কোনো একটা মেসে। তারপর দেখি কোথায় গিয়ে দাঁড়াই।

ললিতা নিশ্চাপ গলায় জিগ্গেস করলে : আপনি চিরকালের জন্তে চলে' যাচ্ছেন নাকি ?

সৌরাংশু স্নান একটু হাসলো ; বললে,—চিরকালে আমি বিশ্বাস করি না। যেতে হচ্ছে, তাই যাচ্ছি। এর বেশি কিছু আর আমার জানবার নেই।

—কিন্তু কেন আপনাকে যেতে হচ্ছে ? ললিতার জিজ্ঞাসাটা প্রায় একটা তিরস্কারের মতো শোনালো।

হাসিটি গাঢ়তায় স্নানতরো করে' সৌরাংশু বললে,—তা আমি নিজেও কি কিছু জানি ?

ললিতার চোখ যেন শুভ্রতায় আরো নিম্পলক হ'য়ে এলো ; কক্ষ, পাখুরে গলায় সে বললে,—যেতে হচ্ছে তো আরো আগে কেন গেলেন না ? এ-বাড়িতে হাত-পা আপনার কে বেঁধে রেখেছিলো শুনি ?

সৌরাংশু চঞ্চল হ'য়ে বললে,—আগেই তো যাচ্ছি, যথেষ্ট আগে। আমাদের আসা-যাওয়ার আমরাই তো মালিক নই।

—নয়-ই তো। কথাটাকে প্রাঞ্জল করে' দেবার চেষ্টায় ললিতা জিগ্গেস করলে : কিন্তু বাবা জানেন ? বলেছেন তাঁকে ?

—দরকার নেই। সৌরাংশু শুকনো মুখে আবার একটু হাসির তরলিমা আনলো : এখানে আসবার আগেই তাঁর অনুমতির দরকার হয়েছিলো, এখন বাবার মুখে আমি স্বাধীন, এ-বাড়ির বাইরে আমার পৃথিবীর অঙ্গীমতা কেউ কেড়ে নিতে পারবে না।

—এই বললেন আমাদের যাওয়া-আসার মালিক আমরা কেউ নই ?

## চেউয়ের পর চেউ

—নই-ই তো। ললিতার কথার সুরকে হবহ নকল করে' সৌরাংগু মিতমুখে বললে,—ভাগ্যই তো আমাকে ঠেগছে—যে-ভাগ্য আপনাকে একদিন আকস্মিক নিয়ে এসেছিলো এখানে।

ললিতা এক মুহূর্ত্ত থামলো। কথাটাকে যথাসম্ভব ব্যক্তিবিরহিত, প্রাত্যহিক আলাপের অন্তর্ভুক্ত রেখে সে বললে,—কিন্তু আপনার মাইনে-পত্র সব মিটিয়ে নিয়েছেন? বাবা আমুন, ততোকণ দেরি করলে আপনার পৃথিবীর অসীমতা কিছু ফুরিয়ে যাবে না।

—যাবে না। সৌরাংগু গম্ভীর হ'য়ে গেলো : কিন্তু আমার কী পাওনা ছিলো, কী আমি পেতে পারতাম—ও-সব হিসেব খতিয়ে দেখবার আমার সময় নেই। যেটা আমরা সত্যি পাই না, সেটাও আমাদের জীবনে মস্ত বড়ো একটা পাওয়া হ'য়ে যেতে পারে।

ললিতা হঠাৎ দুর্ব্বল ব্যাকুলতায় অবসন্ন হ'য়ে উঠলো। কি বলবে, কিছুই সে খুঁজে পেলো না। বললে,—কিন্তু আজই আপনার যাওয়া হয় কি করে? নতুন আজ এইমাত্র ভীষণ জ্বর এসে গেছে।

—জ্বর এসে গেছে? সৌরাংগু উদ্বিগ্ন হ'য়ে উঠে নিমেষে আবার জুড়িয়ে গেলো : তাতে আমার যাওয়া আটকাচ্ছে কী করে? আপনারাই তো সব আছেন, আমি তার কে, আমি তার কী করতে পারি? আমি তোমার তাকে নার্স করবার জন্তে মাইনে পেতাম না।

ললিতার মুখ নীরস্ত, পাংগু হয়ে গেলো। কাতর, অথচ কঠিন গলায় বললে,—নিষ্ঠুরতারো একটা সীমা আছে। আপনি তার কেউ না হ'তে পারেন, কিন্তু আপনি চলে' যাচ্ছেন শুনে সে অসহায়ের মতো চোখের জল ফেলছে। চোখের সামনে জল না দেখলে তো আপনারা আর কারুর হুংখ বোঝেন না, তাই দয়া করে' উপরে গিয়ে নটুকে



## ঢেউয়ের পর ঢেউ

একবার দেখে আশ্বন। দেখে আশ্বন আপনাকে সে কতো ভালোবাসে। বলতে-বলতে ললিতারই হু' চোখ অশ্রুর আভাসে অপরিচ্ছন্ন হ'য়ে এলো।

সৌরাংশু রইলো স্তম্ভিতের মতো দাঁড়িয়ে।

—জরে সে বেহুঁস হ'য়ে পড়ে' আছে, আপনি চলে' যাবেন বলে' একেবারে অসহায়। বলুন, সে তো আপনার কাছে কোনো অপরাধ করে নি। অন্তত তার হু'খ তো আপনার বোঝা উচিত। লোকে কি খালি পাওনারই হিসেব করে, তার থেকে পাবার কিছু কি কেউ দাবি করে না? নটু—নটুকে স্নেহ করলেও কি আপনার জাত যায়? ললিতার হুই চোখ ঘোলাটে, ঝাপসা হ'য়ে আসতে লাগলো: সংসারের সমস্ত ভালোবাসাকে আঘাত করতে পারলেই কি মানুষ বড়ো হ'য়ে ওঠে?

সৌরাংশু নটুর শিয়রে যখন বসলো, তখন সে ঘুমিয়ে পড়েছে। ললিতা অস্থির যেমন একটা চেহারা দিয়েছিলো, সৌরাংশুর হাতে জরটা তেমন কিছু ভীষণ মনে হ'লো না।

ললিতা বললে,—বসুন, বসে' থাকুন আরেকটু। জেগে উঠে আপনি সত্যি-সত্যি বান নি শুনলে সে কতো খুসি হ'বে।

কিন্তু, অলক্ষিতে কী যে ললিতা সেদিন গুঁড় ইসারা করেছিলো, দেখতে-দেখতে এক সপ্তাহের মধ্যে নটুর জরটা ঘোরালো হ'তে-হ'তে

## চেউয়ের পর চেউ

দাঁড়ালো গিয়ে টাইফয়েডে। বাড়ি ছেড়ে চলে' বাবার কথা সোরাং আর ভাবতেও পারলো না। আর, নটুর দিদিকে চাই সব সময়ে হাতের নাগালের মধ্যে। একটু উঠেছে টের পেয়েছে কি, অর্থাৎ তার কান্না।

রাত এসেছিলো গভীর করে'।

ললিতা বললে,—বাবাকে তুলে দিয়ে আপনি এবার ঘুমুতে যান সমানে তিন রাত্তির আপনি জাগছেন।

—আর আপনি জাগছেন, রাত দিয়ে সেই অনিদ্রা পরিমাপ ক'রবে না। নটুর মাথার উপর থেকে আইস্-ব্যাগটা কপালের উপর নিয়ে এসে সোরাংও বললে,—বরং আপনিই গিয়ে একটু ঘুমুন। এ'বেশ ঘুমিয়েছে, আপনাকে খোঁজ করবে না।


—দরকার নেই, দু'জনেই জেগে থাকি।

ঘরের কোণে মাটির মিটিমিটি একটি বাতি জ্বলে, সমস্ত নিঃশব্দ অন্ধকারে থাকে ব্যথার মতো ভার হ'য়ে। তাদের সঙ্গে-সঙ্গে অন্ধকারও থাকে জেগে, শব্দে ভেঙে পড়বার জন্তে উচ্চকিত হ'য়ে কেউ তারা কোনো কথা কয় না, দেখতেও পায় না কে কাউকে স্পষ্ট করে'। সে-অন্ধকারে প্রাত্যহিকতার ... ল' সঁ সকল পরিচয় যেন মুছে হারিয়ে একাকার হ'য়ে যায়। ল' যে সজ্ঞানে বেঁচে আছে এই সামান্য কথাটাও সে' আর বি' করতে চায় না।

অথচ সেই অপরিচিতি, সেই বিশাল চিরুহীনতায়, মৃত্যুর নিঃসন্ধানে বসে' ললিতা কী যেন সেন্নিন দেখতে পেলো, দেখতে ... তার হৃদয়ের অলৌকিক অন্ধকারে, সোরাংওর অশরীরী অবি

## চেউয়ের পর চেউ

ধূসরতায়। তার মনে হ'লো, সব বেন দিন-রাত্রির চলমানতায় একেবারে হারিয়ে যায় নি—কী বেন আছে, কী বেন আছে, নিরাপদ, নিভৃত আশ্রয়ের মতো কী বেন আছে হির, কী বেন আছে সত্য। তারই সন্ধানে ঘরের মধ্যে বসে' ললিতা হাতড়ে ফিরছে এই অন্ধকার, তারই সন্ধানে হয়তো তার স্বামী, মহীপতি, একদিন ঘরের বাঁধন কেটে বাইরে বেরিয়ে পড়েছিলো।



## বোলো

একদিন অভাবনীয় রূপে মহীপতি এসে দেখা দিলো। শরীরে নয়, চিঠিতে।

চিঠিটা ধরলীবাবুকেই লেখা। মোড়কটা খুলে ফেলবার সময়ও তিনি ঘৃণাকরে ভাবতে পারেন নি অক্ষরে-অক্ষরে কী আনন্দ সেখানে সঞ্চিত হ'য়ে আছে, কী আলোড়ন। চিঠিটা এক নিশ্বাসে তিনি পড়ে' ফেললেন, পরে প্রত্যেকটি শব্দ ধরে-ধরে' তীক্ষ্ণ চোখে হুন্মাহুন্ম পৰ্য্যবেক্ষণ করে' প্রকাশে যেটুকু লিখিত তার অন্তরালে নিহিত অনেক নিঃশব্দতার ঢেউ মেরে,—কিন্তু প্রথমটা তিনি কোনো তার ধারাবাহিক অর্থ করতে পারলেন না। মহীপতি চিঠি লিখেছে! এ কখনো সত্যি হ'তে পারে, আছে এর মধ্যে কোনো পারম্পরিক সম্ভাবনা? অনেক সন্দেহ, অনেক জিজ্ঞাসা—ধরলীবাবু আনন্দে, অবিশ্বাসে, অসহ আনন্দে দগ্ধ হ'য়ে যেতে লাগলেন। সামান্য ক'টি লাইন, নিভুল, নিঃসংশয় : প্রচ্ছন্ন উচ্চারণে প্রত্যেকটি শব্দ স্পষ্ট; নিরাবরণ, প্রথম সারল্যে প্রত্যেকটি অর্থ তরোয়ালের ফলার মতো স্বচ্ছ করছে। তিনি তবু যেন বিশ্বাস করতে পারছেন না। মহীপতি চিঠি লিখেছে, মহীপতি—তার দেশের বাড়ি থেকে, টিকিটের উপর ডাকঘরের সেই মোহর,—হু'দিন আগেকার

## চেউয়ের পর চেউ

সেই তারিখ, এই তার হাতের লেখা—স্বয়ং ললিতাও যা কোনদিন দেখে নি। এর মাঝে কোথায় যেন একটা ছন্দোহীন আকস্মিকতা ছিলো। তবু এ তারই চিঠি, সমস্ত সংবাদে সে-ই রয়েছে জাজ্জল্যমান হ'য়ে, তার অনস্বীকার্য আশরীর বিচ্যুতমানতা। লিখেছে—এ ছাড়া কী-ই বা আর সে লিখতে পারতো—সামান্য, সজ্জিগু ক'টি লাইন, লিখেছে : সম্প্রতি সে দেশে ফিরেছে, কল্কাতায় ; আসছে পনেরোই, মানে কাল সকালে। তার শরীর অত্যন্ত রুগ্ন, প্রধানতঃ চিকিৎসার জন্তেই তার আসা। স্বপ্নরবাড়িতেই সে এসে উঠবে অবিশ্রি—এ-কথাটা বিশেষ করে' তার লেখবার কিছু দরকার ছিলো না। আশা করি বাড়ির সবাই বেশ ভালো আছেন। একা ধরণীবাবুর গোরবেই যে বহুবচনটা ব্যবহার করা হয়েছে, তা না-ও হ'তে পারে—হুঁসরীক্ষ্য এক সঙ্কেতে ধরণীবাবু রোমাঞ্চিত হ'য়ে উঠলেন।

খবরটা তিনি অনেকক্ষণ কারু কাছে ভাঙলেন না। যতোই সময় যেতে লাগলো, সময় এখন তরল জলের উপর দিয়ে চলে' যাচ্ছে—ততোই তিনি খবরটা বিশ্বাস করতে লাগলেন, যেন প্রত্যাশিত প্রাত্যহিক একটা ঘটনার টুকরো, যেমন আজকে আবার সূর্য্য উঠেছিলো, যেমন রোদের দিকে গাছ তার পাতাগুলি মেলে ধরেছে, যেমন আকাশে ছড়িয়ে আছে নীল নীরবতা। বাস্তবিক, এতে এমন চম্কে ওঠবার কী ছিলো কে বলবে ? এ তো ঘটতোই, এ ঘটবে বলে'ই তো মরা, লালচে পাতার মতো ঝরিয়ে দিতে হয়েছিলো এতোগুলি দিন-রাত্রির দীর্ঘশ্বাস, এ ঘটবে বলে'ই তো আকাশে সূর্য্য এতোদিন অপেক্ষা করেছে, এতো অন্ধকারেও রাত্রিগুলি ক্ষয় হ'য়ে যায় নি। যতোই সময় যেতে লাগলো, ধরণীবাবু এর মাঝে আর

## চেউয়ের পর চেউ পাতা যুড়িবেন না।

একবিন্দু অভাবনীয়তা খুঁজে পেলেন না, এ যেন তিনি অনেক আগে থেকেই জানতেন : শীতের ধূলতার পর বসন্তের এই বিদারিত নীলিমা। এতোদিন তিনি যেন কাঁটার উপর দিয়ে হাঁটছিলেন ; আজ এতোদিনে, মাটিতে ফেললেন পা, তাঁর সাংসারিক পরিমিতিতে—এর মাঝে অলৌকিক কিছু নেই, মহীপতির ফিরে আসাটা সময়ের সমুদ্রে ঋতুর পুনরাবর্তনের মতো, কবিতায় এক শব্দ থেকে অল্প শব্দের সহজ সংক্রমণের মতো নির্দিষ্ট, নির্দ্ধারিত,—জাহাজের যেমন বন্দর, স্রোতের যেমন তীর—খবরটা এমন কিছু আর আকাশ থেকে পড়ছে না।

নিচে স্থান করতে যাচ্ছিলেন, আবছা চোখে পড়লো ললিতা তার ঘরে পাইচারি করতে-করতে শিথিল, স্তিমিত ক’টি আঙুলে চুলের বেগী খুলছে। ধরণীবাবু দাঁড়িয়ে পড়লেন। ললিতার চেহারায় কেমন একটি নিরাভ ঔদাসীন্ম, যেন নিস্তেজ বিশীর্ণতার একটি ধারা, কোথাও তার শরীর নয় শিহরিত। দহমান, উজ্জল একটা শিখাকে নিবিয়ে দিয়ে অন্ধকারে যদি তাকে আঁকা যেতো তবে তা প্রাণময় হ’য়ে উঠতো ললিতার এই শীতল বিষন্নতায়। দেখে ধরণীবাবুর ভারি মায়া করতে লাগলো, খবরটা এখনুনি তাকে না জানালেই নয়।

তাঁর ইচ্ছা ছিলো কাল সকালেই যখন মহীপতি আসবে, তখন, একেবারে সেই সময়ই ললিতা জানবে, খবরটা তার উপর ভেঙে পড়বে উচ্ছল, ফেনিল, প্রবল একটা চেউয়ের মতো। তাঁকে এতোটুকু কোথাও প্রস্তুত হতে দেবে না, রাখবে না এতোটুকু পালাবার কোনো অন্তরাল। অপ্রতিরোধ্য, অনাবৃত একটা উপস্থিতি। যেন ‘মহীপতি একান্ত করে’ ললিতার কাছেই ফিরে আসছে, নেই এর মাঝে আর কোনো সাংসারিক ষড়যন্ত্র। খবরটা যেন সে-ই প্রথম জানতে পারলো,

## চেউয়ের পর চেউ

আবিষ্কার করলো সে-ই তার জীবনের নতুন মহাদেশ। কিন্তু ললিতার এই গলিন শ্রিয়মানতা দেখে তিনি আর দেরি করতে পারলেন না, চুলগুলিতে সেই উজ্জ্বল ঘনতা নেই, কপালটা রুক্ষ, চোখের কোল ঘেসে নমিত পল্লবের গভীর ছায়া পড়েছে, কাঁধ দু'টি কেমন শিথিল, দুই হাতে এতো রিক্ততা সে আর বইতে পারছে না, পরনের সাড়িটাতে পর্যাস্ত ছড়িয়ে পড়েছে তার শরীরের ধূসরতা—ধরণীবাবু পারলেন না আর খবরটা চাপা দিয়ে রাখতে; সত্যিকারের যে আর্জ, তার জন্তে ব্যাঙ্কে টাকা গচ্ছিত না বেখে উচিত তার উপস্থিত উপশম করা। ধরণীবাবু ঘরের মধ্যে ঢুকে পড়লেন।

গলা তাঁর কথা বলতে গিয়ে সাদা থাকলো না অবিষ্টি। ঈষৎ উত্তপ্ত, গাঢ় গলায় বললেন,—থুব একটা ভালো খবর আছে, ললিতা।

ললিতার লতানো আঙুলগুলির মধ্যে ছিন্ন বেণীটা কেঁপে উঠলো। চারদিকে যেন সে রাশি-রাশি জল দেখছে এমনি চিহ্নহীন, অপার চোখে সে চেয়ে রইলো।

ধরণীবাবু বললেন,—মহীপতির হঠাৎ আজ একটা চিঠি পেলাম।

খবরটা শুনে তাঁর চোখের সামনে ললিতা রাতের নদীর মতো আনন্দের অন্ধকারে ঝলমল করে' উঠবে বা সূর্যালোকে নিষ্কাশিত অসির শাণিত শীর্ণতার মতো, তেমন কিছু তিনি স্পষ্ট আশা করেন নি। কিন্তু খবরটার মধ্যে এমন একটা বিহ্বল মাদকতা ছিলো, এটুকু তিনি অন্তত ভেবে রেখেছিলেন, দেখতে-দেখতে ললিতা সর্বাঙ্গীণ সুরভিত হ'য়ে উঠবে, তিনি তা তার প্রথম নিশ্বাস নেয়ার মুহূর্তে বাতাসে অমুভব করতে পারবেন। দেখতে-দেখতে তার কপালে একটি ন্রিদ্ধ প্রশান্তি ফুটে উঠবে, চোখের প্রখর শুভ্রতা উঠবে লজ্জায় কোমল হ'য়ে,

## চেউয়ের পর চেউ

তার পাণ্ডুর মুখের উপর ফুটবে একটি সজোজাত কিশলয়ের শ্রামলতা, তাকে তিনি আর খানিকক্ষণ চিনতে পারবেন না।

কিন্তু ললিতার মুখ দেখে তিনি শুকিয়ে গেলেন। যেন ডুবন্ত জাহাজে সে পা রেখেছে, এমন ভীত, সর্বস্বহারী মূর্তিতে ললিতা টেঁচিয়ে উঠলো : কা'র ?

—মহীপতির। সে এখানে আসছে, কাল, কাল সকালে। আমি যেন এখনো তা সম্পূর্ণ বিশ্বাস করতে পারছি না।

—এখানে, এখানে আসছে মানে ? ললিতা দুই হাতে শক্ত করে' তার চুলের ঝলিত গুচ্ছটা টেনে ধরলো : আমাদের বাড়িতে ?

—হ্যাঁ, আমাদের বাড়িতেই বৈ কি। ধরনীবাবু পাংশু মুখে হেসে উঠলেন : নইলে কলকাতায় এসে সে আর কোন বাড়িতে উঠবে ? আমরা ছাড়া এখানে তার কে আত্মীয় আছে ?

যেন কোন পরাক্রান্ত আততায়ীর সম্মুখীন হচ্ছে, নিরস্ত্র অথচ নিষ্ঠুর, ললিতা কণ্ঠস্বরে তেমনি প্রতিবাদ করে' উঠলো : কিন্তু কেন সে আসছে শুনি ?

কেন যে সে আসছে কারণটা ধরনীবাবুও এতোক্ষণ ভুলে' ছিলেন। এখানে সে আসছে, এর আবার একটা স্পর্শসহ কারণ দিতে হ'বে নাকি—এখানে সে আসছে, শুধু এইটেই কি তার ফিরে আসার যথেষ্ট কারণ নয় ? ধরনীবাবু তবু একটা টোক গিললেন, বললেন,— লিখেছে তার নাকি কী অসুখ করেছে, চিকিৎসার দরকার—

ললিতা কথার মাঝখানে ঝাঁপিয়ে পড়লো : চিকিৎসার দরকার তো এখানে কেন ? আমরা কি এখানে কগীর জন্তু হাসপাতাল খুলে বসেছি নাকি ?



## চেউয়ের পর চেউ

—তুই এ কী বলছিস, ললিতা ? ধরনীবাবু তার মুখের দিকে মূঢ়ের মতো চেয়ে রইলেন : মহীপতি আসছে, আর কেউ নয়, স্বয়ং মহীপতি, বার জন্তে এতোদিন ধরে' আমরা পথ চেয়ে বসে' আছি—বার জন্তে—কথাটাকে সর্বাঙ্গীণ আয়ত্ত করতে গিয়ে ধরনীবাবু একেবারে ছেলেমানুষের মতো উথলে উঠলেন : ঈশ্বর তা হ'লে এতোদিনে মুখ তুলে চাইলেন, ললিতা ! এ কি কখনো মিথ্যে হ'তে পারে, এতো নিষ্ঠা, এতো হুঃখ ? তুই তো কোনো অপরাধ করিস নি ।

—কিন্তু তাই বলে' এখানে সে আসবে কেন ? ললিতা যেন চারদিকে অন্ধকার দেখলে ।

—বা, এখানে আসবে না ? এখানে আসবার জন্তেই তো সে আসছে এতোদিনে । ধরনীবাবু দার্শনিকের মতো নির্লিপ্ত, নিটোল গলায় বল্লেন,—আসতে যে তাকে হ'তোই । জলে যতোদিন জোয়ার-ভাঁটা আছে, আকাশে আছে যতোদিন দিন-রাত্রি, সে যাবে কোথায়, যাবে কোথায় সে এ চক্রান্ত এড়িয়ে ? পৃথিবী তো আর মিছিমিছি ঘুরছে না ।

আনন্দের আকস্মিক আতিশয্যে ধরনীবাবুর কথাবার্তা প্রায় ভাবাতুর কাব্যের পর্যায়ে এসে যাচ্ছিলো, কিন্তু ললিতা এক নিমেষে তাকে নামিয়ে নিয়ে এলো কঠিন, অচল বাস্তবতায় । ললিতার নির্বাপিত, শীতল মুখ শুকিয়ে শীর্ণ, ধারালো হ'য়ে এলো, তার সমস্ত ঘৃণা ও রুদ্ধতা এসে দাঁড়ালো তার হুই চোখে ; সে স্পষ্ট, কঙ্কালের মতো দৃঢ় কণ্ঠে বললে,—না । পৃথিবী ঘুরুক বা না-ঘুরুক, এখানে, এ-বাড়িতে ঢোকবার তার আর অধিকার নেই ।

—অধিকার নেই ? ধরনীবাবু গর্জ্জে' উঠলেন : তুই তার স্ত্রী নোস ?

## চেউয়ের পর চেউ

—সেই কথা এতোদিন পরে তার মনে পড়লো বুঝি ? ললিতা ঘুরে দাঁড়ালো : যখন সে আমাকে একদিন পুরোনো, বাসি খবরের কাগজের মতো ছুঁড়ে ফেলে দিয়ে গিয়েছিলো, তখন আমি তার কী ছিলাম ?

—কিন্তু সে তো ফিরে আসছে শেষ পর্যন্ত । অমুখই হোক বা যাই হোক, আসছে তোরই কাছে, একান্ত করে' তার স্ত্রীর কাছে ধরণীবাবু গলার স্বর স্নেহে আবার নরম করে' আনলেন : তোরই প্রতীক্ষা, তোরই তপস্বী, শেষ পর্যন্ত জয়ী হ'লো, ললিতা ।

ধরণীবাবু চলে' বাবার উত্তোগ করছিলেন, ললিতা তাঁর মুখের উপর কথার কতোগুলি তীক্ষ্ণ, আগ্নেয়-উজ্জ্বল বাণ ছুঁড়ে মারলো : আর আমি ? আমি যদি একদিন এমনি অনায়াসে, এমনি বিবেকহীন নিশ্চয়তায় বেরিয়ে পড়তাম ও আসতাম পরাজিত হ'য়ে ফিরে, আমার মহামাতা স্বামীর আশ্রয়ে, সে আমাকে সেদিন হাত বাড়িয়ে গ্রহণ করতো হাসিমুখে ? থাকতো সে আমার প্রতীক্ষা করে', সেদিন আমার অভ্যর্থনায় খুলে দিতো সে তার ঘরের দ্বার ?

—কিন্তু সে তো আর শুধু-শুধু বেরিয়ে যায় নি । ধরণীবাবু ফিরে এলেন : তার জীবনে বৃহত্তর এক সত্যের সন্ধান এসেছিলো । হয়তো সে-সন্ধান এসে এতোদিনে পরিণতি পেয়েছে তার স্ত্রী-তে, তার গৃহানুরাগে ।

—তার সৌভাগ্য । যুগায় ললিতার ছই ঠোট কেঁপে-কেঁপে উঠলো : কিন্তু আমার সেদিনের সত্য নিশ্চয়ই কখনো এতো ঝড়ো অর্থ নিয়ে দাঁড়াতে না, বাবা । আমি সেদিনো সেই বাসি, পুরোনো খবরের কাগজের মতোই প্রত্যাখাত হ'তাম ।

—কিন্তু সেইদিক থেকে তোর তো কিছুই অভিযোগ করবার থাকতে পারে না । সে ছিলো সন্ন্যাসী, সাধু, চরিত্রগৌরবে বহিমান ।

## চেউয়ের পর চেউ

—মিথ্যা কথা। ললিতা সমস্ত স্বাস্থ্য-শিরায় দিক্কার দিয়ে উঠলো : তার চেয়ে, তার চেয়ে মুক্ত, স্পষ্ট, প্রাণবান অসচ্চরিত্রতায়ো ঢের বেশি মহত্ব আছে।

—কিন্তু মানুষের ভুল তো একদিন ভেঙে যেতে পারে, ললিতা। ধরণীবাবু প্রশান্ত গলায় বললেন,—সেই স্বাধীনতা তো জোর করে' কারুর কাড়বার ক্ষমতা নেই।

—নেই, কিন্তু ভুল কারুর সংসারে একলাই ভাঙে না, বাবা। ললিতার সর্কাজ হঠাৎ বেদনায় অবসন্ন হ'য়ে এলো, নিস্তেজ হ'য়ে এলো তার দাঁড়বার সেই প্রথর ঋজুতা, তার কঠিন মুখের শাণিত রেখাগুলি ধীরে-ধীরে এলো ধূসর, স্তিমিত হ'য়ে ; সে আর্দ্র, প্রায় রুদ্ধ গলায় বললে,—তেমনি আমরাও স্বাধীনতা আছে, ভুল ভাঙবার, ভুল করবার, অথও অজস্র স্বাধীনতা। আমার সে-স্বাধীনতাও কেউ কাড়তে পারে না।

—তুই, তুই কী করবি ? ধরণীবাবু যেন হাঁপিয়ে উঠলেন : তুই কী করতে পারিস বোকা মেয়ে ?

—আমি কিছুই করতে পারি না, না ? ললিতা দুই হাতে মুখ ঢাকলো যেন তার অনপনের কলঙ্কের ইতিহাস, উঠলো সে কান্নায় উচ্ছ্বসিত হ'য়ে : আমি একটা পথের আবর্জনা, আমি মানুষ নই, আমার জীবনে কোনো উপলব্ধি, কোনো অন্বেষণ থাকতে পারে না, ইচ্ছেমতো বে খুঁসি আমাকে কোঁটয়ে বিদায় করে' দিতে পারে। আমার নিজের কোনো মেরুদণ্ড নেই, আমি খামখেয়ালি পরের হাতে খেলার একটা পুতুল হ'য়ে আছি মাত্র, দড়িতে টান দিলে আমি দাঁড়াই, দড়িতে ঢিল দিলে আমি খসে' পড়ি।

খবরটা শুনে দীপ্তিতে ললিতা সর্কাজে বিচ্ছুরিত হ'য়ে পড়বে তা

## ঢেউয়ের পর ঢেউ

ধরণীবাবু আশা করেন নি বটে, কিন্তু এমন একটা বিয়োগান্ত অভিনয়ের পরিকল্পনাও তাঁর দুঃস্বপ্নের অগোচর ছিলো। অভিনয় ছাড়া আর কী হ'তে পারে! নিতান্ত একটা তরল নাট্যকল্পনা! নইলে, সংসারে কোথায় তার স্থান, কিসে তার সমারোহ, এ-কথা কোন পতিবস্ত্রী মেয়ে না উপলব্ধি করতে পেরেছে সশরীরে! অগত্যা ধরণীবাবু ছেলেমানুষের মতো উচ্ছ্বসিত হেসে উঠলেন। বললেন,—তোকে আবার এ কী পাগলামি ধরলো, ললি। এমন একটা সুখবরে খুসিতে কোথায় উছলে পড়বি, না, তুই পা ছড়িয়ে কাঁদতে বসেছিস?

—না, কই আর কাঁদছি। আজ আমার কাঁদবার দিন নাকি? ললিতা মুখটা মুছে বিবর্ণ, সাদা করে' তুললো।

—সে এখনো বেঁচে আছে, আমাদের সে আজো ভোলে নি, তার জীবনে এসেছে নতুন পরিবর্তন, ধরণীবাবু আহ্লাদে গদগদ হ'য়ে উঠলেন : এমন দিনে ঈশ্বরকেই মনে পড়ে, ললিতা।

—আমারো মনে পড়ে ঈশ্বরকেই। ললিতা পাংশু, মুখে প্রেতায়িত হেসে উঠলো : আমিও এখনো বেঁচে আছি, বাবা, আমিও কিছু ভুলি নি। পৃথিবী অনেক পথ ঘুরে এসেছে, তার সঙ্গে-সঙ্গে আমরাও আর এক জায়গায় থেমে নেই।

—নেইতো নেই। চান করতে যাচ্ছিস তো যা চট করে'। ধরণীবাবু নিজেই অগ্রসর হ'লেন : সেই দিনের এক ফোঁটা মৈয়ে, লম্বা-লম্বা বক্তৃতা দিতে শিখেছে দেখ। ঠাঁর আবার পরিবর্তন হয়েছে! এতোদিন পরে স্বামী ঘরে ফিরে আসছে, আর ঠাঁর হচ্ছে পরিবর্তন! পাগলামি করার আর তুই সময় খুঁজে পেলি নাকি? বলেই আবার তিনি হাসিতে উৎসারিত হ'য়ে পড়লেন।

## চেউয়ের পর চেউ

—ঠিকই তো, ললিতা নিরুদ্বেগ, নিয় কষ্টে বললে, যেন নেপথ্য থেকে : আমরা বদলাবো কেন, আমরা যে পাথর ! যার খুঁসি পাথরকে পূজো করে, যার খুঁসি ছুঁড়ে দেয় পথের ধূলায় । আমরা বদলাবো কেন, বেশ, চিরকাল আমরা এই পাথর হ'য়েই থাকবো ।

ধরণীবাবু তার কথা আর কানে তুললেন না । গভীর বিজ্ঞতার প্রচ্ছন্ন হাসি হেসে স্বচ্ছন্দে নিচে নেমে গেলেন ।

বিশাল, নিরবয়ব, নিশ্চল স্তব্ধতা ললিতাকে অণুতে-পরমাণুতে গ্রাস করে' ধরলো । সত্যি, পৃথিবী যেন আর চলছে না, সময় রয়েছে গতিরোধ করে', তার নিজের এই অস্তিত্ব পর্য্যন্ত যেন তার নিশ্বাসে রয়েছে রুদ্ধ, স্তম্ভিত । এ-মুহূর্ত্তে তার জন্তে আর কোনো আশ্রয় নেই, আবরণ নেই, সে যেন চলে' এসেছে তার অনস্তিত্বের শুভ্রতায়, বস্তুহীন, শূন্যায়িত আকাশে । যেন তার বুকের থেকে উদ্ভূত হুংপিণ্ডটা খসে' পায়ের তলায় পড়ে' গেছে—সমস্ত শরীর ভরে' সে এতো অসহায়, এতো দুর্ব্বল । শূন্যলিত যে পশু, তার মাঝেও এর চেয়ে বেশি দীপ্তি থাকে, তার হ্রস্বমণীয় বিদ্রোহের দীপ্তি : তার পরাভবে থাকে এর চেয়ে অনেক বেশি মহিমা । শিকারীর মূর্ত্তোর মধ্যেও পাখি তার পাখা ঝাপটায় । তরল যে জল, সে-ও বাধার বিরুদ্ধে উচ্ছল হ'য়ে ওঠে । শুধু সে-ই নিতান্ত নিরীহ, একতাল কাদার চেয়েও নমনীয়, প্রাণীজগতে সে-ই শুধু সে-ই স্তরে 'নেমে এসেছে যাদের দেহে আর রক্ত নেই, যারা আত্মরক্ষার জন্তে দংশন পর্য্যন্ত করতে জানে না ।

আঁচলের স্তূপে মুখ লুকিয়ে ললিতা আবার কঁদে উঠলো । কেন, কেন সে ফিরে আসবে, কোন নিয়মে, কোন অধিকারে ? চলে'ই যদি সে যেতে পারলো, পিছনের সমস্ত পথ তার পায়ে-চলার উড়ন্ত ধূলিতে-

## চেউয়ের পর চেউ

কেন মুছে দিয়ে গেলো না ? সে যখন যেতে পেরেছিলো, তখন ললিতাই শুধু পৃথিবীতে একা থেমে ছিলো নাকি ? তার জন্তে আর কোনো ছিলো না পথ, ছিলো না কোনো পাছশালা ? সে-ই বেন শুধু তার স্মৃতির ছায়ায় বসে' রাত্রিদিন ধরে' সুখ-স্বপ্নের রঙিন আলো জেলে বসে' আছে ! আজ একযুগ পরে সেই প্রতীক্ষমান পরিচিত আলোয় পথ চিনে-চিনে, নিভুল অশঙ্কমান নিশ্চিন্ততায় সে ফিরে আসছে ! ললিতাকে সে ভোলে নি, ললিতার জন্তেই সে এতোদিন বেঁচে ছিলো ! ললিতা আজো তার জন্তে রচনা করে' রেখেছে আরাম-রমণীয় নিবিড় সুখ-শয্যা, সর্বত্র ঘিরে দহমান বোবনের আরতি ! তার সমস্ত সন্ধান, সমস্ত জিজ্ঞাসা আজ এসে শেষ হ'লো ললিতার সমৃদ্ধ শারীরতায়, আজো যা তার স্পর্শের স্বপ্নে শিহরায়মান, আজো যা তার সান্নিধ্যের তৃষ্ণায় হাহাকার করছে ! ললিতার সমস্ত শরীর পিচ্ছল ঘৃণায় ক্রোধান্ত হ'য়ে উঠলো । ললিতাকে আজ তার দরকার পড়েছে, তার কাছে আজ চাই তার নমনীয় সুবদা, স্নেহের গলিত নির্ঝরিশী, দুই হাতে চাই তার অজস্র দিৎসা, অরূপণ সেবমানতা : তার ঈশ্বর আজ বাসা নিয়েছে এসে ললিতার মৃন্ময় সীমাবদ্ধতায়, সে-ও অমনি কিনা তার নিভৃত ছায়ায় এসে দাঁড়ালো । হায়, কেবল ললিতারই কোনো ঈশ্বর নেই । সে শুধু তার পূজার একটা অকিঞ্চিৎকর উপকরণ, তার সার্থকতা শুধু সেই প্রাণহীন উৎসর্গে, মলিন অপ্রতিবাদ মৃত্যুতে । বিষাক্ত ঘৃণায় ললিতা আপাদমস্তক জর্জর হ'য়ে উঠলো, তার এই পাতিব্রত্যের ভার ক্লান্তিকর অশুচি একটা মানির মতো তাকে অন্তরে-বাহিরে অপরিচ্ছন্ন করে' তুলেছে ।

বরং, মহীপতিকে সে কতো শ্রদ্ধা করতো মনে-মনে, তাবু সেই কঠিন নিষ্ঠুরতায়, সেই হর্জয় প্রত্যাখ্যানে ! সেই নিষ্ঠুরতা, ও ত্যাগে সে ছিলো

## ঢেউয়ের পর ঢেউ

হৃৎপূর্ণ পুরুষ, বলোজ্জ্বল, স্পর্ধা-উদ্ধত, তার সেদিনকার তিরোধানে ছিলো সে অনেক জ্যোতির্ময়। ললিতার চোখের সামনে পূজার ঘরে মহীপতির সেই ধ্যানাসীন, প্রশান্ত মুষ্টি উদ্ভাসিত হ'য়ে উঠলো। তার সেদিনকার বসবার তনয় ভঙ্গিতে ছিলো অবিচল ঋজুতা, নিস্পৃহ, নিরাকুল চোখে ছিলো উপলব্ধির গাভীরা, সমস্ত শরীরে সে যেন ছিলো এক দেহাহীত বিনয়, অলৌকিক আবির্ভাব। কতোদিন কতো ফাঁকে ললিতা তাকে লুকিয়ে-লুকিয়ে দেখেছে। সে ছিলো সেদিন এক শীততুষারহীন আগ্নেয় পর্বত, স্নেহে একদিনো সে গলে' না এলেও তার সেই মহান নির্মমতায় অনেক বেশি আশ্বাদ ছিলো, অনেক বেশি ঐশ্বর্য। আজ তাকে নিতান্ত লোভী, ভিক্ষুকের মতো মনে হচ্ছে। সে, সে-ও কিনা অবশেষে তার সেই দৃষ্ট পুরুষতা, সেই বলীয়ান বৈরাগ্য, মিনতিতে নরম করে' আনলো ললিতার হৃদয়ে, তার হাতের হু'টি আর্দ্র সেবা পাবার জন্তে, পেতে তার হু'টি ভীক উদ্ভাপ, শরীরময় গাঢ় একটি বনচ্ছায়া! আর ললিতা কিনা আজো তার অক্ষুট ইঙ্গিতের প্রত্যাশায় প্রতিধ্বনিমান, সেই নববধূর নিমীলিত সোরভ নিয়ে আজো কিনা সে শয্যার সঙ্কীর্ণ প্রান্তে ঘেঁসে শুয়ে আছে, অন্তর্যমান চাঁদের মতো নিরাভ। যতো তার আলো সব যেন তার স্বামীর থেকেই উৎসারিত হচ্ছে, যতো তার পিপাসা সব যেন তারই পিপাসা থেকে। ললিতা আপনমনে বিশীর্ণ মুখে'হেসে উঠলো। এরই নাম প্রেম, এরই নাম পাতিব্রত।

ধরণীবাবু উপরে যখন উঠে এলেন, ললিতা তখনো দেয়ালের ধারে রেখায়িত একটা কঙ্কালের মতো বসে' আছে। তিনি তার এই নিশ্চল ঐদাম্য আর সইতে পারলেন না। বিরক্ত মুখে ধমকে উঠলেন : কী তুই এখনো বসে' আছিস চুপ করে' ? এমন মুখ করে' আছিস যেন কী

## ঢেউয়ের পর ঢেউ

তোর ভয়ানক রাজ্যপতন হ'য়ে গেছে ! কোথায় তুই ক্ষুণ্ণিত উঠলে পড়বি, তা নয়, 'আহিস মন-বরা হ'য়ে বসে' ? এই শুভক্ষণেই কি তুই এতোদিন এইখানে বসে' প্রতীক্ষা করছিলি না ? নে ওঠ, চান করে' খেয়ে-দেয়ে নে, এই সব বিলী সাজগোজ ছেড়ে দিবি লক্ষ্মীমন্ত হ'য়ে ওঠ ।

—এই উঠছি । ললিতা সারা শরীরে দুর্বল, ভঙ্গুর ভঙ্গি করে' উঠে দাঁড়ালো ।

ধরণীবাবু তার দিকে মহীপতির চিঠিটা বাড়িয়ে ধরলেন : এই জাখ্ তার চিঠি, চিঠি খুলবার সময়ো ভাবিনি আমি এ পড়বার জন্যে বেঁচে থাকবো, স্বচক্ষে দেখবো এই মহীপতির হাতের লেখা । নে, পড়ে' জাখ্ চিঠিখানা ।

ললিতা নিশ্চাপ গলায় বললে,—পড়ে' দেখবার কী আছে ? শুনলামই তো সমস্ত ।

—শুনলি তো অমন একখানা উপোসীর মতো চেহারা করে' আহিস কেন ?

—আগে চান করে' খেয়ে-দেয়ে নি, তবে তো সাজবো । ললিতা বিশীর্ণ একটু হাসলো : সে তো আসছে কাল ভোরে ।

—সাজবি না তো বিবাগীর মতো এমনি হতচ্ছাড়া বেশবাস করে' থাকবি নাকি ? সংসারে তোরা মা নেই বলে' আমার ওপর এমনি তুই শোধ তুলবি নাকি, ললি ? তুই নিজে কিছু বুঝিস না, বুঝিস না, কোথায় মেয়েদের ঐশ্বর্য্য, কিসে তাদের সার্থকতা ?

—সংসারে মা নেই বলে' সত্যি করে' তুমিই তো তা বোঝাতে পারো বাবা, তোমার এই নিষ্ঠায়, তোমার এই ত্যাগে । ললিতার গলা ভারি, আচ্ছন্ন হ'য়ে এলো ।



## চেউয়ের পর চেউ

—তেমনি তুইও বোঝাবি। ধরণীবাবু ললিতার মাথায় হাত রেখে আশীর্বাদ করলেন।

সন্দের দিকে আপিস থেকে ফিরে এসে ললিতার চেহারা দেখে ধরণীবাবুর আর পলক পড়তে চাইলো না। উদগ্র প্রসন্নতায় ললিতা আপদমস্তক বস্ত্র ভয়ঙ্কর হ'য়ে উঠেছে। সর্কাজে বিস্তীর্ণ করে' জড়িয়েছে এলোমেলো সবুজ একটা সাড়ি, বৃষ্টিসিক্ত মাঠের প্রগল্ভ জ্বালনা। একটি-একটি করে' গায়ে দিয়েছে তার সমস্ত গয়না, জ্বলন্ত সোনায় সমস্ত গা তার দগ্ধ হ'য়ে যাচ্ছে, পিঠময় ছড়িয়ে দিয়েছে কালো চুলের ফেনিলতা। বর্ষমাণ তরল জলধারার মতো সে মুখর হ'য়ে উঠেছে, আনন্দের ছাতিতে ছিটিয়ে পড়েছে সে বাড়ির এখানে-সেখানে, উপরে-নিচে, কাজে-অকাজে, সংসারে নানা প্রকার তুচ্ছতায়। আর নেই তার একবিন্দু ধূসরতা, শীতল্পৃষ্ঠ বনের বৈরাগ্য : মৃতপত্র অরণ্যে বসন্ত-বিদারণের মতো সে সর্কাজে উঠেছে গম্বীরিত হ'য়ে। নিজের মাঝে নিজে যেন সে আর আঁটছে না, উধায়ে পড়েছে তার বিলাসের নির্লজ্জতায়, তার সমাক্রান্ত সজ্জার সম্মুখে।

আয়নার সামনে দাঁড়িয়ে কপালে সে বিন্দুভ্রম সিঁছর পরছিলো—হৃদয় চোখে—তার প্রসাধনের শেষ মুদ্রা, পিছনে ধরণীবাবুর পা শুনে সে ঘুরে দাঁড়ালো বিলোল গ্রীবা হেলিয়ে ; বল্লে,—চমৎকার সাজি নি, বাবা ?

বাউরের ঘনায়মান অন্ধকারের অম্পষ্ট একটু আভা এসে পড়েছে ঘরের মধ্যে, সেই খোলাটে অপরিচিত আলোয় ধরণীবাবু চমকে উঠলেন, তাঁর সামনে প্রথমেই, দীর্ঘ, সবুজ একটা সাপ যেন প্রসারিত আলস্তে

## চেউয়ের পর চেউ

হঠাৎ থলথল করে' উঠেছে। ললিতা আবার বললে,—চমৎকার সাজি নি, বাবা ? ও কী, আমাকে তুমি চিনতে পারছো না নাকি ? ললিতা উৎস-উৎখিত প্রবল নির্ঝরজলের মতো হেসে উঠলো। সেই হাসিও যেন ধরণীবাবু চিনতে পারছেন না।

বলতে কি, এতোটা তিনি কখনো আশা করেন নি। চমৎকারই বটে, অসহনীয় চমৎকার ! সুখে ও সম্পদে ললিতা যেন মাতাল হ'য়ে উঠেছে, চেপে রাখতে পারছে না তার উচ্ছ্বল মেয়েলিপনা। তবু কী জানি কেন, তিনি এখন, এ-মুহূর্তে, আর বিজ্ঞের মতো হাসতে পারলেন না, তাঁর ভয় করতে লাগলো। এতো প্রাচুর্য্য যেন চোখ ভরে' দেখা যায় না, বিশেষ করে' আনন্দের প্রাচুর্য্য,—এর মাঝে কোথায় যেন আছে মুমূর্ষু শিখার অন্তিম বিস্ফারণের ইসারা।

তবু তিনি স্থিতমুখে এগিয়ে গেলেন ; ললিতার সলজ্জ-উচ্ছল চিবুকটি তুলে ধরে' স্নিগ্ধ গলায় বললেন,—চমৎকার ! কিন্তু এখন থেকেই এতো সাজগোজ কেন, মা ? সে তো আসছে কাল ভোরে।

—কাল ভোরে নাকি ? ললিতা নিজের দিকে চেয়ে কুটিল একটা কটাক্ষ করলো : তা হ'লোই বা কাল ভোর, মাঝখানে আজকের রাতটা তো আছে, কালকের ভোরের জন্তে আজকের রাতটা তো আর পালিয়ে যায় নি।

চান্দ্রমসী নিনীধরাজির মতো ললিতা উঠলো বিহ্বল হ'য়ে।

আজকের রাতেই যেন তার সে মৃত অতীতের সুন্দর ছিত্তারচনা করেছে ! কিন্তু তবু ধরণীবাবুর যেন ভয় করতে লাগলো, ললিতার চারপাশে তিনি পরিমিত সংসার-পরিবেশের স্নিগ্ধ স্বাচ্ছন্দ্য খুঁজে পেলেন

## ঢেউয়ের পর ঢেউ

না। আনন্দে সে কেমন হিংস্র হ'য়ে উঠেছে, তার সৌন্দর্য্যটা কেমন পাশবিক, অরণ্যলালিত : এখন তাকে প্রায় একটা বিচিত্রিতা বাঘিনীর মতো দেখাচ্ছে—সর্ব্বাঙ্গে তেমনি তার মহিমার ব্যঞ্জনা, তেমনি ছাতিমান ক্ষিপ্ততা, তেমনি হুঃসহ হুঃসাহস।

কাল ভোরের জন্তে তিনি প্রতীক্ষা করতে লাগলেন।

## সতেরো

খবরটা সোরাংগুর কানে পৌঁচেছিলো, মহীপতির আকস্মিক ফিরে-আসার খবর—আর তারই হাওয়ায় ললিতা কেমন সমস্ত দেহে হাজার প্রজাপতির রঙচঙে পাখা মেলে দিয়েছে, তারই হু'-একটা অক্ষুট গুঁণগুনানি। সাজলে যে মেয়েদের কতো কুৎসিত দেখায়, সোরাংগু জীবনে এই প্রথম দেখলো। ললিতাকে যে মোটেই মানায় না এই উচ্চও সমারোহে, দীর্ঘ দীপ্ত তরবারির মতো এই উদগ্র উন্মোচনে, সে-কথা তাকে কে বোঝাবে? এতো আচ্ছাদিত হ'য়েও সে কেমন নিরাবরণ, শুভ্রায়িত সমাধিস্তূপের মতো; এতো প্রকাশমান সৌন্দর্যের উপকরণেও তাকে কেমন দরিদ্র, নিঃস্ব দেখাচ্ছে। আর কেনই বা তার এতো আশ্ফালন, এই উদ্দাম পাখা মেলে দেয়া? কারণটা ভাবতেও সোরাংগুর গা জ্বলিয়ে উঠতে থাকে, মনের অপরিচ্ছন্ন একটা আবহাওয়ায় এসে সে আর নিশ্বাস নিতে পারে না—অথচ তারো বা যে কী কারণ দেবতারাও বলতে পারে না। বহুবিলম্বিত বিরহের পর দূর অজ্ঞাতবাস থেকে স্বামী ফিরে আসছে, তার জ্বর নিবিড় নিভৃতিতে, এতে কোন জ্বী না বহুবিসর্পিণী নদীর মতো মোহানার কাছে এসে উন্মুখ হ'য়ে উঠবে! এতে আশ্চর্য হবার আছে কী! এই তো স্বাভাবিক।

## ঢেউয়ের পর ঢেউ

আষাঢ়ে নতুন মেঘ দেখলে ময়ূরের পেখম যেনে ধরা, চাঁদ দেখলে সমুদ্রের সমস্ত শরীরে নীল-ফেনিল হ'য়ে ওঠা। তবু, হোক স্বাভাবিক, তবু ললিতাকে যেন এ মানায় না। অপরাহ্নের ক্ষণকালিক ধূসরতার মুহূর্তে ঘরে বসে' জালাই না আমরা কেউ বিদ্যুতের আলো, ঘরে প্রথম রোদ এসে পড়লে গত রাতের বাসি বাতির মুমূর্ষুতাটা আমাদের চোখে বীভৎস লাগে। তাকে মানায় না এতো সুখ, এতো তার মদির কলধ্বনিমানতা, এতো তার উচ্ছলিত চাপল্য—সংসারে কাউকে-কাউকে মানায় না, কী করা যাবে, সৌরাংশুর চোখে ললিতা তাদেরই বিরল একজন।

বরং, ঘরের দরজা ভেজিয়ে মধ্যরাত্রের সতেজ অন্ধকারে বসে' সৌরাংশু ভাবছিলো, বরং নটুর সেই রঙ্গ, মলিন শয্যার কিনারে বিষণ্ণ নিস্তরুণতায় তাকে কতো বেশি সুন্দর দেখাতো, কতো বেশি সম্পূর্ণ। ঘরে আলো প্রায়ই জ্বলতো না, জ্বললেও মোমবাতির নরম, হলুদে একটি শিখা, তরলায়িত অন্ধকারে ললিতা সৌরাংশুর চোখের অদূরে চুপ করে' বসে' থাকতো নিরুদ্ভ, নিঃশব্দ, রাত্রির নিস্তরু আত্মার মতো, পৃথিবীর বিস্তৃতি দিয়ে তৈরি, কবির ধ্যানে মৃত্যুর অকায়িক কল্পনার মতো। স্পর্শের অতীত যেন কোনো স্পর্শ, স্বাদের অতীত যেন কোনো স্বাদ। কতো ভালো লাগতো তাকে সেই বিধুর সম্পট্টতার মধ্যে, সেই অতীজ্রিয়তাই ছিলো তার আপন নির্মিতি, দীর্ঘায়মান একটি গোহূলির ঔদাস্য। তাকে সে সব দিন কতো আত্মীয় মনে হ'তো তার সেই বেদনার লাষণ্যে, তার সেই পরিব্যাণ্ড নির্জনতায়। আজ সুখী সাজতে গিয়ে সে কতো দরিদ্র হ'য়ে পড়েছে, সার্থক হ'তে গিয়ে কতো বকিত। শূন্যপথে স্থলিত তারার মতো চকিত দীপ্তি ছড়িয়ে সে নেমে

## ঢেউয়ের পর ঢেউ

বাছে কোন অন্ধকারে। তার চেয়ে পৃথিবীর বাতায়নের বাইরে তার দূর হ্রদীক্য আভাটুকু কতো ভালো ছিলো। কতো ভালো ছিলো তার অন্তর্লীন নির্গুপ্ততা। তার চারপাশে সেই ধূসর পরিমণ্ডল। কিন্তু পৃথিবীতে সুখই সবাই চায়, সৌন্দর্য কেউ নয়—সৌন্দর্য এখানে একটা অবাস্তব উপসর্গ।

ভাবতে-ভাবতে সৌরাংশু চিন্তার কোন অননুভূয় গভীরতায় গিয়েছিলো ডুবে, হঠাৎ প্রবল হাওয়ায় ঘরের দরজা ছুঁটো খুলে গেলো। বাইরে থেকে জোয়ারের জলের মতো শব্দ করে' ঢুকলো কতোগুলি অন্ধকার, বেন বা ঝড়ে কোথায় বন উঠেছে মর্শ্বরিত হ'য়ে। চমক ভেঙে সৌরাংশু যাচ্ছিলো দরজা বন্ধ করতে, হঠাৎ ঘরের মধ্যে ঝলসে উঠলো আলো, তীক্ষ্ণ দীর্ঘমান একটা আর্ন্তনাদের মতো।

আলোয় তাকাতে গিয়ে সৌরাংশু ঘরের দেয়ালের মতো সাদা, স্তম্ভিত হ'য়ে গেলো। দেখলো ঘরের সেই অজস্র আলোয় ললিতা এসে দাঁড়িয়েছে। আলো-কে পর্যাস্ত বিশ্বাস করতে তার সাহস হ'লো না। ললিতা এসে দাঁড়িয়েছে, তার বিকেলের সেই সাজে, ঞ্জলিত তারার মতো, নিভুল, তীক্ষ্ণ—কোথাও নেই জড়িমা, কোথাও নেই কুজাটিকা। রৌদ্রকলিত অসির প্রাস্তের মতো শাণিত, দৈর্ঘ্যে ও দৃষ্টিতে, গয়নাগুলি আলোয় উঠেছে বিলোল অট্টহাস্য করে'। সৌরাংশু একবার চোখ বুজে আবার চেয়ে দেখলো। ললিতা। নিষ্ঠুর নির্ভীকতায় স্থির, রূঢ়, প্রত্যক্ষ। কিংবা হয়তো বা ললিতা নয়, তার একটা প্রোতারিত বিভীষিকা, রাত্রির শীতল, মৃত অন্ধকার থেকে উঠে এসেছে।

—এ কী, আপনি? বহু কষ্টে অনেকক্ষণ পর সৌরাংশু তারি গলায় ভাষা পেলো।

## ঢেউয়ের পর ঢেউ

—হ্যাঁ, আমি। একতাল পাথর যেন কথা কয়ে' উঠলো : কেন, চিনতে পাচ্ছেন না ?

—কী করে' বা চিনবো ? চেয়ারটা ছেড়ে সৌরাংশুর গুঁঠাবাব পর্য্যন্ত শক্তি নেই : এতো সাজলে লোকে কী করে' চিনতে পারে ?

—খুব সেজেছি নাকি ? ললিতা করুণ, শুকনো চোখে নিজেই নিজের দিকে একবার তাকালো।

সৌরাংশু তার মুখের উপর সবলে যেন একটা আঘাত কবলো : ভীষণ কুৎসিত। সৌভাগ্য একটা বর্করতা, যদি তা জানাবাব জন্তে মানুষকে এমন বীভৎস সাজতে হয়, যদি হারাতে হয় তার পরিমিত ছন্দবোধ।

ললিতা অশ্রুট একটি শব্দ করে' হেসে উঠলো বা শোনালা একটা নিরুচ্চার, গভীর কান্নার মতো। বললে,—ঘটা করে' সৌভাগ্য জানাবার জন্তে আমি সাজি নি, সেজেছি আজ আমি মরবো বলে'।

বিবর্ণ মুখে সৌরাংশু একটাকাতর শব্দ কবে' উঠলো।

—হ্যাঁ, মরবো বলে'। ভয় নেই, তেমন কোনো বিশদ, বাস্তব মরণ নয়। ললিতা আবার নিম্নকণ্ঠে হেসে উঠলো : প্রতি মুহূর্তেই তো আমরা মরছি, দিন থেকে রাত্রিতে, প্রতিটি নিশ্বাস' ফেলার সঙ্গে। তেমনি আজ আমি মরবো, আমার বিশাল সেই অতীতের স্রুপ থেকে নতুনতরো ভবিষ্যতে, নতুনতরো মুক্তিতে। ললিতা যেন কথা বলতে গিয়ে হাঁপিয়ে উঠলো, মহুর এক পা এগিয়ে এসে বললে,—আমাকে আপনি বুঝতে পাচ্ছেন না, সৌরাংশুবারু ?

—না। ঘরের দেয়াল আবার কথা কইলে।

## চেউয়ের পর চেউ

ললিতা দেয়ালে-টাঙানো অনড় একটা কটোর ফ্রেমএর মতো দাঁড়িয়ে রইলো।

সোরাংগ উঠলো আপাদমস্তক ছটফট করে'। চেয়ার ছেড়ে তাড়াতাড়ি উঠে দাঁড়িয়ে অসহিষ্ণু গলায় হঠাৎ জিগ্গেস করলে :  
আমার কাছে আপনার কোনো দরকার আছে ?

—আছে বৈ কি। নইলে এখানে আর আসবো কেন বলুন ?  
ললিতা সোরাংগুর কথার নাগাল পেয়ে যেন সহজে নিশ্বাস ছাড়তে পারলো, বেদনায় অশ্রুট গলায় বললে,—অনেক, অনেক দরকার।  
আমুস্তে সে দরজা ছ'টো ঠেলে ভেজিয়ে দিলো, বসলো এসে একটা চেয়ারে, বিস্তৃত, শিথিল আলস্থে : জরুরি দরকার বলে'ই তো আপনার কাছে এসেছি। ললিতা যেন তার উপস্থিতির বহু দূর থেকে কথা কইলো।

—কিন্তু, সোরাংগুর গলা শোনা গেলো রুঢ় একটা তিরস্কারের মতো :  
কিন্তু এখন, এই রাতে, আমাকে আপনার কী দরকার থাকতে পারে  
আমি তো কিছুই ভেবে পাচ্ছি না।

—রাতকে মিছিমিছি এতো ভয় পাবার কী হয়েছে ? সে নিতান্ত  
অন্ধকার বলে' তাকে কেন এতো লজ্জা ? আমাদের জীবনেরই তো সে  
ও-পিঠ, আমাদের রক্তমঞ্চের নিকট নেপথ্য। বলছি, দাঁড়ান। ললিতা  
আলোয় যেন আশ্রয় খুঁজলো ; স্তিমিত, কাতর গলায় বললে,—কিন্তু  
কী বলে' যে কী বলবো কিছু ভেবে পাচ্ছি না।

—বলে' ফেলুন চট করে'। সোরাংগু বসলো গিয়ে তার চেয়ারে,  
ভক্তিটা বধাসম্ভব সৌজন্তে স্নিগ্ধ করে' আনলো : আমার জীবন  
খুব পাচ্ছে।



## চেউয়ের পর চেউ

—ঘুম, ঘুম আমারো পাচ্ছে বৈ কি। চেয়ারে পিঠটা নামিয়ে এনে ললিতা গভীরতরো আলস্তে গেলো ডুবে।

ঘনীভূত হ'য়ে উঠলো রাত্রির স্তব্ধতা, গৃঢ়, নিরবয়ব ভয়। সেই স্তব্ধতায় ললিতাকে মনে হ'লো যেন পর্ব্বতের গুহার মধ্যে হিংস্র কোন পশু রুদ্ধ প্রতীক্ষায় বসে' আছে। এতো প্রখর সাজসজ্জায় তাকে দেখাচ্ছে আগুনের মতো ভয়ঙ্কর, তার খোলা চুলে যেন কালো মেঘের একটা ঝড় উঠেছে। দুই চোখ মেলে সোরাংগু আর তাকাতে পারলো না, সম্ব হচ্ছে না তার এতো আলো, এতো আলোকিত নীরবতা। যেন সেই স্তব্ধতার মর্ম্মমূল থেকে ধীরে একটা নিশ্বাস উঠলো, ললিতার করুণ কান্নার মতো। সোরাংগু উঠলো চম্কে, এতোটা সে আশা করে নি। ললিতাকে দেখাচ্ছে যেন এখন জ্যোৎস্নারাতে নির্জ্জন একটা সমাধির মতো, এতো আড়ম্বরের মাঝে এতো রিক্ততা যেন কল্পনা করা যায় না। খানিক আগে তার যে একটা ছাতিমান, হুঃসহ তীক্ষ্ণতা ছিলো, এখন একটি মাত্র আর্দ্র দীর্ঘশ্বাসে যেন তা মুছে গেলো জলের আল্পনার মতো। যেন আঙুরের লতা নিকটতম কোনো সূর্য্যের জন্তে আঙুল বাড়িয়েছিলো, নাগাল না পেয়ে শেষকালে মাটির উপর লুটিয়ে পড়েছে।

সোরাংগু অস্থির হ'য়ে বললে,—কী আশ্চর্য্য, কী দয়কার ছিলো বলুন।

ললিতা অলস, দীর্ঘ একটি দৃষ্টিরেখায় সোরাংগুর মর্ম্মাস্তমূল পর্য্যন্ত স্পর্শ করলো; গাঢ়, শাস্ত গলায় বললে,—আপনার কাছে আমার একটা ভিক্ষা আছে।

সোরাংগু উদাসীনের মতো বললে,—কী ?

## চেউয়ের পর চেউ

ললিতা বললে,—দয়া করে' আমাকে আজ এগান থেকে নিয়ে যাবেন ?

সৌরাংশু স্নান হ'য়ে গেলো : কোথায় ?

—জানি না, জানি না কোথায়। ললিতা হঠাৎ দুই হাতে মুখ ঢাকলো, যেন মুছে দিতে চাইলো এই উদ্ঘাটনের লজ্জা, রুদ্ধ কণ্ঠে বললে,—শুধু জানি আমি যাবো, এখানে আমি আর জায়গা খুঁজে পাচ্ছি না।

সৌরাংশু চেয়ার থেকে লাফিয়ে উঠলো : আপনি এ কী বলছেন পাগলের মতো ? আমি কোথায় নিয়ে যাবো আপনাকে ?

ললিতা মুখ তুললে, শিশিরে প্রস্ফুটিত বিলোল ফুলের মতো : এ ঘরের বাইরে, এ পরিচয়ের বাইরে, আর কোনো নতুন আকাশের নিচে। সৌরাংশুর বিন্মিত, বিমূঢ় মুখের উপর ললিতা যেন আরেক মূর্তি ছাই ছুঁড়ে মারলো : একদিন আমাকে গায়ে পড়ে' নিয়ে যেতে চাইছিলেন না, আজ আমি আপনার কাছ থেকে সেই করুণাটুকুই ফিরে চাইছি, এর বেশি আর কিছু নয়।

সৌরাংশু মৃত দেয়ালের মতো স্তব্ধ হ'য়ে দাঁড়ালো, দেয়ালে লেখা যেন কোনো মৃত কথা সে উচ্চারণ করলে : কিন্তু সেদিন যার কাছে আপনাকে পৌঁছে দিতে চেয়েছিলাম তিনি তো কাল সশরীরেই ফিরে আসছেন।

—আমুন, ললিতা হঠাৎ কান্নার একটা ঠাণ্ডা ঝাপটা হানলো : ততোক্ষণ, তার আগে আমি মরে' যেতে চাই, আমার এই অতীতের অত্যাচার থেকে। দেখছেন না আমি কেমন সেজেছি। ললিতা আবার কুটিল ঠোটে হেসে উঠলো : কেউ আসবে বলে' নয়, আমিই যাবো বলে'।

## চেউয়ের পর চেউ

—কিন্তু আপনি কেন যাবেন ? এ তো মহা মুন্সিলের কথা দেখতে পাচ্ছি। সৌরাংগু যেন তখনো পায়ের নিচে মাটি খুঁজে পাচ্ছে না : কাল সকালে মহীপতিবাবুই তো আসছেন।

ললিতার মুখ আবার গম্ভীর হ'য়ে গেলো : তার জন্তে আমরা বসে' থাকতে পারি না, সৌরবাবু। ললিতা তার গা থেকে বিশ্রাস্ত ভঙ্গিটা সবলে ঝেড়ে ফেলে উঠে দাঁড়ালো : চলুন, আর দেরি নয়, আমরা বেড়িয়ে পড়ি।

এতো আলোয় সৌরাংগু যেন চারদিকে অন্ধকার দেখলে। সে ঠিক নিশ্বাস নিচ্ছে কিনা সেই মুহূর্তে তা বোঝা গেল না। খানিকক্ষণ পাথরের মতো সে শুপূভূত হ'য়ে রইলো, অস্পষ্ট, অন্ধচেতন গলায় বললে,—কিন্তু আমি, আমি যাবো কেন ?

—হ্যাঁ, আপনিও যাবেন বৈ কি। আপনার এখানে আর কী কাজ ! ললিতার স্বর জমানো বরফের মতো কঠিন : আপনি তো একদিন যাবার জন্তেই চৌকাঠের বাইরে পা বাড়িয়েছিলেন, আমিই তো আপনাকে সেদিন ধরে' রেখেছিলাম। ধরে' রেখেছিলাম, কখন আমাদের জীবনে এই যাবার লগ্ন এসে পৌঁছুবে। কেনই বা আপনি যাবেন না ? ললিতার কথাগুলি বাণের মতো বিকীর্ণ হ'তে লাগলো : আপনার আর কাজ কী এখানে ? নটুর অস্ব্থের জন্তেই তো দয়া করে' আর ক'টা দিন আপনি ছিলেন, সেই নটু তো ভালো হয়ে' উঠলো। আর আপনি তবে বসে' থাকবেন কেন ? বাকি এই রাতটুকুও এই বাড়ির ছাদের নিচে কাটাবার আপনার কথা নয়।

—তা হয়তো আমি যাবো, প্রতি শব্দে সৌরাংগু হোঁচট খেতে

## চেউয়ের পর চেউ

লাগলো : কিন্তু, অসম্ভব, আপনি কী বলছেন আপনি বুঝতে পাচ্ছেন না, আপনাকে নিয়ে আমি যাবো কোথায় ?

—না-হয় আমিই আপনাকে নিয়ে যাবো, ললিতা কান্নার চেয়েও কৰুণ করে' হেসে উঠলো : কোথায় যাবেন সে-কথা বাইরে গিয়ে বিচার করা যাবে। কিছুই আপনার ভয় নেই, আমার কাছ থেকে কিছুই আপনার ভয় নেই, সৌরবাবু, পুরুষের আবার কী ভয় !

মুহূর্তে সৌরাংশুর মেরুদণ্ড উদ্ধত হ'য়ে দাঁড়ালো ; সবল, দৃঢ় কণ্ঠে সে বললে,—আপনি লোক ভুল চিনেছেন, ললিতা দেবী।

—মোটাই ভুল চিনি নি। আমি দেখেছি, দেখেছি আপনার অস্তরের নিৰ্ম্মলতা, ললিতার অনিমেঘ হৃই চোখ বেয়ে জলের দীর্ঘ, বিচ্ছিন্ন ছ'টি ধারা নেমে এলো গালের উপর : আপনার নিষ্ঠুর মহত্ব। কিন্তু আপনার কাছে সামান্য এইটুকু বহুতার অতিরিক্ত আর কিছু আমি চাই তা মনে করবেন না, আপনার মাঝে চাই শুধু একজন পুরুষের সবল সাহচর্য্য। এর বেশি কোনো অশোভন দাবি আমার নেই। আপনাকে চিনি না ? ললিতার চোখে বুঝি জল দাঁড়িয়ে গেলো : আপনার পাবাগকায় পবিত্রতাই তো আমার একমাত্র নির্ভর। আপনি নিৰ্ম্মলতায় এতো নিষ্ঠুর বলে'ই তো আমি আপনাকে অমুরোধ করতে সাহস পাচ্ছি। চলুন, আমি পারছি' না আর থেমে থাকতে। ললিতা যেন মেঝের -উপর এখুনি ভেঙে পড়বে।

তবুও সৌরাংশুর মুখে কোনো কথা নেই। সে যেন কোন স্বপ্নে-দেখা অস্পষ্ট মানুষ, মেঘলোকের। সমস্ত শরীরে সে ঘুমন্ত, তার ইচ্ছাশক্তিতে, তার বলীয়ান পৌরুষে। সে নয়, যেন তার একটা কঠিন

## চেউয়ের পর চেউ

ককাল আছে দাঁড়িয়ে, নীরক্ত, নিশ্চল কতোগুলি হাড়, হাড়ের মত সাদা, হাড়ের মতো শুকনো।

ললিতা হঠাৎ অনুনয়ে ভেঙে গিয়ে ফের চেয়ারের উপর বসে পড়লো; বললে,—ঈশ্বর দেখতে পাচ্ছেন এ কতোখানি লজ্জা এমনি করে' অবাচিত, অসহায় এসে ভিক্ষা চাওয়া, প্রায় একটা প্রাকৃতিক বিপর্যয়ের মতো। আপনার ভয় নেই, আপনার কাছে আমি প্রেম বলে' কিছু চাই না, ললিতা বিলীর্ণ একটু হাসলো : বা সেই নামের কোনো মহিমা, চাই শুধু উজ্জল একটা ছর্নাম, আশ্রয় চাই না, চাই শুধু বিস্তীর্ণ একটা মুক্তি। এর বেশি আর কিছু নয়, নয় কোনো অন্তায় বা উদ্ধত অভিলাষ। শুধু এইটুকু করুণা, এইটুকু বন্ধুতা। আমাকে নিয়ে চলুন, সৌরবাবু। শুধু দরজার বাইরে, বাইরে শুধু আমাকে একবার পৌঁছে দিয়ে আসুন। আমাকে বাঁচতে দিন, বাঁচতে দিন আমাকে আমার নিজের পরিচয়ে।

সৌরাংশু দূরে সরে' গিয়ে উদাসীন, নিস্ত্রাণ গলায় বললে,—তবে আপনি একলাই চলে' যান, আপনি তো একলাই চলে' যেতে পারেন, আমাকে কেন ডাকছেন মিছিমিছি? আপনার সেই একলা বাঁচার মধ্যে আমার জায়গা কোথায়?

বিলীর্ণ ভঙ্গুর ক'টি রেখায় ললিতা উঠে দাঁড়ালো। বিষাদে সিক্ত, নীতল সেই মুক্তি এখন যেন পূজার প্রতিমার মতো দেখাচ্ছে। মিনতিতে স্নান মুখে সে বললে,—সে আমার শুধু একটা পলায়নই হয়, সৌরবাবু, মুক্তি নয়। আমি পালাতে চাই না, আমি চাই বাঁচতে। আপনার কিসের ভয়, আমার কোনো ভার আপনাকে নিতে হ'বে না, এই রাত্রির বাইরে আমাকে না হয় আপনি ফেলে দেবেন, তবু পৃথিবীকে আমি

## চেউয়ের পর চেউ

একবার জানাবো, কারা লুকেতে ললিতা ছই হাতে আবার মুখ ঢাকলো : জানাবো যে আমরা কাউকে ভালোবাসার অধিকার ছিলো, ইচ্ছা করলে আমিও তার সঙ্গে অনায়াসে বৃহত্তরো জীবনের সন্ধানে বেরিয়ে যেতে পারতাম।

কী বলবে সৌরাংশু কিছু ভেবে পেলো না।

ললিতা আবার বললে,—পৃথিবীকে আমি সে-কথা জানাতে চাই, যে আমিও এসেছিলাম বাঁচতে, আমরা ছিলাম সম্পূর্ণ হ’য়ে ওঠবার দায়িত্ব। আমি এমনি কার পায়ে তলায় পথের খানিকটা ধুলো হ’তে আসি নি। চলুন আমাকে দিন একবার সেই বাঁচবার সুযোগ—আর আমার কিছু দাবি নেই, প্রার্থনা নেই। আমরা জন্তে পৃথিবীতে আছে এখনো অনেক জায়গা, হয়তো এখনো অনেক সহানুভূতি।

—সুযোগ কেউ কোনোদিন জোর করে’ তৈরি করতে পারে না, ললিতা দেবী, এলে তা আপনা থেকেই আসে। সৌরাংশু ব্যক্তিত্বে স্বতন্ত্র, প্রখর হয়ে দাঁড়ালো : জায়গা যদি থাকে তো আপনার এই ঘবের মধ্যেই আছে। জায়গা যদি খুঁজতে হয় তো তা একদিন আপনার নিজের মধ্যেই খুঁজে পাবেন। তার জন্তে পরের কাছে এসে কৃত্রিম ভিক্ষা চাইতে হ’বে না। যা সত্য তা দাঁড়াতে নিজের পায়ে ভর করে’, যা সত্য নয়, শত ছলনা দিয়েও তাকে আপনি সত্য করে’ তুলতে পারবেন না, আপনার হার হ’বে।

ললিতা যেন তার সমস্ত শরীর থেকে মুছে গেলো।

মাড়িতে-গয়নায় তাকে তখন দেখাচ্ছে যেন শুভ্রায়িত একটা কবর। সমস্ত সজ্জা যেন শূন্যের মতো ভার হ’য়ে উঠেছে। ললিতার মনে

## চেউয়ের পর চেউ

হ'লো, এতো ব্যর্থ, এতো কুংসিত, এতো মূর্থ, কোনো মেয়েকে বেন কোনোদিন দেখায় নি।

সৌরাংশু তাকে নির্জলা তিরস্কার করে' উঠলো : এখানে আর বসে' আছেন কী করতে ? ঘরে যান, আমার ঘুম পাচ্ছে, আমি এবার দরজা বন্ধ করবো।

ললিতা ভবু এক পা নড়লো না।

সৌরাংশু দৃঢ়তায় ফের উদ্দীপ্ত হ'য়ে উঠলো : যান, আমাকে একলা থাকতে দিন। এখানে কেউ আপনাকে দেখে ফেললে—

—তাই হয়তো আমি চেয়েছিলাম আপনার কাছে সৌরাংশুবাবু, তার বেশি কিছু নয়, ললিতা মৃতের মুখের অন্তিম আভার মতো বিবর্ণ হেসে উঠলো : যাতে সংসারে একটা কীষ্টি অর্জন করে' যেতে পারি— আমার এই কলঙ্ক, আমার এই কাব্যস্থিটি দিয়ে। যাতে সমস্ত সংসারে আমি অস্পৃশ্য হ'য়ে যেতে পারি, একেবারে একলা, একেবারে আলাদা। সে-সুযোগ সত্যি আর আমার এলো না, স্বয়ং জীবন পর্যন্ত রইলেন চোখ বুজে। ললিতার চোখ আবার অশ্রুতে আকুল হ'য়ে উঠলো : আমি তবে মরতেই চলেলাম,—কিন্তু আপনি, আপনি কেন আর তবে এখানে বসে' আছেন, কিসের প্রত্যাশায় ? ললিতা আলোর থেকে ধীরে-ধীরে চলে' গেলো অন্ধকারে, তার আত্মার বিলুপ্তিতে।

আর ঈকুনি, ললিতা অন্তর্হিত হ'য়ে যেতেই, সৌরাংশু ক্ষিপ্ত হাতে ঘরের দরজা বন্ধ করে' দিলো।

ঘরের শুষ্কতায় বাইরের অন্ধকার উঠলো হাহাকার করে'।

তবু, ললিতার এখনকার বেদনাবিদ্ধ, ধূসর মুখচ্ছায়ার কথা ভেবে

## ঢেউয়ের পর ঢেউ

সৌরাংশু গভীর সাঙ্ঘনা পেলো। সে সুখী না হোক, সে আবার সুন্দর হ'য়ে উঠবে। দুঃখে পাবে সে আবার পরম সম্পূর্ণতা।

সৌরাংশু জানলার বাইরে রাত্রির দিকে একবার চেয়ে দেখলো। ইঁদা, সত্যি, সে-ও তবে এখানে আর কেন বসে' আছে? এই শূন্যতায়, এই অন্ধকারে!



## আঠারো

ভালো করে' ভোর না-হ'তেই, চাপা, অনড় একটা হৃৎস্পন্দনের মধ্যে থেকে, সৌরাংশু রাস্তায় বেরিয়ে পড়লো। চারপাশে সে যেন এখন অনেক জায়গা খুঁজে পেয়েছে, অনেক নিশ্চিন্ততা। তার চোখের আলোয় আকাশকে এখন অনেক বড়ো মনে হচ্ছে। ভোরবেলাটিকে অনেক পরিচ্ছন্ন।

কোথায় সে যাচ্ছে তা আর তাকে মনে করিয়ে দিতে হ'বে না। কিন্তু যতোই সে যাচ্ছে, ললিতার দৃষ্টির সেই দীর্ঘ কাকুতি শীর্ণ ও শাপিত একটা সাপের মতো তাকে অনুসরণ করতে লাগলো। তাকে সে সেই আকাশহীন দেয়ালের দেশে নির্বাসন দিয়ে এসেছে, দেয়ালের সেই শোকাকুল স্তব্ধতা বারে-বারে বেজে উঠছে তার হৃৎপিণ্ডে।

কিন্তু সেই জন্তু পথ ছোট করে' আনলে চলবে না। সৌরাংশু বাস্ নিলে, আগে তাকে বাঁচতে হ'বে, পরের মুখের দিকে তাকিয়ে নয়; বাঁচলর এই প্রবন্ধ, নির্ভুর স্বার্থপরতাতেই মানুষের মহত্ব। তাকে বাঁচতে হ'বে, তার নিজের অনুপাতে, নিজের পরিমাপে : কোনো কিছু করার চেয়ে নিজের এই হ'য়ে-ওঠার দাবিই প্রচণ্ডতরো। জোর করে' কিছু করা যায় না, নিজের উপলব্ধিতে সহজেই নিজের হ'য়ে ওঠা চাই।

## চেউয়ের পর চেউ

বা সহজ তা-ই সভ্য, সেই সহজ পথই বা সৌরাংশ ছাড়বে কেন ?  
দেয়ালে ললিতা দাঁত মাথা কুটলেও সৌরাংশের আকাশ আর ভেঙে  
পড়বে না।

তবু ললিতার সেই দীর্ঘ দৃষ্টির শিথিল, শ্রান্ত রেখাটি বহুলীকৃত  
জনতার মধ্যে থেকে সৌরাংশকে খুঁজে বেড়াতে লাগলো। ভুল,  
ভুল—সৌরাংশের মেরুদণ্ডটা তার প্রেতায়িত দৃষ্টির ছোয়া লেগে  
সিরসিরিয়ে উঠলো, ললিতা ভুল লোক বেছেছে। ললিতার আর  
সমস্ত মনোভাবকে সে প্রহ্লাদ করতে পারে, কিন্তু এই নির্বাচনকে  
নয়। ললিতার চোখের দৃষ্টি যেন ব্যথায় ঘনিয়ে উঠলো : জলে যে  
ডুবেছে, সামান্য কুটোটা কেও সে ছাড়ে না। সৌরাংশ হাসলো, সামান্য  
কুটোটা কেও স্রোতের নিয়ম মেনে চলতে হয়, এবং সেইধেনে তারো  
আছে চলবার অধিকার। সেই বিবল দৃষ্টি হঠাৎ যেন থিকারে উঠলো  
ধারালো হ'য়ে : কাপুরুষ কোথাকার ! তবে তুমি তোমার চরিত্রের  
এই বলিষ্ঠ নির্লিপ্ততা দিয়ে আমাকে মুগ্ধ করেছিলে কেন ? কেন,  
তবে সেই বিশাল অন্ধকারে নটুর রোগশয্যার প্রান্তে বসে' তোমার  
উপস্থিতির উত্তাল স্তব্ধতায় আমাকে চুপিচুপি ডাক দিয়েছিলে ? কেন  
তোমার সঙ্গে আমার সেই পরিচয় আবর্তমান প্রাত্যহিকতার তরলতায়  
সাবলীল, সহজ করে' তোলা নি ? কেন তার মাঝে রেখেছিলে  
ব্যবধানের অলৌকিকতা ? সৌরাংশ জানলা দিয়ে মুখ বাড়িয়ে  
সন্ধ্যা-মুখ-থেকে-ওঠা কল্কাতার শোভা দেখছে : তুমি আমার জীবনে  
সেই নারী যে মনে মোহ না এনে আনে বিশ্বাস, পুরুষের কামনার  
সেই ধ্যানমুগ্ধ। তোমাকে তাই আমি প্রতিদিনের নিরন্তরাল প্রবাহে  
এনে আঁবিল করে' তুলি নি, তোমাকে রেখে দিলাম সেই চিরকালের

## ঢেউয়ের পর ঢেউ

মৌনতায়। কথা, আর কথা, ললিতার সেই ক্ষুধার্ত দৃষ্টি সৌরাংগকে বেন লেহন করতে লাগলো, সেই নির্ঝাঁক দৃষ্টির কাছে কোনো কথাই পেলো না উচ্চারণ, দৃষ্টির সেই মরুভূমিতে কোনো কথাই পারলো না সাঙ্ঘনার ছায়া সঞ্চার করতে।

কোথায় তাকে বাস থেকে নামতে হ'বে তা-ও সৌরাংগের মুখস্ত। তার পৌরুষ নিয়ে সে গর্ভ করতে না পারুক, তার প্রেম আছে অবিচল। ঐ তো স্তম্ভনাদের মেয়ে-মেস্টার দরজা দেখা যাচ্ছে। ঠিক এখন হয়তো দেখা করবার সময় নয়, তবু সেই রাত্রির পরে, এই নতুন ভোরবেলায়, আর কা'র কথা তার সবাইর আগে মনে পড়তে পারে? এই নতুন নির্মলতার সঙ্গে আর কা'র আছে এত মিল?

সৌরাংগ গলির মধ্যে ঢুকে পড়লো। ললিতার সেই লেলিহান, দীর্ঘ দৃষ্টি এখনো তার পিছু ছাড়ছে না।

দরোয়ানের হাতে প্লেটে নাম লিখে পাঠিয়ে সৌরাংগ বাইরের ঘরে এসে বসলো। জানতো, এ সময়টায় স্তম্ভনা মাষ্টারি করতে বেরোয়; ভেবেছিলো, বাইরে খানিকক্ষণ অপেক্ষা করলেই তার সঙ্গে দেখা হ'য়ে যাবে। কিন্তু দরোয়ানের কাছ থেকে জানা গেলো, সকালবেলার মাষ্টারিটা তার আর নেই, অতএব প্লেট পাঠাতে হ'বে।

অস্তরালে সিঁড়িতে চটি-জুতোর শব্দ শোনা গেলো, সৌরাংগের বুকের ~~ফ~~ 'ছলে' উঠলো সেই শব্দে। ভিতরে যাবার দরজার পর্দা ঠেলে স্তম্ভনা বেরিয়ে এলো—হাসিমুখে, ঝড়ে-ওড়ানো লঘু এক-টুকরো মেঘের মতো। বললে,—কী আশ্চর্য্য, আমিই যে তোমার কাছে যাবো ভাবছিলাম।

সৌরাংগ রুদ্ধ নিশ্বাসে এক মুহূর্ত স্তম্ভনার দিকে তাকিয়ে রইলো।

## ঢেউয়ের পর ঢেউ

সত্যিই এ স্নমনা কিনা চিনতে যেন তার দেরি হচ্ছে। স্নমনার এমন বেশবাস, বেশবাসে এমন প্রজাপতির চপলতা সে কোনোদিন লক্ষ্য করে নি। পরনে ফিন্ফিনে পাংলা একটা সাড়ি তার সারা গায়ে যেন ক্ষুর্তির ঢেউ এনেছে, কাঁধের উপর দিয়ে আঁচলটা লতিয়ে নেবার অলস ভঙ্গিতে সে যেন আজ অনেকটা প্রগল্ভ, কানে রূপোর ছুঁটো ঝুম্কা, পায়ে জরির ঝুঁপা-দেয়া পাংলা স্কাণ্ডেল, ঘাড়ের উপর খোঁপাটা তার ভাঙবে বলে'ও ভাঙছে না—স্নমনা যেন উড়ছে। তার সমস্ত দাঁড়িয়ে-থাকাটি যেন আনন্দের একটা শিখা, সমস্ত মুখ বিশাল ফুলের মতো কাঁপছে যেন তার উন্মোচনের ঔজ্জল্যে। স্নমনাকে কোনোদিন এমন স্পষ্ট দেখায় নি—এতো উচ্চারিত, এতো উদ্দাম : বেশবাসে, তার সজ্জাপ্ত, সম্বৃত বেশবাসে তাকে চিরকাল কেমন উদাস দেখাতো, কেমন অল্পপস্থিত। সে যে সুন্দর তার শক্তিমত্তায়, সে-কথা সে ভুলেই ছিলো এতোদিন। আজ যেন সারা শরীরে হঠাৎ তার ছুটি মিলেছে !

তার দিকে একটা চেয়ার এগিয়ে দিয়ে স্নমনা বললে,—সকালে তুমি কি মনে করে' ? বোসো।

সোরাংগু চেয়ারে বসে' বললে,—তোমার কাছে আসতে হ'লে কিছু মনে করে' আসত্বে হয় নাকি ?

স্নমনা হাসলো, বললে,—ভাগ্যিস তবু এসেছিলে। আমার উইল-ফোর্স আছে বলতে হ'বে। সারা রাত কেবল তোমার কথাই ভাবছিলাম।

সোরাংগুও হাসলো : তারপর সেই আনন্দে বুঝি খানিকটা সাহাগোজ করলে ?

## চেউয়ের পর চেউ

—বা, আমি যে এখন বেরবো।

—বেরবে মানে? সকালবেলা মাষ্টারি তো আর করো না শুনলাম।

—তাই তো এতো সাজ, মুক্তির নীলিমা। সূমনার চোখ আবেশে পিছল হ'য়ে উঠলো: সবাইর আগে তোমার কাছেই তো এখন যাচ্ছিলাম, সবাইর আগে তোমাকে খবর দিতে।

সৌরাংশু কী বুঝলো তা সে নিজেই জানে, আনন্দের আকস্মিক অঙ্কতায় সূমনার সে হাত চেপে ধরলো। তাকে অনুভব করলো যেন তার আত্মার তাপমণ্ডলে। যতো কথা ছিলো, হারিয়ে গেলো সব তার শরীরের স্তব্ধতায়।

খলিত একটি মুহূর্ত। সূমনা আন্তে-আন্তে ফের সরে' আসতে-আসতে বললে,—হ্যাঁ, তোমাকে খবর দিতে, এই আসচে পনেরোই মার্চ আমি বিলেত যাচ্ছি।

—বিলেত যাচ্ছ? সে কী! সৌরাংশু যেন এক নিশ্বাসে শুকিয়ে গেলো।

—হ্যাঁ, লণ্ডন। প্যাসেজ বুক করা হ'য়ে গেছে পর্য্যন্ত। মাঝে ক'টা দিন আর আছে বলা? সূমনা ম্লান একটু হাসলো: এখনো কতো কাজ।

—কই, আমি তো কিছু জানতে পাইনি।

—সব একেবারে ঠিকঠাক করে'ই জানাবো ভেবেছিলাম। কিছুই তৈরি ছিলো না, আমিও জানতাম না কিছু ঘৃণাকরে, সূমনার গলা উৎসর্গে ধরাধরা হ'য়ে উঠলো: হঠাৎ ঠিক হ'য়ে গেলো; সমুদ্র আমাকে ডাক দিলে।

—কিন্তু এমন তো কোনো কথা ছিলো না, সৌরাংশু শুকনো মুখে বললে,—ওখানে, বিলেতে তোমার কী?

## চেউয়ের পর চেউ

—আমার ভবিষ্যৎ। বিস্তারিত আঁচলে সূমনা সহসা চঞ্চল হ'য়ে উঠলো: আমি আরো কিছু হ'বো, আরো কিছু করবো—এমনি একটা স্বপ্নের মহাদেশ। তুমি জানো, আমি ক'দিন থেকে স্বপ্নে কেবল সমুদ্রের চেউ দেখছি। উঃ, আমি যাবো, সে কী রোমাঞ্চ, মাঝের এই দিনগুলোই শুধু যাচ্ছে না।

—সেখানে গিয়ে তুমি কী করবে?

—কিছু একটা করবো নিশ্চয়ই, মেয়েদের পক্ষে যা সাধ্যতমো। সূমনা হাসলো: কিছু নেহাৎ করতে না পারি, বেড়াবো, লোক দেখে, দেশ দেখে, আকাশ দেখে,—বিস্তারিত করে' দেবো আমার অস্তিত্ব, আমার সময়ের পরিধি।

সৌরাংশু সন্দিগ্ধ চোখে তাকালো তার মুখের দিকে। বললে,—এতো তোমার পয়সা হ'লো কবে?

—পয়সা, পয়সার জন্তে আর ভাবি না। পয়সা শেষ পর্যন্ত ঠিক হ'য়ে যায়।

—বাড়ির মত পেয়েছ?

সূমনার হাসিতে এলো এবার লজ্জার কুহেলিকা। কানের বুম্‌কোটা আঙুল দিয়ে অনুভব করতে-করতে ঈষৎ অশ্রুমনস্কের মতো বললে,—স্বচ্ছন্দে। বাড়ির মত না পেলে চোকাঠ ডিঙিয়ে এক পা আমি বাইরে যেতে পাবি কখনো? বাড়ির মত পেয়েছি বলে'ই তো—

—বলো কী? অথচ তোমার ওপরেই তোমার সমস্ত পরিবর্তন নির্ভর করে' আছে। তুমি চলে' গেলে তাদের চলবে কী করে'? সেটুকু কিছু ভেবে দেখেছ?

—তারো একটা ব্যবস্থা হয়েছে বৈ কি। চলো, সূমনা নিভুল এক

## চেউয়ের পর চেউ

পা এগিয়ে এলো : একটা ট্যান্সি নি। খানিকক্ষণ খুব বেড়ানো যাক। অনেক কথা আছে।

—না, তুমি বলো কী কথা। সৌরাংশু অন্ধকারে বেন ভূত দেখছে এমনি পাখুরে গলায় অশ্রুট একটা আর্তনাদ করে' উঠলো।

স্বমনার চোখের পাতার মূহুতম পালকটিও একটু কাপলো না।  
ঠোঁটের কিনারে হাসিটি তেমনি জ্বলিয়ে রেখে নির্জল গলায় বললে,—  
তোমায় বলছি, তোমায় না বললে কা'কে আর বলতাম—এই আসচে  
রবিবারে আমার বিয়ে হচ্ছে।

—বিয়ে হচ্ছে ? সৌরাংশুর জ্বংপিণ্ডটা যেন বুকের থেকে মাটির  
উপর খসে' পড়লো।

—হ্যাঁ।

—কা'র সঙ্গে ?

—আছে সে একজন। ব্যক্তি হিসেবে না হ'লেও বিত্তহিসেবে  
নামজাদা। তার সঙ্গেই আমি বিলেত যাচ্ছি।

—তার সঙ্গেই তুমি বিলেত যাচ্ছ ?

কথার স্রব শুনে স্বমনা চমকে উঠলো। ব্যস্ত হ'য়ে বললে,—না,  
তুমি চুলো বাইরে। সব কথা তোমাকে খুলে বলতে হ'বে। নইলে তুমি  
কিছু বুঝতে পারবে না।

—সরকার নেই, সজ্জেকে বললেই আমি বুঝতে পারবো সমস্ত।  
সৌরাংশু চেয়ারের উপর সোজা হ'য়ে বসলো : কোনো মাড়োয়ারি নাকি,  
না কোনো শিখ মোটর-ড্রাইভার ?

স্বমনা গম্ভীর হ'য়ে বললে,—না, অতোদূর যেতে হয় নি।  
কাহাকাছিই—পূর্ববঙ্গের এক জমিদার, আমার সঙ্গে সবে মাস তিনেক

## চেউয়ের পর চেউ

আগে আলাপ হয়েছে—তাদের বরানগরের বাড়িতে আমি সকাল বেলা পড়াতে যেতাম। সেই আলাপ—

বিদ্রূপে বিধিয়ে উঠে সৌরাংগু বললে,—সেই আলাপ ফেঁপে উঠলো এই ভালোবাসায় ?

—না, ততো সময় ছিলো না, তুমি কিছু মনে কোরো না, সুমনা মুখভাব তরল করে' আনবার চেষ্টা করলো : সেই আলাপে আমরা পর্তুকুড়া থেকে একেবারে সমতল মাটিতে নেমে এলাম। আমাদের বিয়ে করা যায় কি না জানবার জন্তে ভদ্রলোক মা-কে সটান চিঠি লিখলেন। মা তো চেয়ে আছেন আমারই মুখের দিকে, আমি এবার আর মুখ ফেরালাম না। কারণ—

—কারণ, সৌরাংগু ডুবতে-ডুবতে বললে,—কারণ ভদ্রলোকের টাকা আছে।

—যদি তা বলো, আমি আপত্তি করবো না। সুমনার গলায় সামান্য একটা পরদা পর্য্যন্ত নেই ; নিশ্চিন্ত, নিস্পৃহ গলায় বলতে লাগলো : সে যে কতো টাকা আমি কল্পনায় ঠিক কুলিয়ে উঠতে পারছি না। আমার সংসারের সমস্ত সমস্তা এক নিমেষে শেষ হ'য়ে গেলো। বিয়ের কথায় রাজি হওয়া মাত্রই ভদ্রলোক মা-কে হাজার পঁচিশ টাকা পাঠিয়ে দিয়েছেন, যাত্রা, তাঁর নামে খুলে দিয়েছেন একটা ব্যাঙ্ক-ম্যাকাউন্ট। তারপর আমাদের সঙ্গে করে' যাচ্ছেন ইউরোপ—আপাততো লণ্ডন, যতোদিনে হোক যদি কিছু একটা পড়ে'-টড়ে' পাশ করতে পারি ইচ্ছে মতো—তোতদিন মা আর ছোট ভাইদের জন্তে আমাদের আর ভাবতে হ'বে না। এতোদিনে, এতোদিনে আমার ছুটি মিলেছে।

—এতোদূর ? সৌরাংগু পীড়িত, নীরস্ত মুখে বললে,—এই কথা



## চেউয়ের পর চেউ

শুনে আমি কিছু মনে করবো না বলে' খানিক আগে তুমি আমাকে  
অনুরোধ করেছিলে ?

—মনে করা তো অস্তুত উচিত নয়, যদি তুমি বুদ্ধিমান হও ।

—যদি আমি বুদ্ধিমান হই ?

—হ্যাঁ । কেননা, শুধু বুদ্ধিমানই এ স্বেচ্ছায়ের সুবিধে নিতে পারে ।  
সুমনা আরেকটা চেয়ার টেনে বসলো, অনেকগুলি কথা বলতে পেরে  
সে-ও বেন কতকটা হাল্কা হ'তে পেরেছে : বুদ্ধিমান হ'লেই ভাবের  
চেয়ে যুক্তিকে বেশি প্রাধান্য দিতে পারবে ।

চেয়ারের মধ্যে সোরাংস্ত ছট্‌ফট্ করে' উঠলো : এরি জন্তে তুমি  
আমাকে এতোদিন প্রতীক্ষা করতে বলেছিলে ?

—কী করবো বলো, সুমনার গলা বেদনায় আবার কখন আর্দ্র  
হ'য়ে এলো : মানুষের জীবনে স্বেচ্ছায় কখনো দুঃখের মতো ঝাঁক  
বঁধে আসে না । তা তো তুমি জানো । নিজের অর্থে, নিজের  
অনুপাতে, বাঁচতেই যদি এসেছি, যদি বা বলো, নিজের প্রয়োজনে,  
তবে শুধু খেলার ছলে স্বেচ্ছায় আমরা হারাতে পারি কী বলে' ?  
জীবনের সবটাই যদি স্বপ্ন হ'তো তো তাতে সুখ থাকতো বটে, কিন্তু  
স্বাদ থাকতো না ।

সোরাংস্ত চেয়ার থেকে এক ঝটকায় লাফিয়ে উঠলো : এই—এই  
তোমার ভান্সাবাসা ?

সুমনা প্রশান্ত, স্নিগ্ধ দৃষ্টিতে তাকে আগ্রহ করে' বললে,—জানি না ।  
কিন্তু এটা বা-ই হোক, আমার ভালোবাসার চেয়ে আমার ভবিষ্যৎ  
অনেক বান্ধা জিনিস ।

—তোমার ভবিষ্যৎ ?

## চেউয়ের পর চেউ

—হ্যাঁ, সুমনা একটুও নড়লো না, নির্বাপ, নিশ্চয় গলায় বললে,—  
আমার এই বৃহত্তরো অস্তিত্বের সাধনা। আমি অনেক কিছু হ'বো,  
অনেক কিছু করবো, অনেক দূর পর্যন্ত ছড়িয়ে পড়বো,—আমার এই  
উজ্জ্বল স্বপ্ন! তুমি বলতে চাও, যদি সত্যিই তুমি আমাকে ভালোবাসো,  
সুমনা এখানেও একবার হাসলো : শুধু সেই একটা রঙিন কুহেলিকার  
মধ্যে থেকে আমার এই সার্থকতার সম্ভাবনাকে আমি সম্মুখে নষ্ট করে  
দেবো? আর সেইখানেই আমার ভালোবাসাটা একেবারে ধ্বংস হ'য়ে  
যাবে মনে করছ?

—দয়া করে' তুমি ভালোবাসার কথা কিছু বোলো না।

—না, আমি চাইও না বলতে। আমি তার জন্তে নই, যেমন সূর্য  
নয় রাত্রির জন্তে। সুমনাও উঠে দাঁড়ালো : আমাকে তুমি যা-কিছু  
ভারতে পারো, সুবিধাবাদী, স্বার্থপর, হীনতর, আর যা-কিছু তোমার মনে  
হয়, কিন্তু তোমাকে একদিন ভালোবেসে ছিলাম বলে'ই বলছি, যাতে  
আমি সম্পূর্ণ না হবো, তাতে আমি বিশ্রাম পাবো না কোনোদিন। আমি  
ভালোবাসার জন্তে নই, আমার নয় সেই মুহূর্তের অমরত্ব। আমার জন্তে,  
সুমনা সৌরাংশুর সঙ্গে-সঙ্গে এগিয়ে এলো দরজার দিকে : আমার জন্তে  
বিরিট স্বার্থপরতা, আমাকে ক্ষমা কোরো, আমি বাঁচবার তীব্রতায় প্রতি  
মুহূর্তে নিঃশেষ করে' মরতে এসেছি।

—কিন্তু, সৌরাংশু অতি কষ্টে বলতে পারলো, পুরুষ মূল'ই বলতে  
পারলো : কিন্তু আমার কথা তুমি একবার ভেবে দেখলে না!

—দেখেছি, ভেবে দেখেছি তোমারো একটা প্রকাণ্ড ভবিষ্যৎ আছে।  
সুমনা সমস্ত শরীরে আবার স্পর্শহীন, উদাস হ'য়ে গেলো : সেই  
ভবিষ্যতের তুলনায় আমার এই বর্তমানটা তোমার কিছু নয়। শুধু

## ঢেউয়ের পর ঢেউ

কতোগুলো কথার বাঁধন দিয়ে তোমার সেই ভবিষ্যৎকে আমি সঙ্গীর্ণ করতে চাই না, তোমাকেও আমি ছুটি দিয়ে গেলাম।

—তোমাকে অজস্র ধন্যবাদ।

—কেননা, আমাকে নিয়ে তুমি সুখী হ'তে পারতে না, মাত্র ভালোবাসায় কেউ সুখী হ'তে পারে না পৃথিবীতে। ভালোবাসাটাও মনের একটা আবহাওয়া, কতোদিন গুমোট করে' থেকে কোনোদিন বা ঝড় উঠে যেতে পারে।

সৌরাংশুকে তবু কথা বলতে হচ্ছে : আর তোমার পূর্ববন্ধের আকাশেই কোনোদিন ঝড় উঠবে না ভেবেছ ?

—উঠুক, কিন্তু সেটা দুঃখেরই হ'বে হয়তো, লজ্জার হ'বে না। তোমার-আমার মৃত্যুর চেয়েও লজ্জাকর হ'বে সেই তোমার-আমার ভালোবাসার মৃত্যু।

—তুনে কৃতার্থ হলাম। সৌরাংশু ঠাট্টায় ঝাঁজিয়ে উঠলো : কিন্তু একমাত্র টাকা দিয়েই পৃথিবীতে সুখ কিনে নিতে পারবে ভেবেছ নাকি, সুমনা ?

—আপাততো ছ'টো জিনিস তো পেলাম। সুমনা শব্দ করে' হেসে ফেললে।

—কি ?

—মা ও ছোট ভাইদের ভরণপোষণের ব্যবস্থা, আর আমার এই বিলেত যাওয়া—সমুদ্রের ওপর দিয়ে। হাসির জলে ধুয়ে সুমনায় গলা ঠাণ্ডা, তবু হ'য়ে এলো : সুখ আমি চাই না, সুখ মানেই তো থেমে যাওয়া—আমি চাই এই যাত্রার রোমাঞ্চ, এই আমার দুঃসাহসিক অভিযানের মত্ততা—এর কাছে আমার বিয়েটাও একটা সাধারণ,

## চেউয়ের পর চেউ

নৈমিত্তিক ঘটনা মাত্র। যেমন আমাদের পার্শ্বব এই জন্ম মা'র জঠর থেকে। এই যে আমি চলতে পারছি এইখানেই পাচ্ছি আমার জীবনের স্পন্দন, আমি পৃষ্ঠা উল্টে যাচ্ছি বারে-বারে। দয়া করো, আমার ওপর না করো, অন্তত নিজের ওপর দয়া করো, আমাকে তুমি ভুল বুঝো না, আমার সকল দুঃখের চাইতে সেই দুঃখই তা হ'লে বেশি হ'বে।

সৌরাষ্ট্র নিঃশব্দে রাস্তায় নেমে এলো।

—যেয়ো না, দাঁড়াও। আমিও যে বেরুবো একুনি, তোমার সঙ্গে আরো যে আমার অনেক কথা আছে। ভালো করে' কিছুই তার এখনো বলা হ'লো না। শোনো, আমি আসছি।

স্বমনা তার পিছু নিলে। কিন্তু সে তখন গলির বাঁক প্রায় ছাড়িয়ে গেছে।

## উনিশ

ধরণীবাবু ধম্কে উঠলেন : কিন্তু তবু সে একজন মানুষ, রুগ্ন, অসহায়, তোর কাছে আজ অতিথি, এসেছে তোরই আশ্রয়ের আশায়, আর কোনো বোধ না থাক, মানুষের প্রতি সামান্য একটা করুণাবোধও তোর নেই ? তুই এতোদূর নেমে গেছিস ?

ললিতা নিস্তেজ, বিশীর্ণ গলায় বললে,—কই আর নামতে পারলাম, বাবা ? নামতে পারলে তো বেঁচেই যেতাম কবে !

—এর চেয়ে নারীর আর কী অধোগতি কর্তব্য করা যায় ? ধরণীবাবু রুদ্ধ মুখে বললেন,—তো'ব স্বামী রুগ্ন, অক্ষম হ'য়ে তোর কাছে ফিরে এসেছে, আর তুই তার মুখের ওপর তোর ঘরের দরজা বন্ধ করে দিলি ? তোর এতোটুকু কোথাও বাধলো না ?

—কেউ তাকে ফিরে আসতে বলে নি, বাবা । তাকে 'লে'ও যেতে বলেনি কেউ ঘৃণা করে' । তার খেয়াল হয়েছিলো, চলে গিয়েছিলো একদিন ; সেয়াল হয়েছে, ফিরে এসেছে আবাব । এর মধ্যে আমি কোথায় ? ।

—কিন্তু তোর জন্তেই সে ফিরে এসেছে জানিস ?

—আমার জন্তে ? ললিতার দুই চোখ ভুরুতে কুটিল হ'য়ে উঠলো :

## চেউয়ের পর চেউ

এতোদিন পরে বৃষ্টি আমাকে তার মনে পড়লো—ধনুবাদ তার অরণ-শক্তিকে। এতোদিন পরে আমার জীব বৃষ্টি তাঁর কাছে মূল্যবান হ'য়ে উঠেছে, কিন্তু সামান্য একটা জীরো আত্মসম্মান বলে' কিছু একটা থাকতে পারে, বাবা।

রাগে ধরণীবাবু অবশ্য, অসহায় বোধ করতে লাগলেন : স্বামীর কাছে নারীর আবার কিসের কী সম্মান ?

—সে-কথা তো তোমরা বলবেই। ললিতা বিবর্ণ একটু হাসলো : সে আমার স্বামী, শুধু এই একটা তথ্যের কাছে চিরকাল আমি বাঁধা পড়ে' থাকবো, সেখানেই আমার সংজ্ঞা, সেখানেই আমার অস্তিত্ব ! কিন্তু কেন, কেন আমাকে এই অত্যাচার সহিতে হ'বে বলে—শুধু এই একটা নামের অত্যাচার ! ললিতার গলা শুকনো একটা কান্নার মতো শোনালো : আমার চেয়ে আমার একটা নাম, আমার একটা পরিচয়, এতো প্রধান হ'য়ে উঠবে ?

ধরণীবাবু গলা নামালেন ; বললেন,—কিন্তু তার এই শারীরিক অবস্থার কাছে তোর কোনো অভিমানই টিকতে পারে না, ললিতা। একবার চোখ মেলে দেখেছিস তাকে ? তাকে স্নেহ করতে না পারিস, সেবা করতে দোষ কী ? সাধারণ মানুষ হিসেবে সে তোর কাছ থেকে এইটুকুও দাবি করতে পারে না ?

—এখানেও শুধু স্বামী বলে'ই পারছে, বাবা, সাধারণ মানুষ হিসেবে নয়। ললিতা এক পরদাও নেমে এলো না : সাধারণ মানুষ হ'লে কখনো সে তোমার মেয়ের সেবা পাবার জন্তে সরাসরি এ-বাড়িতে ঢুকে পড়তো না, তুমিও উদারতায় এমন উৎসাহে উঠতে না 'তার জন্তে। সাধারণ মানুষ হ'লে সে সোজা হাসপাতালেই চলে' যেতো। আর

## ঢেউয়ের পর ঢেউ

তুমি ভাল করে'ই জানো তোমার মেয়ে এমন কিছু নার্সিং-এর ট্রেনিং পায় নি।

ধরনীবাবু আবার তেতে উঠলেন : মহীপতিও যেতো, কিন্তু মরবার আগে তোকে একবার দেখতে চায় বলে'ই সে এখানে ছুটে এসেছে। তারো কিছু আয়োজন-সমারোহের ক্রটি হ'তো না, কিন্তু তোরই জন্তে, আজ শুধু তোরই জন্তে, সে সব-কিছু ফেলে দিয়ে এসেছে। মনে রাখিস, সে জগদীশবাবুর ছেলে, টাকা-পয়সা, সেবা-চিকিৎসা, কোনো কিছুই তার অভাব হ'তো না সংসারে, কিন্তু আজ, অন্তত আজ, তুই ছাড়া আর কিছুই তার চিন্তনীয় নয়। দেখেছিস, একবার দেখেছিস তার চেহারা? এই শরীরে কেউ ট্র্যাভেল করবার রিস্ক নেয়, নিতে পারে? কিন্তু তবু, শুধু তোর জন্তে, তোকে একবার দেখবার জন্তে, তোর কাছে ক্ষমা চাইবার জন্তে, সে আজ মরতে পর্য্যন্ত প্রস্তুত। তার ওপর এতোটুকু মায়া দেখাতে গেলে তোর মহিমা একেবারে ভস্মসাৎ হ'য়ে যাবে? আমি ভাবছি ললিতা, তোর এতো অহঙ্কার কেন, কোথায় তুই এতো নির্ভরতা শিখলি?

ললিতা সেই মুহূর্তে কোনো কথা বলতে পারলো না, এর উত্তরে কী-বা সংসারে বলবার আছে মানুষের?

কিন্তু তার ঠোঁটে ধারালো একটি হাসি বিজ্রপে রেখায়িত হ'য়ে উঠলো; সে বললে,—আমিও ভাবছি এমন একটা কাণ্ড হিন্দুত্বের রাজ্যে কী করে' ঘটতে পারলো অকারণ, আর সেই বা আজ কোথায় শিখলো এই অমানুষিক করুণা? একদিন আমারই জন্তে শুনেছিলাম সে সমস্ত কিছু ত্যাগ করে' বাইরে বেরিয়ে পড়েছিলো, আজো শুনিছি আমারই জন্তে সে পাগলের মতো ঘরের টানে ফিরে এসেছে। কিন্তু ধরো, মাঝখানে আমি যদি না থাকতাম?

## ঢেউয়ের পর ঢেউ

ধরণীবাবু সাত-পাঁচ কিছু ভেবে উঠতে পারলেন না : তুই, তুই  
আবার কোথায় বাবি এখান থেকে ?

—বাই নি, কিন্তু যেতে তো পারতাম, বাবা, আমিও তো কারো  
জন্তে তারই মতো অনায়াসে সন্ন্যাসী হ'য়ে যেতে পারতাম ! ললিতার  
হুই চোখ অশ্রুজলে জ্বলতে লাগলো : সে কী করে' জানলো আমি  
একটা অনড় জড়পদার্থের মতো চুপ করে' এখানে বসে' আছি—  
আর কিনা তারই প্রতীক্ষায় ? কী করে' জানলো বলো, এখানে  
এসে সে আমার দেখা পাবে, আমার কাছে ইচ্ছে করলেই ক্ষমা চাইতে  
পারবে, আমি তাকে সেবা করবার জন্তে হুই হাতে প্রস্তুত হ'য়ে বসে'  
আছি। আমার এখানে এমনি চুপ করে' বসে' থাকবার কথা নয়,  
বাবা, ললিতা গম্ভীর হ'য়ে গেলো : তাকে স্পষ্ট বলে' দাও, ললিতা  
এখানে নেই, ললিতা বলে' কোনোকালে কোনো মেয়ে এখানে  
ছিলো না।

—কিন্তু আর তার উপর কেন রাগ করছি, যা ? অসহায়তার  
শেষ সীমানায় এসে ধরণীবাবু তাঁর কণ্ঠস্বরে ভেঙে পড়লেন ; ললিতাকে  
কাছে আকর্ষণ করে' ম্লান গলায় বললেন,—সে আজ তোর কাছে  
অত্যাচারীর বেশে আসে নি, নিতান্ত অপরাধীর মতো এসেছে। তার  
আজ কিছু দাবি নেই, শুধু ভিক্ষা—এইটুকুনো তুই তার পূর্ণ করবি নে ?

ললিতা নিশ্চিন্ত গলায় বললে,—আমিও এমন কিছু নির্দোষতা দিয়ে  
তৈরি ছিলাম না, বাবা। আমিও হয়তো ভিক্ষা করতে পারতাম, আর  
তা পূর্ণ না হ'লে পৃথিবীর মুখ বিশেষ অপ্রসন্ন হ'তো না।

—স্বামী বলে'ই যদি তার উপর তোর এতো অভিমান জমে' উঠে  
থাকে, ললিতা, ধরণীবাবু তাকে আদর করতে-করতে বললেন,—শুধু,



## চেউয়ের পর চেউ

একমাত্র মানুষ হিসেবেই তাকে তুই স্বীকার করে' নে। একজন নিঃসহায়, রুগ্ন, নিরাশ্রয় মানুষ আজ তোরা কাছে প্রার্থী হ'য়ে দাঁড়িয়েছে। মানুষের এমন একটা অসহায়তার দিনে পরমতম শত্রুও তো তার মনুষ্যত্ব বিসর্জন দিতে পারে না। তবু তো এ তোরা স্বামী, একদিন এরই হাতে তোকে আমি সমর্পণ করে' দিয়েছিলাম! সে-সম্পর্কের গুরুত্ব আজ যদি তুই না-ই বুঝতে চাস্, তবু মহীপতি এমনিতে আজ একজন রুগ্ন, অসমর্থ মানুষ—মানুষহিসেবে তোরা কাছ থেকে এইটুকু মনুষ্যত্ব সে দাবি করতে পারে না?

ধরণীবাবুর কাঁধে মুখ লুকিয়ে ললিতা হঠাৎ ফুঁপিয়ে উঠলো।

—এটা এখন কাঁদবার সময় নয়, মা। ইচ্ছে করলে তাকে এখনো বাঁচানো যেতে পারে, ইচ্ছে করলে তুই তাকে এখনো বাঁচিয়ে তুলতে পারিস। একজনের জীবন, একজনের জীবন্ত হ'য়ে ওঠা, আজ তোরা হাতে। আর সে শুধু একজন নয়, মা, তোরা স্বামী! চল, তার কাছে গিয়ে একটিবার বসবি, সে তোকে দেখবার জন্তে খুঁজে বেড়াচ্ছে।

এমন সময় হস্তদন্ত হ'য়ে নটু ছুটে এলো। বললে,—শিগুগির এসো বাবা, মোটরে করে' সাহেব-ডাক্তার এসেছে।

ধরণীবাবু ব্যস্ত পায়ে নিচে নেমে গেলেন।

হায়, মানুষের অদম্য কৌতূহল, মোটরের থেকে মহীপতিকে যখন ধরাধরি করে' প্রথম নামানো হয়, তখন জানলায় দাঁড়িয়ে, বোধকরি

## চেউয়ের পর চেউ

নিজেরো অলক্ষ্যে, ললিতা তাকে দেখেছিলো। তখনো তার শরীর নিঃশব্দ হাহাকাারে ছিঁড়ে পড়ছে, অসহায়তার ভারে ঘরের এক কোণে সে ছিলো বসে', কৃপীভূত হ'য়ে, তার চোখের সামনে অন্ধকার গলে'-গলে' কখন ভোর হ'য়ে গিয়েছিলো কিছু তার খেয়াল নেই; অথচ যখন বাড়ির দরজায় মোটর এসে দাঁড়ালো, শোনা গেলো বহু কঠোর মিলিত ব্যস্ততা, বাবার উত্তেজিত কথাবার্তা, কখনো বা উদ্বিগ্ন কাতরোক্তি, তখন সে পারেনি আর চুপ করে' বসে' থাকতে, পারে নি একটু না-দাঁড়িয়ে জানালার ধার ঘেঁসে। সত্যি কে এলো? সত্যি কে জানি এলো। সত্যি মহীপতিই এলো কি না। কী করে' সে আসতে পারলো নির্লজ্জের মতো? সরেসির এখন কী রকম না-জানি চেহারা হয়েছে!

মহীপতিকে চিনতে তার আর চোখের পলক ফেলতে হয় নি। বিছানায় শোয়া অবস্থায় তাকে চারজন লোক বাড়ির মধ্যে খুব আন্তে-আন্তে বহন করে' নিয়ে আসছে। চামড়া দিয়ে মোড়া অসংলগ্ন কতোগুলি হাড়—মুর্গিমান একটা আতঙ্ক। ললিতা ক্ষিপ্ৰ হাতে জানলাটা বন্ধ করে' দিয়েছিলো, রাগে, অপমানে, বেন বা অসম্ভব হতাশায়। সামান্য ঐ এক আঁটি হাড়ের কিনা এতো ভার, এতো অবহনীয় উৎপীড়ন! এমন কি, মৃত্যুতেও সে তার জন্তে এতোটুকু মুক্তি রাখলো না? এতোকাল বিস্মৃতি দিয়ে শাসন করে' এসেছে, আজ নিয়ে এসেছে মৃত্যুর উপদ্রব? ললিতা দুই হাতে জানলাটা বন্ধ করে' দিলো। পথে সে এর চেয়ে আরো অনেক দুর্দর্শ রোগ দেখেছে, অনেক ক্লিষ্টতা, অনেক মৃত্যু, কিন্তু কোনোদিনই সে ঝাঁপিয়ে পড়েনি তাদের সাহায্যে, এক তিল সহানুভূতিতে হয় নি প্রসারিত। এই আগন্তুকই বা তার কে?

## চেউয়ের পর চেউ

বিশাল জনতার সমুদ্র থেকে উৎক্লিষ্ট শুধু একটা চেউ। ললিতা নির্ভুরতায় লেগেছিলো জলতে।

নটু তখনো সামনে ছিলো দাঁড়িয়ে। দিদির দিকে এক পা এগিয়ে এসে বললে,—তুমি গেলে না, দিদি ?

ললিতা চমকে উঠলো : কোথায় ?

—নিচে। বেথানে কুগীর ঘরে সবাই ভিড় পাকিয়েছে। নটু ব্যস্ততায় উদ্বেল হ'য়ে উঠলো : তোমাকে যে বার-বার করে' বেতে বলে' দিয়েছে।

ললিতা অত্মমনস্কের মতো বললে,—কে ?

—কে আবার ! যার খুব অসুখ, যে আজ এসেছে আমাদের বাড়ি, যাকে দেখতে এসুনি একটা ডাক্তার এলো মোটরে। তুমি দেখ নি, দেখ নি তাকে, দিদি ?

—কী বলে' দিয়েছে সে ? ললিতা বেন নটুর মুখের উপর গর্জন করে' উঠলো।

—বা রে, আমার কী দোষ ! নটু মুখ কাঁচুমাচু করে' বললে,—আমাকে ডেকে বললে, খোকা, তোমার দিদিকে একবারটি ডেকে দিতে পারো ? বলো সে তাকে আমার নাম করে',—সত্যি সে আমাকে বললে দিদি, বললে—আমি হয়তো, আমি হয়তো অসুস্থ বাঁচবো না। বেশ, নটু এম্বার ললিতার শিখিল একটা হাত ধরে' টানাটানি করতে লাগলো : বেশ, আমার কথা বিশ্বাস হয় না, তুমি চলো, তাকে জিগ্মস করে' এসো, সত্যি সে তোমাকে ডেকে দিতে বলেছিলো কিনা—

হাতটা ছিনিয়ে নিয়ে ললিতা ধমকে উঠলো : বা, শেষকালে তোকেও

## চেউয়ের পর চেউ

ফৌপদালালি করতে হ'বে না। যা, সাহেব-ডাক্তার এসেছে, ঠাথ্ গে সে কী বলে !

কিন্তু জানা গেলো, সাহেব-ডাক্তার ধরনীবাবুকে বিশেষ আশাবিত্ত করতে পারেন নি। এখন শুধু নাকি ঈশ্বরের করুণা।

আশ্চর্য্য, আজ ললিতাই কিনা মহীপতির ঈশ্বর। এবং এই ঈশ্বরের সন্ধানই ছিলো নাকি একদিন তার জীবনের পটভূমি রচনা করে'। আশ্চর্য্য, তারই নাকি করুণার কোনো অন্ত নেই, তাকেই কিনা সেই অরূপণ করুণায় আজ অব্যবহিত হ'য়ে উঠতে হ'বে। অথচ এতোদিনে, আজ ভোর হওয়ার আগেও সে মরতে পারলো না, না বা পারবে সে তার এই লাঞ্ছনার গ্রাঘ্য প্রতিশোধ নিতে। তাকে আজ সে সবলে একরাশ ঘৃণ্য আবর্জনার মতো প্রত্যাখ্যান পর্য্যন্ত করতে পারবে না। সেদিন ছিলো বা যদি সে দম্ভ্য তার উদ্ধৃত বৈরাগ্যে, আজ সে অক্ষম, অমুদ্রায় শিশুর চেয়েও দুর্বল—হু' জায়গাতেই ললিতা হেরে গেলো। সেদিন সে তাকে ফিরিয়ে আনতে পারে নি, আজো পারবো না ফিরিয়ে দিতে। বারে-বারে সেই-ই কেবল ফিরলো।

আজ মহীপতি নাকি সামান্য একজন মানুষ—আর, পৃথিবীতে মানবজাতি নামে মাত্র একটাই নাকি চিরন্তন জাতি আছে। সে তোমার কাছে—আজ সেই মহান সমধর্ম্মিতার নামে সামান্য একটু সহানুভূতি চায়, মানুষ হ'য়ে কী তোমার সাধ্য ভূমি সেই মনুষ্যত্বে না প্রসারিত হ'য়ে ওঠে। সে যদি আজ রুগ্ন, ভুলে যেতে হ'বে তোমার রুগ্নতা: সে যদি আজ মরণোন্মুখ, ভুলে যেতে হ'বে ভূমিও একদিন মরতে চেয়েছিলে। স্বামী হ'বার আগে মহীপতি কেন তার কাছে সম্পূর্ণ একটি মানুষ হ'য়ে ওঠে নি, একদিন ললিতার এই ছিলো

## চেউয়ের পর চেউ

অভিযোগ। বিধাতা সেদিন জেগে ছিলেন—আজ মহীপতি তার কাছে সেই অপরিচিত, সেই অব্যাহত, সম্পূর্ণ মানুষ হ'য়েই দেখা দিয়েছে।

উপায় নেই, ললিতাকে যেতে হ'লো নিচে, মহীপতির ঘরে। তার শরীরের সেই অবস্থায় তাকে উপরে তুলে আনা সম্ভব ছিলো না। সৌরাংশুর বিশৃঙ্খল ঘরে, আপাততো তারই তত্ত্বপোষের উপর, কোনো রকমে একটা বিছানা করে' তাকে শুইয়ে দেয়া হয়েছে।

সেই সৌরাংশুর ঘরে ললিতা আবার নেমে এলো। এবারো ভয়ে-ভয়ে, প্রতি পায়ে থেমে-থেমে। এখনো এই দিনের আলো সেই অন্ধকারের মতোই আতঙ্কিত। দেয়ালে-দেয়ালে এখনো সেই কলনাব অশরীরী ছায়া ছলছে। সমস্ত শূন্যে তেমন নির্জ্ঞানতা রয়েছে ঘন হ'য়ে।

শুধু তার বেশ-বাসেই নেই সেই ছটা, মুক্তির সেই বিস্ফারণ। সে যেন তার অস্তিত্ব থেকে নিশ্চিহ্ন গেছে মুছে, তার পরনের সাড়িটা যেন স্তব্ধ একটা কবরের আন্তরণ। সে যেন বহন করেছে না তার শরীর, তার শরীরই তাকে টেনে নিয়ে চলেছে, যেমন বাঘের মুখে তার অসহায় শিকার।

মহীপতি রোগা, অশুট গলায় জিগ্গেস করলে : কে ?

কাল বে জায়গায় এসে সে দাঁড়িয়েছিলো, অলক্ষ্যে সেইখানটিতেই ললিতা সরে' এলো।

—ও! তুমি? মহীপতি চাঞ্চল্যের মুহূর্তে চেষ্টা করলে, কিন্তু শরীর তাকে উঁচু বসতে দিলো না। স্বপ্নের কোন দূরত্ব থেকে তরল প্রায় প্রসন্ন হয়ে বললে,—এতোক্ষণ এক দৃষ্টিতে আমি এই সাদা দেয়ালটার দিকে চেয়ে ছিলাম। আমি জানতাম, তুমি আসবে। আমি জানতাম তুমি না এসে থাকতে পারবে না।

## চেউয়ের পর চেউ

এতো সহজে ললিতা তার ফণা গুটোতে পারলো না; বল্লে, জ্বলে' উঠে বল্লে,—কিন্তু আমি জানতাম না তুমি আবার এখানে আসতে পারো।

—আমিও জানতাম না। মহীপতি বিশীর্ণ একটু হাঁসলো: কিন্তু প্রচণ্ড প্রকৃতির পরিহাস। এই নির্ভুর বহিঃপ্রকৃতির। সন্নেসি হ'লে কী হ'বে, তাকে জয় করতে পারলাম না। আমাকে ধরলো এসে এই কালরোগ, সেইদিন আমার প্রথম মনে পড়লো, সন্নেসিরো শরীর আছে। আর শরীর যখন আছেই, তখন কী হ'বে তাকে অতিক্রম করার দুঃসাধ্য পরিশ্রম করে' ? এক নিমেষে স্লামার সমস্ত গর্ব শেষ হ'য়ে গেলো, আমি হেরে গেলাম। শরীরের সঙ্গে পেরে উঠলাম না। পারলাম না তাকে ছাড়িয়ে যেতে। চোখের সামনে দেখছি আমার সেই পরাজয়ের বিভীষিকা। মহীপতি ক্লান্তিতে আচ্ছন্ন হ'য়ে এলো, বল্লে,—আর শরীর যে আমাদের কী অমূল্য সম্পদ এই কথাটা কতো পবে বুঝতে পারলাম।

ললিতা তার দিকে শূণ্যায়মান চোখে চেয়ে রইলো। বিশ্বাস করায় না এমন পরাভব, চেনা যায় না এমন দারিদ্র্য। কোথায় সেই বলিষ্ঠ কাস্তি, কোথায় বা সেই তার মহীয়ান দৃপ্ততা। জীর্ণ একটা কঙ্কাল-বিশিষ্ট হ'য়ে পড়ে' আছে। কোথাও এতোটুকু স্পর্শের নিমন্ত্রণ নেই—রাশীভূত আবর্জনা। তার নিশ্বাস লেগে ঘরের সমস্ত হাওয়া যেন পঙ্কিল, অপরিচ্ছন্ন হ'য়ে উঠেছে। তার এই শারীরিক উপস্থিতিটা যেন মূর্তিমান একটা পাপ। তার অস্বাভাবিক অবস্থিত একটা চরিত্রহীনতা। ঘৃণায় ললিতা আশরীর দগ্ধ হ'য়ে যেতে লাগলো।

—আমি সেই নির্জনতায় বসে' কিছুতেই মরতে পারলাম না,

## চেউয়ের পর চেউ

মহীপতির দুই নিশ্চল চোখ বেদনার দীপ্তিতে হঠাৎ বিহ্বল হ'য়ে উঠলো : যখন শত সন্ধ্যাসেও নব্বয় শরীরকে কিছুতেই বশীভূত করা গেলো না ললিতা, তখন আমার সমস্ত কথা মনে পড়ে' গেলো— বাঙলা-দেশের কথা, বাড়ি-ঘরের কথা, তোমার কথা।

ললিতা দেয়ালের সঙ্গে মিশে গিয়ে বললে,—দয়া করে' আমার কথা আর মনে করতে গেলে কেন ?

মহীপতি যেন স্বপ্নে কথা কইতে লাগলো : যদি বিশ্বাস করো ললিতা, তো বলি সবাইর আগে তোমার কথাই মনে পড়লো, যেমন গভীর ছুঃখের সময়ে ঈশ্বরের কথা মনে পড়ে। তুমি জানো না তোমাকে দেখবার জন্তেই আমি এই অসুস্থ দেহে প্রথম বাড়িতেই গিয়ে উঠেছিলাম, কিন্তু শুনলাম তুমি সেখানে নেই। চোখ দিয়ে ললিতার নাগাল পাবার জন্তে মহীপতি কাং হ'তে চেষ্টা করলো, কিন্তু শরীরে নেই এতোটুকু প্রশ্রয়। বললে,—বাবা-মা সেবা-চিকিৎসার তুমুল একটা আয়োজন করলেন, কিন্তু মন না ভরলে শরীর সারবে কী করে' ? মা-কে তোমার কথা জিগ্গেস করলাম, শুনলাম—তোমাব সঙ্গে তাদের সম্পর্ক নাকি উঠে গেছে, তোমার নাম উল্লেখ করাও নাকি ভীষণ কলঙ্কের কথা।

ললিতা জলে' উঠলো : কেন, তা জিগ্গেস করেছিলে ?

—করেছিলাম। প্রশান্ত গলায় মহীপতি বললে,—কিন্তু তাতে তোমার ওপর আমার ভক্তি আরো বেড়ে গেলো, ললিতা। শুনলাম, তুমি আমায় কায়মনোবাক্যে অস্বীকার করেছ, যা-কিছু তোমার জীবনে মৃত, অপমৃত, তার প্রেতমূর্ত্তির তুমি পূজা করতে চাও নি ! খবরটা শুনে আমি অন্তত আহত হইনি, ললিতা, বরং,—মহীপতির

## চেউয়ের পর চেউ

গলা মমতায় কোমল হ'য়ে এলো : বরং তোমার প্রাণের উদ্ভূত পরিচয় পেয়ে তোমাকে যেন আমি আরো গভীর ভালোবেসে ফেললাম।

পাথরের গায়ে উৎকীর্ণ একটা মূর্তির মতো অটুট রেখায় ললিতা দাঁড়িয়ে রইলো।

—আমি ভেবে পাচ্ছি না ললিতা, আমার শরীরের এই অবস্থায় কী করে' আমি এতো কথা অনর্গল বলে' যাচ্ছি। মহীপতি চোখ দিয়ে ললিতাকে আবার ছুঁতে গেলো ; বললে,—তোমাকে পাবো না, এই সত্যটি যেন আমাকে তখন থেকে ক্ষণে-ক্ষণে আলোড়িত করতে লাগলো, তোমাকে আমি চাই। মা-কে বললাম, তোমাকে কোনরকমে নিয়ে আসা যায় কিনা। কিন্তু যে আমাকে অপমান করেছে, বাবা-মা ক্ষিপ্ত হ'য়ে উঠলেন, তার নিষ্কাশ পর্য্যন্ত তাঁরা সহিতে পারবেন না, আমারই বা কেন এই অশোভন পক্ষপাত ? আমি তাঁদের কোনো কথা শুনলাম না, ঝগড়া করলাম, লোকজন জোগাড় করে' পালিয়ে এলাম কলকাতা। তখনো আমার গায়ে যেন কিছুটা সামর্থ্য ছিলো, কিন্তু এখন একেবারে ভেঙে গেছি।

—সত্যি, তোমারই বা কেন এই অশোভন পক্ষপাত ? ললিতা মলিন, ত্রিফল গলায় বললে,—যখন তোমাকে আমি অপমান করেছি জানলে তখন সমস্ত সম্পর্ক তুলে নিয়েছি একেবারে, তখন কেনই বা তুমি এইখানে আসতে গেলে ? তোমার শরীরের কী বিপজ্জনক অবস্থা তা তুমি জানো না ?

—তুমি আমাকে অপমান করেছ ? মহীপতি মতো তার দিকে চেয়ে রইলো : তুমি যে আমাকে সত্যি অপমান করতে পারিলে, সেইখানেই তো আমি মূল্যবান হ'য়ে উঠলাম, তখনই তো আমার



## ঢেউয়ের পর ঢেউ

বাঁচতে আবার ইচ্ছে হ'লো। আমাকে যে অপমান করতে পারলে, সেইখানেই তো তোমার মহিমা, ললিতা। সেইখানেই তো তুমি সুন্দর। সেইখানেই তো তুমি পবিত্র।

—আমার কাছে তুমি তবে এখন কী আশা করতে পারো ?  
ললিতা নয়, ঘরের দেয়াল যেন কথা কইলে।

—আমি কিছুই আশা করি না। আশা করবার আমার স্পর্ধাও নেই কোনো। শুধু তোমাকে আমি একটিবার দেখতে এসেছি। মহীপতি শিশুর মতো সরল কাজুতায় বললে,—একটিবার আমার কাছে এসে বসবে, ললিতা ?

ললিতা আপাদমস্তক পাথর হ'য়ে গেলো, যেন কে তাকে ধাক্কা দিয়ে ময়ূরের উপর ছুঁড়ে মেরে চূর্ণ-বিচূর্ণ করে' দিলে। তার আর যেন একাবন্দু চঞ্চলতা নেই, যেন সে পুঞ্জীভূত একটা ভার হ'য়ে উঠেছে। সেই ভার যেন সে সহসা মহীপতিকে লক্ষ্য করে' নিষ্ক্ষেপ করলে। কোনোদিকে তাকিয়ে দেখলো না, চারদিকের অন্ধকার, অবরুদ্ধ দেয়ালের একটা দুর্বল অংশে মাথা কুটে সে একটা বাতায়ন সৃষ্টি করতে গেলো। কে জানে হয়তো সেই ছিদ্রপথ দিয়ে সমস্ত আকাশ তারউপেক্ষের সামনে উন্মুক্ততায় উদ্ভাসিত হ'য়ে উঠবে। ললিতা গাঙ্গীর্ষ্যে ঈর্ষ হ'য়ে দাঁড়ালো, রুদ্ধ, কঠোর গলায় বললে,—না। আমি, আমি কলঙ্কিত।

—তুমি কলঙ্কিত ?

—হ্যাঁ, কিন্তু একজনকে ভালোবাসি।

—তুমি একজনকে ভালোবাসো, সেইজন্তে তুমি কলঙ্কিত ? রোগা, বিবর্ণ মুখে মহীপতি অদ্ভুত হেসে উঠলো : কে বললে ! আমরা চেয়ে

## চেউয়ের পর চেউ

কলঙ্কিত তুমি ? আমারো চেয়ে অশুচি ? আমার এই রোগ, এই জরা, এই পরাজয়—এর চেয়ে কলঙ্ক, এর চেয়ে পাপ আর কিছু থাকতে পারে পৃথিবীতে ? তুমি ভালোবাসো, তুমি ভালোবাসতে পারছ, এই তো তোমার গোবব, ললিতা । মহীপতি দুই চোখে আকুল হ'য়ে উঠলো তবু, হোক, তুমি একটিবার আমার কাছে এসে বসবে ? আমার প্রতি তোমার এই ঘৃণা, অত্থের প্রতি তোমার সেই ভালোবাসা, তোমার যাক্তিস্থের এই পবিত্রতাকে একটিবার আমাকে স্পর্শ করতে দেবে, ললিতা ?

ললিতা যেন এক নিমেষে শূন্য হ'য়ে গেলো, নিরস্ত, নিঃসহায় । পারবে নিচে দাঁড়াবার তাব আর নেই মাটি, উর্দ্ধে হাত বাড়িয়ে আঁকড়ে ধবাব তাব আব নেই কোনো আকাশ । শুধু সামনে শূন্য একটা তন্তুপোলের উপর মহীপতি আছে শুয়ে ।

মহীপতি আবার বললে,—তুমি যে আমাকে অস্বীকার করতে পাবলে, আমাকে উল্লীর্ণ হ'য়ে যেতে পারলে, সেইখানেই তো তুমি দাঁপ্ত, অকলঙ্ক । আমার জন্তে যে তুমি প্রতীক্ষা করে' থাকো নি নিশ্চল পঙ্গুত্ব, তুমি যে প্রসারিত হ'য়ে পড়েছ চেতনা থেকে চেতনায়, আবিষ্কার করেছ নিজেকে নিজের রহস্তে—সেইখানেই তো তুমি বাচকে বঁকে উঠেছ । তাই তো তুমি একান্ত করে' সত্য হ'য়ে উঠেছ । তাই দেখেই তো আমি এই অস্থখ নিয়েও এখানে ছুটে এসেছি । আমিও তাই আর এ-মুহুর্তে ব্যর্থ নই, ললিতা ।

ললিতা স্বপ্নাবিষ্টের মতো ধীরে-ধীরে এক গলো ! বললে,—কী বলছে নিজেই তার সে কোনো অর্থ খুঁজে পাচ্ছে না : আমার মনেও এই পবিত্রতন কি তুমি যেনে নিতে পারবে না ?

## চেউয়ের পর চেউ

—প্রচুর মেনে নিতে পারছি, মনে-প্রাণে কবছি আমি এই প্রচুরতরো সম্মান। মহীপতি বিছানার উপর আস্তে তার একখানি হাত প্রসারিত করে দিলো : জীবনের বিচিত্রতরো সম্ভবনীয়তাকে, আমার চেয়ে এ-মুহুর্তে কেউ আর বেশি প্রজ্ঞা করতে পারছে না, ললিতা। আমার শরীরে, সেই আমার সবল প্রকল্প শরীরে, এই পরিবর্তন হ'তে পারে, আমি তা কখনো ভাবতে পুরাতম—আমি তার কাছে মন, তোমার মন—মানুষের মন! মহীপতি দীর্ঘ একটা নিশ্বাস ফেললো : আমার এই শরীরের কুৎসিত পরিবর্তনেও চেয়ে তোমার মনের সেই রূপান্তর কতো সুস্থ, কতো সুন্দর, কতো ঐশ্বর্যময়। ও কী ললিতা, তোমার চোখে জল কেন? মহীপতি অস্থির হ'য়ে উঠলো : না, না, তোমার কিছু ভয় নেই, আমি তোমার জীবনে বাধা হ'বো না, বরং সংসারে তোমার সেই সত্যকে আমি প্রতিষ্ঠিত করবার সাহায্য করবো। কিছু তোমার ভাবনা নেই, আমার মতো শত-লক্ষ এই হেরে যাওয়ার চাইতে তোমার মতো একটি সার্থকতায় জীবনের সমস্ত সৃষ্টি ধস্ত হ'য়ে ওঠে। আমি তোমার কেউ নই, কিছু নই, আমাকে তুমি ভয় কোরো না, আমি চিরকাল সত্যের পূজা করে এসেছি, তোমার এই সত্যকেও আমি প্রজ্ঞা করবো, ললিতা।

ললিতা কোনো কথা বললো না, ধীরে-ধীরে তার বিচলিত চোখে এসে বসলো। তার নির্দোষিতা ছই চক্ষু থেকে অশ্রুর দীর্ঘ ছায়া ধারা নেমে এসেছে।

—তোমার ভয় বা দ্বন্দ্ব করবার নেই। আমি সেদিনো কোথাও মুছে গিয়েছিলাম, আজও তেমনি মুছে যাবো। শুধু তারই আগে দেখেছিলাম তোমার এই সত্যের উদ্ঘাটন। কিছুই

## চেউয়ের পর চেউ

আমার কাছে আমার আর আশা নেই, ললিতা, শুধু তুমি তোমার উদ্ধৃত হ'য়ে ওঠো। তোমাব সেই জ্যোতিষ্মততা দেখবার জন্তেই তো আমি এসেছি, আমি একটু স্থস্থ বোধ করলে কালকেই আবার আসি' যাবো না-হয়।

ললিতা সন্তুর্পণে মহীপতির কপালের উপর একখানি হাত রাখলো।  
ললিতা কোমল, সেবায় বিনম্র একখানি হাত।

শি ক্লান্ত, আচ্ছন্ন গলায় বললে,—পৃথিবীর সমস্ত প্রাণে যে নিয়ম অব্যাহত হ'য়ে বিরাজ কবছে, মানুষে আর গাছে, পশুতে আর পতঙ্গে—সেই প্রেম, তোমার প্রেমকে আমি কক্থনো অশ্রদ্ধা করতে পাববো না। ইন্দ্রিয়েব রশ্মিজালে সেই অতীন্দ্রিয়ের আরতি। সেই প্রাণনাথ প্রতি মুহূর্ত্তে নিজেকে অতিক্রম কবে' যাওয়া, সেই বিশ্বদয়, সেই অপরিপূর্ণতা। আমিও হয়তো একদিন তাবই সন্ধানে যাত্রা কবেছিলাম। আমি না হয় ফিবে এসেছি, কিন্তু তুমি থাকবে কেন, তুমি কেন চোখেব জল ফেলছ ?

মহীপতির কপালে ধীরে-ধীরে হাত বুলতে-বুলুত ললিতা বললে,—  
কতকি বেশি কথা বোলো না, ডাক্তার তোমাকে সম্পূর্ণ বিশ্রাম নিতে বলে'ছেন।

—কিন্তু আমার কান্দবে না বোলো ? মহীপতি সেই একখানি হাত হাত বুলুতে থা'য় কান্দতে থা'বে।

—না আমি কান্দবো কেন ? ললিতা শুকনো, শূন্য চোখে চেয়ে  
কিন্তু আমার আর কী হুঃখ।







